

寫周興嗣千字於公何所不可然常嫌千字太鄙俚若
欲刻石用高尺許卷軸草黃庭亦可耳草書大字古無
此法近世唯張長史僧懷素時七作數字耳其餘皆俗
書也公好書如嗜欲要須蟬蛻塵埃之間玩思高古乃
可以垂世傳後耳方治元明行橐奉狀草草
某頓首寒燠不節比來體力何似益老得從容齋館想
少慰大草殊非古古人但作小草爾故有意學草當學
草小字今法帖中有張芝書狀二十許行索請急就草
數行清絕瘦勁雖王家父子當歛手者也公必欲求善
工刻字當奉為書小草黃庭須得意輒作數行耳今日
欲學草書當求智永千字文五百許字其半王著足成
者此小草迺無俗氣爾餘不足學也

某頓首比辱車馬肯淹留良以為慰共飯蓬藿之間藜
藿滿筯又以為愧早來衝冒風寒體力佳否承手誨勤
懇感慰所須諸字若得暇一日之功或無思則數月要
須獲麟於未發前耳天氣昏濁亦增老倦奉荅草草
某頓首承遠歸心於禪蛻何慰如之可試看楞嚴圓覺
經反觀自己是何道理既為大丈夫須有大丈夫事有
麼有麼右皆家傳

與劉晦叔書二

某頓首再拜晦叔發運吏部九兄閣下黃州一面而別
情深耿耿鄂渚漢陽乃得相從甚慰十年之意行日馳
至江澣承已涉大江但望風馳情耳江夏送到所惠教
并得紫萼糟薑敬佩不忘之意別來未承近問懷仰曷

已謹附承動靜願加珍喬謹勒手狀

黃州幸得一面謂可追舟尾得款語至武口承大旆已
解豈勝悵仰霜冷不審尊侯何如過湖不驚恐否子舍
想皆勝健學問皆有日新之功潭府從來號為少事兄
老於世故文法當迎刃理解解但以詩酒謝江山耳某至
鄂州遂僦屋寓舍諸亦粗遣去雙井才七程耳方阻瞻
承臨書耿耿謹勒手狀伏祈為國自重

右得之其孫伯
虎家藏真蹟

與李端叔書三

別來兩辱書荷恩卹終始不渝方其與魑魅為羣竊伏
草間不忘歎息所以不作書者往時奉九書而不報公
猶不愠在棄捐中宜相貸也奉十二月二十四日手誨
不怒而加勤乃知德人之度久而愈深也又知不卹乖

迕在官事事此雅所期左右者更願守心如珠守口如
餅爾某多病早衰百事不堪向蒙恩遂便郡之請冬後
乃差健遂不敢再請宮祠三兩日暫到雙井二月末後
復至荊州乃趨太平前此計尚得修問得書數幅開闔
累日想見傲睨萬物之容承官暇每從蘇黃門引領歛
歎何時預此清集不肖鬚鬢已白十八九短髮幾不可
會聚求田問舍頗有之亦未如意耳小兒娶婦尚未得
孫女子今已三生矣知命二男三女似有可望者三女
一已嫁其仲亦咄咄逼人矣元明在萍鄉甚安亦有吏
能聲後作虔州獄官監司亦知渠恪而解事然非在黔
戎時語也老來嬾作文但傳得東坡及少游嶺外文時
一微吟清風颯然顧同味者難得耳

數日來驟暖瑞香水仙紅梅盛開明窻淨室花氣撩人似少年時都下夢也但多病之餘懶作詩耳公比來亦游戲翰墨間耶或傳陳履常病且死豈有是乎比得荆州一詩人高荷極有筆力使之陵厲中州恐不減晁張但公不識耳方叔安否

荅俞下洪範帖

所論上黨風俗可病何時不然八風與四威儀動靜未嘗相離也雖古之元聖大智有能立於八風之外者乎欲斷此事當付之党彥進党在許昌有說話客請見問說何事曰說韓信即杖之左右問其故党曰對我說韓信對韓信亦說我矣即公不聞洗耳而已

荅黎暹晦叔書

精一之說筮下未能盡試熟思之日用應世務者是精是麤為一為二便可得之若要作記俟他日從容適有少人事窘迫又作南方數處書故未暇耳

與呂晉父帖三

別後忽復春夏哀苦窮窘多病嬰纏日力不自給久失修問即日初暑不審何如伏惟平易之政民有畏罪懷仁之心訟庭寂然縣齋燕處有以自娛聞代者已在湖口解印想必有期遂有相遠之歎臨書增懷

比辱車騎臨顧恩意良厚適到家日苦賓客有具菲薄不足淹留君子於今愧悚比方掃除巖下草堂日親耨灌林影水聲可以永日恨公不能來爾雙井四瓶皆今年極嫩者又玉沙芽一斤以調護白芽然此品自佳氣

味但未得過梅香色味皆全爾公著意茲想不可欺也
○冬暖而雨天氣未佳不審比來何似伏奉牋記累幅
禮數過當雖懷戢勤重然甚悚仄不敢承也比以舟楫
未治淹留意緒殊不佳遠承津遣開濟行李非仁哀孤
苦安能如是欽服高誼大不可言不肖於公家伯仲有
一日之雅又德占家復聯瓜葛徒以未嘗得望履馬故
不能一通記問今者遭罹大故護喪葬田舍道出貴部
莽然凶麓無緣參候伏惟豈弟之政田里所安縣齋虛
閑寢饋宜適哀苦癯瘠雪寒手涼上狀不如禮伏辛痛
察

與鄭彥能帖

病中聞苦下痢甚憂甚憂昨日見顏色知向安矣但少

服攻擊之劑調飲食之味日向痊矣亦石脂末二錢
白麩二兩半切三刀子軟煮調和羊清汁食之胡給事
云虛勞人不過兩服即成藏府矣河魚毛用大芎二兩
神麩二兩炒為末湯浸蒸餅為丸梧桐子大每服二十
九薑湯下桃紅丸赤石脂二兩細研炮裂乾薑末二錢
和勻湯浸蒸餅丸如梧桐子大每服百粒濃粥飲下日
三服可也

與崧老書

某再拜奉別忽復八年雖於親舊間時聞動靜而奔走
南北無緣作記以修嚮往唯攀仰不忘爾昨兄弟往來
貴部皆蒙勞來甚勤久欲通書道謝而冥頑困於簿領
匆匆至今即日不審何如伏惟邑里安於豈弟犴獄肅

清齋閑時有文酒之樂某竊食於此無以庇民僕被待
蒐除耳未緣參對惟冀自重以須百祿謹奉狀

與王及之賢良帖

某頓首前辱車騎屈臨匆匆未能參候重承書詞稱述
如後進見先進之禮不肖自視歉然實不敢當但愧恐
耳高文三編蒙不以交淺傾囿賜之恩意甚厚爛然盈
目未能得其味但欽仰爾繡川集計多有未輒乞取藏
之春秋論策借留熟觀對客上答不如禮右家傳

與郭明叔提舉書

某再拜頃者使節入城數屈車騎不肖屢造館舍終不
得而如相避然爾後日欲通音記屬親老比來多小不
快人言書尺十常九廢也伏蒙賜教不忘感激感激長

者淹留在外豈獨故人所歎克勤小物以道為準以聽
滌雲之去來敲鐘于宮聲聞于外夫忠信孝友之實孰
能掩之右居石刻

與元陟贊府書二

某頓首頃者與園明款曲極道足下詞學之美潮音未
詳悉動靜殊恨未相識也專人辱書勤懇審王事不至
勞動左右經史何慰如之某蒙恩東歸方爾睽遠臨書
懷仰千萬珍重十二月十三日

彭山風物亦佳否子思在永豐數得相見否其文章學
問意氣骨肉皆當即在臺閣此青雲之士可以附千里
者也仕宦嘗患無師友如此士在旁迹殊不易得也
園明塔銘出於迫猝不能盡其美質顧其大槩不愆其

平生所存耳祭文中具之者銘中更不復出也當路諸公亦有相知能為引重者乎右見石刻

與李承之主簿書二

某頓首自荊州來省伯氏於仁里聞足下鄉部之譽甚美恨未相識也乃辱專使惠書至意傾瀉不見鄙外幸甚幸甚告以從來問學之意知足下不汨於流俗求配於古人士之不自重久矣觀足下所見教者能充其言豈易得也至於推與不肖在先達君子之列則不敢當見彈而求鴉多似足下之過也夏氣暄濁比來日用何如聞醴陵巖邑民頗囂訟佐邑想亦少暇日同僚為誰臭味相投否一舍相望無階修敬謹奉手狀

某頓首惠賜新作一編撥忙三四讀之務當求是論議

有餘佳什也與足下無一日之雅而辱不愛珠玉傾困倒廩以畀之知足下好學絕人遠甚矣士嘗苦貧故從仕之日早又不得明師畏友琢磨成就之故暖妹以一得為足而不免於宋榮子之笑也觀足下學問之氣不倦也故相為言之耳舍弟仲堪尉衡山輒有一書幸拍揮寓遞達之

與李少文書

某辱書勤重知六縣君及諸妹安勝為慰四哥往親迎必每得安書也吾姪性資開爽他日必不居人後惟強學自重讀論語孟子取其切於人事者求諸已躬改過遷善勿令小過在已則善矣適得報當除名臯宜州故急作書遣此僕還極草草千萬自珍自愛

與趙都監帖二

示喻糞除四衢甚蠲潔料才者必爾漫及之爾想比來亦嚴火禁處處瀦水以應星變示修人事敬畏之意前欲作界方亦不必枕榔但得搏木之類亦可有木工所用枕榔曲尺求一枚此裁紙之佳器也

伏暑稍易堪夜中清冷美睡想殊得所但當深思寶護玉體立功名爾所寄尺六觀音紙欲書樂府似大不韻如此樂府卷子須鎮殿將軍與大夫娘對引角盆高揭萬年歡乃相當也一噓漫書一卷大字去耒陽茶磴窮日可得二兩許未能足得瓶子且寄兩小囊可碾羅畢更熟碾數百點自浮花泛乳可喜也須佳紙當奉寄宜州紙只是包裹材器耳彼易得蘼香草豆蔻否所須通

俗樂府得暇當用小牋作一卷子去右皆家傳

與分寧蕭宰書五

某再拜前日得以挹子瞻拜下風所得過於所聞實自開慰時往來屈旌旆實餞實自不皇春氣暄暖不審尊候何如細民不能不辨爭伏惟刃迎縷解終日無事欲作城中二三書輒煩借一小吏能寫牋啓者一日即遣回矣鄙事溷高明悚惕

伏想政成民信邑廷事益清簡時有文酒之樂以謝江山清公棄黃龍而去事勢當爾蓋妙道非悠悠者所知而病廢之聲已滿江西黃龍其餌欲者甚衆耳新公復還雲巖道衆當雍雍肅肅亦助道化不淺也非高明忠信不能成此法緣欵欵雙井弟姪雖每丁寧不知

能不以事涵庭下否每深悚惕也張損郭西水磴間得
願肯減柴餽之害感悚感悚

自頃聞盛德之聲而願見既獲承緒餘淹觀風度更得
懷仁抱義之實恨參對之晚也薄於事役草草上道又
承營從渡江將之顧鄙薄何以承此勤重實深悚惕至
龍潭遇大雨遂宿法昌山未能作誌記乃奉手誨存問
恩意甚厚感感激激雨意未解不審尊候何如謹奉手
狀

今日重屈軒蓋未獲造館下悚惕
揚郎辰伏惟起居
萬福茶一生才可飲五七客乃今三雙井蒸芽第一其
為物薄可比沼沚之毛蘊藻之菜當不以邑子有獻為
嫌也

昨承再請新公住雲巖復留清公西堂坐夏此二公衲
僧之命脉今江湖淮浙吳居二禪之右者公開此法緣
所謂不煩繩削而自合者也現前無量皆宗於此徹底
唯空雖復徹底唯空大用繁興無不重規疊矩此是本
有不從人得雖待心華發明又須得明眼人為證所謂
不得春風花不開者也不審頗疑二道人鑽研此事否
古人所謂唯此一事實其餘可不學而能之也堯率照
公誠如所諭形固可使如槁木志固可使如死灰者也
右見真蹟

答王子厚書四

某再拜前辱書勤懇衰病老癩久不修問惟是懷仰何
日不勤閏餘涉冬天氣小冷比來日用何如亦得世外

蕭洒八與之發明此道否古之人不從流俗之波自致
於深山窮谷非為山川之美與不交世事無憂患而已
蓋欲深明已事關百聖而不愧質鬼神而無疑故於彼
有所不顧耳承山齋頗有書籍時亦挹其義味耶石恪
畫妙絕亦不敢取但欲徧觀公家所藏耳頃至樂豹隱
二榜匆匆書不能工謾往石洞忽告行奉書草草千萬
珍重

辱書勤懇審秋來益得意於江山日用清勝何慰如之
寄惠峨眉笋及梅棗等荷不倦之意然笋以密封皆敗
可惜也借示石恪畫一軸此天下妙筆也熟觀之動人
神爽也宋純時果染色極似趙昌枝葉乃似過之王友
功夫雖到脫洒處蓋不及也然花木之類直得真趙昌

亦不必收本末不能不高耳不審有孫大古佛像鬼神至
湖灘鷺鷥輩否有之俱欲借觀也所寄歐陽文忠雙井
詩詞意未當雙井之價或恐非文忠所作今分上去年
雙井可精洗石礧曝乾頻轉少下茶曰如飛羅麪乃善
煮湯烹試之然後知此詩未稱雙井風味耳未卜面會
惟希珍重謹勒手狀

所寄卷軸老人下筆不喜循界道卷終又寫不盡輒以
一紙續之但如此不自不凡耳二頌語拙意陋謾枉仰
高之意雙井法當以蘆布作巾裹厚均盞一隻置茶其
中每用手頓之盡篩去白毛并簡去茶子乃礧之則茶
色味皆勝也點時淨濯瓶注甘冷泉熟火煮盤盪盞令
熱湯才沸即點草茶劣不比建溪須用熟沸湯也往嘗

作建溪茶曲不審見之否或未見後當寄也
伏承易名以避處冲甚善然寬字亦未甚好輒欲易貴
名為朴可否既與子厚字合又王朴周世宗朝名相其
心術治行超然出一時人中心常竊慕之也右皆家傳

豫章黃先生別集卷第十三



蘇言黃先生別集卷之四

黃庭堅習直

書簡

與劉温如書

答陳敏善書

與孫惇夫書

與輔聖書

與宜春朱不忠書

與中玉知照書四

答王秀才書

與唐孝道書二

與柳毅升書

與范宏父書五

與賈六宅書

與廖方叔帖

與李獻父知府書二

與俞清老書三

與幾道書

與考脩知府書五



與崇寧平老書

與子仁帖

與公蘊知縣書二

與味道明府書二

與子正史君書

與元仲史君書

與宋仙民書

與六祖範老書二

書簡

與劉溫如書

某再拜頃者道出荆渚獲聞日新之論殊慰久別懷仰之心抱被接宿辱知辱愛恩同兄弟副所短闕無所顧惜感刻之情未易一一言也別來不能嗣音想道室宴安不忘鑿寐即日不審體力何如漸得道友否此公雖多機智然探討此道極有根蒂觀諸人錯用心者多也

歐陽元老才器不在人後然學此道最忌半青半黃權須淹浸得透始得與公相從更須發藥雪峯靈雲平生參學不日肯所詳疑深所以不落階級昨日過峽州適值斷臂道者相候不得却歸山中殊恨不與斷却那一臂也無緣一笑故遠寄此千萬珍重

荅陳敏善書

陳君足下因江季共辱書勤懇然戔敬逾禮見處以丈人行則不敢當往在場屋與喬卿同年相近故相視為兄弟實以丈人拜先大夫也又書辭所推與太過亦非所敢當古人有言天下有名立五其二在河南其三在河北涉乎陳衛淮晉之郊所見碌碌諸丘便謂足以當之恐不免為大方之家所笑耳雖然與足下草木臭味

相近也故不得不相語越難之不能為鵠材不足故也
若不肖之材又安能及此豹藏於南山之霧而文章為
國器者不可掩故也若足下之文何患不赫赫於世也
所惠別卷詩詞清麗讀之使人疊疊足下年少方日新
而未已他日不肖方當望奔軼絕塵而歎耳河出崑崙
墟雖其本源高遠矣然渠并千七百然後能經營中國
而達于四海願足下思四海之士以為友增益其所不
能毋務速化而已暑雨方作淮南已卑濕不審比來何
如伏惟侍奉萬福季共來越報書忽忽才能作此記

與孫惇夫帖

某頓首雖參對日淺竊以深識英氣了一郡事游刃有
餘欲服無以為喻報行李促迫不得盡款高論耳晚刻

伏想起居輕安北巖之約已具短牋道之矣來日若雨
作尚可一詣別若晴曉解舟矣千萬珍膏以須遠用

與輔聖書

某頓首廬陝之行忽復四年雖書問不通時得動靜方
聞於南方交舊間耳人來伏奉嚴敬動懇慰慰無量仕
官不遠鄉里定省之樂不廢親側又得文字為識何慰
如之往者行以道途淹留不及永樂之事夫於公至厚
矣想能夙夜文事以銷往者好武之心以為尊府弔之
授學官既無吏責頗得一意於文字想有論著承遠寄
以性懶惰睽遠者幸甚某碌碌中秘書幸得窺金匱石
室亦歲來老嬾無復日新又衆口食貧思得一江湖差
遣使老幼溫飽耳

與宜春朱和叔書

承頗留意於學書脩身治經之餘誠勝他習然敦厚勸戒以防患洗心平生未嘗得侍而情如骨肉他日深念之何以得此於左右豈君子於人望其表而識其裏真以為可教耶竊佩服苦口之規於今不忘日者又蒙賜教淺敬累幅且名以師保內訟缺然尤不敢當多病昏塞眼前記一忘十以是不通書於几下又閱歲矣伏維君子盡人之情知四罪之地無媢人之嫌謹附承動靜且謝不敏謹狀四月日責授涪州別駕黃某狀上某頓首荊州士大夫之淵藪想多得佳士與游諸令弟講學有日新之功邊鄙肅清外臺宴安伏惟薄領不至勞動揚清激濁於使者日有裨益某待罪於此謝病杜

門粗營數口衣食使不至寒饑買地畦菜已為黔中老農耳閑居不欲數與公家相關故不復借書吏作牋記但以手書上答不審能照察此情否悚仄悚仄衰老多病亦不能固封惟痛察

與中玉知縣書四

某再拜往歲得款語於荊州雖無一日之雅而過蒙受之忘其醜遽賜重言自顧缺然何以得此唯君子以虛受故傾倒耳上峽來忽復五年不忘懷仰楊君來重承教書勤懇遠寄衣物欽佩嘉德無有厭斲未緣承教臨書惘然千萬為民自重十二月二十七日

某僦居城南雖小屋而完潔舍後亦有三二畝閑地種菜植果亦有飯後消搖之地所謂園日涉而成趣門雖

設而常閑者也生事雖_辨二竟未能有根本然衣食隨緣薄厚亦自寡過少累耳但以舍弟知命不能樂靜居數出入然流濕就燥水火自有性雖聖人不能易亦命也恐欲知故具之承巴縣已是見闕聞已治裝計歲裏必到官相去數舍舟行可勤書也

令兄君玉想里居宴豫生事更崇成矣文玉黔陽計到任父官况何如邦玉湖南其勢當易得薦章也諸郎頗得學否伯氏已解越州人在揚州嫁一女乃入都謀湖南一縣也馮範數相見經略令稍重以稱創鉅痛深之情衣冠小不如禮猶可惟情文當極乎哀也曾申問於曾子曰哭父母有常聲乎曾子曰嬰兒中道失其母焉亦何常聲之有禮曰女子哭泣悲哀擊胃傷心男子稽顙觸地無容哀之至也公既從仕宜為鄉黨法則衣服言語飲食皆當極哀戚之情使後人有觀焉實不肖之願也滕文公尚能之豈君任不能

荅王秀才書

某頓首承車馬東來將父命以厚遂客實欲高義之歡肩宇有學問之氣恨不能留從容以致琢磨之功然足以占若家父兄之賢也專人辱書禮甚勤某無所可用於此捐棄漂沒豈所敢推以足下家風好賢樂善則可矣惠勸窮_五愛其瘡瘡感佩愛念之意欲分雙井以報嘉德適發數十書遣遠來莊僕未暇及候他便也王定國尚未到計是益州幹事淹留耳足下氣宇甚裕竊揣量之但從師取友之功少讀書未及根本耳深根固蒂然

後枝葉茂導源去塞然後川流長浮屠書云無有一善
從癩情懈怠中得無有一法從驕慢自恣中得此佳語
也願少垂意不加功而談命猶不鑿井而俟泉也此乃
齊智之所知既承傾倒見與故聊助聰明之萬一

與唐彥道書二

某罪逆餘生苟活不死湮伏田里曠絕人事初不知長
者近在隣州不獲修記承問忽辱墜教恩意勤懇承宴
居仁里將十年肩壽康彊知止之風有激貪懦老成之
化功在後進曷勝欽歎即日天氣暄暝伏惟體力輕安
水濱林下不資扶持教舍相望無緣承教臨書增情謹
奉手狀候起居伏冀若時自壽以福遠親

某頓首放逐之迹人所賤鄙道出荊州就親舊少留湯

沐乃辱長者教婦家瓜葛之義顧眄甚勤贖行祖送恩
意不倦中心藏之不可弭忘到黔中來得破寺墻地自
經營築室以居歲餘拮据乃蔽風雨又稍葺教口飽煖
之資買地畦菜二年始息肩以是至今不以書達齋几
惟君子隱居就閑亦簡入事足以照察此心矣某既苦
脚氣不便拜趨因杜門已數月雖鬚白面皺尚能齋粥
如曩時惟懷仰風味則勤爾因人附承動靜

與柳毅升書

某頓首潛伏林泉之下老癩日甚一日又杜門不接人
事所以久不能通書惟長者於某兄弟至厚當能相忘
春氣暄暝即日起居何如伏惟萬福承已外除尚未報
謨投何也黔州風俗誇陋士人絕不知學每思荊州多

士大夫大是樂國耳承天金鑿時有朋游會集否天民
兩遣人到黔州自雙井但不知道出荆渚長者猶在里
中耳江山悠遠臨書增情千萬自重以須陞權附承動
靜

與范宏父書五

某再拜昨旆旌在城東以親老醫藥未閒不得至館下
尚欲再遣騎承動靜而使人即已行公私匆匆因循至
今天氣比來寒暄不常不審南土何如伏惟按部所止
官吏效實鰥寡得告神明之所聽起居百福尚阻參承
臨紙增情謹奉狀願為國自重以須召節

某叩頭伏承下車將閱月惟君子之政樂易使鰥寡皆
得職於窮山田畝之閒代想囂訟之聲不至於庭下齋

閣閑虛起居萬福鄙州江山尚粗足為東南之勝使者
皆中朝名士想復得登臨之助無緣承諸緒言惟有馳
情

孤苦病羸爾然在衰削之中方勤窳窳之役人事幾欲
廢絕且復多故多病欲以書疏通記室者一日臨紙屢
廢稽緩至此非高明孰能察其衰疾之情

春雪苦寒不審尊候何如伏惟忠厚之氣內外受福小
人之桑梓實需餘潤惟是望風懷想之日久未能承教
但馳情耳

私家窳窳之事義當自竭力雖委屬應副有朝旨然百
事裁損不敢以涇州縣實恐以私故病公家耳然差移
兵士亦煩使府多矣熟念誠不自安

與賈六宅書

某頓首承家希有北園在崆峒山下想見氣象雄壯花木成陰也寄惠端叔詩軸甚慰流落之情謾追韻和成衰疾之餘殊無意味都不成詩也旅瑣不能作公銜奉報惟君子能盡人之情故取簡之耳貳車賢明想時有樽俎以謝江山亦足樂耳往在黔中三年見府中極無公事計今尚如此如以才者處之於事修明更勝往時也恨無階一搏對摩園林表耳事冗又賓客紛紛竟和韻不成遂別作一篇也

與廖方叔帖

某頓首雖於左右無一日之雅而相與臭味不遠每喜得聞清談甚慰向往伏奉教魚臆剖羊釀酒而將之以

公銜何其相鄙外而見待以俗禮耶非不肖所望於君子也不敢以公銜効尤謹具狀道謝繼自今往來願去俗禮如送遞書公狀不敢當願深悉深悉右皆家傳

與李獻父知府書二

某再拜伏承使節當還朝計且參臺省之論以慰遠近之望如役法剝錢不得過一分法意甚美使議法者每及此何患不皆為良法耶聞希達當以六月交印不肖比候宣城迂吏往往得附舟尾江上從容耳許借舡至海昏稍令賤累免煩賜實受賜不淺若自炭步溝來三日可至海昏也適以兩日傷暑頭眩上狀不如禮悚仄悚仄

前承寄紙須作草漫寫呈不足觀天慶觀記竊欲自作

一銘大書付吉州刻之何如徧觀古碑刻無有用草書者自於體制不相當如子瞻以峭遍填歸去來終不同律也或此道士欲刻草書即欲草一卷黃庭今刻之何如餘更當面稟耳

右得之嚴父四世孫如晦家庄真蹟

與俞清老書三

某頓首辱書審宴居有以自樂開軒陳書想見柴桑道人甚慰懷仰寄惠荆公自錄詩極荷勤篤不忘景陶軒名未為佳詩云高山仰止景行行止景明也高山則仰之明行則行之耳魏晉間人所謂景莊景儉等從一人差誤遂相承繆耳亦如所謂郡守為一麾也輒為公題為今是軒并寫去某自去年三月已不作詩徐為公作數語并寫淵明詩十數者可作橙張之軒中也秀老歸

未為致千萬意

某頓首得手教承行李到維陽安穩甚慰俗間酒中亦得磊落人知此道者否不肖沈埋於塵土中已成流俗人時時夢想猶有曩時江湖雲月耳思欲弄舟風煙之外嬰縛似未有脫期求懷方外之人自是宿債輕不可更作重以自纏也阻面千里加愛謹奉狀

惠及荆公遺墨入手喟然想見風流餘韻招慶定林之間無復斯人矣親老年來多苦定弱臂痛未能脫然然眠食亦不惡承眷與不淺故及此弟姪輩皆荷甚記感戢感戢

右見石刻

與幾道書

某再拜道出貴部喜於承教伏蒙敦叙親親之義甚厚

遠遠忽復改月何勝懷仰夏暑暄濁不審何如伏惟大
夫人寢膳萬福府中清明事簡不廢溫清并旨之職退
而宴閒吉慶所會區區方抵高安幸無他方遠談席伏
祈為道自重以須陞擢謹勒手狀 右皆家傳

與彥脩知府書五

某再拜春末被旨移戎州謂計日可參候故不復拜狀
而多病就醫藥所至淹留凡三易舟乃得及此比來不
審尊候何如曠旱得雨想少慰憂民之意某捐棄漂沒
衰疾慵惰久在林麓已無衣冠但有幅巾直裰野人之
服恐不可以造公門謹勒手狀承動靜

欽想風流有日邂逅獲奉緒餘少慰臯往不肖放浪林
泉間已成寒灰稿木尚蒙長者過當愛護使立於無悔

之地敬佩嘉意無以為喻重辱手教存問勤懇感激
激區區來日遂行無緣瞻望唯冀為國自壽以須陞用
○流落羈縛邂逅明公為邦辱知辱愛謙重深畏似淡
薄而久長有以見君子之交味也奉別忽踰半年雖修
問不數懷似則勤即日黔州氣候想尚溫燠不審尊候
何如伏惟安靜不擾民以寧一神所扶祐日擁多福無
緣參承臨書馳情無量伏祈為國自重以須超擢謹勒
手狀

比因彭水人回上狀當已徹几下即日暑雨煩溽不審
尊候何如伏惟公平清重民以不擾神之聽之百福所
集某以家第不聽遽別留涪陵忽月餘今日遂成行益
遠齋閣惟有馳情伏冀為民自壽以須陞用謹勒手狀

竊觀鎮靜足以安吏僚清節足以伏吏民郡齋燕閑時
與僚佐歌舞以謝江山當亦無不樂特別後未嘗不思
清對也由涪渝至此遂無酒可敵齋中色味此邦微有
瘴霧日須醇酒幸此旁舍民家頗解醞酒相給耳殿直
想讀書益有功但令屏雜學且以筆墨弓矢為戲令村
蠢老兵為給使久之自當習靜成性矣小子相得一少
年淳謹者與同學稍能勤也

與崇寧平老書

某拜手昨淹留長沙每得雍容道室惟是賓客紛紛勞
費至人又罕得奉清談耳別來何日不懷想道遠難得
便風音訖闕然如化主來辱書勤懇承已作崇寧主人
想見開堂盛集速助忻慶耳寄茶佳惠此方或不與秦

某通人煙石礪亦無但於日子中杵修仁茶煎飲耳所
惠春芽極嫩再見漢官儀也相見無期千萬珍重

與子仁帖

某頓首上承惠顧敬佩厚意暄暍伏想侍奉吉慶承貴
字曰身卿竊不以為然安太尉名字如此已顯又是當
朝貴人不可全用也季札見舞韶樂者曰如天之無不
燾也如地之無不載也夫能大庇萬物者莫盛於仁可
字曰子仁則免學人又無俗氣也不知可否

與公蘊知縣書二

某叩頭不審高安風物何如平生嘗游宦在江西否同
儕可與共溪山之樂乎春氣暄煥即日不審何如伏惟
萬福玉事不至勞動否舅母縣君勝裕某孤露困窮日

在墓次幸無他女睦兒相並附起居禮

某於公家至不踈度相與之意亦不淺被旨至陳留略已六十日終不能作一書承動靜亦知公初領邑事不能不少勞神於簿領書問之闕自可同體相盡尔沈簿吳掾往來問起居之詳每承流問恩意備矣某以繆於史事遠竄黔中罪大恩寬惟有感涕即日俟受命即行無緣會面臨書懷仰千萬為民自重謹奉狀

与味道明府書二

某頓首向承與舍弟書意欲得巫山縣字老懶久之不能下筆今日偶快遂書得然物材皆不如人意且謾往不知堪用不往嘗授大字法於許覺之用退光木板而以胡粉書不可意輒幹去然既可收則意態有餘往往

下筆即可耳然巫山榜以回祿墮敗今此字癡拙有老態則是水上重遲之筆多似可厭勝耳

深源久不聞音問安否此邦士大夫亦多善士思欲得如公高才廓落者一晤語不可得也思古人看羊海上十九年可謂弘度君子矣令弟得近書否小子過蒙齒錄甚不忘往日周旋教載之惠也

與子正使君書

某再拜奉別再見秋暑懷仰何日不勤夏中兩上狀不審皆得徹几下否不雨四十餘日歲事或失望時兩三日甚慰人意想貴部亦霑足秋成有望憂民者可以加餐矣蕭彥和解官去新通判為誰相歡否某寓居蒙免不緣瞻望臨書馳情伏祈為國自重

與元仲使君書

某頓首再拜元仲使君大夫閣下間者往來道出治部
過蒙地主之禮勤重千萬別來懷想何日不勤頃至武
昌即留居完葺民屋久之乃小完以是欲修記不暇即
日春寒不審尊候何如伏惟宴息暇豫千里按堵寢食
之味神所相勞某以避范德孺法當遷居輒欲就貴部
自謀一舍不敢煩公家但不知有責降宮觀人在貴州
否某已具人船聽誨諭乃發耳此行似有親依之便望
路欣欣謹勒手狀承動靜

與宋仙民書

某辱教審持奉萬福為慰竹萌佳惠謹以奉言首以成
公之德施然下得而後想其勤自其

與六祖範老書二

某頓首以衰朽怯人事不能一到成都甚負佳處登覽
然亦是老手漸不喜此曹狡獪耳乃煩輟為人天談道
之光陰翻然一來掃地焚香奉侍數日不知不為世緣
所奪否元監院相隨許時經藏記亦未就但亂寫得十
數軸字歸耳其人曉事幹辦他日若得渠相輔佐甚善
廣之景年及房君所須字各寫得一兩軸并書囊在戎
州不及攜來須到家乃可遣餘事元能道之又相見有
期不復醜縷

某啓前因三學山化主廻奉手狀并漫記一扇不審得
徹禪几否頃人自富義來再奉手誨喜承女居多福比
密師自富義來報成都虛六祖奉待又壽寧僧宗喬自

成都來云公已受六祖疏計不虛傳輒作短疏助佛事
然老嬾不成言語也某寓居處漸完葺內外終不會省
費然厚薄亦隨緣知命欲到成都看藥市此行一費亦
不小亦無處減省耳前所寄諸書甚助荒廢欲隨事未
記數句尚未暇惟悅老語錄常在几案間一日緣會便
下筆矣別作一篇竹軒頌似可觀已付密師去可種竹
於六祖即用之或須別寫即寄本來可也所要文字多
寫在密師處不知化緣道路悉存得否秋熱嬾倦奉狀
不如禮右皆家傳

歐陽文忠公集卷之十五 與趙伯充帖四

書簡

與王立之承奉帖六

與逢興文判官帖五

與宋子茂書六

與知郡朝散書二

與趙伯充帖四

與王澶州書十七

與王子飛兄弟書五

與甥王霖書

荅石信通書

與郭英發帖三

荅蘇大通書

書簡



與王立之承奉帖六

其頓首辱教惠蠟梅并得佳句甚慰懷仰數日天氣驟暖固疑木根有春意動者遂為詩人所覺極歎足下韻勝也比來自覺才盡吟詩亦不成句無以報佳貺但覺後生可畏爾

某缺然不得而甚瞻遲春暄喜承侍奉萬福送花荷切懇然今年來意緒凋落懷此泉下兩玉人不再作無復斯賞矣數日來幸老兒所苦減七八差有生意耳

昨日聞立之輒有雍丘之行以奉甘旨又以暇日篤學問竊以為甚慶然以親老至今未下榻自局中還則問膳飲湯藥未嘗得寸寸餘陰以故不能奉記辱手教審詩奉萬福為慰詩賦論題似不須從人求之但取慶曆

萬題檢取似某題而體制弘大者即可以試筆每舉場所試未有不出於此也

昨日到家即問老親藥餌初不知車馬見辱也繼得手誨審侍奉萬福為慰書藁筆意駸駸頗驚老眼更以書史實之古人豈難到耶蒞苗得奉甘旨拜賜良厚對客奉荅草草

辱教審侍奉熙慶為慰兩氣差涼頗得近文字但苦為俗事所奪耳寄寂齋賦語間秀氣鬱然大為佳作欽歎欽歎然作賦要須以宋玉賈誼相如子雲為師略依放其步驟乃有古風老杜詠吳生畫云畫手看前輩吳生遠擅場蓋古人於能事不獨求跨時輩要須於前輩中擅場爾比以親老時時小不快又身亦多病故百事廢

弛思欲胥踈江湖之上耳如所諭云云皆非鄙人所任
責者但審侍奉萬福為慰所問應舉事恐不必爾士大
夫平居事父兄之餘力固以讀書學文不免為親應舉
得失便有教科寧有利不利耶思義理則欲精知古今
則欲博學文則觀古人之規奉孔子曰觚不觚觚哉觚
哉盛暑嬾出入不欲公冒熱徃來但懷思爾

與逢興文判官帖五

某頃首某放逐棄捐人不備數頃聞君子來佐幕中之
畫欲寓一書承動靜亦以所處蓬蒿岑蔚不能自致忽
奉殘教之辱非所敢當竊審丹御在廷遂有參承之幸
何慰如之方聽罕音伏謁水次謹泐狀起居

某愚約村泉之下人事幾絕每作殘啓輒當煩公家借

書吏比來更欲省煩遂不能作牋報人竊惟公崇之禮
文貌盛而忠信薄故輒闕之謹以手狀承問伏惟痛察
○某廢棄明時乃蒙加以牋教見待以故時士大夫之
意已成田舍老翁豈敢當此禮數過當過當即日溽暑
不審尊候何如伏惟起居萬福軒蓋何時父城想瞻馬
首謹泐手狀

某閑居無佐書吏不能作牋亦欲縮手省事不復借之
公家又惟公銜之禮文貌盛而忠實闕焉輒廢此禮惟
君子能盡人之情當不復以小謹見望

黔江密邇施州聞其民稍喜為田訟然牛刀之餘刃投
之雞肋何足治哉顧閑居少得遊從耳南忠不臧否人
物言德之君子也時相與談民間稼穡事亦足樂也比

江南寄新茶來味殊佳恨未得同一烹欲寄牙子去恐
邑中無善磴不久磴成求便寄上矣

與宋子茂書六

某頓首鄭殿直頗能道在官曲折知官况亦不惡也事
業宜深自修蘊而處同僚中須親睦勿露圭角也仕路
風波三折肱乃知為良醫耳或因公家幹委能至此相
見否有一事奉煩為審問聞前權江安尉屈伸有女弟
欲擇一士人歸之此有一來從學舉子玉山劉瑜字倩
玉年二十頗卓立以鄉里難得婚對初道屈氏婚乃以
為恐為門下之羞老夫勸之曰士大夫立身非一軌婚
屈氏何害渠家尊長乃來見懇若屈家猶在瀘南試與
子細問當示一報便可致禮幣往矣劉君決可依者也

○頃辱書審汪公夙夜體力輕安為慰虞候周章及峨
眉僧曉賢去繼奉書皆徹几案否某寓舍已漸完使令
者但擇三四人差謹廉者耳既不出謁所與游者亦不
多山花野草微風動搖以此終日衣食所資隨緣厚薄
更不勞治也此方米麩既勝黔中飽飯摩腹婆娑以卒
歲耳間居亦絕不作文字有樂府長短句數篇後信寫
寄未緣會集千萬勤官自壽偷餘日近詩書

戎州通判戴景憲奉議其人清慎和粹年雖尚少有老
成之氣又與之游可愛也聞安撫司勾當成急闕亦聞
王帥存心之美待官屬禮意周旋甚欲佐其下風計主
人間此君之義亦樂之但恐先有求囑者已諾之耳不
欲數作王帥書請因事為達此意

比因還部兵奉書當已徹几下盛暑小雨比來日用佳
否子飛子均子予想數相見否每相聚輒讀數葉前漢
書甚佳人曾中久不用古今澆灌之則俗塵生其間照
鏡覺面目可憎對人亦語言無味也不肖累日來意思
極不佳初疑其欲作大病熟思之乃是卧筆達旦夜中
不加寢衣耳既而徹簾敷席小忍煩而加衣遂無恙恐
鮮君到說累日病故具之鮮君閨中修謹讀書知意味
者也以故人書到此見其宗人其宗潤屋也治揚朱之
術故一毛不可接以此困於逆旅論三四平日與游者
乃能上道意望瀘人稍能薄濟之如何百冗草草
比承小疾遂父之不除雖調護之不至亦是奇耦氣數
中小小鬱滯下秋氣在中旬計得此即安快主人驟去

職出素意表想不能不耿耿公之在幕府所以為知己
者異於凡流想曾中亦未易平然可置是事為善謀行
李令得理所度不必倉皇去瀘州略令舟楫整備乃下
江津治荆南之行為佳耳渠諸郎多賢必能從容治行
李不令老人動念也自此時當奉書密上座本到瀘止
為範公營齋糧度今亦雖然業已成行亦不久留耳脾
無令病慎養氣慎作病之食少飲酒以身為本勿以小
事汨其中安樂法也餘復何道

兩辱手誨承病起及今乃安和矣能以覆轍兢慎如此
即是萬全安樂人矣人生以身為本其餘於我何有自
今可研物理求道術否王帥之去民有甘棠之思而門
下士失嘉木之蔭想亦耿耿不易平也或聞有理之者

冀或使得一闕耳未緣會集千萬珍重

與知郡朝散書二

啓霜寒日嚴伏承尊候康和慰喜無量奉賜教曲折憐
問感服至深家信上煩願旨愧不可言某官局勉以不
瘵幸親老在都下善眠食兄弟無他以為慰惟是欽仰
齋閣無緣承請耳蒙誨諭意思不佳三界無安愛為根
本惟洗心於道者不受纏縛不審頗觀佛書否若於此
有味即能化煩惱境界超然安樂尚阻親近輒以食芹
之美獻諸左右率易恐悚謹上狀

前日遣急足等還上狀當已通徹冰霜沍寒萬物凋瘵
惟君子坐進此道因時制宜和氣如春鰥寡蒙福伏惟
起居甚休氣力安樂縣君勝健諸少皆佳某與典司管
鑰不敢怠遑提舉司復來問差遣今有一皮角并衛都
曹別紙呈上告指揮丁寧遣遞幸甚俸錢曆及申狀亦
頗左右後欲刻俸二千往鄧州已託二推作保狀但得
蚤批鑿續作一家書附鄧州公文入遞也瑣碎事事涸
瀆高明愧恐不可言特恃親親眷憐遂不敢自疎耳官
守簡書是承無緣參候不勝馳情謹狀通起居禮

與趙伯充帖四

某再拜累日有少文字事極冗欲通記輒復不能辦前
攜八篇到館中宿夜諷玩頗見才思有婆娑水邊林下
之氣欽歎不已欲裁定其中三兩處用字小弱處尚未
能下筆更少寬三二日同長史帖遣上此帖珍絕殆不
能去手也今日偶在家治堂西作一小書閣筆研方塵

呈上啓極草草

另集十五

其雖官局閑冷亦匆匆度日不獲時通問曉日到寺齋見留墨想見風度高爽也風霾殊不佳伏惟道齋清虛圖史左右不以聲妓參濁其間故有樂處解嘲詩遣上不足觀也所評山水大似壓良為賤嘗愛其木枝老硬皴石尤能作他人所難恐翟院深不能也且為標出當使飽觀俗筆者少改觀耳呵呵前篇已示晁無咎陳無已皆欽愛之無可措筆矣

天氣尚小寒不審奉承几筵尚能支持否和公行狀勉強就此不知可用否日月川流奄將祥練伏惟觀此論次痛割何可勝言謹奉疏伏蒙手疏動懇相与可洞照衷衷不必為爾先公言行

冠映宗室僅誌撰次無以發揮潛德推與之意多道其

實愧悚愧悚兩日集英祇候退食疲乏上啓草草

狀載第七卷

和國公行

與王瀘州書十七

其再拜啓春氣暄暝不審尊候何如伏惟文經武略燕及夷夏樽俎折衝百福所會頃蒙寓遞賜書勤懇千萬匆匆未果馳狀廵教使臣到城復拜教墨仰荷眷憐之無已審聞左右動靜良慰懷仰某棄捐漂沒不當行李無緣瞻望旌麾伏祈為國自重謹勒手狀附承起居謹狀

先公潛德之光雖未顯於中朝而清湘之以傳世奉祠此非人力所能致也託於不肖之文曾不足以發揮萬

一過蒙稱謝愧不可言謹而來諭改定數字大書并作
碑額衰憊勉為之殊不足觀不知堪入石否更冀裁酌
○程三班回奉狀當已徹聽下即旦夏氣煩鬱不審貴
州風土寒燠何如伏惟投壺雅歌蠻夏安業卧閣宴閑
百福所集某潛伏藜藿之間亦粗能經理衣食之資舍
弟遠挈小子并渠一子一妾來相與處亦慰眼前餘無
足道者匏繫窮山無階承教惟有馳情謹附承動靜謹
勒手狀

揚三班來問得左右動靜甚詳承宴處深密虜在目中
無不安帖良慰懷仰聞瀘南山川清秀頗得寮佐相與
登臨宴樂之否無緣相從一笑願時覽經方盡衛生之
理以須陞用

奉披手誨勤懇千萬伏承尊姐折衝夷夏安樂詔命優
渥拜真二千石未即召還以慰遠民願借使君之情伏
想制書已下公私相慶無緣言面遠同驩慰耳即日霜
塞不審尊候何如願加珍啻以須不次之寵謹勒手狀
○前蒙附郭殿直所賜書并得蠻弓斃作臥茵及餘甘
二種即作書附江安尉李儒道謝并致雙井去不審已
徹左右否郭殿直近方到此問得動靜甚悉以慰懷仰
即日春寒不審尊候何如伏惟臥閣宴安折衝千里之
外夷夏無不待其職明神扶佑百福所會令嗣及解元
想數得安問兩令郎尤淳謹喜讀書此亦長年可喜事
也前守曹供備已解官去新守高羽左藏兄之弟也老
練廉勤往亦父在揚屋不易得也雖閑居與郡中不相

關亦託庇焉某比苦脚氣時作頭眩脛中痛雖不妨寢
飯亦是老態漸出因自杜門不復與人間塵事相接林
下唯與二三道人共齋粥似差勝舍弟兒姪輩不窘衣
食便是了一生無足貽念無緣參承千萬為國自重謹
勒手狀

初夏霪雨寒燠無節不審貴州氣候何如伏惟美政在
人夷夏蒙福六物時序禾麥茂好齋閣清淨起居輕安
張侍禁來蒙賜書勤懇并問得張侍禁即日動靜曲折
甚慰懷仰無緣參候憑書增歎謹勒手狀

夏氣暄濁不審尊候何如伏想尊俎折衝蠻夏安業齋
閣豫暇亦有文史之樂苞縣時得安問先輩幾時可到
侍旁季子講學有日新之功近巡教張侍禁回上狀并

漫送施黔茶膏已徹聽下某春來嗽苦節多乃苦心痛
殊惡雖進極溫燥藥得無恙然遂不能多飲若亦殊損
減人光彩王子敬所謂都不復得小失和亦不復得妄
近生冷體氣頓至此令人絕歎者也舍弟知命將其離
往視涪尉未還不肖既不復出門飢飽寢處頗得自遂
無緣瞻奉臨書增懷謹奉狀

某年捐漂沒早衰多病杜門不與人事之日久矣不能
承勳勳缺然累月引領旌旆何日不勤鄭殿直來蒙賜
教勤懇感慰無量黔中霜雪早寒伏想治所山川氣候
不甚相遠即日不審尊候何如竊惟投壺雅歌夷夏安
帖齋中時有宴會以謝江山飲食起居當更勝健西師
在行折衝之地方顧人材之不足度高材密畫豈能久

淹留於此某已成老農畦種摩圍之下粗給衣食無緣
瞻望臨書增情伏祈為國自愛以須詔用謹動手狀
別來雖累月自以罪戾不復可湔袂所過人視之唯恐
為渠作祟故雖平居親愛能忘其不肖者亦不敢以書
通如長者之庭則未嘗一鄉往也乃蒙九月十日賜教
存問勤懇感慰無量無緣瞻望臨書馳情千萬伏祈為
國自重以須進用

不聞嗣音忽逾月區區唯有懷仰即日天氣亦小寒不
審尊候何如伏惟慈惠浹於民上下愛敬府中無訟齋
閣但文史歌舞之樂家庭詩禮雍雍肅肅神之聽之百
福所會某衰疾不損杜門似有味萬事隨緣亦忘衣食
之豐約小兒輩稍知讀書有兩道人於此同齋粥耳有

鄉人鄉好先者以鬼谷五命游兩川舊矣云有緣事至
治下故輒附手狀承動靜

表弟盛推官來蒙賜教勤懇敬佩玉音無有厭斁審即
日百福之會神明所相寢食具宜良慰瞻仰傳聞進官
再任之命已下伏惟驩慶不唯夷夏之民安樂中和之
政歌舞於下小人亦得以聲影相依實自慰也小人於
此一畝之舍松竹深茂得以自藏死生之故付之造物
更無他緣顧無階朝夕承教為恨耳瞻望數舍臨書增
情伏祈為國自重謹附承動靜

奉三月朔教存問勤懇忽病臂痛月餘未能上報家弟
來歸又奉四月十三日所賜書荷眷憐之意無已自顧
衰疾無所堪任何以承此嘉德惟高明豈弟能厚往而

不冀其來軌量固如此耳雖無前人風鑒之萬一未嘗
不深歎伏也夏氣蘊濁即日不審尊候何如伏祈為國
自珍以須不次之召謹狀

秋暑方作早炎熒熒甚可畏不審比來寢膳何似蘭亭
詩偶寫得但揮汗臨紙研珠不能工耳盛推不幸至於
此其家倚盛德之蔭如震風凌雨之得廣廈也然調護
之功未畢迫公治行不識諸幼皆得理所否人生危脆
如此以此觀不安分而多歧治生求與造物者爭功豈
不大惑耶施黔作研膏茶亦可飲漫往數種幸一礪試
垂諭如何江安尉李儒綱事機警若以道御之可令辦
事伏望照察

家園新芽似勝常年靚往四種皆可飲但不知有佳石

礪否石礪瀆光令無他茶氣風日極乾之牙子以疎布
淨揉去白毛乃入礪少下而急轉如旋風落雪方得所
大率建溪令湯熟雙井宜嫩也

秋暑即日不審尊候何如伏惟以義自將夷險一致飲
食起居有神相之承忽被旨罷瀘州所處僻左未知其
詳審爾計即東去此在庸庸之情戚嗟若不可終日頃
竊觀氣質仁厚神宇深靜事君之大節可與冰雪爭明
此叟之所以觀倚伏惟明公胸中落落故不復為憂之
耳惟是無階叅侍不勝馳情謹承動靜謹狀

承欲漸解舟至王市治行盛暑良不易聞撫句廳亦可
少駐使節若俟治舟略有倫序放船就江津以待江水
似佳聞老兄橐中亦不豐然隨緣以為日用豈有闕耶

子姪皆賢想處之裕如也聞命之初賢愚無不動心以
為老兄何以處之獨不肖以為不然夫物之成壞相尋
如歲之寒暑有人喜寒而惡暑世必以為狂疾人至於
樂成而憂壞則謂之有智不可乎老兄鑒此必有餘
不能忘情故及之耳

與王子飛兄弟書五

某頓首相與既同草木臭味又有瓜葛故不復作戲老
來枝葉皮膚枯朽剥落惟有心如鐵石益厭末俗文密
而意疎他日惠書願悉去表襮但作家書數行幸甚舍
弟極道辱公家眷郵不倦之意嘉州文字若干計乘舟
不日過此冀得少款清論臂痛方小愈不能多書能照
察否

子予即日想律奉多慶郡齋虛閑當能屏去煩濁之緣
求書史清淨之樂也姚君所攜紙卷已下筆未了不久
同蘭亭詩及子飛紙軸附密上座行矣密上座自富義
回已三日更三四日決定東流矣見子茂為致意千萬
藏符豈可使久如此不可以常理待之比得一法用榮
州珠子黃四兩辰砂一兩研如麪乾炊餅末五兩滴井
花水為丸如桐子大每服三十九稍加至五十大病盡
一劑唯忌生肉血物及生菜勿食極熱物極熱物能驅
逐藥力隨大府出則十不得四五力耳通手瓶漫因便
船附四隻有佳醋羨餘可附船為惠旋得一兩器可爾
○伏奉手誨喜承侍奉吉慶惠醋極副所須感刻感刻
鮮自源本不敢重煩左右乃亦辱哀王孫之意愧悚愧

悚聞比來得將護氣體遂完壯不廢觀書何慰如之承
換差遣不得不無耿耿陰陽家謂克己者為官既已
從仕則受制於官不得悉如意也然人生而游斯世逆
順之境常相半強壯時少歷阻艱亦一佳事耳無緣瞻
望唯冀為親自重慰此懷想
善人宜極眉壽况於名教尤所勸勉士大夫知與不知
誰不嗟惜伏想子飛兄弟天地之性甚篤當此屠割之
苦何可堪任日月如積追慕則新柰何柰何其屬以病
目多日意緒無聊欲勉作小文以侑奠酌久之牽強乃
成是以往獨後眾人惟其忠實之情則在衆人之前仰
恃哀察君喪以哀為主而濟之以忠厚則無悔推毀太
甚亦不可以狃為君子千萬以禮制情

前孫君回承惠言勤懇哀疾無堪何以辱此禮意送叔
敬人忽去不來取谷因循至今未嘗忘懷也姚君來開
詩奉萬福子飛遂輕安諸伯仲日同文字之樂何慰如
之前所須三四日間送姚君人回別遣書且寄亂寫數
紙數日來臂痛似欲不能堪不能復作楷奉書極草草
想相處之宜不在能為苛察小謹也春和日永惟希勤
書以悅親心右皆得之其家

與甥王霖書

某頓首禍變無常賢叔安撫使君奄棄盛時聞間驚惶
不能處情伏惟少孤流落來依猶父之德當此大變哀
痛何勝柰何柰何惟表姊太君雖嫂叔之別禮所遠嫌
而賢叔孝友之義兼倍常人想哀戚亦不可言日月不

居逝者益遠永懷敦睦何時可忘千萬以前人之意照
顧子飛兄弟衣衾體粥

荅石信道書

某頓首忽承賜教累紙勤懇審邑庭虛閑時與僚佐共
尊酒之樂何慰如之惠蝦脩甚珍小獠無不垂涎也屢
蒙一元大武之亨而香其翰音之獻不登長者之堂良
以為愧頃聞江次大風頗為災幸而比雨足象成豐年
吾輩可以摩挲經笥飽湯餅也代者今在何所稍涼到
城中亦佳耳所諭嬾書前言戲耳人生勤懶各隨稊習
而成性嬾亦好勤亦好此司馬德操法也尚阻瞻對惟
日為歲伏冀善眠食自重右皆家傳

与郭英發帖三

某頓首存厚惠詩句益清壯竊深歎仰使老者增愧耳
陰曠秋色未佳思一步到北禪可同幽徑閒談但恐雨
作耳或得往當道次奉招也

昨日辱手畢留來使取荅會彭守報過遂不得遣經昔
伏想日用輕安所作樂府詞藻殊勝但此物須無緣情
綺靡體物瀏亮乃能感動人耳輒擬作三篇不知可用
否又奉為寫得文字兩軸須行日作送路也

筇竹贊頌文陋筆弱皆不足傳乃煩刊石但增愧耳東
坡公聽琵琶一曲奇甚試用澄心紙寫去因詩句豪壯
頗增筆勢或有嘉石試刊之齋中亦一奇事也

荅蘇大通

頓首辱書勤懇千萬觀所自道從學就仕而知病之所

在竊窺公學問之意甚美顧既在官則難得師友又少
讀書之光陰然人生竟何時得自在飽閑歎耶三人行
必得我師此居一州一縣求師法也讀書光陰亦可取
諸按乘閒耳凡讀書法要以經術為主經術深邃則觀
史易知人之賢不肖遇事得失易以明矣又讀書先務
精而不務博有餘力乃能縱橫爾公家二父學術跨天
下公當得之多輒復貢此此運水以遺河伯者耶蓋竊
觀公所論極入理人才難得故相望後凋於霜雪之後
耳臨行忽忽奉書極不如禮千萬珍重右皆家傳

豫章黃先生別集卷第十五

豫章黃先生別集卷第十六

責庭堅書直

書簡

答人來學書

答陳季常書二

答何斯舉書四

與東川提舉書四

與戎州新太守書三

與楊齊郎書二

答史子山書

與周元翁別紙

答秦少章帖六

與朱聖弼書

書簡

答人來學書

某頓首乙酉辱留書及詩道別勤懇上方欲作報丙



戊重承長茂敘致從來禮意過當實犬馬齒長聞道晚
晚琢磨少功足下愛而忘其醜使當拜起內顧非所可
承特以叔遂事契故不敢終辭如書詞所推與皆畫脂
鏤冰隨世磨滅耳何足重陳經世之術足下已知朱公
之說壁與逆旅之貴惡安安往而不自得哉古人言瘖
聾之徒真世之有道者方欲從事於此同与足下勉之
古之人學問高明胸中如日月然後能以土木與世浮
沉無死地以受衆人之彈射恐足下猶快上前語故詳
道之過此以往口掛壁耳荷字詩奉報如此以當面豐
城舊詩漫錄去攜至君邑有臭味同者示之壽禪師伽
陀輒妄意公可得力者數篇往願置左右有透脫處書
來示俞瓦薰鼎本來制作頗工令陶家盡用舊規但以

沙合齊為之不用成沫為妙張豐城書併煩從者幾時
成行侍奉大夫人昆弟俱否願慎行李以慰馳情右家傳

荅陳季常書二

伏奉六月二十八日手誨審春夏來舍中須醫藥今已
安平為慰承須鬢髮欲如雪此世間公道也山居岑蔚
粗有林泉兄弟相与致力基次耳過蒙推獎愧悚愧悚
天覺欲弭節山中故人會合誠可樂不肖衰毀之餘已
成一翁九月當從吉且當丐一宮觀養病數年死緣追
陪勝日良以悵然鄭希道篆學深博今時士大夫不能
及者前奉問希道今居何許年幾許今為何官不蒙報
何也雙井前所送乃家園第一如公所論不可解竊意
似南方士人觀國耳昔有南方一士初入都見縣巷燕

支鋪羣婢即歎息以為燕趙之絕色及其遊界南北真見妖麗之殊遂復尋常耳豈曩時所見長鷹爪者初至縣巷口者乎今謾寄數兩大爪然其味乃不甚良也惠嘉句假借踰分祗增愧耳不作詩已五年試索曾中不復能一句矣無以報嘉媿恐媿恐聞安期去年七十七耳目聰明白首一節欽歎柳七從來謹約知柳四洗脚上船亦為克家之子乃老人晚福也景雲復古塔大為盛事前外甥洪炎亦嘗錄本來乞記已諾之矣但夏秋來多病文思枯涸酒更少待所喻濡潤某自在太和即不受人物如李常乃不知耶小子相已十歲頗頑壯稍知讀書辱問及其甚惠高麗紙卷遂為人所取不可得深

以誣泉下人耶公但勉終令德勿以時和歲豐飽煖充足退處士之節他日為公作一佳墓碑此不朽之事也何以詩為哉公擇莘老宰上之松已拱令人慨然人生徼時不可不池為善耳安期夫不敢作書往煩老者報答因几杖至田間為承動靜

答何斯舉書四

別來不復能通書孤苦憔悴之狀不言可喻中間每見分老龜父兄弟詩卷中有佳句未嘗不咏嘆也辱書累紙恩意勤懇但增感塞參前堂佳句甚高秀欽歎欽歎參前堂但前對溪山脩竹古木森然頗助觀已其後夏月皆綠陰不見日耳土木之功則極草草堂中之人哀悴廢學甚不稱佳句也未緣晤集千萬強學自重

外甥馮父得託貴門相與遂有瓜葛良以為慰諸令弟
想講學不倦哀悴昏塞不記貴字欲奉字曰斯舉不知
可用否取論語所謂色斯舉矣者但恐或犯諱字耳因
來示喻陳季常所刻蘇尚書詩集煩為以厚紙印一本
見寄只封在馮父處亦可爾

寄惠蘇公詩集亦自有用處要欲得一本厚紙者藏之
名山耳季常所寄亦是此一種紙當料理季常為用厚
紙印耳斯舉者觀所謂色斯舉矣翔而後集已極古人
去就之意無可措言欲作序者但為之華藻耳哀悴以
來文思枯涸幾如并谷射鮒俟寒泉稍集即當下筆一
春來寒燠未節承恃奉萬福為慰令弟進學無恙承示
喻親友離羣有獨學之憂苟無其人當論其世及古人

於黃卷之間耳宗伯蘇端明之詩筆語妙天下於今為
獨步當激賞其妙處率馬以驥也觀斯舉詩句多自得
之他日七八少年皆當壓倒老夫但須得忠信孝友深
根固蒂則枝葉有光輝矣

右皆已載何琮所集蘇黃遺稿

與東川提舉書四

某再拜竊惟道塗風霜使節衝冒良亦勤止即日不審
按部所至尊候何以澄清之氣凜然光被於江山願篤
行李以慰夷夏瞻仰小寒伏祈為國自重區區誠禱謹
附承動靜

某壅蔽撲愚未嘗得望履幕下重以負罪竄逐強顏未
死捐棄漂沒不當行李無階修敬昨以親嫌遷置戎棘
遂得潛伏蓬華為貴部之民區區常慮謫籍之塵垢點

汚大旆之光輝以是久之不敢通名於左右恭惟君子能盡人之情知其心危慮深終不以為簡也

某閒居杜門蓬藿柱宇魁颯同逕寒灰稿木不省世事故非至親至舊可以通書而又不以罪譴點染為嫌者未嘗敢修牋記以是待罪部下累月不能作狀一道衰疾之迹萬里投荒一身吊影其情可察頭眩目昏書札不如禮伏惟高明仁慈尚能寬之

某名在不赦之籍長為明時棄物胥疏隱約蓬蒿之下直偷生耳已無冠帶可從人間禮數但有幅巾直裰僅自蓋纏不可以參謁使車之道左請問舍人記室惟想望英風凜然從耳平生願見之意耳竊惟盛德之度可以存而不論言語複重蓋老病之常態冒瀆清重悚仄無

與成州新太守書三

某再拜啓當此風霜大拂衝冒良亦勤止恭惟弭節江次起居萬福此邦之民已歌來暮願篤行李以慰瞻仰時寒暴露伏祈為國自重區區誠禱

某負罪未死捐棄漂沒不當行李未嘗得望光彩昨以親嫌遷置貴部遂得潛伏蓬蓽為樂國之民竊以自幸區區常慮譴謫之塵垢點汚大旆之光華以是久之不敢通書於記室恭惟君子盡人之情知其操心危慮患深終不以為簡也閒居杜門不甚預聞人事不欲煩公家借書史故非至親至舊可以致手書不以謫籍點汚為嫌者未嘗敢通音問也以是密邇舊治不能作記以

道衰疾之迹蓬蒿寒門貧病在躬直可裒捐何足為長者道之勉強修敬頭眩目昏書札不如禮惟高明尚能貸之

與楊齋郎書二

某頓首辱書勤懇喜承盛暑侍奉萬福某捐棄濃沒不當行李得罪明時無可解說而足下相與如平生數千里之間精神感會勤懇懇如慕古人亦足以觀足下之不隨流俗故不待相識而相知也然當此盛暑未宜衝冒貽老者思念可即瞻對懷仰則勤尚冀珍重謹奉狀

伏承尊公豈弟之致在民民安樂之又得借寇詢之願想見樂國風物之美恨不得身出其間耳欲作尊公書

適病起疲倦作二書已不能堪幸因問騰道嚮往之意

荅史子山書

某頓首辱書勤懇審侍奉萬福為慰寄意石刻感戰恨慕勒者非其人不祢顯親傳後之意亦是鄙杖不足以行遠故感果如是耳遠致張雅墨絲鞋煮酒公自食貧何煩如此祗增愧耳唐坦之館穀數月刲春鉏之股以啗於菟豈能久堪耶鮮自源煩調護西歸良不易微公索之枯魚之肆矣然斯事亦難責辦於在官者惟公尚可耳盛暑不雨比來體力何如講授不至疲勞耶未期良集淮希珍重

與周元翁別紙

往在雙井所見黃龍心老蓋莊子所說伯昏瞀人之流

但年已七十四五不復肯出矣有清新二禪師是心之
門人道眼明徹自淮以北未見此人今所與共居師節
上座是簡州馮山喆老門人也其人聞道已久多見前
輩道機純熟智慮深遠於士大夫中求之未易得恨公
未見此人耳若漫孝祖如真珠終何益哉思公窮悴而
守道不渝此蓋古人所難也然已知求道於生死之際
則世累自己甚輕但來直下撥塵見已耳所寄絹軸謾
書此數種語試觀之何如所云天注目而不瞬若視去
如來不當言動不動法皆是磨滅敗壞之相故長者云
若不見法身本體所以萬行皆屬人天不報有漏之因
既盡心於此不可不著也精神打令徹底不疑念念但
觀不舍晝夜豈更有二塵佛法可建立也

答秦少章帖六

某頓首前辱惠教并示新文累紙又屢屈車馬公私勿
勿不辨眼前盛意未報然欽愛之誠則動足下當諒此
天氣日夜涼漸宜燈火想於文字益有功凡可以養生
事親考用心焉事無道俗一以貫之獨願勿載得失於
心術耳午後稍暇當約過醴池閑談

作文字不必多每作一篇要商確精盡檢閱不厭勤耳
舉場中下筆遲澀蓋是平時讀書不貫穿也併書十扇
甚愧勤國士也筆意殊有佳處公舊學蘇餘杭書已有
功政坐變從不肖規摹筆乃小嫩耳

前承惠詩并得教極荷相與不怠詩輒和呈所問文體
大似擊鐘印其旋蟲與筍篔不若發其全體之聲耳欲

得陳無已舊作黃樓賦記及荅李端叔書如有本且借示

學問之本以自見其性為難誠見其性坐則伏於几立則垂於紳飲則列於樽彛食則形於籩豆升車則駕和與之言奏樂則鍾鼓為之說故見已者無適而不當至於世俗之事隨人有工拙者君子雖欲盡心夫有所不暇相見乃盡之

辱簡記承學問不怠為慰前得所惠書展讀頗有家法此事要須從治心養性中來濟以學古之功三月聚糧可至千里如足下才性之美何患不及古人但勿欲速成耳前承陳無已語有人問老杜詩如何是巧處但荅之直須有孔竅始得因相見試道之

比在吉熟讀前所惠詩卷如公闢祭文語氣甚善詩句極有風裁可喜合處便似吾少游語然恨工在遣辭病在骨氣耳古之聞道者請問治天下則對曰去汝鄙人也何問之不豫也文章雖末學要須茂其根本深其淵源以身為度以聲為律不加開鑿之功而自閑深矣公誠以此言為可則猶有一物為公道之二十年來學士大夫有功於翰墨者為不少求其卓然名家者則未多蓋嘗深求其故病在欲速成耳夫四時之運天德也不能即春而為冬斷可識矣承相屈訪逮故及此更占大方之家有所聞見幸見教

與朱聖弼書

某頓首公從事於仕上下之交皆得其懽心又勤於公

家可以無憾惟少讀書耳能逐日輟一兩時讀漢書一卷積一歲之力所得多矣遇事繁暫闕明日輒續則意味自相接空時亦不須貪多要有倫序耳

右皆家傳

豫章黃先生別集卷第十六

豫章黃先生別集卷第十七

黃庭堅魯直

書簡

與徐師川書四

與洪氏四甥書五

與李德叟書

與李廣心書

與七兄司理書

與嗣深節推十九弟書

與聲叔六姪書二

答荊州族人顏徒帖

與益修四弟強宗帖三

與濟川姪帖

與潤甫賢宗書三

答壯輿主簿書二

與廖宣叔帖

與荆南程金部帖 二書附

答石南溪書二 與徐彥和書二

與潘邠老帖五

與頓察院書三

與茂衡通判書

與德之司法帖

答李孚先判官書

與子正經句帖三

書簡

與徐師川書四

師川外甥奉議別來無日不奉思春氣暄暖想侍奉之餘必能屏棄人事盡心於學前日承示諭自當用十年

之功養心探道每詠歎此語誠能如是足以追配古人
制前人之恥然學有要道讀書須一言一句自求己爭
方見古人用心處如此則不虛用功又欲進道須謝去
外慕乃得全功古人云縱此欲者喪人善事置之一處
無事不辦讀書須淨室焚香令心意不馳走則言下會
理少年方強時能如此半古之人功必倍之甥識性穎
悟必能解此故詳悉及之夏初或得相見因五舅行作
記草者

某叩頭得手記審秋來侍奉萬福間居不廢問學甚慰
懷想老舅窮露病羸比經先親練祥追慕不逮痛深割
割又聞給事叔父之訃號慟塞絕門戶陵遲一至於此
痛毒之情殆不能堪遠承慰卹曷勝哀感所寄吉州舊

句并得見諸賢和篇皆清麗有句法讀之屢歎糠粃在前老者增愧耳甥人物之英也然須治經自探其本行止語默一一規摹古人至於口無擇言身無擇行可師心自行耳君子之言行不但為賢於流俗而已比比其大成使古之特立獨行者皆立於下風也嘗有贈邢惇夫一詩謾錄往多病意嘗憤憤書詞不次

辱書存問勤懇見所作二詩皆有老成之氣他日學問文章當不憂但念當得智識深遠老於世故者相与琢磨乃為有益好學之士常病人我最難調伏能日三省此事去道不遠矣禹治水十九年於外三過其門而不入然而不矜不伐况於世間知書能文果不足驕人矣潘君詩句中觀其人甚刻厲不輕發然不知於治心養

性有少功夫否凡倦殷軒詩卷中人但能訥於言而敏於行皆足以追配古人矣今人不足驕也不審甥与諸友嘗如此念之否多病草草因來有新作惠示為望比遣李掾人報書滅裂及今欲一一作書臨紙輒頭眩意緒可知也累日得雨天氣差涼雖阻江山風氣想不殊比來八姊郡君尊候何似甥讀書益有味否須精治一經知古人關捩子然後所見書傳知其指歸觀世故皆在吾術內古人所謂膽欲大而心欲小不以世之毀譽愛憎動其心此膽欲大也非法不言非道不行此心欲小也文章乃其粉澤要須探其根本根本固則世故之風雨不能漂搖古之特立獨行者蓋用此道耳洪潘皆是佳少年但未得嚴師畏友追琢其相耳忠信孝友

立則見其參於前在與則見其倚於衡常久而後安之
若但繡其鞶悅又安能美七尺之軀哉非甥輩有可以
追配古人之才老舅不出此言也未緣趨席千萬強學
自重

與洪氏四甥書五

駒父別後惘然者累日雖道塗悠遠鴻鴈相依頗不索
寞黃州人來得平安之音甚慰也即日想安勝太守書
頗相知更希善事之尺璧之陰常以三分之一治公家
以其一讀書以其一為菘酒公私皆辦矣玉父若且留
黃亦自佳不知能如此否外婆比來意思殊勝比法冬
十減六七望夏秋間得佳也

龜父玉父益父諸甥皆得書知侍奉大母縣君安樂甚

以為慰駒父常得近耗代者已至否鴻父在齊安否龜
父所寄詩語益老健甚慰相期之意然家貧老人須養
未免就科舉更須收拾筆墨入規矩中得失雖不在是
要是應科率法也方君詩如鳳雛出殼雖未得翔于千
仞竟是真鳳凰耳今幾許春秋性行何如治經術否潘
子真近有書來傾倒甚至亦未暇作報益父知讀書有
味否所欲於范守處借人易尔但平生不相識方一通
書後信便可言此未緣相見思念何日不勤惟萬萬自
爰因來頻寄書

見師川所寄詩卷有新句甚慰人意比來頗得治經觀
史書否治經欲鉤其深觀史欲融會其事理二者皆精
熟涉獵而已無此功也士朝而肄業晝而服習夕而計

過無憾而後即安此古人讀書法也潘君必數相見比
得其書甚想見其人

龜父外甥得遞中書審侍奉大母縣君安裕同諸弟進
學不倦甚慰懷想即日霜寒想同新婦供具并旨不賈
黃州教授得安問寄詩比舊增勝每得所寄文字雖衰
苦憔悴中亦一開顏也所問禮樂事具悉禮樂者聖人
所以節文仁義至於大成者也修之身立之天下一法
也一物也樂由天作禮以地制夫範圍天地非聖人孰
能之惟聖人能遂萬物之宜通天下之志萬物皆得宜
禮之實也天下皆得志樂之情也董生王吉劉向所論
蓋欲用先王之禮樂宜於世者以教化民此與聖人之
言不悖也孔子所論孟公綽卜莊子之徒蓋或過不及

非以禮樂節文之則不可為成人如孟子所論合矣聖
人者知人之本根材器故其用禮樂也知變化之道而
與天地同流故鍾鼓之間而與天地同和俎豆之間而
與天地同節後世不本心術故肝膽楚越也而况於禮
樂乎

得來書知侍奉萬福進學不倦為慰老舅霜露哀摧比
經祥練追慕無冀痛深屠割奈何奈何方此荼毒百骸
殄瘁又聞給事叔父之訃一慟欲絕奈何奈何馮父在
太學時得安問否得劉教授書推與二生文藝頗慰懸
情通知古今在勤讀書文章弘麗在筆墨追古至於夜
行之行不見之美極須留意略說人之常病有十種喜
論人之過不自訟其過嫉人之賢已見賢不思齊有過

不改而必文稱事而增語與人計校曲直喜窺人之私
樂與不肖者游好友其所教試反已而思之若一日去
其一則十日亦盡去矣管子曰聖人貴夜行此之謂也
此所謂安身之利用孟子所說曠安宅而不居者謂此
等也潘君文字極有思致近又得渠書傾倒甚至多病
未能即作答且為道意不知此君能留意治心養性否
古人言說得一丈不如行取一尺說得一尺不如行取
一寸此至言也見徐外甥奉議亦道此意數十年先生
君子但用文章提獎後生故華而不實諸生寡過可討
郭林宗傳觀茅季偉田仲乙安用文章也未能相見千
萬自重勤務本之學

與李德叟書

德叟推官六弟前嘗作書具道成都事始末來人不取
報而行因楮留幣中以至今得劉左藏來元日所寄書
審侍奉三姪太君萬福張新婦彭團練佛兒僧兒各安
勝為慰蘄州學舍尚可忍窮以待黃陂闕否兩年來百
憂滿懷又親老常須醫藥蒼顏白髮已成一翁但以老
者係戀兒女不欲向江湖直強顏班列中爾局中文字
煎迫舊書亦荒廢終日憤憤了無可樂者甚思阿髯誦
詩蝟毛森張慰此寥落也江外方春寒千萬為親自重
右皆家傳

與李廣心書

廣心主簿弟得所寄書知官下不忘學問時至太平探
幽味玄別後乃能如此何慰如之大舅學士左右當每

得安問即日王事不至勞動新婦安裕幼弟讀書勝進
諸姝長茂龜父外甥老於場屋作人亦自清苦客游邑
中當承豈弟之蔭不知今舉利鈍何如師川遂能杜門
擇士與游問學有自得處他日當為豫章一名士但恨
彼未有國士與為師賓爾承主簿聽作雙寂堂乞銘漫
作數語還可意否老夫顏鬢與都門相別時大槩不遠
老饜如故四十今年斗長老杜所謂吾笑汝身長者也
知命到家不能三月復以舟載李慶韓十上成都矣相
望萬里會面無期臨紙惘然千萬勤官強學為親自愛

雙寂堂銘
載第二卷

與七兄司理書

某再拜啓元正令節阻遠無階獻壽不能勝情伏惟治

獄多有陰德百福所會坦道為履無所憂懼隨順世緣
哀樂以節以保康寧之壽丁成等來繼得卧龍山絕頂
書兩信所報曲拆開慰無量見姍榎書如在目前亦慰
人意秀女幾時生初未得報頃終不作諸人書乃如兄
所慮大郎尚未能深念耳知命挈攜在涪陵凡十月乃
歸才歸又往涪見張從道此公多禁忌初亦患其獵獵
喜往幸相見傾盡亦館待十七夫婦甚勤殊不易也即
日相相小牛王姍慶兒安宜小牛姍粧奴皆無恙相雖
淳良終未好書此司理譚存之忠州人兩兒皆勤讀書
一已十七歲一與相同歲延在齋中令共學差成論緒
日為之講一大經一小經夜與說老杜詩冀年歲稍見
功耳範公為其師死去三月遽歸今閭凌雲嘉州大佛院大有

請疏或被迫往往復來純及王行者皆久不在此某處
摩圍之下安固寂靜無時不湛然願勿以遞中書沉浮
動念也相望萬里兄弟之心何異對面伏祈寬懷自重
不備

與嗣深節推十九弟書

嗣深節推十九弟得書知同新婦諸姪安勝為慰寄大
蒸棗乃所乏也比得大郎自萍鄉來相聚甚慰人意亦
知元明年來殊健得兒婦孝和甚可意也嗣文般家何
故稽緩如此嗣直絕不得書天民以婦病全家向洪州
就醫未得歸音三十三已同去華歸一月矣高定侯數
有書來但苦貧甚已寄絲二百兩仍月割俸一千與之
雖未有大益耶為不忘之意耳適張客來云遣人到光

山送其弟經費便行故草草作此書撰適出謁黃崧孺
未回亦不及候書續因張客寄書信也今年有雙井飲
否贊府佳士官况當佳光山亦有游觀處否度亦無林
泉之勝比得叔和書乃報小大娘舊疾稍痊亦可喜至
涼遣楷向永寧也六月三十日

與聲叔六姪書二

聲叔六姪得書知同諸新婦侍奉不闕子職牙兒長茂
張士節佳士想筆研間益得講學之樂日月易失官職
自有命但使腹中有數百卷書略識古人義味便不為
俗士矣金道人惠書甚勤及寄從容鹿茸元極濟所乏
感刻

卿長老惠書已悉所求院記敬諾但錄事未詳備如

三鈍漢坐脫事及偈句之類士節來修牋記禮意甚篤
皆未能作書石橋元上座亦然若石橋功及七分便作
銘也近見寫字甚進願文學行義皆如此世間鄙事有
甚了期一切放下專意修學千萬千萬皆家藏真蹟

荅荊州族人顏徒帖

宗子之禮廢同姓之子孫數世之後遂為路人切嘗深
悲之舊嘗聞先君緒言長沙一族初亦零替聞有晦甫
者儒學里行人所推宗恨未相識及不肖游學在淮南
則聞閩漕以待御史召名動京師矣衰宗墜緒猶當敦
睦况賢者之子孫乎今日相見歡慰無已重煩簡誨悚
惕陳揚

與益修四弟強宗帖三

某承手字喜晴寒日用輕安數日來不平之氣想已銷
歇古人云事不如意十常八九况此小小何足置懷世
間逆順境界如寒暑晝夜必至之理周公以大聖扶傾
定難遠則四國流言近則同寮不悅而周公從容不動
而天下和平此小小者如蚊蚋過前耳又何怏怏耶十
五郎甚安純謹可愛

某頓首辱手誨喜承體力輕安石屏幽雅有趣徧相諸
兒遂與班班矣輟惠多謝多謝小詩謾將意老嬾踈拙
不足觀也

某得來示喜宿來日用輕安惠海中諸物感刻感刻韓
退之所謂蚌魚螺蛤蟲睢睢以盱盱欲一以窮之歲月
屢謝除者也十五郎紙軸知未尋得同色紙此有五幅

似相近謾送或可相足耳標可字專用械撲微物也可
薪之標之以薦郊廟以其有用而尊之也

與濟川姪帖

濟川姪夜來細觀所作文字甚有筆力他日可為諸父
雪恥但須勤讀書令精博極養心使純靜根本若深不
患枝葉不茂也所留紙卷寫退之一篇不盡三十五行
尚餘十行未了更續五幅乃可不知有此紙否右真蹟
皆藏於其孫燧

與潤甫賢宗

名育有字序見文集第十
六卷潤甫即懋達舊字

某頓首昨到城雖得數相從以為慰而煩溷主禮良勤
惟多愧耳累日寒雨體力能佳否職事亦解漸稀簡耶
亦偷日力讀書否仕宦固欲伸於知己而外物不可必

唯有夙夜公家之餘強學力行乃為不求求之入生成
就自有時譬如春夏長養秋霜肅然小大成實誰能禦
之至於非其時而望之雖睿聖不能也小人所謂九折
臂而成醫者更事多矣孔子主彌子則衛卿可得然而
孔子曰富貴而可求也雖執鞭之士吾亦為之然則是
非不為也直知其不可求也不審以為何如山中賦鹽
遣入就縣中因人附問草率某頓首潤甫賢宗某頓首
獄曹與諸縣事同一家具獄上府每有不當民情義當
裁正事正而緩追胥節目乃為受賜不淺耳

承頌尋繹舊學不廢文字之樂甚善甚善同寮中有能
同此意者否讀書不須務多要是精一書更得人講學
為妙公家事極須留意然要庇護同官之短而推之以

功則我貴矣推其極所謂汝惟不矜天下莫與汝爭功者也浮雲儻來若寄之物銖兩自有所繫決非智巧所能得老夫閱世故來益知三十年守此拙分為不錯也某頓首在真蹟皆藏於其孫朴

答壯輿主簿書二

某頓首往在棘道嘗一作報書爾後三蒙書矣率小字如蟻十餘紙明窻淨几凝神靜慮而讀之得三四紙則頭眩目花卷而櫝藏之迨數日乃能盡知壯輿之傾倒於不肖者至矣顧多病早衰爛熳無堪何以得此是是室諸文知壯輿能盡交天下豪傑矣所惠諸銘及上范公書知壯輿強學日新非不肖老鈍可望但歎狂歎服耳是是堂銘在陳留時作畏懦不敢奉寄今失其藁老來隨事隨忘筆間不復記憶將來請故友間或可得也從容里中想亦得沈潛文字間恨未得承琢磨之益臨書惘然

辱書累紙存問勸戒獎借開發恩意千萬鄙薄綿弱遊於畏塗已在明哲之後豈能盡承吾子之賜耶見所寄惠新文與奪勸沮坊之則塞畎之則流筆力與心機相得歎仰日新之學歡喜降服大不可言劉子真有子矣如論役錢二書乃如吾司馬溫公論事所謂晞顏之人亦顏之徒者耶自吾子之家禍荐臻往與嗣文兄弟言之則氣塞今而後知劉氏殊不衰也千萬更希以道自重

与廖宣叔帖

某頓首燭下見所惠簡喜承體力漸勝所諭憂患無種奪入生理誠如來示夫利衰毀譽稱譏苦樂此八物無明種子也人從無明種子中生連皮帶骨豈有可逃之地但以百年觀之則人與我及彼八物皆成一空古人云衆生身同太虛煩惱何處安脚細思熟念煩惱從何處來有益於事有益於身否八風之波渺然無涯而以百年有涯之生種上計較欲利惡衰怒毀喜譽求稱避譏厭世逐樂得喪又自有宿因決不可以計較而得然且猿騰馬逐至於漸盡而後休不可謂智也所欲知近道之塗亦窮於是

與荆南程金部帖 二書附

七日來復德人之慶願公即入臺省以福宗社不獨下

交蒙福也部不憊麼大僧生盡憊麼太俗也所
造前聊具短記

德孺知府金部三文霜寒即日伏惟尊候萬福去歲舍弟來蒙賜書勤懇爾後大旆去荆南遂無從上狀比貴郡遺老王孝子者刊黔中問得左右動靜甚悉為慰王老人言德政豈弟田里安息時時弭節禪居頗有言句傳在淨坊以為警策聞之欣然如獲瞻對謹勒手狀附承起居德孺兄弟才學之美當翱翔臺省羽儀侍從而淹回在外知者所歎東川近鄉里亦便安不私過家上冢亦任臣所樂伏想下車中外翕然無復動發矚之月深味禪蛻親見古人何樂如之正輔至京西得一書河南通直及蜀掾皆在眉州邪僭耳寂寂不聞音耗計

榮州之西猶榮州耳雍熙老聞有行業想時接几杖比
得備物乎頌遠想高致欽向無已率易和聖悚仄悚仄

荅石南溪書二

某頓首放逐顛沛人所簡賤陰拱而窺三川之塗者惟
恐不肖之塵點辱之也道出貴部而軒蓋奕奕乎顧蕉
萃終日不懈竊深歎服意此邦鰥寡被豈弟之澤深矣
不有君子其能國乎奉別來忽復一月病餘疲茶終未
復常以是闕於修敬乃蒙 示書先之存問動懇感愧無
以為喻秋暑溷濁似欲不堪不審尊候何似伏惟萬福
謹勒手狀

雅聞南溪民淳事簡况君子居之必有以新其風俗之
陋邑疑清虛想時與賢法同文字之樂諸郎讀書亦有
日新之功某寓舍無等雖無登覽江山之勝得一堂亦
可粗遣朝夕來禦魑魅處此盖已有餘他日稍以私力
葺之旁边有禪子道人欲相從寂寞者亦蔽其風雨而
已

與徐彥和書二

某再拜比因大和普覺院人回寓書信左右當已呈徹
專人辱手誨勤懇審監郡章偃風行又得從容於文字
推惻怛以惠鰥寡忠實以教官吏力行所聞不以才高
位下而自貶損神之聽之實百福之所會惠示壇經箋
訓極見用心之美今時道俗往往不護言行斯文之作
實不虛費翰墨若欲究竟茲事更須退步損之又損恨
不得相見耳謹奉狀臨書懷想

太和尉裴安世如晦之子其人好學善士但恐為吏不堪快健不稱尊懷嘗試接引之否其家有如晦時抄書及古墨皆天下之選可試觀之也前所寄香似與小宗不類亦恐是香材不妙使香材盡如所惠蘇合之精自可冠諸香矣意可允須沉材強妙前錄意可方去似遺兩種物蓋當於諸香後云龍腦麝香各三錢別研若果遺幸增入更有一鄭康成注漢宮香法未檢得續寄上雙井似差勝去年漫寄一甌嘗試如何

與潘邠老帖五

比辱車馬瞻相風度殊有塵外之韻中心竊獨喜知足下曾中進於忠厚之實故見此光華爾得示誨及新文忽心中疾讀已竟沉前主體未三復也蒲所紙佳惠亦

木暇省錄

某昨晚得手誨會以四日院中書成奏書沐浴於感慈日莫憊甚念作報書及所送紙皆不能今旦又相君入院當亟入勢未能如邠老所須但詠五言覺翰墨之氣如虹猶足貫日爾此承懃有司之不知已草草治行遂不過我而東鄙心甚怏怏此乃學為舉子之文微幸一日既得人爵而弃之者也豈所望邠老者耶又恐自有故不端為此蚊蚋之過前耳書囊聊可收道中詩藁忽忽未及他

辱專人惠教勤懇審村居侍奉萬福得文字之樂為慰遠寄書屬託深遠爾雅少加意便當不減古人甚奉助歡喜也蘄篔珹惠比來歲月深此物漸少也祖夫人挽

詞又未能成今日來頭痛岑岑謁告臥家來久已留數日恐渠食盡不能待且遣行爾後作得當寫遞此物輩遇無意無思時滯端不可強成亦不足傳爾懷蘇亭記謹諾俟敘本末來也墨一笏是東野暉魯人甚尊異之今亦難得漫往可為公千篇之費溫公神道碑市中有板數十文可置適令買尚未來子瞻論作文法須熟讀檀弓大為妙論請試詳讀之如何却示諭伯氏尚家居以代者據位擇縣至今未遷去且知命非熊無恙有十許篇詩是今春所作不足觀因人傳借有漫字矣漫送一觀公書字甚工然少波峭政以觀古人書少耳可取占法帖日陳左右事業之餘輒臨寫數紙頗勝奕棊廢日無他筆之意便自有佳處近見無咎作慶州使宅記大為佳作未有別本有即奉寄彼土亦有士人可與共此者乎因書示諭作書但連一二紙書事不須屢副頗似不情未緣會面千萬為親自重

平居極欲牽款曲而出入公私事亦相尋來終日不了眼前以此中休窮年音問不通雖交舊間頗相委悉無簡賢慕勢之嫌然亦自覺俗狀可憎也辱教獎借太甚加以恩意存問老少知公見愛深也顧鄙陋何能有益左右萬一其言過稱不敢當其臭味同者切喜此道有攸助爾所惠詩卷疾讀數回詞意相得皆奇作也自頃未嘗得見筆墨緒餘不謂公已能至此欽欽歎未足此心此文乃如明月夜光終不可掩豈待不肖推挽然願公終所以而後哉言其上使長者知公不徒為言而

後生有述焉此報左右之勤懇客至草草
辱教墨甚勤惠顧相与款曲之意無日不動身在公家
又年過四十漸不能堪如此碌碌度歲月爾承強學以
祈不辱此盛德之舉充斯言也足以追配古人文章安
足道哉

与頓察院書二

某再拜某於老兄氣味殊不遠而音問不往來者二十
有五年豈有世故利害能變遷曩時頓敦詩黃魯直哉
然隨食南北相忘於江湖風波之外亦法如是爾又何
足言耶某毀瘠之餘終無生理又得罪遠空鼠懷寬貸而
畏死恐懼自省情實可知道出貴部意望一見故人洗
滌旅瑣不謂大柿將王命報塞桐栢度還山尚遠負罪
在塗不敢淹久留記叙情臨書悵仰

入淮安之境治聲翕然見別乘道治郡之方仁厚精密
不鄙其民而教養之欽歎欽歎如老兄人物宜在臺閣
而數補外此豈人能為之哉願坐進此道百福之來不
可辭也其區區行李及晴暖取道向襄峽道塗所須別
乘相應副甚周旋也聞知令弟及子舍皆不在郡故不
復遣問幸裁察

荅茂衡通判書

某辱手誨有問勤懇審王事不至勞勤侍奉吉慶良慰
懷仰承潔清向道日勝一日非但不肖所畏當相求於
古人中工無事親之日可愛當以色養為先不犯靈叟
無不可為若沉滯寂空不卹世諦則為不迴心純羅漢

殊無用處也弟妹婚嫁略已畢否兒女幾人有成立者
未幸一一疏示蒙齋諸詩多有佳句皆自得之言不肖
不復作詩已數年當奉為作蒙齋銘別信寄上未緣款
語臨書增情不次

與德之司法帖

午間地爐太暖欲眠即過行香廳西齋對火觀書差覺
味勝恨泥潦不敢屈煎茶耳絮遂足用鉛茶盃極煩調
護亦不急須也醪會待要高使君近信為佳橋山事嚴
庀百局庀音與庀相近百官各司其局之意黃帝葬橋
山故云耳搜攬十年燈火讀書是唐道人筆候寫壞兩
字

答李季先判官書

某再拜啓頃蒙賜書勤懇棄捐漂沒非所當得但欽佩
孝友慈祥之意不能喻之於懷衰疾孱嫚欲作記承動
靜水濱林下兀然輒復終日報禮曠絕似當得罪矣惟
君子盡人之情能忘之耳舍弟到家能道起居狀審比
來侍奉吉慶王事不至勞動良慰傾仰無緣參對伏祈
為親自重強學力行以致光大謹勒手狀

與子正經句宣德帖二

某頓首昨晚幸款語奉手誨承旦來起居清健為慰所
送宣城筆亦可用但非其妙者耳游浮金堂詩舊所見
也瓶笙詩不用尋張昌裔能誦也

兩辱垂顧敬佩不凋之義恨相從未久未盡蒙琢磨之
益耳伏奉手誨喜承官局宴閑起居佳健謹勒手狀

石皆家傳

別集十七

豫章黃先生別集卷第十七

國家圖書館, NATIONAL CENTRAL LIBRARY, TAIWAN, R.O.C.

豫章黃先生別集卷第十八

黃庭堅魯直

書簡

答黔州陳監押書二

與斌老書二

與元聿聖庠書六

與元勳不代書九

與馮才叔機宜書四

與馮當時書

與党伯舟帖七

與馬忠玉書四

與子中知縣書三

與運使中舍書五

與平仲少府書五

與徐尉思齊書

答黔州陳監押書二

陳名傑斌
老郎其子

某再拜奉別遂二十許月通書不數懷仰則勤九月末
屈數自方送春初所惠書來皮子皆蝨損瀘戎往來之
人如織此君乃慢事如此雖然亦足觀公於不肖之勤
也承邇來王事不至勞瘁閣中清健賢郎不廢學開慰
無量聞賈使君明快解事宋倅遂全安想郡政殊辦時
有歌舞之會對江山否斌老才格甚不凡所恨相遠不
能取來此讀書如旁近乞局先生難使之長育人材爾
向嘗干王補之為公措置一差遺不意此公遂如此俟
新帥到試更圖之不知閣中能令遠來此讀書否見讀
書人推鈍資質下劣未嘗不思斌老之明利卓立也

緣參承臨風懷仰千萬清修不懈自壽

某頓首承賢郎讀書作詩寫字皆日進甚慰又別之意
恨相遠無緣致琢磨之功惟深念金玉之質可惜虛過
歲月耳四十拙鈍如初但不廢書耳王補之小疾遂不
起令人哽塞觀其意氣殊未衰不謂遽止此也摩園閣
尚掃除否新雙井數兩可用蘆心揉篩去白毛細磁用
嫩湯點可攜就摩園煮滌翁井泉也

與斌老書二

斌老累得書喜侍奉吉慶讀書不懈黔中難得師友惟
可閉門自讀書古人云讀書百遍其義自見惟要不雜
學悉心一緣義理之性開發但以韓文為法學作文字
且不用作時文經義之類如此等物若修學成看太學

經義三五日便可成就有餘也草書水墨之類且置之勿作一妨人讀書全功無斯立清修節行甚美可與游從恨渠遂隨計入都耳左傳前漢讀得徹否書不用求多但要涓涓不廢江出岷山源若壘口及其至於楚國橫絕千里非方舟不可濟惟其有源而不息受下流多故也既無人講勸但焚香正坐靜慮想見古人自當心源開發日勝進也今寄王獻之黃庭經張長史草書千字可觀古人用筆之意

斌老夏熱想侍奉吉慶別來極奉思也即日必在孫逢原會學處此老人勤學穩實依之為有理然常須自存心見賢思齊焉見不賢而內自省也如相聚終日作無義語及無益事切自儆戒勿為所黨可惜少年才器可致遠大一墮此朋中如入鮑魚之肆十年尚猶有臭也偶得楊伸筆似可用謾寄十枝戎州有所須因書示諭四十道中廢書已曠成一崑崙矣右已見石刻

與元聿聖庚書六

某叩頭聖庚贊府年家欽仰問學存心之美恨得相晚也辱君子以玉事來不但邑里鰥寡之慶吾儕得聞緒餘之益何慰如之下車未幾先屈臨慰不然在衰削之中無階致敬謹勒參憇哀羸不次

某叩頭上子舍進德不怠恨未識面也寒煖不節起居何如承教惠示道中佳句想見京洛江湖之遊無日不在文字間曹公常歎盛孝章老大不廢學今觀公詩恨曹劉不相待爾子舍詩文遂能如此元氏代不乏人矣

欽歎欽歎阻面但有馳情

賢郎議論高遠與翰墨相稱想其退而閑居必有以自樂之也岷山之水濫觴及其成江橫絕吳楚涵受百谷以深其原本故也學而知本者蓋可求師友於書冊矣○伏奉手誨存問勒篤恭審尊候康勝良慰懷仰累日獨居山堂氣體少得蘇息但時苦賓客擾人爾惠示手編元祐錄頗有所發前後序筆力老硬甚激疲懦且借留傳本別紙云送示陶淵明書像未至也損藜杖荷扶將之意白直且不須缺人亦不敢自外於左右不伐進學無恙不果別狀

前日諸公惠訪甚慰幽居岑寂辱手誨審起居佳勝所示歸舟唱和與雪月爭光可也欽歎欽歎謹勒參候

蒙示先大夫唐詩詞氣深厚有志於天下而無公卿之命者也頃鄙又以表於墓敢不承命

乾元用九天地生物之始君子思所以與天地參者其在遠識宏度進德不怠與時俱休某歲前定過海昏若水太澀即作乘陸計爾會面有期尚冀調護惠詩不與在西安時同律豈吏責不繁又獲山水之助耶欽重欽重

與元勛不伐書九

勳聖貞之子也自元祐和從山谷遊幾二十年終春陵太守

某叩頭不伐足下相簡頭見有日比承自屈所見過於所聞矣書詞稱引所推擬太高若某者安能如是盛意不可虛辱請誦所從來而足下擇焉不肖蚤從李公擇孫莘老遊稍知自重而已適於四方得交數公蒙琢磨

之益僅能不溺於流俗爾學問既少記憶早衰緝綴翰墨粗能達意至於作詩蓋童子雕篆之流少而好之晚不能休而先達蘇子瞻猥見題品以為絕倫鄙心實不堪以為能故數年來病眩因不復作也若乃見已與道同體倪仰於萬物之中而常為之宰不肖則安能自當求於世之有道者耳雅聞足下父子潤俗而志剛居今而好古學問文章下足以與今之並時上足以配元氏之作者而愀然憂不能退然謝無有捆載而乞於垂橐之車豈能有以加益然有一於此今之君子好以文章輕重人似是干慮之一失最能溺後生願足下鉤其深而勿游其瀕也至於知言之不二知至誠之無息足下不但能言之願相與講學推之行事歲晚望効焉

想想累日不能往記惟有馳想比辰伏惟侍奉外起居勝常承問學不懈何慰如之所作賦殊進更少加尺寸功可以橫行湯屋中矣賦語要深切著明不欲一句門慢譬如善舞者剡刻出拍拒爾吳生與衆工同用筆墨焉獨能妙者以下筆便能寫物之情性爾如不伐作詩三際此蹟但舉此加諸教而已阻面故翻綬如此暑雨異常伏想起居佳勝所示温公讀書真是讀書法涉獵百篇不如深考一卷耳願對平生不喜此書故未嘗有海史臺記希文借去未還耶納書府枉詩未嘗注時因所見疏其上纔數十事耳所示詩殊精壯若足下之詩視今之學詩者若吞雲夢八九於胸中矣如欲方為古人須識古人關鍵乃可下筆今代少年能學詩者

前古王達原後有陳無已兩人而已文章無他但要直
下道而語不摘俗耳

學書審侍奉吉慶卑以自牧君子所以首出庶物者也
精於一則不礙滯於物獲其後則無內外之患曾次竟
則不為喜怒所遷人未信則反聰明而自照顏淵曰舜
何人哉隰朋愧不若黃帝夫談心若此豈暇與俗爭能
哉竊窺足下有強學之志故及之耳

北歲在黔中嘗以書及桃竹杖奉好時今君承尊公已
解官去書及杖但留雙井舍中耳消井劉君既至瀘溪
以官所生熟夷田攻掠遂以書來道不能至楚道之意
送所寄書及詩粲然一笑如在南山雲巖之間相從也
許日奇秀知別來不解於問學如此勝進歡喜無量想

他文皆如是恨木俱來也所諭家才四壁應舉蹉跎貧
者士之常富貴在天安可以人力計較耶知寸心不與
萬物俱盡則在此不在彼矣千萬開托曾次以天地為
重求舜禹比肩則衡門之下古人不遠

元明近赴越州司理匠師在揚州守家爾知命挾雌將
鄒下荆峽迎元明未得近音也文章殊不能下筆蓋才
智與齒髮俱衰憂患與病又侵其半所謂吾猶昔人也
有放浪石刻數種亦可以見其衰颯散誕矣

小子相今年已十七誦書雖多終未能決得古人義味
近喜作古詩他日或有一長爾未可量也

辱手誨審所苦脫然輕愈侍奉萬福何慰知之兩日亦
聞博府當之富水考試故不敢奏記耳淵明詩三冊今

遣去楚詞校讎甚有功常苦王逸學陋無補屈宋欲尋
一解寫字人今錄一本正文時時玩之病未能耳字說
但苦感熱嬾

每承惠問輒累幅似不必爾頃牧得尹師魯范文正歐
陽文忠謝希深數公皆可寄千里者細字一幅爾既為
相與親密削去流俗苟相取下之意又省材惜費之道
也平時讀前漢不審生熟若未熟可日觀一卷并注精
讀有不解者別以葉子記之殊勝於讀失寸陰耳更慎
冷物及夜中護腹山間霧氣喜侵人守身如成守氣如
瓶乃安樂法

累日欲遣人致問常苦舍中有賓客事暑雨不頽脫體
力能不思待本

四品恐須攜向北方耳山堂對新篁終日水聲潺湲殊
無思也右皆得之元氏家藏

與馮才叔機宜書四

某再拜聞大帥出按西融不審旌旆參幕府否方此畏
暑道塗亦良勤宜州人表端居處與並隣有幹事材欲
軍前一試其能然聞此行但與懷遠軍城若耳如此則
用人不多此人云但得達姓名於帥府他日或聽驅使
耳其人能否固不逃於水鏡之前也邵普義用心耿介
喜讀書與人終始不獨嶺南士大夫中難得也方欲
達姓名以補麾下之闕竊聞諸幕府已有湔袂用之之
意甚喜慰也河池久不得人若邵君一振其弊遠民實
受察遠照微之賜率易冒聞想大府所患不得人耳

頃頻奉起居之敬不審皆得徹几下否承軒蓋從軍中
之麾在懷遠伏想帷幄尊姐折衝千里動靜勝俗晉義
邵侍禁自軍前回辱朋酒之貺甚副所闕承賢郎亦從
于邁盛暑居新市中亦煩暍耶某涉夏來幸頑健伯氏
已之南豐永州兒姪輩近得安問未獲瞻承惟有懷仰
伏祈善眠食自重

平時於左右之心未嘗不動而筆墨不在眼前又無經
過之便亦恐士大夫之常情畏竄逐之人音問至前故
極簡闕比時有親舊求書至門下輒修動靜之敬惟若
子有常度不以前疎後救為黷也盛暑可畏又師衆聚
新城中人氣鬱蒸於養生之理倍費調持不審寢膳勝
常否今嗣計安勝不肖今年來氣体差勝去年亦金石

藥裨衰殘幸無他也未緣瞻望馳情無已伏祈自重以
須陞擢

伯氏元明恐過冬至當來道出桂林計當獲祭承也鄉
鄰人太鑿王君慨云於左右有一日之雅其子秉宜州
以闕使臣令押金陵駐泊迴其家方辦嚴欲向融州居
到桂即望發遣幼吾幼以及人之幼想必垂意恃相照
恩如骨肉故及此耳

與馮當時書

其頓首辱書恩意千萬審侍奉萬福為慰伯氏道出桂
林極荷公父子調護感刻不可言也來人懇求歸燭下
作此書騰暉似欲不可讀點藥數品幸垂意一一疏示
藥價也送藥人來當更寫一卷字去餘具載熙書言公

字紹先與名不叶今奉字曰當時漢書云無說詩斤鼎
來鼎當也言斤衡當來耳古人云當其可之謂時感時
不可失也尚阻面會千萬珍重

與党伯舟帖七

辱手筆承侍奉吉慶為慰棗極副所闕蘆鴈箋板既就
殊勝須尋得一水精或玉槌乃易成文耳竹卓子荷垂
意繼得二簡荷不外之意墨亦多為人索去此二墨極
堅黑墨性換新水應得墨多宿水則墨不磷也枕屏漫
寫去陰寒少思不佳

辱手誨喜承侍奉福臘糟荷垂意千秋不佳物也當
寄融州作琴軫并可得數軸頭也公書字自有宿習要
須勤觀魏晉書帖日臨寫數紙便當頓進與古人爭

功耳聞弟亦自有筆不喜學否

錫燈繁極便用荷垂意也背文字每煩調護餘尚有二
二十冊若臘中越得了當亦一佳事耳欲擣二十冊子
紙不知郡中有大擣帛石否燈繁雖荷副所之夜來試
用觀書殊不憊老眼此乃照歌舞之器耳欲煩指揮別
作一枚高七寸盤闊六寸足作三鴈足不須高受盞圈
徑二寸半盞面三寸着柄盞傍作小圈如釵股屈之鴈
足燈漢宣帝上林中燈制度極佳至今士大夫家有之
古者燈盞皆有短柄沈約四聲云燈盞柄曲是也作成
當自優與價却納前一枚去

甲子雷雨深慰民望乃尊公清靜憂民之應欽欽欽
暑氣未解計復大作雨當了此下種插秧事爾

辱手誨喜承侍奉吉慶錫合如法已付融州人行矣備
急方俵背甚有功遂得一夏觀覽非小補也此頗得暇
觀法帖否唐林夫作一臨書卓子中有抽替卓面兩行
許地抽替中置燈臨寫摹勒不失秋毫知此制度否公
書字已佳但疑是單鈞肘臂着紙故尚有拘局不放浪
意態耳但熟視法帖中王獻之書當自得之牋板但喜
其簡裁未必工也大槩書字相法欲如快馬斫陣草法
欲左規右矩此古人妙處也

借示琴甚患桐木太厚聲不清遠頭長尾太高非佳製
也大琴而聲不出尾可謂拙工矣欲合李惇裕木香丸
令人桂州買木香未來或有且借一兩

有人餽此二種筆差勝各分上兩枝須滌研磨墨待松

花自泛乃以染毫則得筆力耳

承惠新頌三篇極歎用心精苦也然詩頌要得出塵技
俗有遠韻而語平易不知曾留意尋此等師匠楷模否

與馬忠玉書

某再拜啓私居多故又伯氏方自都下來歸故匆匆不
能作記承動靜聞餘溽暑即日尊候何如伏惟齋閣燕
居八州無不得職明神相之百福所會頗復與諸公共
登臨之樂否某蒙恩假守宣城實出獎借之賜方圖一
走節下謹勒手狀

某再拜啓府中潭潭不異逆旅風雨驟冷擁被不温乃
能降伏心魔服枕晏然欽歎欽歎舟次大風簸船凡動
物皆謳吟達旦時時驚眠亦有斷維折柁之憂今旦既

不可出擁爐假寐亦自不惡翹叟亦擇日出居乃是勸
南人毛病明日陰雨往往復還家作客矣亦聞澧州已
食筭方作書從小檀求之饋犂初感感刻刻器之到當
入城參候也

有江州王寅者清靜寡欲忠信好義犯而不校久与之
游見其學行日進不聞其有過也昨登第以两房孤遺
待其祿而食故授齊州司理今為見闕以江州無船輒
欲乞一舟於節下以不肖於左右有一日之雅遣人來
借一言已報之云馬公特達好賢如足下之清修重慎
見而可知足下但自往求之不審嘗至門下否

某缺然又下作聖每見詞部文如動靜以為慰遠蒙手
教存同恩非惠寄紀年通譜陞荷春興不忘承二制

人饑得使者勞來不怠疲瘵當少蘇今頗得雨澤糧餉
及時否餘杭佳太守想得極意湖山之間時有佳句否
某自頃以親老多少不快於今未能輟醫藥又足弱脅
痛艱於下榻強顏班行中公私事多曠但未得雍容江
湖之上不忘鑒寐也臨書起望東南曷勝馳情千萬為
國自重須褒寵以慰親庭謹奉狀

與子中知縣書

某再拜哀疚之餘荒廢文字故承命久不就屢煩問訊
愧悚愧悚今率爾為此不知堪入石否公富於春秋好
學不倦想不厭聞切磋之言顧所聞淺陋不足發揮盛
美耳或可入石但得十數本墨本惠示足矣

瑞芝亭碑出於牽強不成文過承推獎但增愧耳顧字

大難為石若用一石四圍刻之如顏魯公東方朔畫贊之類亦佳蓋數十年來碑刻大槩有俗氣稍令近古為望

專人辱賜書勤懇感慰無量春氣寒燠未節不審體力何如伏想平易之政近民無寡得職縣齋閑虛頗以講學之功作興田里之秀使畎畝之間知有孝友忠信以効瑞草之實乎某待盡暮次生理無幾頗亦疲於賓客勞問作記承動靜不能萬一不次

與運使中舍書

某再拜啓比因急促還上狀當已一通徹几下專介至伏奉手誨勤懇審外臺澄清會府肅神尊候萬福良慰懷仰某比苦頭眩不美飲食尚留田上數日間當謀擲拜

節下謹奉狀不能萬

某十三日受勅管勾亳州明道宮并得堂劄已除范祖禹提舉明道宮奉

聖旨各於開封界居住報應國史院取會文字亦能釋時解意旨且泛舟灑逸向淮南可二舟告指揮速改文字給付數日間別上狀

去月發南康日託正輔上狀當已徹几下天氣小冷不審比來尊候何如摠領諸司事務雖勤調護惟從事於道者能不倦爾令嗣數得音問子舍進學有日新之功正輔攜去新漁父篇嘗經匠者一按之否方遠瞻承臨書懷仰謹勒手狀

自頃欲去雙井謂數日可參對故因不為書既至海昏

平生所聞雲居山川勝絕而未嘗到遂勇為一往輒留
半月餘山中孤寂非復人間以是關於修敬伏蒙賜書
存問曲折感慰無量失宣城得武昌消息盈虛誠如尊
諭三二日即伏賓次謹勒手狀
令嗣比數相見清重修潔甚可愛也釣絲竹筍大為珍
惠瓜瓠瓊匕尤覺此物於七筓間有精采也惟清道人
在雲居養道深粹不間親踈恨公未識之耳

與平仲少府書

某頓首自平仲南還恨在城中之日淺又不肖以客事
未得休息未得從容求益論也先蒙惠書勤懇千萬甚
慰懷仰之情借示仲車先生簡尺重仁疊義可想見其
風流也適有賓客無從中來人督書修問極草之暄暖

千萬為道自重

暄暖不審何如太夫人安此風土尊候輕健否饋酒何
煩如此公自奉其旨無餘承乏殊悚仄也仲車先生草
草簡尺皆有教戒此所謂有德必有言也

審仲車先生棄士大夫不起於山陽窮居失所又不幸
至此直使人哀痛也然仲車好德樂義不屈其身以至
耄老好學不倦以至於盡在先生無憾矣公父子相知
深念哀其身後計士大夫亦須有動心者焉某自八月
大病幾至委頓比三四日方食而知饑知味未能復常
也留來使三日候書倦甚不能成煎迫求去扶病就此
天下事權之以義重輕有所屈有所伸足下強飲強食
為大夫自壽而已

辱書常以公銜將之閑居每從公家借書史重煩遂不能作牋上答不能無悚惕也荷存問勤懇教告重複知公非苟然者感刻感刻惠示新文亦知效官窮僻憔悴於百寮之下而養直剛大自申於萬夫之上古人所謂丹徒布衣者慷慨未可量也欽歎欽歎未有會集之期何勝引領千萬為道自重

喻諉之篇論勢利二客由徑而入排斥義命二友其意甚美然制作之體似未盡善也某嘗論古人戲作之文惟楊子雲解嘲韓退之進學解乃為盡善如孟堅賓戲崔駰達旨已費辭而理不足不審以為如何右皆家傳

與徐尉思齊書

某頓首到城雖得一參候而屢屈軒蓋常恨客衆不得

從容相語奉別忽七八日見所與伯氏書審比來日用輕安良慰懷想遺杖漫煩求之乃承垂意搜索必獲又以公移將之禮數過當悚惕悚惕短頌戲奉一笑可與仰山崇勝觀之澀雨不晴意思昏鈍奉狀草率四月初七日紫竹柱杖頌載第二卷

豫章黃先生別集卷第十八

豫章黃先生別集卷第十九

黃庭堅曾直

書簡

與明叔少府書帖十七

與黃斌老書帖八

與南康史君察院書二

與敦禮祕校帖五

荅晦夫衡州史君書二

與榮州薛史君書三

與王周彥書三

與王素公翁書二

與揚子建秀才書

書簡

與明叔少府書

某再拜啓待罪窮壑與魑魅為鄰平生學問亦以老病昏塞既無書史可備檢尋又無朋友相與琢磨直一談一笑流俗相看耳忽蒙賜書存問勤懇且承安貧樂義不溷鄉黨賣屋以為道塗之資載書以為到官之業想見風采定慰人心國有君子何陋之有不肖早衰五十而無聞使得終壽日月餘幾得好學之士相從尚或有所發明望風欽歎無以為喻謹奉狀道願見之意心之精微非筆墨所及伏惟照察謹狀

某頓首比承來官此邦交印有日竊喜草木臭味不遠遂得以文字相娛而不知先大夫與亡叔給事又有同年之契伏奉誨音實深悲慰流落窮山惟欲屏伏所謂面目可憎無味者乃得以君子為依可以忘憂

某守俸上京谷久好事尚文不易得也道中若得暇各作一書到日投之亦佳但論孤官寡助得高明慈惠之師長以為依歸可以盡心於職事竊其餘光溫尋舊學之意其文章波瀾翻頭作尾自繫之大筆矣或不暇及且杼軸之到後數日亦可此邦氣味適可用此藥耳恐左右或未諳也

某拜手累日隔面惟有懷想伏奉手誨審起居輕安為慰承上司擇才付以文柄甚善矧公胸中坦夷臨事不苟又去科場未久當此任甚宜試院所欲知者一日公二曰密三曰敬四曰通公則請託不行密則訟源塞敬則士心服通則盡人所長某頃凡七作試官凡考試中恠事未嘗有也醫不三世不服其藥老者之智壯者之

决也故謾及之以嫌不欲往見千萬珍厚行李或有所
闕示諭范公及知命皆致問千萬蒙齒記甚惠無緣參
詣願已事早還重陽後日日望學音矣

某再拜窮山寂寞方得君子相依甚慰恨相見未款耳
伏辱手誨喜承延宿體力輕安寵惠先大夫瀘川集幸
甚幸甚竊思江安公以鸞鳳之羽辱在泥塗懷文而抱
質不幸蚤世可為實涕自非身後有人綜緝遺文幾不
失墜伏讀數篇實以聳歎未遑尋繹翰墨之餘味也謹
當奉以中几勝日一開以辭思遺老敬具手啓上謝萬
一不陳昨日亦見太守說四并堂詩然瀘州不見寄也
事出謝康樂擬魏太子鄴中集序今檢至韋蘇州詩若
不看且檢示

二難前輩以為亦只用擬魏太子詩序中云楚襄王時
有宋玉唐景梁孝王時有鄒枚嚴馬游者美矣而其主
不文漢武帝徐樂諸才備應對之能而雄猜多忌豈獲
晤言之對并得此二難遭之時耳某疑滕王閣會集主
人有兄弟俱是顯人耳四并堂詩豈有難作之理
王勃秋且宴滕王閣詩序亦云四美具二難并曾見此
文否

昨晚自江瀕歸見一病人臥王道亨籬外石上恐其即
凍死令人扶持到寺門與粥藥問得乃是雙井旁小戶
自荆南受雇為南雄州客鄧四郎馬二郎擔重檐子來
至此見渠病遂抑令押辭退狀棄下馬鄧二客見在北
門外大店安下還可指揮弓手問此二人責令收養此

病夫否或不欲自行即欲縣中投一白幹人狀并乞責人取口詞耳

某頓首經宿伏想寢膳安宜試更追韻作二頌此亦曩時得之聖俞東坡之斧斤耳欲知文章奪其關鍵而自為主出其無窮如此也縣中訟田者已得情否得閒幸獲過此閑談歲月亦可惜忽然解官去矣欲約數人來了却竹籬得一位直差了事者來此亦令一二人同顧護之與飯與酒令一日畢工耳籬竹少十數檐試為令江頭旋買可得否今日晴暖令人請東玉來會某可得暇皮開也

師敏通於吏道與同邑殊可樂人情未必一一合契要之異而同同而異歸於不為吏所賣而實惠及民者於其中不必快快也守倅滑重事雖少椿緩比他日不猶愈乎鼎臣極可愛凡事不雕琢而畏法勤官可數與許也子畏雖似有城府亦審慎可喜勿作耿耿男子酒後失言何所不至一洗滌之使胸中蕩然與一切人無芥蒂此學問之意也未有合并之期千萬珍重

辱手畢審安勝為慰屬聞風冷小不佳喜遂平安所錄拙詩是也但訛數字今錄一本去祠帽本蜀人作以桐木作而漆之如今之帽三十年前猶見之棕鞋本出蜀中今南叢林皆作蓋野夫黃冠之意食笋詩已是元豐間作若見子瞻詩猶可用其韻省憶耳早間無事可來此遂同範公所齋粥也令姪想勤學勝袴時攜所讀過此乃佳士知自守而勤書者難得然須聞古人言行

旨趣乃不虛用功耳。湏不隨蒸合來乃可也。昨來過石
駝橋見鋪橋面極不如法。直木皆藏旁。近人家而用舊
橋面朽木鋪襯。一有土則無從點檢。經大雨又當壞。公
及東玉可那工夫親臨之不躬不親。衆民不信不其然
乎。

比承動靜行李涉險來歸。閒居亦匆匆未能遣記。辱手
誨審衝冒小失調護。伏想休息得所已輕安矣。適有少
急事袞袞至夜不果奉答。鄙文編已領略一篇不踏駁
還多二十年前文字也。前所借編今送吉聞公在告以
避武隆檢覆意不必爾。仕宦勞逸常相半如祖公七茅
但朝莫辨耳。人生與憂患俱生仕宦則與勞苦同處。事
固多藏於隱伏實無可避。願深思之。食其祿而避事則

某頓首早辱教。荅知君子用心所向不謬。適得手誨承
已參告受檄即行。慰喜無量。所謂見善如不及見不善
如探湯吾聞其語又見其人也。水次晨暮極冷千萬珍
重。首九漫納。

累日不奉緒言。惟有懷仰。辱手誨承體力輕安。惠佳果
感刻感刻。所問循吏傳治行言其治迹耳。召信臣治行
當為天下第一是也。序言河南守吳公蜀守文翁皆謹
身率先居以廉平。又言孝宣時拜刺史宰相皆引問觀
其所由退而考察其所行以質其言。此亦治行之意也。
累辱手誨并送山蕚極荷勤懇不肖自倪。缺然每承君
子有相濟用之意。願亦何所堪。惟忠厚不懈欲以風示

流俗則可爾既辱相傾蓋則俗禮紛紛走人門者何足
道哉幸可無疑也舍弟又辱彘肩之賜何必爾耶以宿
病眼痛作不能書未果作謝啓願財察

本紙用此八幅寫和晁張八篇昨日已書小卷中今輒
作王維摩詰八詩送蜀中士大夫罕誦此作故書佳貴
人稍尋討耳承今日遂成行早起太守來約同飯遂得
安詔款語矣聞昨頗以公事不餽煩料理尋已豁然柳
下惠與鄉人處袒跣無禮而不辱蓋其胸中視一世
人特鳴吠耳又何足空論輕重厚薄邪仰觀青天行白
雲手不置非公高明語不及此

比來伏思氣味殊佳別時具道治心養氣外物不能入
於靈府當已見功如小人觸忤上則送州下則送縣勿

親行罰似為甚義於瀆皆中節耳清河君如聞有長者
能為容悅而行謀其間使上官不睦則以濟其貪鄙幸
熟察之棘人道老成好學之士也韓掾雖少年氣然自
修其職事雖無害廖鐸察相時乃置坐末亦可喜
篆文平時惟書大如手者乃得意既作此大字不甚工
又講義堂字太醇拙他日得暇當別寫此三字奉寄雅
字古之大正小正如此書寧字乃城章也郭公本出於
號乃從作郭耳

與黃斌老

某惶恐再拜涉冬千木深山川風露瘴癘所潛伏伏惟
使節衝冒良亦勞勤即日不審營從所止尊候何如下
車伊邇仁厚之風先被於夷身願篤行李以慰喁喁謹

附承動靜區區萬一不陳

某名在不救之膏長為明時棄物胥疏隱約蓬蒿之下
直偷生耳已無冠帶可從人間禮數但有幅巾直褱俯
仰間巷間不可以參謁使車之道左請問舍人記室惟
想望英風凜然竦平生願見之心耳竊惟盛德可以存
而不論言語複重蓋老病之常能冒瀆清重悚仄無地
黃某啓窮巷杜門乃辱軒旆臨之獲聞高明卓絕之論
一洗耳目之塵開慰孤陋無以為喻雨餘朝涼不審尊
候何如伏惟游刃所經民受其賜足以銷伏炎沴之氣
明神鑒之百祥所集衰疾無階進謁將命謹勒手狀謝
萬一皇恐皇恐

窮巷杜門非長者之所宜辱乃蒙屈臨開慰孤陋敬佩

嘉德無以為喻某獲聞餘論實慰從來高山仰止之心
又以自得旦來不審尊候何如伏惟游刃有餘不至勞
勩幅巾直褱不可以上謁賓次謹勒手狀謝不敏伏惟
照察謹狀

比承考績進官官吏受仁明之賜者皆欣欣不肖蓋不
敢以田冠野服謁賀門下乃蒙降屈修禮於蓬華小人
實自不皇於今恐悚旦來不審尊候何如伏惟神明相
助日用輕安所須二方并亨麪丸納上理中丸却乞三
數粒謹勒手狀

前日過蒙旌麾屈顧敬佩嘉德雨寒不審起居何如春
蔬似可侑酒漫往五種食芹炙背野人之意則勤但恐
三藹七蕘君子之腹屬厭矣

天高不雨神龍深潛於蘇波似以為郡中無求於我也
暑氣煩甚不審起居何如園中下篔簹若笋欲求三十許
枝喧漬恐悚恐悚

昨日過蒙延禮甚愧動主人其奉勝談觀奇畫亦忘終
日煩惱也旦來不審起居何如張園小石刻今日方畢
工謾往一本筆數種各獻兩枝恐有堪作竹者耳如昨
所用張生舊筆幸惠示欲作十數書新筆多即不如人
意故也蘇波谿取水得城老自作一文道憂歲憂民之
意或可感通耳

蚤來蒙手答勤重感刻感刻伏奉簡畢喜承今日寢膳
寧嘉惠示祭蘇波文宇詞句惻怛蓋是以感幽潛欽歎
歎歎所諭作守守自守常如此篇未欲更數字具別

不審不審不審不審不審不審不審不審不審不審
餘負及放散珍禽異獸之類但一事皆德政也右皆得
之真家

與南康史君察院

某再拜某罪逆餘生苟活未死日月川流既見素冠迨
暮不選哀痛無已頃者使車方承詔而西蒙疏累紙存
問慰卹恩意甚厚實深哀感方以竭力大事又治給事
叔父寔安故不能即寓疏罪負無可言者比聞使節當
來惠江西尚冀得一參展謹勒手狀

某再拜頃者君在言路竊念忠言嘉謨日補衮職以兩
露四方何去國亟耶南康下車即聞田里皆受賜少淹
留使節以芘江西桑梓之邦實深膏露之蔭顧恐即還
朝耳近見李子修大夫已請宮觀若遂請瞻對有期也

與敦禮祕校帖

某頓首昨日幸一參候古器與山川之恠產參然滿前
可以清暑此物輩殊勝用心於博奕也然要須以強學
力行守之所謂德之休明雖小重也不審今治何經讀
何種史書參其義味有日新之功否惠貺亦器敬佩嘉
德竹表篋裏茶盃極佳恨未有天生佳瓢稱之耳米元
章書率爾題卷末令親齋郎安勝貌古氣深穩似有學
古之質甚可喜也

得手畢喜承日用輕安示諭讀書甚喜然須深探其義
味使不為誦古人之空文乃有益也班固漢書最好讀
然須依卷帙先後字字讀過久之使一代事參錯在留
中便為不負礪固日周子發書亂寫置卷尾不成字也

天氣熱揮汗不及諸畫及止止軒字未暇寫去承佳篇
須蜀紙今送三百此乃自令浣花王家作者生瓢承見
惠亦好但恨折時太嫩相茶瓢與相印竹同法不欲肥
而欲瘦但須飽霜露耳

筇竹戎州用煎茶然久之節斷如截以此絕不攜來人
年四十後漸可扶杖足下少年也親在堂而欲扶杖恐
非礼意欲尋一龜殼佳者截取近尾二寸餘治淨其近
髮處開橫竅為簪道似佳能為尋一龜同住者為之乎
辱手畢喜承朝來起居不爽調護寵惠筆墨及紙皆珍
品感刻感刻切觀才器英特可以盡心於古人遠大之
業閉門讀書求心求已漬潤以古人義味深沈重厚謝
去少年戲弄之習以副父兄之願豈不美哉屢承羞餽

未有佳物奉答輒以樂石之言為報伏幸裁察
比承軒蓋絕不出甚善甚善閑齋清淨古器羅列左右
思古人不得見誦其書深求其義味則油然仁義之氣
生於胷中虛淡而其樂長豈與頻頻之黨喧闐作無義
語之樂可同日哉惠示砧研物材頗精似亦不甚便用
蓋磨墨之地不廣則難得墨潘多置水則溢四旁非良
器也少留此銘其贖乃遣迴某有大烏石研制作甚適
用或要觀可遣四人并小扛床來取之

荅晦夫衡州使君書

某頓首啓頃蒙賜書并寄惠食器巫山君尋即致來極
濟所乏又辱寓遞所賜書有問勤懇策以所不至仰佩
恩親之至不能已已某潛伏林間踈遠人事惟蓬蒿之

不喜是以缺然久不通書想晦夫和易多可又相愛必
能相寬耳雖聞已拜行州之命不知闕在幾時得孔毅
父書問否即日里中宴居何以為樂頗能留意子弟學
問否子童已赴任未登高臨遠未嘗不懷笑語千萬珍
重以須進擢謹勒手狀

望之去後想令弟必將沂國入城其人亦肯調伏成家
否諸子弟有從學之所否人生須輟生事之半養一佳
士教子弟為十年之計乃有可望求得佳士既資其衣
食溫飽又當尊敬之久而不勸乃可以盡君子之心而
享其功每見士大夫家養門客略與僕使同耳如此何
緣得佳士蕤麻必不能為粟也向見令嗣眉目明秀但
患未得師友耳厲之人夜半而生子求火甚急唯恐其

似已也况長者乎無緣會面聊寄一笑

與榮州薛史君書

某頓首再拜榮州史君承議閣下某既發戎州舟次得所惠教恩意千萬感服無以為喻即日寒澀不審尊候何如伏惟豈弟之政近民民以悅服庭無留事齋中嘗有尊俎之樂寢食之味神所相勞無階參敬惟有懷仰伏祈為國為民珍玉体謹勒手狀

承長者以才術之美嘗入叔父給事心鏡恨未相識也叔父忠義孝友在今士大夫間千人之一也方得立獻納之地不幸蚤世因垂論不勝實涕

貴州士人惟周彥衣冠之領袖也其人深中篤厚雖中州不易得也其兄莊叔老於世事亦不可得紫衣僧祖

元亦周彥之族兄抱琴種竹有瀟灑之趣以星曆推休咎常得十之七八試問之可知也

與王周彥書

某久為病苦養成疏簡經歲靜坐性復神存為日已深自有見處回觀昔日舉動皆非更視人間誠為可笑凡人性各有妙用也一得其妙則通深遠到無所不明前世君子所恃以為樂也且天地萬物之美人之所恃為尊榮富樂者皆可空也不足有而人之妄勝也妄滅則真存存而後知其不足有也經所載皆有聖人修行之說而世所不察專以富貴為樂則人亦止此而已矣非周彥亦不語此公案幸心會而默識之復見某之言為贅也

某頓首啓辱手書勤懇并寄詩文意氣駸駸翼翼出門已無萬里古人所謂斷以不疑鬼神避之如公筆力他日孰能當之往在元祐初始與秦少游張文潛論詩二公初不謂然久之東坡先生以為一代之詩當推魯直而二公遂舍其舊而圖新方其改轅易轍如枯絃敝軫雖成聲而踈濶跌宕不滿人耳少焉遂能使師曠忘味鐘期改容也如是下之作深之以經術之義味弘之以史氏之品藻合之以作者之規矩不但使兩川之豪士拱手也未即得面馳情無量秋初能一來快盡此事謹勒手狀

某前承問讀易常苦匆匆不能盡所欲言者若欲章分句解作書生伎倆不過熟讀係辭便可得作者旨趣矣此極不難但要成誦令章句瑩然在胸中耳若欲知易之道則但於百姓日用而不知一句能直下水銷瓦解斯盡之矣如此句諸佛祖師亦滿口舉不盡也三十年來心醉易中自從解此一句遂不疑老聃釋氏許多文字但就自己求之

與楊素翁書

某頓首辱書勤懇感慰亡量送紫竹書厨雖未甚中度然亦適用知公眷卹不倦也送軸甚佳感刻感刻秋高霜冷即日起居何如想里中亦有可入共黃花一樽破顏而笑所須寫老杜詩青衣城中晝日盡為賓客所奪夜燈不便老眼且遣此三人回舟中寫得隨處奉寄必不貽人笑恠也某十五六間必解舟相距密邇猶得時

奉書也對酒作書極不如禮

到青神所得士唯王十六元直老成有士大夫氣味嚴與公權學識高明文章詞氣道理明白粹美此國士也蘇元老在庭作詩書字真東坡先生家子弟人物亦高秀聞其平居甚孝謹不易得也不知素翁嘗與此三人游否公俠士也故以奉告

右皆家傳

與楊子建秀才書

某頓首頃幸得接款曲而賓客全集應接常無餘日不能叩學問之自得處曷勝耿耿冬候暄暖即日想起居輕安通神論佳作也略能遍讀非潛心之地故倉猝不能得其義味作序如此不審可意否方此睽遠千萬重謹勒手狀累再拜

通神論序
載第三卷

別集第十九

陳章貴先生別集卷第二十一

黃庭堅曾直

書簡

與劉華老帖二

與劉斯立帖

與翊道通判書三

與李端中書二

與之美運使書

與子智帖二

與胡沙汲書

與熙載書

與王元直帖

答夢得承制書

與叔元帖

答蕭子孝書

與死心道人書三

國家圖書館, NATIONAL LIBRARY, TAIWAN, R.O.C.

答涪溪長老新公書

答崇勝密老書

雜簡四

與才卿法曹書

書簡

與莘老帖二

某再拜啓不待累日思承教音無日不勤伏奉簡誨審
體力勝健為慰承諭劉君清修如此固願識之信公語
錄暫留徧觀若欲作序引不敢辭但恐不足以重之耳
七日後當投休告參候謹上狀

自公撫南床士論翕然每與深識者共歎仰也詩云不
懈于位民之攸暨伏惟監於湯之盤銘不以職事舉脩
名立而倦也率易恐悚

與劉斯立帖

某頓首相聞而願見略已十五年邂逅得面瞻想風度
實過所聞辱手誨并得佳句伏讀未造微妙他日到北
窻當吟味以為陶冶之具方出局罷甚所要文字未能
檢尋自此當嗣音也

與翊道通判書三

某再拜上仲春尚暄不審尊候何如伏惟監理暇豫寢
膳宴安山川表裏言論風旨若可與聞而因拘有所無
階瞻敬惟有馳情頌蒙賜書存問勤篤忘其在罪籍而
推與過情棄捐漂沒當老於蠻夷中幸瘡痍不甚族人
養生之具不甚闕便足了一生矣多病早衰頭眩足弱
幾絕人事又林下水濱習成嬾放以是久不能通託下

執事竊謂高明敦厚何所不容照其情實知非簡耳黔
中春寒異常不知變府一見雲否伏冀善自調護以安
百祿謹勒手狀

某再拜去歲所蒙乃公狀以閒居務省事不欲數懇公
家借書吏以是父不能上答竊惟高明所以見期蓋不
在此苛禮故輒闕焉由流俗觀之不勝其罪也頃蒙惠
蜀糖殊佳山中既難得又蔬食所須耳感刻感刻雙井
少許漫往助勝日嘉客對江山治之之法茂宗當能道
之表弟周掾嘗荷顧盼不肖與受賜也舍弟知命蒙存
記甚厚適以病目方小愈未能上狀

變府故號為少事又漕臺所在吏治有不安易為謚示
喬年大夫以寬厚治郡而公以餘閒糾擿吏曹之逋慢
伏想宴閑之日蓋多江山佳麗從容尊俎之樂宜不乏
張茂年少解事相得其歡聞上司又辟南浦尉張永弼
作帳苟亦佳士也同府多得佳士亦可樂耳

與李端中書二

尊公修撰不敢通書恐罪人之垢玷汙大飾之光輝前
日蒙賜酒肴以尊者之賜熟計念之不敢辭亦恐或累
盛德此後頭勿繼也悚惕悚惕

昨蒙賜教勤懇并祝建溪珍品敬佩不忘之意即日霜
寒不審尊候何如伏惟忠厚樂易風行草偃尊俎笑談
自得江山之助承誨諭欲求閑冷何不自憙耶督迫上
供處處如此公方富於春秋求閑恐不能無嫌也未有
瞻承之使臨書懷仰伏祈為民自重長使鰥寡得職

與之美運使書

某再拜使車雖數遷然敦厚膚敏民所望而畏愛也伏惟按部所止高明歛手惴獨得職寢食之味神所相勞令嗣猶在婦翁家邪君禮想視膳問寢不解子職居閒亦得文字之樂某漂寓鄂渚家二十口亦隨緣厚薄但湖北極苦旱乾不免有饑饉之憂耳不審貴部夏秋頗得時雨否

與子智帖二

某頓首辱書稱述曲折此一面可道而若致千里之音者何耶老人病癩了不喜作書此曹校檜故不能一二上荅所與勾主簿書文詞意氣甚壯然既稱鄉丈而曰某白非少者事長之禮也古無尊卑皆稱人曰足下致

敬其足此極數也故范曄謂秦王曰大王足下酈食其謂漢王曰足下必欲誅無道秦不宜踞見長者然後世既稱陛下殿下閣下執事則以足下施於下交則不得不從衆也足下方有求於勾主簿而曰某白足下猶欲入而閉門也而可乎

熟觀所惠書詞意高雅有作者之風足下誠勤篤不忘探經術以致其深考史傳以致其博雖觀先王之言而以事明之古人不難到也燕默傳其有思致他日不已安知足下不為二班耶但願勿求小成自足耳

與胡少汲書

某春末得莊僕迴所惠書即附慰訊問唐臣寔安遠近及念九兄弟處喪何如學問可望否張氏女得所否何

以書至今未達耶計是奉新莊夫非有所調發不往故
直留前書在村舍爾足下手足之痛相及在體於人情
豈能堪然當以承祭祀為重以道印煩惱為智慧之用
知其兒女痛痒則不孤兄弟所以相期者矣惠寄蘄簞
由拳昔山中所闕多感多感參前堂蓋取所謂立則見
其參於前耳此處有前後堂前堂面竹竹外脩溪脩溪
以南慕阜山重疊無際後堂北桃李皆數十尺盛夏綠
陰甚可愛二甥誤傳堂意致公佳作失經旨所謂使陳
壽不美於史遷固之罪也諸詩皆有勝處知別後不忘
學欽仰欽仰所湏伯夷廟碑及近文以盛暑揮汗作書
不復可及此物秋涼後或得手抄數篇也

與載廉書

頃首前辱載熙書勤重累紙并手作珍墨煤細質堅
色黝黑幾蕪前輩之妙不獨今士大夫好事之比也欽
重欽重又惠京師名筆皆佳感刻多事加之老嫗未能
作若又辱簡記存問不怠何欣慰如之錄示東坡諸語
所欲問也封示象州詩書信讀之惕然又仰才叔之慈
仁也承新任乃在邕州他日可數通書并為海物之主
人也未有會面之期千萬珍重紙二軸久留此嬾寫因
來人告行謾書畢不能佳也奉字伯仲謾作短序道之
衰朽不成文也公筆札極豪勁但未入古人繩墨何也
古人雖顛倒書亦四停八當凡書字偏枯皆不成字所
謂失一點如美人眇一目失一戈如壯士折一臂不審
信之否

與王元直帖

某頓首今旦以揚威儒煎迫欲行不舉頭寫六七書僅能至食時而畢故輒戒門吏使勿通賓謁不謂諸君子旦來皆見過也悚惕悚惕辱手畢喜承日用安和買絹買米皆煩調護感刻感刻每承諸賢見日以鈞台甚不安也凡名皆酒宜稱耳若當行唯執政可呼鈞候鈞旨兩制及大兩省三獨坐可呼台候台旨如司諫正言三院御史修撰直問大監監皆不呼台候台旨也因見諸公為道此皆改之孔子所謂君子名之必可言也不爾不唯不肖得罪諸賢亦不免為識者所譏笑耳

答夢得承制書

某頓首又辱遠寄二詩白髮虛霧之中不忘筆研實增

愛歎春溪茗菜日佳想甚助吟諷之味無緣瞻奉千萬玆重賢郎安勝想山中閑寂極得讀書之味

與叔元帖

某再拜昨幸過仁者之里得見隱居之清勝使人有蟬蛻塵埃之意然迎來將往辱軒蓋甚動愧不可言也專人奉賜教勤甚悚惕比來日用輕安賢郎進學不怠良慰懷仰園亭詩道中忽忽未能就他日可寄也堂室榜寫去奉新縣二鼓驛舍中有滴堦雨燭下眼花奉狀如此

答蕭子孝書

與足下先君子游於今三十年常恨濟公不見用於時又愧錄錄隨食南北不如濟父一丘一壑便是了一生

也。比辱以先君子之治命見囑作銘方此銜哀墓次待
盡朝夕何得復有文思又承電宥有期不敢但已以孤
泉下之願率爾就此不知可以傳後否試持與君表議
之可用即摹刻也哀情憤憤書不倫次右見蕭氏石刻

與死心道人書三

某再拜雲巖和尚禪几往日常蒙苦口提撕常如醉夢
依稀在光影中今日昭然明日昧然蓋疑情不盡命根
不斷故望涯而退耳謫官在黔州道中晝臥覺來忽然
廓爾尋思平生被天下老和尚謾了多少惟有死心道
人不相背乃是第一慈悲亦有無諍寮中三十拄杖因
書馳送興佳在彼否此兩道人却須要打剝淨未審如
何清公到高君計無不安穩亦頗為衲子追逐耶然已

是名滿天下忍終不得閉耳堯率照公是箇本色佳山
父與游居亦好興却是叢林中淹浸得到只是從初悟
發處不曾廓然豁爾故不能得成一片見今只管學決
擇佛法收拾一副當打老鼠家具向後為人耳須是本
分宗打罵教煩惱半年十箇月他日未可量須是有香
巖稜道者噐宇始得不知此論是否因書幸見教也戴
道純今在甚處昨在黃龍相聚數日亦是學得說禪儘
似也只今道衆中有是道噐者否馮大郎信心如此雲
巖緣事想不難成就也

奉所賜書承已退翠巖寄住祐聖氣力安樂良慰懷想
今夏居處亦有水濱林下可逍遙者乎公脊骨硬如鐵
去甞由今天下道人中一人而已嘗觀漢之宰相朝握

天下之權暮駕柴車出丞相府自處之適爾旁觀者亦不爲難而今之住山者嘗抱而不忍脫此何理也某自分寧過萍鄉般取知命一房同赴太平道出奉新甚願一見更聞師子吼音震驚癡鈍適俗緣有不得去但相望雲煙之外增歎息耳謹勒手狀

荅涪溪長老新公書

某拜手專人辱書勤懇并惠送季康篆元中丞涪溪銘筆意甚佳以字法觀之晤臺銘亦季康篆也然猶有袁滋篆唐亭銘三十六行何不墨本見惠豈閩體也袁滋唐相也他處未嘗見篆文此獨有之可貴也凡唐亭之東崖石上刻次山文合袁滋季康篆共七十一行為崖溜簷水所敗當日不如一日矣若費三十竿大竹作厦

更以吞槽走簷水其下開撇沙土見崖令走水快亦使袁公房祀乾潔祐院門免時有聒噪也此事切希掛意莊客人力得工夫時可令仲純仲休輩將領三兩人治橋左右溪道令雅潔疊石令橋下亦可作道人四威儀處他日院門當成次第若得蒙恩比歸奉為盡換內外牌榜也兩三日既驟熱又賓客紛紛寫大字未得來人煎迫求歸故且遣回諸人相見皆為致千萬意

荅崇勝密老書

頃嘗論道人處俗之意公欣然見納然恐未極其趣耳如公高明了了決不同流俗矣憂患百種主來無鄉要使虎無所措其爪兵無所容其刃耳勢利之交決定能埋沒人人之所畏不可不畏清心省事不得已而後應

自然寡過矣道人壁立千仞方不入俗至於和光同塵
又和本折却與其和本折却不如壁立千仞右皆家傳

雜簡

某頓首去年失秦少游又失東坡蘇公今年又失陳履
常余意文星已宵墜矣然幸此三君子者皆有佳兒未
死猶待其嶄然見頭角爾見東坡祭文多佳語欽歎欽
歎至太平且遣人往祭之今年多病眩不能作文又思
如東坡輩人不可草草下筆故也某行李之詳已具初
和甫書中矣

經宿不審體力輕安否早來覺兩日不快乃是前時怒
庖人烹調不如法因而熱食故氣上而煩則知喜怒之
害人深矣夾公服奉煩願旨令過針線工治衣服大

率不能令衣平畏耳右真蹟藏于趙宗玉家

今行祭社一歲民食所託所以祈風雨時節為民禳除
蠶賊之災不謂兩勸農使者皆移疾不親之也孔子曰
吾不與祭如不祭神聰明正直依人而行不可忽也昨
日不甚解所謂故不果論之他日有典祀願少留意公
嘗事韓康公嘗見此公齋祭風範否俸米極荷應到得
無之宅庫支遣否

某頓首示論數往助崇德姨母此蓋公孝友之素任
官所得唯此而已其餘亦何足道耶願數顧省立則參
於前在興則倚於衡也右真蹟藏于晉陵尤氏

與才卿法曹仁弟書

某頓首辱書審侍奉到官吉慶為慰八姑頗樂彼風物

否閭中諸幼想皆安勝知太守頗垂顧恨遂被召耳新
守亦故舊俟到即作書往然初仕極須事事盡心竭力
與同僚親睦勿分彼我職事略可相通者任其勞則同
僚歸心矣官所充謹買物虧償及寺院民家借器用及
出入不明能謹此數事則亦易得舉王稍用他人一秋
豪之力可致矣未緣會面臨書懷想千萬勤官為親自
重 右家藏真蹟

豫章黃先生別集卷第二十

治 先太史別集前 豫章前後集本蓋李氏所
編多循洪氏定本故毀壁序所以不錄而承天
院塔記實北晚年之禍者亦復逸遺又 曾大父行
狀雖已上之史官未著於世當不肖竊聞先訓用是
類次家所傳集博求散亡得八百八十一首為詩七
十六銘贊頌七十序說記三十三律賦策問五箋汪
二書表奏狀啓三十四雜著六十七疏詞文三十四
行狀墓銘表一十四題跋一百九十九書簡三百三
十七合二十卷凡真蹟藏于士大夫家及見諸石刻
者咸疏于左一時哀集尚懼遺闕嗣是有得當附茲
之序庶壬寅二月旦諸孫當謹識

豫章黃先生別集第二十



國家圖書館, NATIONAL CENTRAL LIBRARY, TAIWAN, R.O.C.

山谷詞目錄

水調歌頭二首

畫堂春三首

虞美人三首

撥棹子

兩同心三首

憶帝京三首

水龍吟

滿庭芳五首

暮山溪四首

阮郎歸七首

定風波八首

浪淘沙

看花迴

惜餘懽

撼庭竹

醉落魄五首

西江月五首

木蘭花令十一首

品令二首

雨中花

洞仙歌

念奴嬌



醉蓬萊二首

江城子二首

逍遙樂

離庭燕

歸田樂引二首

歸田樂令

望遠行

步蟾宮

古笛令四首

好女兒三首

踏莎行二首

採桑子八首

鵲橋仙二首

醜奴兒二首

菩薩蠻二首

鷓鴣天八首

少年心二首

減字木蘭花十一首

清平樂

點絳脣三首

謁金門

南鄉子六首

南歌子四首

更漏子二首

好事近三首

調笑

鬲火令

留春令

宴桃源

雪花飛

下水船

賀聖朝

清玉案二首

沁園春

千秋歲二首

河傳

望江東

桃源憶故人

卜筭子

蝶戀花

漁家傲

浣溪沙四首

訴衷情四首

晝夜樂

一落索

促拍滿路花

山谷詞目錄終

豫章黃先生詞

黃庭堅魯直

前寧州知州婺源葉天爵

刊行

知州九谿喬遷

訂補

水調歌頭

瑤草一何碧春入武陵溪溪上桃花無數枝上有黃鸝
我欲穿花尋路直入白雲深處浩氣展虹蜺祇恐花深
裏紅霧濕人衣坐玉石倚玉沈拂金徽謫仙何處無
人伴我白螺盃我為靈芝仙草不為絳唇丹臉長嘯亦
何為醉舞下山去明月逐人歸

又

落日塞垣路風勁戛貂裘翩翩數騎閑獵深入黑山頭
極目平沙千里唯見瑯弓白羽鐵面駿驄騶隱隱望青
冢特地起閑愁漢天子方鼎盛四百州玉顏皓齒深
鎖三十六宮秋堂有經綸賢相邊有縱橫謀將不減翠
蛾羞戎虜和樂也聖主永無憂

畫堂春 壬十六作

東風吹柳日初長雨餘芳草斜陽杏花零亂燕泥香睡
損紅粧寶篆煙銷龍鳳昼屏雲鎖瀟湘夜寒微透薄
器裳無限思量

又

摩圍小隱枕蠻江蛛絲閑鎖晴窗水風山影上修廊不
到晚來涼相伴蝶穿花徑獨飛鷗舞溪光不因送客

下繩床添火炷爐香

虞美八至富塗呈郭功甫

平生本愛江湖住鷗鷺無人處江南江北水雲連莫笑
醞雞歌舞甕中天當塗艤棹蒹葭外賴有賓朋在此身
無路入修門慚愧詩翁清些與招覓

又

波聲拍枕長淮曉缺月窺人小無情江水自東流只載
一舡離恨向西州竹陰花塢曾同醉酒味多於淚若教
金鑿在塵埃醞造一場煩惱送人來

又宜州見梅作

天涯也有江南信梅破知春近夜闌風細得香遲不道
曉來開遍向南枝玉臺弄粉花應妬飄到眉心住平生

箇裏願盃深去國十年老盡少年心

撥棹子

歸去來歸去來携手舊山歸去來有人共對月罇罍橫
一琴甚處逍遙不自在 閑世界無利害何必向世間
甘幻愛與君釣晚煙寒瀨蒸白魚稻飯溪童供筍菜

兩同心

巧笑眉顰行步精神隱隱似朝雲行雨弓弓樣羅韉生
塵罇前見玉檻彫籠堪愛難親 自言家住天津生小
從人恐舞罷隨風飛去顧阿母教穿珠裙從今去唯願
銀缸莫照離罇

一笑卜金越樣情深曾共結今懽懽帶終願効比翼紋

禽許多時靈利惺惺驀地昏沉 自從官不容針直至
而今你共人女邊著子爭知我門裏挑心記携手小院
回廊月影花陰

又

秋水遙岑粧淡情深儘道教心堅穿石更說甚官不容
針霎時間雨散雲歸無處追尋 小樓朱閣沉沉一笑
千金你共人女邊著子爭知我門裏挑心最難忘小院
回廊月影花陰

憶帝京

銀燭生花如紅豆占好事如今有人醉曲屏深借寶瑟
輕招手一陣白蘋風故滅燭教相就 花帶雨冰肌香
透恨歸轆轤聲曉柳岸微涼吹殘酒斷腸人依舊鏡中

銷瘦恐那人知後鎮把你來侮恁

又贈彈琵琶妓

薄粧小靨閑情素抱着琵琶凝竚慢撚復輕龍切切如
私語轉撥割朱絃一段驚沙去 萬里嫁烏孫公主對
易水明妃不渡粉淚行行紅顏片片拍下花落狂風雨
借問本師誰斂撥當曾住

又黔州張侔生日

鳴鳩乳燕春閑暇化作綠陰槐夏壽筆舞紅裳睡鴨飄
香麝醉此洛陽人佐郡深儒雅 况坐上玉麟金馬更
莫問鶯老花謝萬里相依千金為壽未厭玉燭傳清夜
不醉欲言歸笑殺高陽社

水龍吟黔守曹伯達供備生日

早秋明月新圓漢家戚里生飛將青驄寶勒綠沉金鎖
曾隨天仗種德江南宣威西夏合宮陪享况當年定計
昭陵與子勲勞在諸公上 千騎風流年少暫淹留莫
孤清賞平坡駐馬虛弦落鴈思臨虜帳遍舞摩圍遍歌
彭水拂雲驚浪看朱顏綠鬢封侯萬里寫凌煙像

滿庭芳

北苑龍團江南鷹爪萬里名動京關碾深羅細瓊蕊
生煙一種風流氣味如甘露不染塵凡纖纖捧水瓷瑩
玉金縷鷓鴣班 相如方病酒銀瓶蟹眼波怒濤翻為
扶起罇前醉玉顏山飲罷風生兩腋醒竟到明月輪邊
歸來晚文君未寢相對小窻前

又

北苑春風方圭圓壁萬里名動京關碎身粉骨功合上
凌煙罇俎風流戰勝降春睡開拓愁邊纖纖捧熬波濺
乳金縷鷓鴣班 相如方病酒一觴一詠賓友群賢為
扶起罇前醉玉顏山搜攪胃中萬卷還傾動三峽詞源
歸來晚文君未寢相對小粧殘

又

明眼空青忘憂萱草翠玉閑淡梳粧小來歌舞長是倚
風光我已逍遙物外人寃道別有思量難忘處良辰美
景襟袖有餘香 死矣頭白早多情易感紅蓼池塘又
須得罇前席上成雙些子風流罪過都說與明月空床
難拘管朝雲暮雨分付楚襄王

又

初縮雲鬟才勝羅綺便嫌柳巷花街占春才子容易託
行媒其柰風流債負煙花部不免差排劉郎恨桃花片
片流水惹塵埃 風流賢太守能籠翠羽宜醉金釵且
留取垂楊掩映廳堦直待朱幡去後從伊便窄襪弓鞋
知恩否朝雲暮雨還向夢中來

又

脩水濃青新條淡綠翠光交映虛亭錦鴛霜鴛荷徑拾
幽蘋香渡欄干屈曲紅粧映薄綺踈檣風清夜橫塘月
滿水淨見移星 堪聽微雨過嬾嫵藻荇瑣碎浮萍便
移轉胡床湘簟方屏練靄鱗雲旋滿聲不斷簷響風鈴
重開宴瑤池雪沁山露佛頭青

驀山溪

山公司

山谷言
山園江暮天鏡開晴絮斜影過梨花照文星老人星聚
清罇一笑歡甚却成愁別時襟餘點點疑是高唐雨

又

無人知處夢裏雲歸路回鴈曉風清鴈不來啼鴉無數
心情老懶尤物解宜人春盡也有南風好便迴帆去

又贈衡陽妓陳湘

鴛鴦翡翠小小思珍偶眉黛斂秋波儘湖南山明水秀
俤俤懷懷恰近十三餘春未透花枝瘦政是愁時候

又

尋芳載酒肯落誰人後只恐晚歸來綠成陰青梅如豆
心期得處每自不隨人長亭柳君知否千里猶回首

又至宜州作寄贈陳湘

稠花亂葉到處撩人醉林下有孤芳不忽忽成蹊桃李
今年風雨莫送斷腸紅斜枝倚風塵裏不帶塵風氣
微嗔又喜約略知春味江上一帆愁夢猶尋歌梁舞地
如今對酒不似那回時書謾寫夢來空只有相思是

又

山明水秀盡屬詩人道應是五陵兒見衰翁孤吟絕倒
一觴一詠瀟洒寄高閣松月下竹風間試想為襟抱

玉關遙指萬里天衢杳筆陣掃秋風瀉珠璣琅琅皎皎
臥龍智略三詔佐昇平煙塞事玉堂心頗把菱花照

阮郎歸曾專文既取陳湘歌舞便出其類學書亦進米米小楷作阮郎歸詞付之也

盈盈嬌女似羅敷湘江明珠起來綰髻又重梳弄粧
仍學書歌調態舞工夫湖南都不如它年未厭白髭

鬚同舟歸五湖

又効福唐獨木橋体作茶詞

烹茶留客駐彫鞍有人愁遠山別即容易見即難月斜
窻外山歸去後憶前懽畫屏金博山一盃春露莫留
殘與郎扶玉山

又茶詞

歌停檀板舞停鸞高陽飲興闌獸煙噴盡玉壺乾香分
小鳳團雪浪淺露花圓捧甌春筴寒絳紗籠下躍金
鞍歸時人倚欄

又茶詞

摘山初製小龍團色和香味全碾聲初斷夜將闌烹時
鶴避煙消滯思解塵煩金甌雪浪翻只愁啜罷水流

天餘清攪夜眠

又

黔中桃李可尋芳摘茶人自忙月團犀胯閭圓方研膏
入焙香青箬裹絳紗囊品高聞外江酒闌傳盃舞紅
裳都濡春味長都濡地名

又

退紅衫子亂蜂兒衣寬只為伊為伊去得忒多時教人
直是疑長睡晚理粧遲愁多懶畫眉夜來筭得有歸
期燈花則甚知

又

貧家春到也騷騷瓊漿注小槽老夫不出長蓬蒿隣墻
開碧桃木芍藥品題高一枝煩剪刀傳盃猶似少年

豪醉紅侵雪毛

定風波次高左藏使君韻

萬里黔中一漏天，屋居終日似乘船。及至重陽天也霽，
催醉鬼門關。近蜀江前，莫笑老翁猶氣岸。君看幾人
白髮上華顛。戲馬臺前追兩謝，馳射風情猶拍古人肩。

又

把酒花前欲問溪，問溪何事晚聲悲。名利往來人盡老，
誰道溪聲今古有休時。且共玉人斟玉醕，休訴笙歌
一曲黛眉低。情似長溪長不斷，君看水聲東去月輪西。

又

小院難圖雲雨期，幽懽渾待賞花時。到得春來君却去，
相誤不須言語淚雙垂。密約鴛鴦前難囑，付偷顧手搓

金橘斂雙眉。庭樹清風明月媚，須記歸時莫待杏花飛。

又次高左藏韻

自斷此生休問天，白頭波上泛膠船。老去文章無氣味，
憔悴不堪驅使菊花前。聞道使君携將吏，高會參軍
吹帽晚風顛。千騎插花秋色暮，歸去翠娥扶入醉時有。

又

晚歲鹽州聞荔枝，赤英垂墜壓欄枝。萬里來逢芳意歇，
愁絕滿盤空憶去年時。澗草山花光照座，春過等閑
枯李又纍纍。辜負寒泉浸紅皺，銷瘦有人花病損香肌。

又

准擬堦前摘荔枝，今年歇盡去年枝。莫是春光厮料理，
無比譬如痰瘥有休時。碧甃朱欄情不淺，何晚來年

枝上報纍纍雨後園林坐清影蘇醒紅裳剝盡看香肌

又

上客休辭酒淺深素兒歌裏細聽沉粉面不須歌扇掩
閑靜一聲一字總關心花外黃鸝能密語休訴有花
能得幾時對畫作遠山臨碧水明媚夢為胡蝶去登臨
又客有兩新鬟善歌者請作送泐曲因戲前二

物

歌舞闌珊退晚粧主人情重更留湯冠帽斜欹辭醉去
邀定玉人纖手自磨香又得樽前聊笑語如許短歌
宜舞小紅裳寶馬一云醉裏還促歸朱戶閑人睡夜來
應恨月侵床

浪淘沙荔枝

憶昔謫巴蠻荔子親攀冰肌照映拓枝冠日擘輕紅三
百顆一味甘寒

重入鬼門關也似人間一雙和葉挿雲鬟賴得清湘燕
玉面同倚欄干

看花迴 茶詞

夜永蘭堂醺飲半倚頽玉爛熳墜鈿墮履是醉時風景
花暗燭殘權意未闌舞燕歌珠成斷續催茗飲旋煮寒
泉露片餅竇響飛瀑纖指緩連環動觸漸泛起滿甌
銀粟香引春風在手似粵嶺閩溪初采盈掬暗想當時
探春連雲尋篁竹怎歸得鬢將老付與盃中綠

惜餘權 茶詞

四時美景正年少賞心頻啓東閣芳酒載盈車喜朋侶

陶陶兀兀人，生夢裏槐安國。教公休醉，公但莫盞倒垂。
蓮一笑是贏得。街頭酒賤，民聲樂尋常。處逢勸適醉。
看簷雨森銀燭，我欲憂民渠有二千石。

又

陶陶兀兀醉鄉路，遠歸不得。心情那似當年日，割愛金
荷一盃淡不拓。異鄉新桂，炊香玉摩挲，經筭須知足。
明年小麦能秋熟，不管經霜點盡，鬢邊綠。

又

蒼顏華髮故鄉歸，路無因得。舊交新貴，音書絕，唯有家
人猶作慇懃別。離亭欲去，歌聲咽，瀟瀟細雨涼生頰。
淚珠不用羅巾裏，彈在羅衣圖得見時說。

西江月

老夫既戒酒，不飲遇宴集，獨醒其傍。

坐客欲得小詞，援筆為賦。

斷送一生唯有破除萬事，無過遠山微影，蘸橫波。不飲
傍人笑我，花病等閑瘦，惡春殘。沒箇遮圍，盡行到手。
莫留殘不道，月明人散。

又 茶詞

龍焙頭綱春早，谷蕪第一，泉香已醺。浮蟻嫩，鴉黃想見
翻匙雪浪。兔褐金絲，寶盃益松風蟹眼，新湯無因更發。
次公狂，甘露來從仙掌。

又崇寧甲申，遇惠洪上人於湘中，洪能長短句。

見贈云：大厦吞風吐月，小舟坐水眠空。霧窗
春色翠如蔥。睡起雲濤正擁。往事回頭笑處，
此生彈指聲中。玉成佳句敏驚鴻。聞道衡陽

山谷詩
價重次韻酬之時余方謫宜陽而洪歸分寧
龍安

月側金盆墮水鴈回醉墨書空君詩秀色雨園葱想見
衲衣寒擁 蟻穴夢蒐人世楊花蹤跡風中莫將社燕
等秋鴻處春處山翠重

又

別夢已隨流水淚巾猶裏香泉相如依舊是癯仙人在
瑤臺閣苑 花霧縈風縹緲歌珠滴水清圓娥眉新作
十分妍去馬歸來便面

又

宋玉短牆東畔桃源落日西斜濃粧下著綉簾遮鼓笛
相催清夜轉眄驚翻長袖低徊細踏紅靴舞餘猶顛滿

頭花嬌學男兒拜謝

木蘭花令 當塗鮮印後一日郡中置酒呈郭

功甫

凌歊臺上青青麥姑熟堂前餘翰墨暫分一印管江山
稍為諸公分皂白江山依舊雲空碧昨日主人今日客
誰分賓主強惺惺問取磯頭新婦石

又竄易前詞

翰林本是神仙謫落帽風流傾座席坐中還有賞音人
能岸鳥沙傾大白江山依舊雲橫碧昨日主人今日客
誰分賓主強惺惺問取磯頭新婦石

又次前韻再呈功甫

青壺乃似壺中謫萬象光輝森宴席紅塵鬧處便休休

不是箇中無皂白歌煩舞倦朱成碧春草池塘凌謝客
共君商略老生涯歸種玉田秧白石

又庾元鎮四十兄庭堅四十年翰墨故人庭堅
假守當塗元鎮窮不出入州縣席上作樂府

長句勸酒

庾郎三九常安樂使有萬錢無處著徐熙小鴨水邊花
明月清風都占却朱顏老盡心如昨萬事休休莫罇
前見在不饒人歐舞梅歌君更酌歐梅當時二妓也

又用前韻贈郭功甫

少年得意從軍樂晚歲天教閑處著功名富貴又寒灰
翰墨文章新諱却是非不用分今昨雲月孤高公也莫
喜歡為地醉為鄉飲客不來但自酌

風開冰面魚紋皺暖入芳心犀點透乍看晴日弄柔條
憶得章臺人姓柳心情老大癡成就不復淋浪沾翠袖
早梅獻笑尚窺鄰小蜜藕香如遺壽

又

東君未試雷霆手洒雪開春春鎖透帝臺應點萬年枝
窮巷偏欺三徑柳峯排群玉森相就中有摩圍為領袖
疑香窓下與誰看一曲琵琶千萬壽

又

新年何許春光漏小院開門風日透酥花入座頗欺梅
雪絮因風全是柳使君落筆春詞就應喚歌檀催舞袖
得開眉處且開眉人世可能金石壽

又
黃金捍撥春風手
簾幕重重音韻透
梅花破夢便春回
似有黃鸝鳴翠柳
曉粧未愜梅添蕊
玉笋捧盃離細袖
會擠千日笑樽前
它日相思空損壽

又
黔中士女遊晴晝
花信輕寒羅綺透
爭尋穿石道宜男
更買江魚雙貫柳
竹枝歌好移舡就
依倚風光垂翠袖
滿傾蘆酒拍摩圍
相守與郎如許壽

又
可憐翡翠隨鷄走
學縮雙鬢幾年紀
小見來行待惡憐伊
心性嬌癡空解笑
紅蕖照映霜林未
楊柳舞腰風嫋嫋
衾餘枕賸儘相空
又是老人難再少

品令 送黔守曹伯達供備

敗葉霜天曉
漸鼓吹催行棹
燕成桃李未開
便解銀章
歸去取麒麟圖畫
要及年少
勸君醉倒別語
怎醒時
道楚山千里暮雲
鎮鎖人懷抱
記取江州司馬
座中最老

又 茶詞

鳳舞團團餅恨
分破教孤冷
金渠體淨
隻輪慢碾
玉塵光瑩
湯響松風早減
了二分酒病
味濃香永
醉鄉路成佳境
恰如灯下故人
萬里歸來對影
口不能言
心下快活自省

雨中花送彭文思使君

政樂中和夷夏
宴喜官梅乍傳消息
待新年歡計
斷送

春色桃李成陰甘棠少訟又移旌戟念畫樓朱閣風流
高會頓冷談席西州縱有舞裙歌板誰共茗邀棋敵
歸來未得先露離袖管絃催滴樂事賞心易散良辰美
景難得會須醉倒玉山扶起更傾春碧

洞仙歌 瀘守王補之生日

月中丹桂自風霜難老閱盡人間盛衰草望中秋才有
幾日十分圓霾風雨雲表常如永晝不得文章力白
首防秋誰念雲中上功寸正注意得人雄靜掃河西應
難拍五湖歸棹問持節滿亭幾時來看再策勳名印窠
如斗

念奴嬌 八月十七日同諸生步自永安城樓

過張屯夫園待月偶有名酒因以金荷酌衆

客客有孫立多立善吹笛梭華作樂府長短句
文不加點

斷虹霽雨淨秋空山沈沈修眉新綠注影扶疎誰便道今
夕清輝不足萬里青工八常娥何處駕此一輪玉寒光零
亂為誰偏照醺涼年一少隨我追涼晚尋幽徑遠張園
森木醉倒金荷家萬里一難得罇前相屬老子平生江南
江北最愛臨風笛孫郎微笑坐來聲噴霜竹

醉蓬萊

對湖雲鬢凝暮雨霏微翠一峯相倚巫峽高唐鎖楚宮佳
麗画戟移春靚粧迎馬向一川都會萬里投荒一身吊
影成何歡意盡道黔南去天尺五望極神州萬里煙
水罇酒公堂有中朝佳士並頰紅紫麝臍香滿醉舞裊

山谷語
歌袂杜宇催人聲聲到曉不如歸是

又竄易前詞

對朝雲變鬢暮雨霏微翠峯相倚巫峽高唐鎖楚宮佳
儂蘸水朱門半空霜戟自一川都會虜酒千盃夷歌百
轉迫人垂淚人道黔南去一丈尺五望極神京萬種煙
水懸榻相迎有風流千騎荔枝紅深麝臍香滿醉舞裊
歌袂杜宇催人聲聲到曉不如歸是

江城子

畫堂高會酒闌珊倚欄干霎時問千里關山常限見伊
難及至而今相見了依舊似隔關山情人傳語問平
安省愁煩淚休彈天損眼兒不似舊時單
葉子憑寄與插雲鬟

又

新來曾被眼奚搐不甘伏怎拘束似夢還真煩亂損心
曲見面暫時還不見看不足惜不足不成歡笑不成
哭戲人日遠山蹙有分看伊無分共伊宿一貫一文曉
十貫千不足萬不足

逍遙樂

春意漸歸芳草故國佳人千里信沈音杳雨閨煙光晚
景澄明極日危欄斜照夢當年少對時前上客鄒枚小
葉燕趙共舞雪歌塵醉裏談笑花色枝枝爭好鬢絲
年年漸老如今遇風景空瘦損向誰道東君幸賜與天
幕翠遮紅遠休休醉鄉岐路華胥蓬島

離亭燕 次韻答黎功略見寄

山谷詞

山谷

十載樽前談笑天祿故人年少可是陸沉英俊地看即
鎖窗批詔此處忽相逢潦倒禿翁同調西顧郎官湖
渺事看庾樓人小短艇絕江空悵望寄得詩來高妙夢
去倚君傍胡蝶歸來清曉

歸田樂引

暮雨濛濛砌漏漸移轉添寂寞點點心如碎怨你又戀
你恨你惜你畢竟教人怎生是前歡筭未已柰向如
今愁無計為伊聰俊銷得人憔悴這裏銷魂裏一作夢裏
夢裏心裏一何無言但垂淚

又

對景還銷瘦被箇人把人調戲我也心兒有憶我又喚
我見我嗔我天甚教人怎生受看承幸厮勾又是罇

前眉峯皺是人驚怪冤我心捫就拚了又捨了定是這
回休了及至相逢又依舊

歸田樂令

引調得甚近日心腸不戀家寧寧地思量他思量他兩
情各自肯甚忙咱意思裏莫是賺人吵噉奴真箇得共
人得

望遠行

勾尉有所晤為太守所猜兼此生有
所愛住馬湖馬湖出丁香核荔支常以遺生
叔感及之

自見來虛過却好時好日這池尿粘膩得處煞是律據
眼前言定也有十分七八冤我無心除告佛管人閑
底且放我快活得便索些別茶祇待又怎不遇恨花眠

月且與一班半點只怕你沒了香核

步蟾宮

蟲兒真箇惡靈利惱亂得道人眼起醉歸來恰似出桃源
但目斷落花流水不如隨我歸雲際共作箇住山
活計照清溪勻粉面掉山花筭終勝風塵滋味

鼓笛令

戲詠打搨

酒闌命友閑為戲打搨兒非常愜意各自輸贏只賭是
賞罰采公明須記小五出來無事却跛翻和九底若要
十一花下死管十三不如十二

又

寶犀未解心先透惱殺人遠山微皺意淡言踈情竅厚
生教作著行官柳小雨勒花時候抱琵琶琵琶為誰清瘦

翠金籠思玳偶忽拚與山鷄儂憇

又

見來兩箇寧寧地眼厮打過如拳踢恰得嘗些香甜底
苦殺人遭誰調戲臘月望州坡上地凍着你影蹉村鬼
你但那些一處睡燒沙糖管好滋味

又

見來便覺情於我厮守着新來好過人道他家有婆婆
與一口管教豕磨副靖傳語木大鼓兒裏且打一和更
有些兒得處囉燒沙糖香藥添和

好女兒

張寬夫園賞梅

小院一枝梅衝破曉寒開偶到張園遊戲沾袖帶香回
玉酒覆銀盃盡醉去猶待重來東鄰何事驚吹怨曲

雪片成堆作曲一笛

又

春去幾時還問桃李無言燕子歸樓風動梨雪亂西園
唯有月嬋娟似人人難近如天願教清影常相見更
乞取團圓

又

粉淚一行行啼破曉來粧懶擊酥曾羅帶羞見綉鴛鴦
擬待不思量怎奈向目下恹惶假饒來後教人見了
却去何妨

踏莎行

畫鼓催春蠻歌走餉火前一焙爭春長低株摘盡到高
株高株別是閩溪樣碾破春風香凝午帳銀瓶雪衣

翻匙浪今宵無睡酒醒時摩圍影在秋江上

又

臨水夫桃倚墻繫李長楊風掉青驄尾樽中有酒且酬
春更尋何處無愁地明日重來落花如綺芭蕉漸展
山公啓欲將心事寄天公教人長壽花前醉

採桑子

送彭道微使君移知永康軍

荔枝灘上留千騎桃李陰繁宴寢春殘畫戟森森鎮八
蠻永康又得風流守管領江山少訟多閑烟靄樓臺
舞翠鬟

又

虛堂客候參同火梨棗枝繁深鎖三閔不要樊姬與小
蠻遙知風雨更闌夜猶夢巫山濃麗清閑曉鏡新梳

十二驪

又

投荒萬里無歸路
雪點鬢繁度界門
閑已拚兒童作楚
蠻黃雲苦竹啼
歸去繞荔枝山
蓬戶身閑歌板
誰家教小驪

又

馬湖來舞釵初賜
韶鼓聲繁賢將
開闔成竦西山
公詔蠻南溪地
逐名賢重深鎖
群山燕喜八閑
一斛明珠兩小驪

又戲贈黃中行

宗盟有妓能歌舞
宜醉罇壘待約
新醅車上危坡
盡要推西鄰三弄
爭秋月邀勒春
回箇裏聲催
鉄樹枝頭

花也開

又

夜來酒醒清無夢
愁倚闌干露滴
輕寒兩行芙蓉
淚不乾佳人別
後音塵悄銷瘦
難拚明月無端
已過江樓十二間

又

淺挑着子如紅豆
不管春歸聞道
開時峯惹香鬢
蝶惹衣樓臺燈
火明珠翠酒戀
歌迷醉玉東西
少箇人人暖被携

又

城南城北看桃李
依倚年華揚柳
藏鴉又是無言
颭落花春風一
面長含笑偷顧
羞遮分付誰家
把酒花前

試問他

鵲橋仙 次東坡七夕韻

八年不見清都絳闕望銀漢溶溶樣樣作銀河年年牛女
恨風波算此事人間天上 野麋豐草江鷗遠水老天
唯便踈放百錢端往問君平早晚具歸田小舫

又席上賦七夕

朱樓彩舫浮瓜沉李報春風有幾一年罇酒暫時同
別淚作人間曉雨鴛鴦機綜能令儂巧也待乘槎仙去
若逢海上白頭翁共一訪癡牛驥女

醜奴兒

得意許多時長醉賞月下花枝暴風急雨年年有金籠
鎖定鶯鷓燕友不被鷄欺 紅旆轉逶迤悔無計千里

追隨再來重縮瀘南印而今日下恹惶怎向日來春遲

又

濟楚好得些憔悴損都是因它那回得句閑言語傍人
盡道你管又還鬼那人吵 得過口兒嘛直勾得風了
自家是卽好意也毒害你還甜殺人了怎生申報孩兒

菩薩蠻 王荆公新築草堂於半山引入功德

水作卜港其上壘石作橋為集句云數間茅
屋閑臨水窄衫短帽垂楊裏花是去年紅吹
開一夜風梢梢新月偃干醉醒來晚何物最
閑情黃鸝三兩聲戲効荆公作

半烟半雨溪橋畔漁翁醉着無人喚踈懶意何長春風
花草香 江山如有待此意陶潛解問我去何之君行

到自知

又淹泊平山堂寒食節固陵錄事參軍表弟周元固惠酒為作此

細腰宮外清明雨雲陽臺上烟如縷雲雨暗巫山流水殊未還阿誰知此意解遣雙壺至不是白頭新周郎舊可人

鷓鴣天

表弟李如篋云玄真子漁父語以鷓鴣

鷓鴣天歌之極入律但少數句耳因以玄真子遣事足之憲宗時畫玄真子像訪之江湖不可得因令集其歌詩上之玄真之兄松齡惧玄真放浪而不返也和荅其漁父云樂在風波釣是閑草堂松桂已勝攀大湖水洞庭山

狂風浪起且須還此余續成之意也

西塞山邊白鳥飛桃花流水鱖魚肥朝廷尚覓玄真子何處如今更有詩青箬笠綠蓑衣斜風細雨不須歸人間底事風波險一日風濤十二時

又重九日集句

塞鴈初來秋影寒霜林風過葉聲乾龍山落帽千年事我對西風猶整冠蘭委佩菊堪冷人情時事半悲歡但將醪酌酬佳節更把茱萸子細看

又坐中有眉山隱客史應之和前韻即席荅之黃菊枝頭生曉寒人生莫放酒盃乾風前橫笛斜吹雨醉裏簪花倒著冠身健在且加飡舞裙歌板盡情懽黃花白髮相牽挽付與傍人冷眼看

又明日獨酌自嘲呈史應之

萬事令人心骨寒故人墳上土新乾
滄坊酒肆閑居士李下何妨也整冠
金作鼎玉為食老來亦失少時懽
茱菊蕊年年事十日還將九日看

又

紫菊黃花風露寒平沙戲馬雨聲乾
且看欲盡花經眼依說彈冠與整冠
其酒病廢朝冷何人得似醉中懽
十年一覺揚州夢為報時人洗眼看

又

節去蜂愁蝶不知曉庭環繞折殘枝
自然今日人心別未必秋香一夜衰
無閑事即芳期菊花須插滿頭歸
宜將酩酊酬佳節不用登臨送落暉

又

聞說君家有翠蛾施朱施粉摠嫌多
背人語處藏珠履覩得羞時整玉梭
拖遠袖壓橫波何時傳酒更傳歌
為君寫就黃庭了不要山陰道士鵝

又吉祥長老設長松湯為作有僧病痂癩嘗死

金剛窟有人見者教服長松湯遂復為完人
湯泛冰甕一坐春長松林下得靈根
吉祥老子親拈出箇箇教成百歲人
燈焰焰酒醺醺壑源曾未破醒魂與
君更把長生益略為清歌駐白雲

少年心

對景惹起愁悶染相思病成方寸是阿誰
先有意阿誰薄倖斗頓恁少喜多嗔
合下休傳音問你有我我無

你分似合歡桃核真堪人恨心兒裏有兩箇人人

又添字

心裏人人暫不見霎時難過天生你要憔悴我把心頭
從前鬼著手摩挲抖擻了百病銷磨 見說那厮脾驚
熱大不成我便與折破待來時甬上與厮噉則箇温存
着且教推磨

減字木蘭花 登巫山縣樓作

襄王夢裏草綠煙深何處是宋玉臺頭暮雨朝雲幾許
愁 飛花漫漫不管羈人腸欲斷春水茫茫要渡南陵
更斷腸

又距施州二十里張仲謀遣騎相迎因送所和
樂府來且約近郊相見復用前韻先往

史君那裏千騎塵中依約是拂我眉頭無處重尋度信
愁 山雲泚漫夾道旌旗聯復斷萬事茫茫分付澄波
與爛腸

又巫山縣追懷老杜

巫山古縣老杜淹留情始見撥悶題詩千古神交世不
知 雲陽臺下更值清明風雨夜知道愁辛果是當時
作賦人

又次韻趙文儀

詩翁才力曾陷文場貔虎陣誰敢當哉况是焚舟決勝
來 三巴春杪客館夢回風雨曉曾次崢嶸欲共濤頭
赤甲平

又

蒼崖萬仞下有奔雷千百陳自古危哉誰遣西園渭麼
來音習猿啼雲抄破夢一聲巫峽曉苦喚愁生不是
西園作麼平

又

餘寒爭令雪共膺梅相照映昨夜東風已出耕牛勸歲
功 陰陰幕幕近覺去天無幾尺休恨春遲桃李稍頭
次第知

又

終宵忘寐好事如何猶尚未子細沈吟珠泪盈盈濕袖
襟 與君別也願在郎心莫暫捨記取盟言聞早回程
却再圓

又丙子仲秋奉陪黔陽曹使君伯達翫月作減

字木蘭花兼簡施州張使君仲謀

中秋多雨常是瑯壘狼籍去今夜雲開須道姮娥得得
來 不知雲外還有清光同此會笛在層樓聲徹摩圍
頂上頭

又

中秋無雨醉送月啣西嶺去笑口湏開幾度中秋見月
來 前年江外兒女傳盃兄弟會此夜登樓小謝清吟
慰白頭

又

濃陰驟雨巫峽有情來又去今夜天開不與姮娥作伴
來 清光無外白髮老人心自會何處歌樓貪看冰輪
不轉頭

又丙子仲秋黔守席上客有舉岑嘉州中秋詩

曰今夜鄜州月閨中只獨看遙憐小兒女未

解憶長安因戲作

舉頭無語家在月明生處住擬上摩圍最上峯頭試望
之 偏憐終秀苦淡同耳誰更有想見牽衣月到愁邊
摠未知

又戲答

月中笑語萬里同依光景住天水相圍相見無因夢見
之 諸兒娟秀儒學傳家渠自有自作秋衣漸老先寒
人未知

又用前韻示知命弟

常年夜雨頭白相依無去往兒女成團歡笑樽前月照

之 阿連高秀千萬里來忠孝有豈謂無衣歲晚先寒
要弟知

清平樂

黃花當戶已覺秋容暮雲夢南州逢笑語心在歌邊舞
處 使君一笑眉開新晴照酒樽來且樂樽前見在休
思走馬章臺

又

休推小戶看即風光暮莫糝菊英浮盃醕醕賢宅報答
風光有處 幾回笑口能開少年不肯重來借問牛山
繫馬今為誰姓池臺

又

舞鬟娟好白髮黃花帽醉任傍觀嘲潦倒扶老偏宜年

小舞回臉玉曾酥纏頭一斛明珠日日梁州薄媚年
年金菊茱萸

又示知命

乍晴秋好黃菊歌烏帽不見清淡人絕倒更憶添丁小
小蜀娘謾點花酥酒槽空滴真珠兄弟四人別住它
年同插茱萸

又

春歸何處寂寞無行路若有人知春去處喚取歸來同
住春無蹤跡誰知除非問取黃鸝百轉無人能解因
風吹過薔薇

又

冰堂酒好只恨銀盃小新作金荷工獻巧圖要連臺砌

倒唐龍朔中丁母相去連臺砌倒採蓮一曲清歌急檀
催卷金荷醉裏香飄睡鴨更驚羅襪凌波

點絳脣 重九日寄懷嗣直弟時用涪陵用東坡

余杭九日點絳脣舊韻二首

濁酒黃花盡簾十日無秋燕夢中相見似作枯禪觀
鏡裏朱顏又減心情半江山遠登高人健寄語東飛鴈

又

幾日無書舉頭欲問西來燕世情夢幻復作如斯觀
自歎人生分合常相半我雖遠念中相見不托魚和鴈

又

羅帶雙垂妙香長恁舞纖手半粧紅豆各自相思瘦
聞道伊家終日眉兒皺不能勾泪珠輕溜哀損採藍

袖

謁金門 示知命弟

山又水行盡吳頭楚尾兄弟燈前家萬里相看如夢寐
君似成蹊桃李入我草堂松桂莫厭歲寒無氣味餘
生吾已矣

南鄉子 重九日涪陵作示知命弟

落帽晚風回又報黃花一番開扶杖老人心未老堪吟
謾有才情付與誰芳意正徘徊傳語西風且慢吹明日
餘罇還共倒重來未心秋香一夜衰

又今年重九知命已何成都感之復次前韻

招喚欲千回暫得罇前笑口開萬水千山還麼去悠悠
酒向黃花欲醉誰顧影且徘徊立到斜風細雨吹見我

未衰容易去還來不道年年即漸衰

又

未報買舡回三徑荒鋤菊臥開想得鄰舟野笛罷沾衣
不為涪翁更爲誰風力嫋萸枝酒面紅鱗慳細吹莫笑
插花和事老堆顏能人間耐盛衰

又

黃菊滿東籬與客携壺上翠微已是花兼有酒良期
不用登臨上落暉滿酌不須辭莫待無花空折枝寂寞
酒醒人散後堪悲節去蜂愁蝶不知

又重陽日寄懷永康彭道微使君用東坡韻

臥稻雨餘收處處遊人簇遠洲白髮又換紅袖醉戎州
亂摘黃花插滿頭青眼想風流畫出西樓一燈秋却憶

去年歡意舞梁州塞鴈西來特地愁

又重陽日宣州城樓宴集即席作

諸將說封侯短笛長歌獨倚樓萬事盡隨風雨去休休
戲馬臺南金絡頭催酒莫遲留酒味今秋似去秋花向
老人頭上笑羞羞白髮蓂花不解愁

南歌子

槐綠低窓暗榴紅照眼明玉人邀我少留行無奈一帆
烟雨畫舫輕柳葉隨歌皺梨花與淚傾別時不似見
時情今夜月明江上酒初醒

又

詩有淵明語歌無子夜聲論文思見老彌明坐想羅浮
山下羽衣輕何處黔中郡遙知隔晚晴雨餘風急斷虹

橫應夢池塘春草若為情

又東坡過楚州見淨慈法師作南歌子用其韻

贈郭詩翁二首

郭大曾名我劉翁復是誰入廛能作和鑼椎特地干戈
相待使人疑秋浦橫波眼春窻遠岫眉補陀巖畔夕
陽遲何似金沙灘上放憨時

又

萬里滄江月清波說向誰真門須更下金椎只恐風驚
草動又生疑金馬斜粧頰青螺淺畫眉庖丁有底下
刀遲直要人牛無際是休時

更漏子 詠餘甘湯

菴摩勒西土果霜後明珠顆顆憑玉兔搗香塵稱為席

上玆 號餘甘無奈苦臨上馬時分付管回味却思量
忠言君但嘗

又

體妖嬈姍姍玉甲銀箏照座危柱促曲聲殘王孫帶
笑看 休休休莫莫莫愁撥箇絲中索了了了玄玄玄
山僧無益禪

好事近 湯詞

歌罷酒闌時瀟洒座中風色主禮到君須盡柰賓朋南
北 暫時分散摠尋常難堪久離拆不似建溪春草解
留連佳客

又太平州小妓楊姝彈琴送酒

一弄醒心絃情在兩山斜疊彈到古人愁處有真珠翠

曉 使君來去本無心休淚界紅頰自恨老來憎酒負
十分金葉

又

不見片時雲霓夢鎮相隨着因甚近新無據誤竊香深
約 思量模樣忔憎兒惡又怎生惡終待共伊相見與
佯佯奚落

調笑 并詩補云

海上神仙字太真昭陽殿裏稱心人猶思一曲霓裳舞
散作中原胡馬塵方士歸來說風度梨花一枝春帶雨
分釵半鈿愁殺人上皇倚欄獨無語

詞

無語恨如許方士歸時腸斷處梨花一枝春帶雨半鈿

分釵親付天長地久相思苦渺渺鯨波無路

喝火令

見晚情如舊交疎分已深舞時歌處動人心煙水數年
竟夢無處可追尋昨夜燈前見重題漢上襟便愁雲雨
又難尋曉也星稀曉也月西沈曉也鴈行低度不會寄
芳音

留春令

江南一鴈橫秋水嘆咫尺斷行千里回紋機上字縱橫
欲寄遠憑誰是
謝客池塘春都未微微動短牆桃李半陰才暝却清寒
是瘦損人天氣

宴桃源 書趙伯充家小姬頌

天氣把人僂懔落絮遊絲時候茶鉢可曾炊一本云
歲迷藏
柳恰恰如今時鏡中贏得銷瘦生受生受更被養娘催
候心緒幾曾炊

雪花飛

携手青雲路穩天聲迤邐傳呼袍笏恩章乍賜春滿皇
都 何處難忘酒瓊花照玉壺歸嫺絲梢競醉雪舞郊
衢

下水船

總領神仙侶齊到青雲岐路丹禁風微咫尺諦聞天語
盡榮遇看即如龍變化一擲靈梭風雨 真遊處上苑
尋春去芳草芊芊迎步幾曲笙歌櫻桃豔裏惟聚瑤觴
舉回祝堯齡萬萬端的君恩難負

賀聖朝

脫霜披茜初登第名高得意櫻桃榮宴玉墀遊領群仙
行綴 佳人何事輕相戲道得之何濟君家聲譽古無
雙且均平居二

青玉案 至宜州次韻上酬七兄

煙中一線來時路極目送歸鴻去弟四陽關雲不度山
胡新轉子規言語正在人愁處 憂能損性休朝暮憶
我當年醉時句 舊詩云我自只如常日 渡水穿雲心已
許暮年光景小軒南浦同捲西山雨

又寅庵解萍實宰作今附此

行人欲上來時路破曉霧輕寒去隔葉子規聲暗度十
分酒滿舞袖歌袖沾夜無尋處 故人近送旌旗暮但

聽陽關第三句欲斷離腸餘幾許滿天星月看人憔悴
燭淚垂如雨

沁園春

把我身心為伊煩惱算天便知恨一回相見百方做計
未能猥倚早覓東西鏡裏拈花水中捉月覩着無由得
近伊添憔悴鎮花銷翠減玉瘦香肌奴兒又有行期你
去即無妨我共誰向眼前常見心猶未足怎生禁得真
箇分離地角天涯我隨君去掘井為盟無改移君須是
做些兒相度莫待臨時

千秋歲 少游得謫嘗夢中作詞云醉臥古藤

陰下了不知南北竟以元符庚辰死於藤州
光華亭上崇寧甲申庭堅竄宜州道過衡陽

覽其遺墨鮑和其千秋歲詞

苑邊花外記得同朝退飛騎軋鳴珂碎齊歌雲繞扇趙
舞風回帶嚴鼓斷盃盤狼籍猶相對 洒淚誰能會醉
臥藤陰蓋人已去詞空在兔園高宴捕虎觀英遊改重
感槩波濤萬頃珠沈海

又

世間好事恰恁斯當對午夜永涼天氣雨稀簾外滴香
篆盤中字長入夢如今見也分明是 歡極嬌無力玉
軟花歌墜釵眉袖雲堆臂燈斜明媚膏汗浹膏騰醉奴
奴睡奴奴睡也奴奴睡

河傳 有士大夫家歌秦少游瘦殺人天不管

之曲以好字易瘦字戲為之作

心情老懶對歌對舞猶是當時眼巧笑靚粧近我衰容
華鬢似扶著賣卜筭 思量好箇當年見催酒催更只
怕歸期短飲散燈稀背鎖落花深院好殺人天不管
望江東

江水西頭隔煙樹望不見江東路思量只有夢來去更
不怕江闌住 燈前寫了書無數筭沒箇人傳與直饒
尋得鴈分付又還是秋將暮

桃源憶故人

碧天露洗春容淨淡月曉收殘暈花上密烟飄盡花底
鶯聲嫩 雲歸楚峽厭厭困兩點遙山新恨和淚暗彈
紅粉生怕人來問

卜筭子

要見不得見要近不得近試問得君多少憐管不解多
於恨 禁止不得淚忍管不得悶天上人間有底愁向
箇裏都諳盡

蝶戀花

海角芳菲留不住筆下風生吹入青雲去仙籍有名天
賜與致君事業安排取 要識世間平坦路當使人人
各有安身處黑髮便逢堯舜主笑人白首耕南畝

漁家傲

予嘗戲作詩云大葫蘆挈小葫蘆惱

亂檀那得便沽每到夜深人靜後小葫蘆入
大葫蘆又云大葫蘆乾枯小葫蘆行沽一住
金僊宅一往黃公壚有此通大道無此令人
老不問惡與好兩葫蘆俱倒或請以此意倚

聲律作詞使人歌之為作漁家傲

踏破草鞋參到老等閑拾得衣中寶遇酒逢花須一笑
重年少俗人不用嗔貧道 是處青旗誇酒好醉鄉路
上多芳草提著葫蘆行未到風落帽葫蘆却纏葫蘆倒

又江寧江口阻風戲效寶寧勇禪師作古漁家

傲王環中云廬山中人頗欲得之試思索始
記四篇

萬水千山來此土本提心印傳梁武對朕者誰渾不顧
成死語江頭暗折長蘆渡 面壁九年看二祖一花五
葉親分付隻履提歸葱嶺去君知否分明忘却來時路

又

三十年來無孔竅幾回得眼還迷照一見桃花參學了

呈法要無絃琴上單于調 摘葉尋枝虛半老拈花特
地重年少今後水雲人欲曉非玄妙靈雲合破桃花笑

又

憶昔藥山生一虎華亭船上尋人波散却夾山拈坐具
呈見屢繫驢橛上合頭語 千尺垂絲君看取離釣三
寸無生路鷲口一橈親子父猶回顧暗驢喪我兒孫去

又

百丈峯頭開古鏡馬駒踏鼓重蘇醒接得古靈心眼淨
光炯炯歸來藏在袈裟影 好箇佛堂佛不聖祖師沈
醉猶看鏡却與斬新提祖令方猛省無聲三昧天皇餅

浣溪沙

飛鵲臺前暈翠蛾千金新買帝青螺最難如意為情多

幾處淚痕留醉袖一春愁思近橫波遠山低盡不成
歌

又

一葉扁舟捲畫簾老妻學飲伴清談人傳詩句滿江南
林下猿垂窺滌硯巖前鹿臥看收帆杜鵑聲亂水如
環

又張志和漁父云西塞山邊白鳥飛桃花流水

鱖魚肥青箬笠綠蓑衣斜風細雨不須歸此
語妙絕恨今人莫能歌者故增數語令以浣
溪沙歌之

西塞山邊白鳥飛散花洲外片帆微桃花流水鱖魚肥
自鹿一身青箬笠相隨到處綠蓑衣斜風細雨不須歸

又
新婦磯頭眉黛愁
女兒浦口眼波秋
驚魚錯認月沈鈎
青箬笠前無限事
綠蓑衣底一時休
斜風細雨轉船頭

訴衷情

小桃灼灼柳鬢春
色滿江南
雨晴風暝烟淡
天氣正醺酣
山潑黛
水接藍
翠相攬
歌樓酒旆
故故招人
權典青衫

又
在戎州登臨勝景
未嘗不歌漁父家風
以謝江山門生請問
先生家風如何為擬
金華道人作此章

一波纔動萬波隨
蓑笠一鉤絲
金鱗政在深處
千尺也

須垂吞又吐
信還疑
上鉤遲
水寒江淨
滿目青山
載月明歸

又

旋揷玉指
着紅靴
宛宛鬪鸞訛
天然自有殊態
供愁黛
不須多分
遠岫壓橫波
妙難過
自歌枕處
獨倚欄時
不奈顰何

又

珠簾綉幕
卷輕霜
呵手試梅粧
都緣自有離恨
故畫作
遠山長
思往事
惜流水
恨難忘
未歌先斂
欲笑還顰
最斷人腸

晝夜樂

夜深記得臨歧語
說花時
歸來去
教人每日思量
到處

與誰分付其柰冤家無定據約雲朝又還雨暮將淚入
鴛衾摠不成行步 元來也解知思慮一封書深相許
情知玉帳堪歡為向金門進取直待腰金拖紫後有夫
人縣君相與爭柰會分疎沒嫌伊門路

一落索

誰道秋來烟景素枉遊人不顧一番時態一番新到得
意皆歡慕 紫萸黃菊繁華處對風庭月露愁來即便
去尋芳更作甚悲秋賦

促拍滿路花

往時有人書此詞於州東酒肆

壁間愛其詞不能歌也一十年前有醉道士
歌於廣陵市中群小兒隨歌得之乃知其為
促拍滿路花也俗子口傳加釀鄙語政敗其

好處山谷老人為錄舊文以告深於義味者
秋風吹渭水落葉滿長安黃塵車馬道獨清閑自然爐
鼎虎統與龍盤九轉丹砂就琴心三疊藥宮看舞胎仙
任萬釘寶帶貂蟬富貴欲薰天黃梁炊未熟夢驚殘是
非海裏直道作人難袖手江南去白蘋紅蓼又尋湓浦
廬山

山谷詞終



國家圖書館, NATIONAL CENTRAL LIBRARY, TAIWAN, R.O.C.

山名

三十九

黃先生簡尺卷之上

黃庭堅魯直

前寧州知州婺源葉天爵

刊行

知州九谿喬遷

訂補

與人簡

庭堅頌首雖未嘗得奉琢磨之益而瞻望
風度信

吾友元老之所與游知

公必可人恨相從未款耳承朝暮遂行

跋涉風霜良勤千萬

珍重

庭堅再拜上



彭君居士

庭堅頓首欽仰

翰墨風流為日已久比聞

車騎入都竊幸可得

瞻對適以

親老日須醫藥未閒未果

叅候前日適飯僧於慧林極辱

垂顧見墜刺良愧悚奉

手誨感慰謹奉狀

寸笄承事執事

庭堅頓首昨日

墨事不審在何所終日任淨因頗息從容也暑氣逼人

似欲不可耐不審

體力何如欲得兩盃可飲酒能為致得否

庭堅頓首上

伯克 大學 目錄

庭堅頓首驟熱伏惟

侍奉萬福

宅中小人皆佳否累日來為嗣文病極令人意思不堪

幸已安平也馬昨日已置得似差可奉朝詣鹿馬自

今且已久拖拽愧不可言幾持得一款語耳

子川兩重訪皆不得面也

庭堅頓首上

仲謀 騏驥 文思 想第

庭堅再拜啓霜寒不審

台候何如雙井今春第一只有此今納上并揚州大
叫寺水一器伏幸

檢入謹上啓

庭堅再拜上

中書侍郎台座

庭堅頓首雖不數作問然每聞

動靜以為慰見子澤云

尊府氣體已安和想

增勝善安文字已領一緩乃可得亦無數日間滿去

有稍佳酒為置兩盞明日得之佳奇夜草率

庭堅頓首

伯克 團練 閣下

庭堅頓首天氣尚小寒不審

奉承

几筵尚能支持否

和公行狀勉強就此不知

可用否日月川流奄將

祥練伏惟

觀此論次痛割何可勝言謹表疏

庭堅再拜

伯克 大孝 團練

庭堅頓首昨日辱

寵顧極荷

勤懇無以奉延

長者多愧來日習儀罷飯於惠林即上謁不瀆更其蔬
茹只去者墨食柑與松實之類足矣

庭堅頓首

宗儒親友

親老晚來微苦腹痛連心下痛故未曾喫小柴胡不審
可服何藥其餘氣體只是午間頭痛有四分果身體痛
有五分來在也更望

庭堅頓首

戒酌批示

于澤 判局 宣義

庭堅頓首情最奉候

館下承

事馬慢星謁商計

還舍盛暑

侍奉佳否

親老服青木香圓百五十許粒腹中不甚妨悶意思亦
小佳但藏府至今不通不知可服五柔脾約神功圓之
類否幸

庭堅頓首上

子澤 判局 宣義

陰風欲雪手冷頗學書否

子澤今日出否為覓麝香圓百粒速得之佳

庭堅頓首

德父 足下

庭堅叩頭天氣和暖伏惟

中散文寢膳康和

乍遷排岸

令弟官舍安穩否衰粗無緣

參候因

問膳幸達小人之區區

庭堅叩頭叩頭

雙井乃家園春課謾分上教啜

寢門問膳恐或

庭堅叩頭

須耳輕瀆愧恐愧恐

庭堅頓首自前歲 監院回奉書奔走匆匆不能嗣音

但聞往來

住持安穩院宇暉光日新恨未瞻對耳春

寒比來

道力健否亦得十方真學道兄弟相贊助耶外甥洪玉

父往作穀城令名士也曾相聚否故人陳知白天知入

都取寄下書籍亦困道塗少知音

公為致三四月之費如不肖受

賜也適有賓客作書草草千萬

為道自亦

庭堅頓首

洞山道人 邦公 方夫

庭堅頓首屢屈

軒蓋昨日略到邑中會有召食者遂不果奉 詣天氣小

冷

起居住否欲得數石下盤米不審官員有妾子可買否

試為籌之早得乃佳

庭堅頓首

監使 侍禁 執事 朔日

庭堅叩頭雪寒不審

尊候何如伏惟

豈弟之政田里所安

縣齋虛閑

寢膳宜適哀苦臞瘠雪寒手凍上狀極不如禮伏幸痛

察

庭堅叩頭

庭堅叩頭遠承

將命臨屈風雨山寒良不易罪逆餘生苟活未死不能
為薄主人少佇
行李凶釐又不可奉
謁謹奉狀道
謝不能萬一不次

庭堅叩頭上

辭侍者

庭堅頓首昨日辱

置酒甚動重旦來伏想

起居輕安欲買故紙四斤恐

貴局可有之幸為

垂意速得為佳

庭堅頓首

子懷 市易 殿直 執事

管君計日相見幸

為道千萬意行日辱

訪別適洽 伯氏上道之具不果款曲又不果往別敬

作一簡去亦不暇耳既如

詔書罷秋試則必不久留鄉郡耶

庭堅頓首昨日偷工夫到彼浴不果
庭堅頓首

於尋經宿

安勝漆器一百五十事已令洗滌無損動今遣納上

庭堅頓首

志公院筆

十月六日

庭堅頓首病餘茶然殊不堪事以

翟漕到三四日義當一入謁已不勝委頓過飯表弟家

因解衣就臥俟小序復挈舟歸臥沙尾豈可復勝冠帶

想見

古器疎懶眼恨不得住入香雲餅

惠心感刻感刻

庭堅頓首

敦禮 秘校 足下

研山如可乞幸

見惠欲與同惜試醉也

庭堅再拜啓不肖雖未嘗得奉

緒餘然舊聞妻之叔母尹夫人及亡友司馬公休頗能

道

左右業履恨未

參識也今者得罪竄逐乃得瞻望

下風孤危未死幸於承

教也即日夏氣未節不審

尊候何如伏惟

監理豫暇

宴處禪寂日有餘味庭堅區區已及施州數日可參侍
曷勝慰快旅次作狀不如禮伏幸

裁察

庭堅再拜啓上

夜涼得佳眠旦來亦苦客破華嚴道場耳茗句昨遂同
會但令行酒耳乃是曩時壽州盜殺林大監孫也明略
書回納高郎書意甚迫切然未有可輟當割俸一千往
公若隨子調之錢監時有人往來也 庭堅再拜

庭堅再拜道塗疲曳不得附承
動靜遂六十許日處處阻雨雪公乃至荊州亦春氣曠
職即日不審

體力何如

王事不至勞動頗得與僚友共文字之樂否所差人極
濟行李道上殊得力荊州上峽乘舟不大費而差安便
遂不須人故遣回明日登舟即行方此阻遠臨書增情
千萬

為道自重謹勒手狀三月四日庭堅再拜 上

公蘊 知縣 宣德 執事

庭堅再拜於

公家致不踈度

相與之意亦不淺被

旨至陝留略已六十日終不能作一書承

勅辭亦知

公初領邑事不能不少勞神於簿領書問之闕自可同

體相盡尔 沈簿 吳掾 往來聞

廷居之詳每承

流問息意備矣庭堅以繆於史事遠竄黔中罪大忌寬
惟有感涕即日俟受

命即行無緣

會面臨書懷仰千萬

為民自重謹奉狀元日庭堅再拜上

公總 知縣 宣德 執事

雙井新牙八兩漫奉

一歌恐竭氣以露牙八兩助之耳

庭堅頓首

庭堅再拜啓流落羈縛邂逅

公為邦臣

知辱

受謙重深畏似淡薄而久長何以見

君子之交味也奉

別忽踰半年雖修問不數懷仰則勤即日黔州氣候想

尚温煥不審

專候何如伏惟

安靜不擾民以寧一神所共祐日擁

多福無緣

恭承臨書馳情無量伏祈

為民自重以頌

超權謹勒手狀十月初六日

庭堅再拜上

彥脩 知府 左藏 閣下

庭堅拜手啓此因彭水人回上狀當已徹
几下卽日暑雨煩溽不審

尊候何如伏惟

公平清重民以不擾神之聽之

百福所集庭堅以家弟不曠遽別留陪陵忽月餘今日
遂成行益遠

齋閣惟有馳情伏冀

為民自壽以須

陸用謹勒手狀四月二十二日 庭堅再拜上

彥脩 使君 左藏 閣下

庭堅頓首竊觀

鎮靜足以安夷獠

清節足以伏吏民

郡齋宴閑時與僚佐歌舞以謝江山當亦無不樂時別
後未嘗不思

清對也由涪渝至此遂無酒可敵

齋中色味此邦微有瘴霧日須醇酒幸此旁舍民家頗
解醞酒相給耳

殿直想讀書益有功但令屏雜學且以筆墨弓矢為戲
令村媿老兵為給使久之自當習靜成性矣小子相得
一少年淳謹者與同學稍能勤也 庭堅再拜

庭堅再拜兩日來黔江水漲涉夏廼復苦雨耶齋閣風
物想入

知創益有可觀所恨轉閑濩索無與共樂之者耳

子寧氣體漸能堪耐時到

賢樂從容否比因檢書見

東坡一篇聽琵琶纏頭曲甚妙不審曾見之否或須當

以大字寫一本付大張也亦思作聽道人歡一曲偶有

數字未可意後信并寄矣
庭堅再拜

庭堅頓首啓邇來

尊候想益康實聞

子寧已能出點季計殊輕安數共

賢樂把酒否別後時時夢轉閑濩索之聲也三祇候安

勝
庭堅再拜

羅忠 秦德 道中極得力但久滯留增愧

耳

庭堅再拜

聞後房九月臨辱計當得男以慰
所望

賈守得書未能如期來交承否

子寧聞遂安強計數有

齋中小宴歌舞中更得新進否此邦樂籍似皆勝渝瀘

微有成都之風也
庭堅再拜

八師經又寫得無便可寄今附部子寄不知

可意否黏部子時微似差互却如不見經卽

在 子寧部子中矣
庭堅再拜

重煩

惠油餅起渡荷

眷卹不倦感愧感愧

庭堅頓首

庭堅頓首風慘令人不能佳不審

起居何如細事數煩

高明甚愧此品茶餘一斤半告

指揮磨却令自送來與之酒願戒令少下細磨也

庭堅頓首

仲弼 排岸 長官 閣下

庭堅頓首經宿伏想

侍奉

太夫人膳飲勝常

令弟子舍皆無恙今且幹行李未辦事未得

參詣二語錄各往一通維

心華發明者可以入此書尔今日風色未得行否

庭堅頓首

茂衡 通判 宣義

得之不得天魔得玄之又玄外道玄拋却取娘初草粟

認他黃葉作金錢萬仞峯前快撒手更休以後復之前

此書如鳥驚霜弓地避人跡

庭堅再拜啓程三班回奉狀當已小塵

聽下即日夏氣煩鬱不審

貴州之土寒燥何如伏惟

披壺雅歌蠻夏安業

臥閣 冥爾百福所集庭堅替伏草養之間亦粗能經

理衣食之資舍弟遠挈小子無梁一子一妾來相與處

亦慰眼前餘無足道者匏繫之山上心子

教惟有馳情謹附承

動靜謹勒手狀

五月 日責授涪州別駕黔州安置黃庭堅狀上

補之 安撫 太傅 閣下

庭堅再拜楊三班來問得

左右動靜甚詳承

宴處深密虜在

目中無不能貼良慰懷仰問

廬南山川清秀頗得僚佐相與宴樂之否無緣相

從一笑願

時蓋紅方盡

生之理以須臾

聖司

庭堅再拜

都監劉君於此相從在公家相調護始終不倦

冰壘照遠獲預

薦章不肖實亦受

賜

庭堅再拜

庭堅閒居極欲省事不能數假借公吏故遂闕

牋敬 者眼昏澁作書亦甚磨擦伏侍

高明照察底衷

庭堅再拜

施際作研膏茶亦可飲漫往數種幸一碾試

聖諭何如

庭堅再拜

庭堅再拜啓前蒙附郭殿直

所賜書并得蠻弓攷作臥茵及餘甘二種即作書附江
安尉李儒道謝并致雙并去不審已徹

左右否郭殿直近方到此問得

動靜甚悉以慰懷仰即日春寒不審

尊候何如伏惟

臥閣宴安折衝千里之外夷夏無不得其職

明神扶佑

百福所會令嗣及解元想教得安問聞

兩令即充淳謹喜讀書此亦長年可意事也

前守曹供備已解官去新守高用左藏旦之弟也老練

庶勤往亦久在場屋不易得也雖閒居與郡中不相聞

亦託庇焉庭堅比苦脚氣時作頭眩脛中痛雖不妨寢

飯亦是老態漸出因此以門不復與人間慶弔相接林

下惟與二三人共齋粥似差勝舍弟兒姪輩不窳衣

食便是了一生無足

點念無緣叅承千萬

為國自重謹勒手狀正月十二日 庭堅再拜上

補之 安撫 團練 閣下

庭堅再拜昨承

拜命為夷夏借留

明使君嘗具手啓道忻慶之意矣聞

體力輕安須鬢殊未白此大慶也庭堅受性蚤衰已成

一翁尚能飯耳無緣

言面臨書增情

庭堅再拜

庭堅再拜今春黔中乃見積雪天氣亦大寒不審

貴部氣候何如去年黔中荔子差勝前年但不可作腊
聞瀘戎荔子白曬乃佳是否開元中入貢蓋用瀘戎也

庭堅再拜

庭堅再拜啓昨鄭殿直迴附狀并以雙井分上不審已
徹戲下否今歲黔中霜雪早寒以至窮臘少復晴日不
識

貴部氣候何如伏惟

投壺雅歌夷夏安恬樽俎之間多得佳士

宴飲之餘頗復閱今古以為樂亦聞

須鬢不白飲食類少壯此耆艾之福也庭堅頃者毀瘠
屢次已成斑白竄逐以來與憂俱生不復耐寒暑粗可

倚者老饕耳

扈縣想數得安問

秘校般挈歸未

身子舍學問當有日新之功無緣

瞻望歲窮春作懷仰何日不勤伏祈

為國自重以頌

陞擢十二月二十二日

庭堅再拜上

補之

安撫

團練

老兄

閣下

庭堅再拜不敢數通書恐謫籍之塵或玷汗
清望伏想

深察也

劉公敏殿直昨蒙

別紙有顧躬之意幸甚此人幹辦明了它日

見之可悉其存心甚美俸錢盡割在荊州奉繼毋守淡
薄而勤官殊不易得比 漕臺欲薦監渝州稅渠以非

所欲未敢供願狀竊聞

貴部新五寒皆是舉差願得一蒙

驅策不審

可收置門下否渠涪州來夏當滿而渝州闕乃是來年

二月故急迫干叩耳此人既是公家所須人兄弟與之

好故敢率易如此

庭堅再拜

蕃弓袋因人迴更丐一枚欲作琴毀耳愚煩不一悚仄

悚仄

庭堅再拜

庭堅再拜啓得雨秋氣明爽伏惟

燕處萬福見

所賜家弟去月晦書想得

日用輕安處炎涼之變意慮惔然惟有欽歎承

治行日就緒何慰如之雖

瞻望未卜而數聞

君子之音欣慰無斃謹奉手狀承

動靜謹狀

八月初四日庭堅狀上

補之 安撫 明使君 老兄 閣下

家弟蒙

賜手筆甚勤重欽仰

盛德何日不勲繼當作記奉承

動靜

庭堅再拜

庭堅再拜啓春末被

旨移戎州謂計日可

叅候故不復拜狀而多病就醫藥所至淹留凡三易舟
乃得及此比來不審

尊候何如曠早得雨想少慰

憂民之意庭堅捐棄漂沒衰疾慵惰又在林麓已無衣
冠但有幅巾直斂野人之服恐不可以造

公門謹勒手狀承

動靜

庭堅再拜

補之

安撫

團練

老兄

閣下

庭堅再拜庭堅昨於魚洞僦得大舟至戎舟行不甚覺
暑氣至此無可以累

左右者所幹止於薪菜魚肉舟中人可自辦也但欲一
聞寂僧舍中沐浴并治二三種湯藥備小兒輩乍到焚

或不能其水土耳比聞雷州

行遣雖不深知其故要當

相與淡淡於義乃安

庭堅再拜

府堅再拜啓欽想

風流有日邂逅獲奉

緒餘少慰羈狂不肖放浪林泉間已成寒灰槁木尚蒙

長者過當愛護使立於無悔之地敬佩

嘉意無以為喻重辱

手教存問勤懇感激感激區區來日遂行無緣瞻望唯
冀

為國自壽以頌

陞用

庭

堅再拜上

補之 安撫 團練 老兄 閣下

庭堅頓首

損俸餘出於

至意不敢有所擇然

公長者調給中外用處博矣復以見及 增愧且

予舍諸郎皆有英氣它日老夫或有託 焉恨不款曲相

語也小子相駭未有知不敢令

恭侍迺象

齒記感愧感愧

庭堅 再拜

庭堅再拜不聞

酬音忽逾月區區惟有懷仰即日天氣 亦小寒不審

學政何如伏惟

慈惠決於民 二下愛敬

府中無訟

齊閣但文史歌舞之樂

庭詩禮雍雍肅肅神之聽之

日福所會庭堅衰疾不損杜門似有味焉事隨緣亦忘

人食之豐約小兒輩稍知讀書有兩道人於此同齋粥

三有鄉人鄰好先者以鬼谷五命游兩川舊矣云有緣

事至

閣下故輒附手狀承

勢靜十一月初六日 庭堅再拜上

補之 安撫 團練 閣下

庭堅再拜比想

氣體益康疆尚能

劇飲否願

勤衛生之經以須

不次之用

庭堅再拜

庭堅頓首

邑縣想常得安問

子飛兄弟講學當有日新之功舍弟云十月初一王庭

秀才船泝流西來殊不得近音若至

治部幸

為趣其行李也

庭堅再拜

甘乃有一種大者如李其質味甘脆與心中見者絕不
類恨今氣亦散皮所得地少或云深鬱亦有之冬至後

乃宋常恨餘甘入口苦澁難堪久之乃得味遠不及橄

攪若此一種者乃勝橄欖矣西域傳云餘甘二種大者
生青熟黃小者終始青色蓋信然矣

庭堅頓首

真珠菜淨濯去腥氣入蔥白數寸椎薑一塊椒數粒沸
湯綽過研五味壘醋食之甚佳

梭花剝去皮及莖幹取成塊者湯中煮令熟鍊薤油炒
令香下蔥薑椒醋水相半煮沸微入鹽醬甚美

此治二種菜食之殊佳漫錄上

庭堅頓首

庭堅再拜不獲承

教惟深向往即日暑氣煩鬱不審

尊候何如伏惟

高明所照瑕瑜不能相掩吏稱其職民安其業
寢食之味有神相之庭堅區區行役方次湖口挹
西江之水懷思何日不勲到鄙州掃除以須
大旆承

詔東歸耳庭堅有俸餘五百千在夷陵訖一親友戈瀘
間辦一事其委細具器之書中願即得開可之指達夷
陵耳瑣瑣溷

高聽悚惕悚惕盛暑或

衝冒 按部願

珍蓄以自壽

庭堅再拜

德夫 運使 祠部 閣下

庭堅叩頭不審高安風物何如

事生嘗將官在江西否

同僚可與共溪山之樂乎春氣暄暖即日不審何如伏
惟

萬福

王事不至勞勩否

舅母照君勝裕庭堅孤露困窮日在
暮次幸無它女睦兒相並附

起居禮

庭堅叩頭上

庭堅再拜前日輒以

參道同轍率易及惟清人物之論伏蒙
開納敬佩

盛德之意欽重欽重

庭堅再拜

庭堅再拜啓去歲以史事待罪陳留乃聞先公朝議棄養

公委興化歸在喪次方報應史事不能即奉踊南還及此承已

祥練日月川流

追慕無冀伏惟

元筵之奉痛割如新奈何奈何庭堅去國累年素冠未
幾毀瘠餘生殆無入理又得罪遠竄顛倒病瘁不勝衣
冠無緣一詣

服舍謹奉踊承

勤靜筆墨不能萬一

庭堅再拜上

悔之 使君 大夫 大孝

庭堅頓首待罪陳留數得與

君子游荷

恩意千萬甚忘逆旅行日欲作記奉

別賓客晨夜相及遂不果然念念不忘也即日春寒不
審

孝履何如伏惟

几筵之奉以時 諸令弟服次安穩

相望遂數千里臨書但有悵仰千萬

珍重謹勒手狀正月二十日 庭堅再拜上

簡夫 宮教 朝散 大孝

陳克國魚洞之佳士也以渝州無采來糴食米東歸過

貴部幸

為調護之

庭堅頌首

庭堅頌首獻歲不共

壽觴惟有祝頌

惠酒殊佳斤燭甚如法弓弦通裙亦精緻併佩

玕貺

所須大字已書二篇作卷勝作慎故不復改棊子甚好
但太大又數少只得如

廣之所用小者不須極圓黑白皆石每色一百二十便

適用矣庭堅本欲初十日下午瀘州以

信道挽留十二日即行矣遠

別局勝耿耿然

公自當翔翔中州

相見不遠矣

庭堅再拜

庭堅頌首自發瀘州後絕不聞

變道諸故人音問惟痛惜

黃斌老不壽耳即日春寒不審

起居何如

閣中萬福令嗣長茂

南玉想朝夕相從殊樂頃聞

劉廣之除秦鳳路都監而不聞除戎守豈尚未去耶倅

車不知為誰能垂顧眄否

上幕時來安詔從容否為道千萬意病餘多倦未能作

書也雙井一角漫將遠意輕觸愧悚悚方阻

言回臨風懷想千萬

環重謹勒手狀正月二十六日 庭堅頓首

履中 巡檢 侍禁 執事

庭堅頓首旦來伏想

起居輕安細事溷煩有一紫竹轎子未有竿欲乞兩枝飽風霜緊小挂竹又湏時月無毛病者便得之佳或無為乞鄰不嫌似微生高也 庭堅頓首

君全 名儒

庭堅頓首經過極煩

主人之禮行日又屈

營從度江到沙次甚荷勤懇六月半及戎州人事袞袞忽兩月餘不果修敬想

即日

王事不至勞動

起居輕安骨肉皆勝裕前承時時

小不康體熱自汗今已平矣竟曾鍊成金液丹耶有餘幸分三二兩然不可恃藥力極要將攝乃得復初耳未緣

會集千萬

勤官慎事以俟亨衢八月十九日 庭堅頓首

公立 少府 殿直 故人

庭堅頓首蚤辱

寵顧甚惠晚來

日用輕安否更欲造一小竹簾具長闊之度奉呈作成

并欲截青布緣之不知十四日晚可得否

庭堅頓首

相如 少府 殿直 執事

錢一緡納上支前所買雜物及燒浴柴炭幸

指揮給付

庭堅頓首

相如 少府 殿直

庭堅頓首陰雨不解不審

孝履何如尚有細事恩煩有黑漆板牀四六者欲借一
張書室內用若無白木者亦可耳恃

來辱勤勤故敢如此 庭堅頓首

天將 足下

漆板牀了煩

營求棟仄棟仄所謂黑漆金漆恐適有之耳書堂
已設涼牀恐夜中風雨冷甚欲就壁間更設一暖牀
耳萬一皆無只得一張好牀大縣以四六為準或四尺
二三闊六尺四五長亦可用也 庭堅頓首

天將 足下

有親情來託買荔支還可為置得否渠將交子兩道來
或恐交子難買即換鹽二十斤去如何庭堅頓首

程君 足下

庭堅頓首前遣僮夫迴奉書當已通徹秋暑未艾即日
王事不至勞動

體力佳否小兒輩寓居太平想時時煩
長者護視

公衮 考明 靖國諸賢當教有清集

令兄時到郡下否奉頌

指揮買葛六匹不必極細但要一色耳家中遣人來時

為作一部遣送也秋熱揮汗作狀草千萬

勤學珍重七月二十二日 庭堅頓首

子懷 監使 殿直

庭堅頓首暑潤

體力佳否

王事不至勞動耶前承

送紙軸今日偶寫得遣上 庭堅頓首

子懷 殿直 執事

庭堅頓首再拜前日過蒙

主礼敬佩

歉懇之意天氣暄暖喜承

起居萬福色牋有雜色而無紅牋

王子飛云有之候子飛送到即同遣上字軸付來人數

日間事空當

叅詣

庭堅再拜上

鴻范 七舅 提舉 通直

庭堅頓首

清閑頌如此作不知可

意否紙軸書雲頂十二時去此佳作也純公疏勅如來

諭但恐未必行耳至樂山豹隱亭榜臻公行可附也聞

公畫鑿高明計齋中大有恐

因行携来一觀幸甚

庭堅頓首

伏承

易名以避處冲甚善然寬字亦未甚好輒欲易
貴名為朴可否朴既與子原字叶又王朴周世宗朝名
想其心術治行超然出一時人中心常竊慕之也

庭堅再拜

庭堅再拜前日得

瞻見甚慰傾仰雪寒不審

起居何如

所苦想更平唯多燒竹漚湯酒中時時進之飲冷与湯
當頓減此中府不畜熱之驗也五香湯来甦丹今遺上
雖向平可更進滌蕩餘熱令株蔓皆盡為佳昨日為安

客自辰至酉遂忘遣

庭堅再拜

鴻范

提舉

通直

七舅

閣下

旦来

體氣清佳否今欲迴納米三石八斗黑豆一石二斗外
不審請過錢幾許奉煩
令作抄迴納也猥事不當煩

君子悚惕悚惕瑪瑙珠一枚并墨汁兩紙縑上墨竹
佳物但未背耳

庭堅頓首

鏡架已成否

庭堅頓首天氣晴暖伏想

日用輕安聖俞詩前承

借示輒為屋漏所敗因令裝背小勝今納上

庭堅頓首

君澤 知錄 宣德

今日極温不審

起居健否水拓板二花梨手几一柱斧子并烏楠木柄

同納上希

檢至

庭堅頓首

君澤

庭堅頓首聞居每出輒煩人

參候替幾先屈

軒蓋良荷

眷與之勤辱

手詢并

惡建溪名鑄感刻感刻朝夕碾試乃知功枯耳謹勸
狀道

謝不能萬一

庭堅再拜

德父 寨主 侍禁 執事

庭堅謹上謁候

少府 祕校 名家 起居

三月初五日手狀

治積冷在胃嘔逆不下食以至水亦不可諸醫束手者
宜服半夏大圓

半夏一两湯洗七遍切焙為細末

小麥麵一两

二物同灑水搜和圓如小彈子以水煮令極熟温熟水

吞下不計數旋莫旋服胃中得藥力漸當受藥餌矣忌
羊肉及餛

今日方乞得齊州半夏并方納上可便作與之王德全
有米欲入中但以兩意未定不敢般入倉不知
軒蓋幾時可入之欲般去幸少

留意方便利益也

庭堅頓首

庭堅頓首承又

為上司所差委當至巴陵

衝冒風冷良不易日聽

歸音耳仲璋筆評漫遣上亦安能與之為重耶渠此筆
善書者當無不喜之明畧詩已領袖荷

迺寫直如數付米使遲晚有客客退乃作簡

庭堅頓首

君澤 知錄 宣德

庭堅蒙

顧卹勤重感服不可言真珍飯并汁滓相將珍饌也即
與三二佳客同享之庭堅已約開食禁盡七月得肉米
氣體便豪壯能大嚼矣

大郎更好顧視之

帥座請兩至誠上達公私欣欣 庭堅再拜

鴻范 七舅 提舉 通直

暴脯味亦佳但愧數為

左右費耳

昨日孫彭年秀才去附書及首禮籠當先此到霜寒比

來

何如出入不至懃苦否千萬將爰初二日 庭堅拜

嗣直 少府

庭堅頓首兩日

起居勝健否治行何如今日二長季及兒婦以老夫本命到寺中轉經藏因令參見

縣君治行方冗不須為具也聞

須花布作倚背座子何以相外不示

諭今送王井欄四匹或未足用更

垂示

庭堅頓首

仲牖 通判 通直 二十一弟

庭堅頓首法帖乃至煩

賢郎甚非宜或未下手幸

亦遠比得一兵頗能此事也王君所幹乃尔稽違亦可
使老夫自遠幹人有至者亦棄之矣而二三子多王
君之比故比來用度極窘抵當至百千矣遣廣僧往督
其費乃反使廣負謗毀計廣語言容易往往齟迫故致
此患耳廣性不敦重語言輕易是其短其餘皆謗黷之
耳無一事實也若稍稍督得此逋盡寄醇老宅庫易作
所千錢米既奉法又易致耳

庭堅再拜

大墨一笏頗堅黑恨不多耳陽山九峯紙各一百漫副
匱乏耳不能也前託王公濟致四千足作燭價再往
境不曾上納或又不能送即當自此遣上前燭恰得二

十枝送一相知人矣

庭堅拜手

庭堅頓首兩日不聞

音問想

穢道叢脞殊可厭

君玉有來音謂

仲安必已還矣磁石若有擊破合藥者乞一兩或無不

固求也

庭堅再拜

未懲 足下

酒味極醇正但微辣恐澄澹芒頭大耳

庭堅頓首承

遠別三江口恩意不淺又承

送郎道送作江安感戴無以為喻即日想

體力輕捷

貴聚皆安勝今年必得暇到榮資富順捆載而歸矣所

須文字一軸題傳神二軸今付

宣叔人廻百冗未能委細作書千萬

尋愛 未懲同此意

庭堅頓首

君玉 官藥

仁知

庭堅頓首感暑不可出但引領

齋閣耳不審亦

得清涼之地度此午暑耶欲得兩鋸匠到此無一段木

不過一日工耳便得幸甚

庭堅頓首

子温 明府 宣德

庭堅頓首天氣驟寒不審

起居住否今日欲悉遣太平吏兵

公白直可惜一名於此驅使否此隨行但有兩莊客耳
恐驟無人小盜或窺覲少定疊雖兩使令亦足耳

庭堅頓首

子温 知縣 節推 仁友

庭堅頓首累日困於尊俎不能

息候但有馳情秋冷

起居住否黃龍葺一書室粗明潔可居但闕器用云邑
中祇候季按借備釘十條去何故作許大次第不審幾
日季然還可轆四隻或兩隻否謹勒手狀

庭堅頓首

子温 明府 仁友

庭堅頓首數日不得

瞻望懷仰實勤晴寒

起居住否買竹絕不聞消息何也借器用略已足但少

椅子更借得四隻否欲煩

拍揮勾一木匠來作一籬門但為五條籬柱早得之幸

庭堅頓首

子温 明府 仁友

庭堅頓首頃僧崇廣去嘗奉書既而聞廣不留全徑過
零陵不知此書得通

几下否比來不審

游居者誰維摩閣想更崇飾撥醞愈得妙否

祖師塔院當有日新之功山川形勢極為佳處

諸賢不可不留意也庭堅今年來幸健但未存一酌撥
醅之期耳因來時

惠數字亦慰窮獨秋暑方熾千萬

珍重七月初四日

庭堅頓首

靜甫 太醫

庭堅頓首蚤來又辱

寵顧良佩

勤篤

惠米麵珍蔬愧以有待仰累

顧郵對客道

謝草率

庭堅頓首

靜甫 太醫

秋暑稍易堪夜中清冷美睡想殊得所但當
深思寶護玉體立功名耳

所寄尺六觀音紙欲書樂府似太不韻如此樂府卷子
須鎮殿將軍与大夫娘對引角盆高揭萬年歡乃想當

也一處漫書一卷大字去未陽茶碾窮口可得二兩許
未能足得瓶子且寄兩小囊可碾羅畢更熟碾數百點

得自浮花泛乳可喜也須佳紙當奉寄宣州紙只是包
表材器耳彼易得藿香草豆蔻否所須通俗樂府得暇

當用小牋作一卷子去

庭堅頓首

庭堅欲頌

頌旨更為作燭二十枝如前法不知

可得否然聞 公濟說託外縣鎮買蠟亦費力果然恐

不能猝辦有人在此候發若十二三日到猶可及前自用者猶有十五枝在若且作得五枝走一人送來幸甚若要簡紙卽示諭此屠處隔江卽紙戶家每來問勞之遂可使旋買百十張積自可得五七百耳亦差光緊如官中買者蓋於官紙中擇差者見售也草豆菴更不須置昨日見一差官言彼極易得已託渠買千顆矣

庭堅頓首

昨日作竹匱極荷調護甚如法也欲更作疎櫛竹匱盛食器不知能爲作得否蓋三間屋中欲盡去凡案令寬展耳但鄙事溷煩多深媿竦也有人惠糜肉旣已禁肉遂爲無用輒奉一飯也此作得重醒酒乃似京師官酒味少時亦奉一

器

庭堅頓首

獻香海神奉頌

指揮作一鋸燭跋須曲起乃壯然要令跋當盤心也

庭堅上

欲作一竹匱高五尺闊四尺七側闊二尺三兩層欲頂及四面平直須

指揮買竹爲之唯壯爲妙此自与手工也但鄙事數煩君子多愧

庭堅頓首

造二簾極如法甚煩

調護也告

指揮來取物料錢更欲得兩對小簾鈎只木工作者可也得此簾則當去窗紙甚涼矣又慮風雨夜中冷須得

兩簾於窻裏各闊五尺五長三尺七以柿膠糊之仍打
四小鐵環四小鐵鈎事乃大備但鄙事數煩

君子愧惕不可言耳

庭堅頓首

茶碾一副欲奉頌

指教一木工差巧者作木匣及把手子便漆却却都
示物價仍與木工錢也

庭堅頓首

庭堅頓首比承

惠顧敬佩

厚意嗟嗟伏想

侍奉吉慶承

貴字曰厚卿竊不以為然 安太尉名字如此已顯又
是當朝貴人不可全用也 季礼見舞韶樂者曰如人之

無不燾也如地之無不載也夫能大庇萬物者莫盛於
仁可字曰子仁則免學人又無俗氣也不知可用否

庭堅頓首

惠貺魚鱉珍味感刻感刻前承

應副白豆菴防風敬佩

惓惓之意

庭堅頓首

屢辱

珍羞之貺感刻感刻顧無佳物可奉

報耳聞學院子有能界冊子者不審未替否如未替即
欲送一冊子奉

煩耳

庭堅頓首

庭堅今日報謁數客廻已之到保安熟寐家人喚起強

飯之方筋頭少味承

惠繼家人云鯪似未熟因令煎之方欲食得子永報遂不能舉箸然家中人將生熟鯪細視之皆無有豈天寒方聚廳於瓶底乎一噓

庭堅再拜

時當意欲用口味不知可否

庭堅上

庭堅欲初六日奉邀

全甫

君賜

晴當

元朴

子美

信中同飯蓮華亭頓

全甫指揮具之幸甚

庭堅頓首

早食包子作數種乃佳 肉汁粉麩鷺下飯

鷺自庖去

晚食作八九味煩

斟酌唯佳物乃善今納一千足去恐尚少續送

來日納二斗酒去

聞有流黃十兩或未用且都輟來如何今年闕金液遂覺氣數弱於去年也

庭堅頓首

此一種水味雖不及 教授家者亦可喫漫分上

庭堅頓首

屋子粗率合得就欲歲裏遷入少竹門竹窻買斤竹不得若有斤竹欲廻買兩柰可否

庭堅拜聞

庭堅初十日率易共早晚食攀屈

全甫

君賜

時當及

元朴

子美

琪稟
尊命

信中

不罪坐邀幸甚

庭堅再拜

天氣小冷而得晴日頗宜人

不審台候何如一壻自安州來相見方館穀之故兩日不果

瞻望黃橙三十漫分上旋煎亦玆

庭堅再拜

庭堅再拜經宿不審

何如伏想

不爽調護昨日雖到田君家以不肖輟行遂罷會堅欲

吟日為之不免蠹沒應之耳脚婆已支雇直附子尚未

樂取價幸

願百問之

庭堅再拜

中玉 十三兄 金部 閣下

之美易夔稍遷否除代未豈子開入蘭臺耶

庭堅再拜啓私居多故人 伯氏方自都下來歸故匆

匆不能作記承

動靜聞餘溽暑即日

尊候何如伏惟

齋閣宴居八州無不得職明神相之
百福所會頗復与

諸公共登臨之樂否庭堅蒙

恩假守宣城實出

獎借之賜方圖一走

節下謹勒手狀

庭堅再拜上

中玉 運使 通直 老兄 閣下

庭堅再拜庭堅已治舟且般挈賤累至海昏方趨

節下請

教以盛暑骨肉不肯久陰局小舟中已從

獻父借二舟或恐鈐轄司自治行舟不能盡應副

費司更那得一舟幸甚自炭步至海昏不過三日若得

早至舉家受

賜輒恃深情故令投告也

庭堅再拜

庭堅再拜陰雨不審

尊候何如今日以 祖母遠忌來承大飯僧飯罷往賀

德循迴當一

參候細事輒煩

左右買附子二兩若得四枚以 黃龍清禪師小中急

求求藥旦夕欲遣人迴故敢惱亂

庭堅再拜

中玉 十三兄 金部 閣下

庭堅再拜午刻伏想

尊候萬福附子不審已得之否來日黎明欲遣黃龍人

也脚婆已就否數夜脚冷甚念之耳欲便打一錫盃如可即送銀盃去作樣也 庭堅再拜

中玉 十三兄 金部 閣下

庭堅再拜啓

府中潭潭不異逆旅風雨驟冷擁被不温乃能

降伏心意服枕晏然欽欽欽欽舟次大風簸船凡動物

皆謳吟達旦時時驚眠亦有斷維折柁之憂今旦既不

可出擁鑪假寐亦自不惡 翹叟亦擇日出居乃是南

人毛病明日陰雨往往復還家作客矣亦聞澧州已食

筍方作書從小檀求之饋犁初感刻感刻

器之到當入城卜

然候也

中玉 十三兄 金部 閣下

東坡此一詩曾見不漫抄去醒醒若醒不醒

但看醉道士也

庭堅頓首再拜

味道 通判 朝奉 閣下奉

別八年於茲不通書亦五年矣惟是懷仰之心無日不

勤比蒙

恩罷太平還吏部不謂便道乃得

參展何慰如之秋候小冷不審

起居何如即款

實次謹勒手狀

庭堅再拜上

味道 通判 朝奉 閣下

庭堅頓首自 家弟知命棄去每遇舊游故人未嘗不
法然也想

公亦不忘怜之不肖罷歸猶恐有
命左遷不審近報云何

示諭舟人云

貴部非泊舟安穩之地恐不得久留承
教耳

庭堅再拜

庭堅頓首再拜雨氣清潤伏想

起居輕安兩日不審復有即報否

所須州榜雖寫得恐方此時未宜張之動人睥睨則且
用峽州例藏

公家可也

庭堅再拜

味道

通判

奉議閣下

八月晦

庭堅頓首何承

與舍弟書意欲得巫山縣字老嬾久之不能下筆今日
偶晴快遂書得然物材皆不如人意且漫往不知堪用
否往嘗授大字法於許覺之用退光木板而以胡粉書
不可意輒泮去然既可改則意態有餘往往下筆即可
耳然巫山榜以回祿墮敗今此字癡拙有老人態則是
水土重遲之筆多似可厭勝耳

庭堅頓首

深源久不聞音問安否此邦士大夫亦多善士思欲得
如

公高材廓落者一晤語不可得也思古人看羊海上十
九年可謂弘度君子矣

令弟得近書否小子相過蒙

齒錄甚不忘往日

周旋教載之惠也

庭堅再拜

庭堅再拜累日不奉

談席實深懷仰天氣小佳伏想

起居萬福 張文潛一詩漫錄上不審

見之否

安常昨日將出復還無甚苦否 庭堅再拜

中玉 十三兄 金部 閣下

庭堅叩頭有江州王寅者清靜寡欲忠信好義犯而不

校久与之游見其學行日進不聞其有過也昨登第以

两房孤遺待其祿而食故授齊州司理今為見闕以江

州無舩輒欲乞一舟於

節下以不肖於

左右有一日之雅遣人來借一言已報之云

馬公特達好賢如足下之清修重慎見而可知足下但

自往求之不審嘗至

門下否

庭堅叩頭上

庭堅再拜雪寒欲不可過喜承

起居萬福宿昔大風簸舩鼻軒如雪略無勝負今夕萬

乘齋宿想乾坤繞漢宮無此風雪老豸自是果熟似別

無意火前但願安樂寒暑自依節令 一據

庭堅再拜

中玉 十三兄 金部 閣下

來日不可入城

請書只是儀注耶

庭堅頓首晚刻伏想

體力輕安治行良不易適見兵馬司已并節級差二十一人度後日遂可成行流寓於此家信未能般挈來略不能展

主礼甚愧法酒杏仁各一斗漫沃

從者輕瀆悚仄悚仄 庭堅頓首上

駐泊 侍禁 執事

庭堅頓首盛暑久不得奉

謁朝來

起居何如雙井一器漫分上

不訝輕瀆 庭堅頓首

駐泊 侍禁 執事

庭堅頓首天氣驟冷不審

起居何如伏想

日用清健却欲煩

日送安樂泉一檐可否

垂諭 庭堅頓首

復中 都巡 侍禁 執事

庭堅再拜蚤蒙

公厨饋節酒久為滯客數費供億甚不皇也晚來尤風

恹不審

起居何如偶得麀肉羞鮮漫獻一筋

罪不輕瀆

庭堅再拜

中玉 十三兄

金部

閣下

庭堅再拜陰風冷落喜承

寢膳安宜遣書對客雖三餘之日亦罕得暇或閒閑極

容而臥耳草書止是率意亂寫豈有精妙之理兩日未

又思頻浴身安之法當一入城即上

謁方困欲眠上啓不如禮

庭堅再拜

中玉

十三兄

金部

閣下

孫材父計不久即到此得近問不渠既入作

郎官想不待

德循到也

庭堅頓首再拜

使君

大夫

閣下庭堅領太平事八日奉

朝旨罷歸吏部當復還荊州稍謀生事道出

貴部奉

別才百許日乃得

瞻望實慰馳情秋候小冷伏惟

尊候萬福比晚詣

庭堅再拜上

使君

大夫公

閣下

累日不奉

誨益唯有懷仰晴暖伏想

台候萬福以故人阻風相挽留義有不得違者遂失子
永之約若萬一來日成行絕早且遣孫八及家國書往
矣計自此時有人往還孫八所要字便可致也偶出見
市中烏裨似可人漫遣五十
庭堅再拜
今日

飲膳勝常否

須草書賓客紛紛中寫不能佳也二種紙漫納

書凡紙品裁皆佳可惜寄人家飽蠹魚也之字詩錄上

庭堅再拜

朱君飯前樓已那船在望僊門食罷即行

庭堅再拜自

大旆移按巴東身亦奔走道塗久之乃至太平莅事九

日復送吏部至今漂沒未得所也以是不能修敬

左右伏惟

使節之在淮南未幾也

來撫江西盛夏亦

勤於道塗否未緣參承臨書懷仰伏祈

為國自重七月初一日

庭堅再拜上

之美 運使 大夫 閣下

庭堅再拜

使車雖數遷然

敦厚膚敏民所望而畏愛也伏惟

按部所止高明斂手惇獨得職

寢食之味神所相勞

令嗣猶在婦翁家耶

君禮想視膳問寢不解子職居閑亦得文字之樂庭堅
漂寓鄂渚家二十口亦隨緣厚薄但湖北極苦旱乾不
免有饑饉之憂耳不審

貴部夏秋頗得時雨否

庭堅再拜

萍鄉縣令黃大臨庭堅之伯氏也其檢身臨民故莫逃
於

衡鑒之下今歲六月當滿而交代曾誠乃以適來聞此
君遲遲不來規欲避免然尚占此闕未歸吏部恐或淹
留數月耳或

按部至邑當蒙

當察

庭堅再拜上

儻舟極荷

垂意不要與爭數千錢得大舟安穩又速離得鄂州是
第一策雖三十千不足為費也絳州法帖送

郎令甥

庭堅頓首

昨日見潭船一樣者凡三隻試託令船牙人子細問當
雖三十千足不害如昨日攬載船只直二十千瘦亦微
疎漏不可人意耳

庭堅頓首

馬子欲與

韓二州不知須否今只得三十千省亦可若
要看可來牽去

庭堅頓首昨

仲瀟過此盛稱

亞室之秀惠纖穠合度笑語不可忘女功尤妙所以不
欲草草措詞而老拙慳澁未能成也公濟來又言作
瓠羹極道地故奉寄麵一石作瓠羹也草書漫用連州
大紙寫去不知

可意否昨發武昌時便為輕齋至宜州之計凡重物皆
不將行所以紙研墨極闕大圭往取猶未來耳有隨行
紙昨在八桂已用竭連州紙乃旋買來耳須草書但要
自看不必堅紙更約二十年看得便可耳一噍兩日發
熱意思不甚佳今日猶憤憤來人索索作此所謂草草

庭堅再拜道出

庭堅再拜

貴部喜於承

教伏蒙

教敘親親之義甚厚遠遠忽復改月何勝懷仰夏暑暄
濁不審

何如伏惟

太夫人寢膳萬福

府中清明事簡不廢

溫清百甘之職退而

宴聞吉慶所會區區方抵高安幸無它方遠

談席伏祈

為道自重以須

陞履謹勒手狀

庭堅再拜

幾道通守朝請凡

庭堅再拜復氣煩燠不審

尊候何如伏惟

太夫人寢膳安宜

貴眷皆萬福前因萍鄉人上狀當已通徹

左右庭堅區區幸已達九江舟六賤累皆無恙方阻瞻
承懷仰無已謹勒手狀

庭堅再拜上

幾道 通判 朝請兄 閣下

庭堅拜手啓經宿不審

尊候何如利血止否若用四物湯加阿膠無不止無能
除上盛引飲等

都欲想不覺倦亦喜天不雨也

小漕若果是陳侯 茂宗極知底裏也

朝中亦熟相語耳較慧中之簾甚愧孫子曰將欲奪之
必固與之此倒用司農印耳適得 四哥書喜渠安於
職事想

郡君必少加飡也

庭堅再拜上

伯達 知府 太博 閣下

偶得少許草極嫩可加料作一椀湯餅否兩種齏亦漫
佳

庭堅再拜

深衣帶并冬兒帶子納上糟肉却為前日忙忘却著蓋
今早取看已臭有誤主客服食可笑青綾可截下八尺
作直效餘幾許示下可否

庭堅拜手

範公洗漱襪子遣呈小角匙子納一枚欲得闊三寸高
三寸合子二枚不知可鏤否亦不甚緊要漫及之耳明

日能為趕切兩人蕎麵不拓來幸甚瓦徽討一枚

庭堅再拜

告

拍揮用一介頭麵七斤次麵和却付下 庭堅拜手

經宿伏想

尊候輕安昨晚遠迎狀極愧恩

高明又逼夜遣呈不如禮侍

相與傾倒不留秋毫耳倚背坐寸借四副乾魚乞幾

枚削脯亦乞三條

庭堅拜手

庭堅拜手昨日得陪

尊俎少慰頌仰恨白頭懶倦不能極

至人之意耳人來喜承

庭居輕安皮鞵亦不甚相遠但各是本物耳餘一隻幸

付下不尔只留此隻履與 知命著也可呵

庭堅拜手

雨不止寸步不可出地爐中與

三道入語忽然不知日晏也還釀飲三千已領但恐浸

支

宅庫已多耳既費衆人錢須作得超陶乃佳每事得左

右拍畫幸甚二書冊并往略已改正可傳抄矣屋漏無

乾處想止是西軒當屋山下耳 庭堅拜手

預送犯令果子已付 馮老入庫矣承有兩

絮未用幸

付下

如器斑斕遂不可出入前蓋物料慳耳如何告
拍揮別買少許金加色令深及外緣皆成色可否更煩
令監打一截尼孟子蓋此物料也鄙瑣數汗
高明愧不可勝
庭堅再拜

今日得從容

相語少慰馳仰即刻伏想

輕安適方練得絹弄樣納上鄙謀甚愧
庭堅再拜

今日齋會但
範公差勞耳餅師止作薄脆及胡餅不
費人心力也打疊想各已就緒
冬兒計止是熱前日
見已著綿甚非宜待極寒方與些舊綿幕絡襖兒即經
冬惺惺也恐是耳中有瘡可與
劉侍禁金華圓四五
粒令宣動則解
庭堅拜手

更與妳子金華圓三十許

庭堅頓首昨晚甚涼

老兒在亭中不太冷否病者想漸蘇醒能食矣家園炊
餅漫佳不知堪否
庭堅頓首

天錫推官
仁弟

尊公書信今託

黃龍長老所遣化主附去相稅等並往問訊未果今作
書

前借示諸書欲令裝標閱馬圖為雨濕未行成就裝標
功畢跋尾了乃遣
庭堅頓首

庭堅啓多日不聞

音問懷想則勤苦雨連日山中頗亦厭患之否前兵士

還留書信於此欲候便乃遣既不逢便因循遂留多日
即日想

調護家事不至勞動

游泳經史同

令姪有日新之功

諸嫂位皆安勝未卜

會集千萬

勤學自重五月十八日

庭堅頓首

李郎 履仁 足下

適來紙堪用否此亦有冷金厚玉屑但不成數耳若五
上幅作一杏用兩種更加小歲似可

庭堅再拜

作茶節者至今未到

大小可派子各求二十許未有即乞

減少支給針工借三人與知命了帳子

水書乃煩

勾限感愧感愧今遣上告

拍揮付之

庭堅再拜

舍弟二詞

起居晚當拜見

米告

拍揮足數量與六石外或零數即煩存回

板子告因作脚時爲以樺板樣作四脚黏却幸甚降真
板若作香材乃佳作拍板有太薄者遠道恐虛費人擔
適却思只以雙井報之也

庭堅再拜

經宿想舟次安穩今日食後定成行否或舟人之便更
滯留一日亦無害也漫令趕切數盪麵去恐可隨宜一
杯耳半夏湯令送豬肉恐庖成不可口故腥送買大字
論語一部最急務也

告

指揮作蒸脍一斤少時却送熸茹去若有念頭惠五
七不妨多則無用

庭堅再拜

庭堅稽首昨日小羊荷
招喚時暑頗二姬奴挿大似不識好惡然象
眷与之厚感愧不可言經宿喜承

尊候萬福 令女得風引湯大府流利善矣但恐須服
托衷散乃全佳耳建安茶碾甚如法只是把手未壯碾

茶兩日即兀矣若有人解作生皮頰子安其中大佳摩
圍但得舊碾足矣滯麵煩

指搗愧悚愧悚有竹紙乞數十但恐亦竭矣

庭堅再拜

今日祭社一歲民食所託所以祈風雨時節為民攘除
發賊之灾不謂

祭 兩勸農使者皆移疾不親之也孔子曰吾不與祭如不

神聰明正直依人而行不可忽也昨日不甚解
所諭故不果論之他日有典祀願少

留意

公嘗事韓康公嘗見此公齋祭風範否俸米極

應副得無乏

宅庫支遣否

庭堅再拜

少間納燒餅十枚去今日不知作何物若有蒸餅酸味各惠數枚不必多庭堅再拜

消風散如已合成覓一貼為相不忌口又眼痛也適借得

呂令券勘七月四石米若便得之佳見闕米也

庭堅再拜

晚來

起居何如 傳侍禁送到山紫草三斤不知可染得直
敷表裏成色否今納上

庭堅再拜

般入行衙薦若有餘乞中樣者一領或未空

切不須騰亦是漫乞耳非急須也

若於法常取願狀既往于之但當供願狀也其它差遣則有命矣恐難為却之不願也

庭堅再拜

玉井欄雖紗縷差磨乃是本色極荷

垂意糕煩

致餽甚荷此兩鍋乃是 呂令局上所負告
指揮破來送 呂所令買物料也

庭堅再拜

手把薰籠不知都作得幾枚可日輟一否

庭堅拜手

庭堅頓首天氣欲作大雨蒸鬱未解不審

侍奉佳否昨日承

手畢并送蜂腊十斤

玆惠也感刻感刻 正叔書軸漫題數字偶作一卷草字并送殊勝

公家所收也三石刻恐公篋中未有也

庭堅頓首

韋君 賢俊 足下

庭堅頓首且來想

侍奉吉慶扇亂書數字去賜茶及雙井漫分上

不罪輕觸

庭堅頓首

韋君 賢俊 足下

庭堅謹奉謁候

韋君 賢俊

起居

閏六月 日前權知太平州事黃庭堅狀

偶嘗荔子

雖未全甘已可喜漫送一籃它日極熟

當再致也錫合不知中度否寄惠二十二年白沙所作對之惘然各已老大非復當時氣味矣欲寫二三新樂府去適傷冷物倦甚後未能耳時父不能來受之樂府雖治生巧於公濟不如公濟之好學也近又得數篇亦前三篇之流稍安快當錄去恨此漏邦無人能寫譜耳

庭堅頓首

庭堅頓首承

醇老相待禮意甚厚

公勤於王事達於人情故當尔尔法帖承
賢郎欲為調護幸甚但愧不當煩之耳今日同公濟飯
飯後困頓未能遣須後信也草書小詩未寫得亦須送
大燭來人可寄也

示諭糞除四衢甚蠲潔亦料

材者必尔漫及之耳想比來亦嚴火禁處處澆水以應
星變示修人事敬畏之意前欲作界方亦不必挑榔但
得檮木之類亦可有木工所用挑榔四尺求一枚此裁
紙之佳器也

庭堅再拜

有士常供奉監分寧茶場不知於

公遠近曾通書否字云何有書來未曾答耳
庭堅頓首缺然不聞音問每懷

蘇磨之益臨風惘然忽得

來教歡喜無量鄙語刻鏤虛空安能有益過蒙

馮山老人贊歎祇增愧尔

寄惠湯家石刻多所未見即與一嗣文諸弟同玩之元
明及大齋臘前已入京矣雙井諸事如故黃龍雲巖
皆成叢林清公在黃龍西堂叅徒殊得所依也
南公真贊已與人今別寫去木平贊小字同往承向日
苦寒熱今必已輕安更希

擺脫俗事靜處資養聖胎身健則道行也臘下略至洪
州往來亦費一月欲一到黃龍亦以泥雪又入事紛紛
未能耳何時復能由此來欽想欽想七佛偈及枯老
語錄序漫往恐彼方人或未見尔正月十五日

庭堅頓首上

範公 道友 几下

庭堅頓首刻語錄之類想有兄弟幹辦不至

勞勤房山頗有日近所開碑刻以擔重附鹽船來至今

未到它日別求便寄往也有一書与

道林琳公煩

指似此僕送達也

周重實名秩秩是一殼中二米故字重實耳示諭

馮山所作贊及跋尾此道人之言不須更彫繪也

庭堅頓首

庭堅頓首每欲奉謁承 幹局常侵蚤暮屢屈

車馬甚愧仄也霜寒伏想

體

力輕安二軸偶書得鄙拙聊戲筆墨不足傳也自扇

庭堅頓首

德之 酒正 司法 執事

黃庭堅簡尺上

豫章黃先生簡尺卷之下

答人簡

庭堅頓首前日辱

寵顧甚惠奉

手誨喜承

起居勝健

惠伊蒲之饌感刻感刻

庭堅頓首

資福 長老 滋公 方丈

庭堅頓首荐辱

惠詩句益清壯竊深歎仰使志者增愧耳陰曠秋色未
佳思一步到此禪可同幽徑閑談但恐兩作耳或得往
當道次奉招也

庭堅頓首

英發 足下

庭堅頓首昨日辱

手畢留來使取荅會

彭守相過遂不得遣經宿伏想

日用輕安

所作樂府詞藻殊勝但此物須無緣情綺靡體物
亮乃能感動人耳輒擬作一篇往不知

可用否又奉為寫得文字兩軸須

行日作送路也

庭堅頓首

英發 同年家

庭堅頓首多日欲作書因循未辦辱

書審比來

體力輕安為慰衝涉遠道乍得休息頗復能近文字否
見興文極相稱贊甚以為慰莊客輩計各已遣行矣
韓巡檢

趙駐泊相見為致意山中寒燠不節更希

慎愛四月二十八日

庭堅頓首

升之 主簿 几前

庭堅頓首別來忽再改月懷思何日不勤辱書審比來
動靜為慰縣中泮家得與文到想少慰意
興文極道

存心從政之美惟既勉之

寄蜜極副所闕感刻感刻見

興文言須來買不得今送百枚節子枵然故漫實以拂

腊想亦邑中所無耳巫山書任家昨日方送來計巫山甚訝此書不至蓋此後已再發書矣盛暑千萬將愛五月十三日
庭堅頓首

升之 主簿 仁親

城中乾米麵之類

不外示諭此自有人可指呼也糟薑一器漫往

張施州書得一便為送幸甚 庭堅頓首

庭堅頓首再拜

相從致不疎方復家

牋記之賜雖荷

禮數勤重又竊怪似相鄙外何耶即日煩暑雲物不能雨天氣殊病人不審

起居住否驛舍終不可久修葺東寺必已成功遂遷過否

示諭差人法當得差無不可但十七日被

省符卽解官當奉為白

權郡也三數日卽可

恭候謹勒手狀承

動靜願更加

跡護六月二十一日

庭堅再拜上

毅夫前辱

書勤懇審

主人相待之意不倦甚慰懷想諸榜尋即寫了未得松便寄去耳

季成既未能到城且盤桓山間亦佳計春蔬茂美亦宜飯也諸人數往來

宣叔寬夫家及海棠院甚奉思同之耳欲作一大鑪熬不知彼工匠不以為難否去年置得一副來大小遂為無用之器但鑪作牀前燒木鑪耳試為籌之或人工不暇亦不須也到荆南自易得也 庭堅頓首

庭堅頓首頃屢承

惠書寄惠金師子章十冊法界觀十九冊索粉石耳前後皆至多病健忘竊意已作書奉謝不謂乃未嘗得字至

齋几辱

來示愧不可言即日天氣暄暖伏惟

道力輕安承數年來

住持安穩都無魔事經藏繚以華屋甚善甚善尚阻會面千萬

玆重謹奉狀二月二十七日

庭堅頓首上

隆慶 長老 儼公 几前

庭堅頓首承

示諭欲刻藏記小字舊文拙惡何煩特地但且留舊本示人可也今手寫

永明 智覺禪師示衆語一本請令善工刻之乞守倅名銜已自有書道達佛法淡薄魔事熾然有力道人正當出手扶救想必

欣然成就此緣也

庭堅頓首

庭堅頓首頃承遠致

祭文及祀儀雖已過時即以告白

先夫人墓次實深悲感私家多故久不寧居故失馳謝
耳愧悚愧悚

庭堅頓首

庭堅叩頭昏夜重屈

車騎訪別極荷

勤懇哀苦之餘經此節物意賴不堪無以延竚

君子益增愧尔今日定

成行否宿昔伏惟

萬福謹奉狀承

動靜

庭堅叩頭上

公言 通直 執事

庭堅頓首伏奉

賜教審

王事不至勞瘁侍奉

收姨 太君萬福

閣中勝裕渭老兄弟不廢讀書為慰惠蓋是蘇州真本
又飽糟而味足大為嘉茹此州出薑亦佳但難得鹹糟
故味薄耳骨肉寓止煩

請國多矣未知所以為報也

先公石刻實不敢忘前書既且道所以或恐以壯與而
去遠文字不可猝得則

靖國略敘鄉里名諱及字春秋若干及平生所經歷
示下即據此可作矣 公卷取利累日今能出會集未

家尤到永想得

諸賢不落莫也未卜

瞻望千萬

為親自重九月二十五日

庭堅再拜

靖國 司法 二弟

庭堅頓首又辱

遠寄二詩

白髮瘴霧之中不忘筆研實增愛歎春溪茗菜日佳想
甚助吟諷之味無緣

瞻奉千萬

取重正月二十一日

庭堅頓首上

黃符 承制

賢郎安勝想

山中閑寂極得讀書之味

庭堅再拜上

辯叔 路分 皇城 閣下頃幸

從容深服

高明遇事快盡表裏恨

當路諸公未相知察猶在閑處耳

別來不忘懷想治行忽迫到江安日苦追送之客相仍
故不作書因循至今首辱

賜教恩意千萬感服無以為喻元春大慶伏惟

履道平坦百福所集

寢食之味有神相之咫尺不能參詣臨書向往伏祈

為國自重以頌

陞擢初八日

庭堅再拜上

辯叔 路分 皇城 閣下

庭堅頓首往歲

公壽舍中屢接

款曲隨食南北音問缺然道出山中承

長者監郡於此有

叅對之幸何慰如之霜寒伏唯

起居萬福庭堅以單騎趨府界仰此當直六兵以進塗

仰頌

指揮選差強壯得力者實受

賜也即當懷刺

賓館上狀草略十月十二日 庭堅再拜

任道 通判 通直 閣下

庭堅頓首 伯氏辱

別紙存問甚厚本不欲勤

將命故不敢作殘耳僧舍或有嚴潔處可置兩榻便足

幸頌

指揮 庭堅頓首上

書吏暫借一名

庭堅拜手頓首奉

手誨喜承

暴下已平大郎灼艾甚善若得稍涼舊瘡已著痂即用
崔知悌法灸四花穴極得力也羊肩珠既但教為左右

費甚不皇耳五香連翹湯方檢至此一冊全是癰疽論
可熟讀之餘抗方書舊無今日方發得

元明處人已憊甚劇草草
庭堅再拜

鴻范 七舅 提舉 通直 左右

庭堅再拜伏奉

手誨承

苦暴下秋暑蒸鬱宜好將節也

大郎不能得快安樂亦是疾潛處深今與根本同病耳
若扶持得深秋涼冷亦易為藥力也

劉夫人銘義意簡真佳作也肉糕湯鷄鞭羹併蒙

珍惠感激
庭堅再拜

鴻范 七舅 提舉 通直

庭堅頓首昨日辱

垂顧甚惠奉

手誨喜承且來

起居軒安為慰蘭亭暫借留當題數字乃奉歸

庭堅頓首

子懷 市易 殿直 防閑

庭堅頓首蚤辱

寵顧荷

意勤厚重承

惠問并

貺八酒四醋何物如之旦夕得

面草草上記道

謝不能萬一

庭堅頓首

監使 殿直

庭堅伏奉

手誨喜承

日用勝常晚食太平之

約敢不敬諾

庭堅頓首

子懷 殿直 執事

庭堅辱

教答喜承晴暖

起居輕安木匠及籬柱已到資福倚于復選擇跛倚不堪事者來輒擅拍揮幹者易之矣籬柱更為買上條差六竹五竿都令采此支與錢也又玄散方并錄上

庭堅頓首

江夏 明府 子温 閣下

庭堅拜手辱

書勤懇審

還山衝涉雖勤

道用安樂為慰

寄惠日用物重複種種良佩

不倦之意二榜寫去岑碑尾今晚或可辦封留

花光處不與約也庭堅行日不過二十日矣驟熱想

不能

復出山千萬

珍重十九日

庭堅拜手

法輪 長老 齋公 几下

岑侍郎碑若有文記可尋改余輪法輪前後年月略載碑尾亦佳或難尋便不須也前日元實欲到

貴院託宿乃入衡州既而問得路甚迂乃已昨早已入州前日對食少年乃是元實然怪他不得士大夫尚作此眼腦耳

庭堅頓首

欲得一擔食合如

公見用者聞是莊客自作者可輟即垂惠或妨日用亦不固求也并黑漆頂蓋油羅亦得一擔佳耳

庭堅頓首數日前在

淨照所極思

比下同之屬刑時已大熱不敢往奉邀得

手誨審

侍奉萬福為慰只今至皇建謁

翰長如不甚熱徑往矣

庭堅頓首

庭堅頓首辱

教審

侍奉吉慶為慰二書唯才翁小帖不偽已題數字畫十帙略備閱聊寫數葉奉還奉

荅草率

尊府煩道下懇

庭堅頓首

允言 使君

庭堅頓首比多故不得遣記伏承

手誨審

動止萬福為慰

賜鳳餅包不破歲例極荷

勤懇謹奉啓

謝萬一

庭堅頓首上

君正 提舉 防禦 閣下

庭堅頓首比辱

寵顧甚惠匆匆不得款佇

車馬多愧得

手字承

侍奉萬福為慰潘家真渠已取去范蜀公墓銘納上昨

日市中已見蠟梅開者數枝矣 庭堅頓首

立之 承奉 足下

庭堅頓首前日過勤

上禮甚有煩費為愧奉

手誨喜承且來

起居輕安

惠紫萼金山豉醬瓜皆佳物感刻感刻手寒研凍道謝

不能十一 庭堅頓首

于溫 明府 宣德 閣下

承

須小茗帚今納二枚 庭堅再拜

分惠糟薑極慰貧啄紅合并兩攤盤一碟且遣回黑合

來日納上 庭堅拜手

惠胸餅太多也南浦茶尚餘三十銖都遣來并有今年

兩入香半挺耳蘄葦今送可便開看乃裏起恐或濕著也

惠松實殊新好感刻感刻

庭堅拜手

來日作炊餅幸寄三斤臥劑

黃耳分惠感激合於紹聖三年十二月初七日采摘也後日須煩摘二十許枚小冉園中者乃可喫

庭堅拜手

若有盞子乞一枚作醬

上馬山行飯道中承

惠黃耳感刻感刻棋檯四枚漫送諸人薰衣

庭堅再拜

筭甚奇

庭堅再拜

粟糲肉糕甚奇

分贖九銀栝已領斯羅并合皆付去 庭堅再拜

高使君計夔州留五日施州留三日亦湏到黔江矣而雙牌報不至必是所至極從容耳初二日作餞會謹如來諭安奴既斷訖並不蒙

示及行遣次第豈有情數耶呵呵 庭堅再拜

庭堅拜手喜承

體力輕安特為冬兒作羈袋何故却送來直做緣本謂一衣用六大尺乃用八大尺耶所要止為相相緣背心今已問得作被及相緣背子之餘尚餘五尺可足矣今却納上 庭堅再拜

大鈹并三脚已到試與

問何獻盟有橘皮得六兩來乃濟事當以三升酒與之也

布道恐有如前時白者尔此二匹亦可使也

庭堅拜手

夔羅背子面去年不知誰知出染來告

指揮送与或無粉此自有之

所諭

所苦是轉項難乃是微有風熱睡時枕不穩尔用竹葉湯服清心牛黃圓即愈神功圓帖納上

庭堅再拜

庭堅稽首伏奉

手誨喜承

尊候康和齋饌極如法甚煩

調護也

運判若十日宿鹽井知乘舟來今日亦可到也

庭堅再拜

庭堅稽首伏奉

手筆存問喜承宿昔

起居輕安籠餅今日作韭羹為 範公補益甚愧浙中

養病寮爇鷺羹鴨也茹鮓每煩

烹飪感刻聞

諸公數日中欲至摩圍亦不害但絕無果實都不成盤飭四十乳母乃一老精靈禿鬚大脚但可令執爨供奉慶兒亦黑醜但差靈利耳若一見惡心便當掃迹不到

南寺矣

賢女手臂痛乃是風氣感毒角湯未相當本
送風引湯二服飲盡則熱除矣

孟子已領

伏奉

台誨喜承旦來

萬福女子待李郎來少從容乃渡江寫家翁書了必
已晚來旦行矣來慶者云范家教我作養娘遂不待
旦而行養娘之政故除名耳所遣乃閩生成都人却寡
言但差褊急丁寧遣之令伴女也九娘姑婆與壻皆極
解事故亦不多念耳謝生但略能縫直縫故不遣也曾
說無憂散乃人家老幼所須今錄上

庭堅再拜

庭堅再拜伏審經宿

尊候萬福為慰蒙

賜教存問仰荷

眷卹不已米麵實以道中齋來未闕故未往聽於
廩人耳重煩

遣至愧悚愧悚

借差白直謹承

指諭少頃請

見勒手狀不能宣究

庭堅再拜上

通判 通直 閣下

庭堅承

手誨喜晚來

輕安研山聊以為戲耳同借知命幼子小字也近方試
粹頗為陳諸戲具故及之非實欲取也小詩得暇亦為
之或過承天浴未可知故不敢奉

約

庭堅拜手

敦禮祕校 足下

庭堅頓首昨日幸一

叅候古器與山川之怪產叅然滿前可以清暑此物輩
殊勝用心於博奕也然要須以強學力行守之所謂德
之休明雖小重也不審今治何經讀何種史書叅其義
味有日新之功否

惠貺玆器敬佩

嘉德竹表蕘裏茶孟極佳恨未有天生佳瓢稱之耳米
元章書率尔題卷末

令親齋郎安勝親古氣深穩似有學古之質甚可
喜也 庭堅頓首

敦禮 祕校 足下

庭堅頓首辱

手筆喜承

日用輕安

示諭讀書甚喜然須深探其義味使不為誦古人之空
文乃有益也班固漢書最好讀然須依卷帙先後字字
讀過久之使一代事叅錯在胸中便為不負班固耳周
子發書亂寫置卷尾不成字也天氣熱揮汗不給諸畫

及止止軒字未暇寫去承

承 佳篇須蜀紙今送三百此乃自令浣花王家作者生瓢

見惠亦好但恨折時太嫩相茶瓢與相印竹同法不欲肥而欲瘦但須飽霜露耳

庭堅頓首

敦禮 祕校 足下

庭堅頓首辱

手誨喜承

夙興安勝

損馬牙二百德興筆一筒佳惠也然德興筆雖極工遠不如蘄筆之中者以其質薄不離汗也藤紙宜筆墨但老人不堪作勞又如此盛夏可厭煩得秋涼或可下筆

耳

庭堅頓首

敦禮 祕校 足下

印竹戎州用煎茶然久之節斷如截以此絕不攜來人年四十後漸可扶杖足下少年也

親在堂而欲扶杖恐非禮意欲尋一龜殼佳者截取近尾二寸餘治淨其近髮處開橫竅為簪道似佳能為尋一龜筒佳者為之乎

庭堅頓首辱

敦禮

勤懇東坡書高秀如此知前所收便可付厨人覆置也龜筒如此者佳但恐大小發髮髻不盡今送犀簪去若

得一差大於此者用自頸一半截之橫作兩簪道便可
用鄙事潤

高明悚惕悚惕

庭堅頓首

敦禮 祕校 足下

庭堅頓首辱

手誨喜承

日用輕安久聞

尊公敦厚高明恨未相識朝夕亦作書往也龜筒冠荷
垂意少頃見

府帥即且還沙頭別日或可約

相見

庭堅頓首

敦禮 祕校 足下

庭堅頓首昨日奉

手誨送神屋冠已領適為

舅氏李學士舉哀終日疲臥遂不能作荅晨起賓客相
及又辱

嗣音感刻感刻

所送生瓢大者佳而小者便用甚荷

垂意但愧以不急煩人耳揮汗提筆汗流霑衿

庭堅頓首

敦禮 祕校 足下

庭堅啓承

侍奉

安輿往返洛師暄暖

跋涉山川良勤

親老久須醫藥比方佳眠食

外家之計至今未敢以實承

存卹勤至故及此

庭堅再拜

庭堅重辱

手誨喜承晚來

日用輕安端研亦佳漫作數語其下衰老闕惰不成文

也嘗有人作一大鏡研見

惠下有足因戲作銘旦夕得暇當漫寫去砧研銘了亦

送漸欲省去長物不須

惠貺也

庭堅頓首

敦禮

秘校

足下

庭堅頓首辱

手誨喜承

日用輕安桂林研鏡刻尤工蓋端研逼兩旁難轉鑿于

所以不及此大字耳然比之它人乃絕工也松枝管已

與張遇六十足矣

元長元度書亦是一時之傑但鄙性不甚悅之若有所

識評則

二公方失勢不若不評之兩得也盛暑舟中差可度日

但小臨筆研便揮汗奉報草即悚仄悚仄

庭堅頓首

敦禮

秘校

足下

庭堅頓首辱

手誨敦承

日用輕安為慰帶念滿懷蓋是修行無力亦桂棹佳惠
方欲眠未暇嘗睡起且嘗并奉

報節度止止軒宇朝夕寫得便送

庭堅頓首

敦禮

秘校

足下

貫衆三塊已佳一塊搗時斷傷者恐失味可
易之也

庭堅頓首辱

手誨存問勤至復損

茶器四種皆九江佳物也感刻感刻止止軒宇及諸書
皆略題數句不足傳遠恐但浣畫耳昨日聞公立新除

又見

告慰意喜無量計

受命即行矣

公之歸澧亦是佳事絲衣奉

親兄弟同文字之樂此人生最得意處也又可多為求
蘭得數十本乃足平生所好耳

庭堅頓首

敦禮

秘校

足下

庭堅頓首辱

手誨喜承

體力輕安

惠獨體朱砂圓都下一人家所作小如未熟豌豆粒朱
色如鷄冠故可貴耳此圓已有軍健氣也三軸文字得
暇當寫杜子美云十日畫一水五日畫一石能事不受

相感迫王宰始肯留真跡收書畫亦欲精耳貪多不擇亦是一病

庭堅頓首

敦禮

祕校

足下

庭堅頓首知命之幼子疾作於不虞遂不可措手拊存念亡情不可言辱

簡問豈勝感塞未果奉荅又辱

來教感刻感刻

尊公所寄茶面色似蒸勝中間所送要須碾茶乃辨功措耳文字萬一得暇或可了然盛日者如此已之所欲乃以望人則善

庭堅頓首

敦禮

祕校

足下

庭堅頓首辱

手畢喜承

晨興安律

惠石鑪不甚宜火小竹合輒與一瑠璃鍾相當謹已受賜不於

彼乏事否藤紙軸恐數日間未得了也

庭堅頓首

敦禮

祕校

足下

令親齋郎安裕

庭堅頓首昨日承

屈顧方煩

方回來辱多病之餘當此酷暑得涼處隨意寢訛似無主人意想不復相責望以此耳奉

手誨喜承晨起

侍膳安慶

惠古器荷佳意愧無古人之風空受

來賜耳石刻已領西畫及篆紙軸似須耐之秋涼天氣如此又多病疲茶類能哀此老子使留氣續喘乎所謂阿翁懶惰久覺兒行步奔也昨日二軸各題數字去

庭堅頓首

敦禮

祕校

足下

蘭極為

玆惠此亦可作小詩奉謝但倦甚恐未可便得耳

庭堅頓首兩日為

知命之子牛兒病痢幾不濟幸今

日來小愈以是不復能入城辱

手誨喜承

侍奉吉慶

惠松枝以小者作管大者作竽可就七十筆也感刻感刻倦甚奉答草率

庭堅頓首

敦禮

祕校

足下

庭堅伏奉

手誨存問勤懇感慰牛兒 知命之第四子從來過房育於不肖之所機警渾厚異於常見愛之實等已出一朝失之無地寄情不病而百體皆痛八事盡廢其情可知承

奉侍至公安即還

往來衝冒宜 珍愛

庭堅頓首

敦禮 祕校 足下

庭堅頓首辱

手誨喜承經宿

侍奉吉慶

所論作字得涼得暇又病軀可蠹沒必須下筆二詩須
略有思乃可成耳犀簪已領 婦弟齋郎想佳勝

庭堅頓首

敦禮 祕校 足下

庭堅頓首失牛兒來終日惘然至今頭昏眼痛雖取
喜者為之亦不能如意也以是不能脩問辱
手誨喜承

日用輕安

所須諸方既無人可抄又意緒不佳懶動耳煮黑豆法
雄豆一升按篩極淨用貫衆一斤細剉如投子同豆斟
酌水多少慢火煮豆香熟日乾之翻覆令展盡餘汁簸
取黑豆去貫衆不用空心日啗五七粒食百草木枝葉
皆有味可飽也世間不強學力行自致於古人者不可
不畜此方

庭堅頓首

敦禮 祕校 足下

庭堅頓首辱

賤敬相及於道甚荷

勤意顧衰朽不堪事常務後得桂本大研但
留之而已日不能將別置

身居其耳盛暑賓客之氣不於喘奉答以半

庭堅頓首

敦禮 秘校 足下

小山殊佳當作小詩詠之

銅器是古人物不疑以其制作精密也作壺狀而方謂之方壺可也若欲名之不疑須古人可作耳并遺迴

庭堅頓首

手畢喜承朝采

起居不爽調護

龍惠筆墨及紙皆珍品感刻感刻竊觀

者器矣特可以盡心於古人遠大之業洲門讀書求心

求已清潤以古人義味沈深重厚謝去少年戲弄之習

以副父兄之願豈不美哉屢承

羞餽未有佳物奉答輒以藥石之言為

報伏幸

裁察

庭堅頓首

敦禮 秘校 足下

庭堅頓首比承

軒蓋絕不出甚善甚善

閑齋清靜古器羅列左右思古人而不得見誦其書深

求其義味則悠然仁義之氣生於胸中慮淡而其樂長

豈與頻頻之黨喧闕作無義語之樂可同日哉惠示砧

研物材頗精似亦不甚便用蓋磨墨之地不廣則難得

墨潘多置水則溢四旁非良器也少留此銘其譬乃遣
迴庭堅有大烏石研製作甚適用或要觀可遣四人并
小扛牀來取之

庭堅頓首

敦禮 祕校 足下

庭堅頓首伏奉

手畢喜承宿昔

起居軒安建溪官焙二餅皆佳物也感刻感刻書砥兩
日試用之乃大好輒受

賜矣桂林大研遣往若

齋中未有此可留充一物也兩幞合併

納上

庭堅頓首

敦禮 祕校 足下

庭堅頓首辱

手畢勤懇

惠示知命舍弟簡札對之哀楚

所留紙軸寫得今送大年兄弟畫惠崇九鹿徐白魚李

宗成山川雖名品不高皆非贗作也俟得暇題去東坡

龍眠畫決定不是東坡畫竹多成棘是其所短無一點

俗氣是其所長此畫柔媚而俗惟枯木是丹楊高述筆

墨也龍眠畫高似吳生為其行筆神妙此畫無筆故可

庭堅頓首

敦禮 祕校 足下

昨日試用卜練茶匙極妙大筆無見成墨潘

故未暇試

庭堅謹上謁候

敦禮 祕校

起居

五月十九日手狀

庭堅頓首今日到雞鳴寺為亡弟罷道場飯僧罷因過

紫府得

所惠教并

貺舍笑花藤合茶匙大筆

恩意重複何以當之

所送 東坡 伯時畫皆非此二公翰墨度

足下未嘗見真筆故可漫耳畫贊跋尾并作草一軸并

在一軸并一帋且留莫夜眼花都不成字

庭堅頓首

敦禮

祕校

足下

庭堅頓首今早辱

車馬辱臨得奉

對少頃欽服

後誼病餘萎茶又嬰私故未果

茶候伏奉

手誨喜承晚刻

安勝

惠建溪感刻感刻未果碾試觀其名品當皆不錄錄耳
書三軸各題其末惟

東坡簡一卷并詞語皆髣髴象類為之玷汙先達故不

得不辨也揮汗上狀草率

庭堅頓首

敦禮 祕校 執事

庭堅頓首辱

教存問勤懇審

朝請不忘夙夜

體力勝健為慰將護不至病眼遂臥家一月勉入局才

三日耳以故未能繼奉問也 伯時書有一意思不欲

與人俟

面可道

庭堅頓首

景道 太傅 閣下

庭堅頓首辱

教審

侍奉萬福為慰玉霜極為

珍惠當作小詩奉謝地黃兩日忘却問輒為乳媪擇大

者十許斤蒸却極可笑也今所餘如此且納上亦可得

數椀汁也江南舊紙今奉一軸可擇厚薄同者各標成

軸以待 伯時公也今日以

祖父遠忌在家尔

庭堅頓首

仲謀 騏驎 文思

才起未洗漱草率

庭堅頓首辱

教審

侍奉萬福為慰

送酒極荷

勤懇四字一二日可寫適為

老兒治寢室久留來使甚愧二十六日冀得
少款草草
庭堅頓首

伯充 團練 閣下

庭堅再拜啓比自施州遣急足回輒具公狀道譴逐行
李之詳并率易通簡記言小人之私當已通徹

聽下專人至伏蒙

賜書累紙

高明 慈惠忘流人之罪垢而卹其私恩意千萬

甚慰孤危之情感服無以為喻即日寒燠不節不審

尊候何如伏惟

監理豫暇

動靜萬福庭堅區區行李已及鹽井即獲

叅候預深欣慰

庭堅再拜上

通判 通直 閣下

庭堅拜手啓 宋宣德崔主簿來兩辱

賜書恩意勤重感服無以為喻聞

邑廷清淨

宴處自得良慰懷仰承當以七月

解印代者已至秭歸遂有音問縣絕之期良耿耿瀕江

諸郡有可權入者能

屈就耶若尔尚得

聲氣相依耳庭堅治生既略可過杖藜草履林下与老

農漁父游矣

元明數得書坐不避事之故身兼數器

殊盡瘁也知命三月初即挾雌將雛過涪陵視嗣直亦
以弟婦臨蓐尉多出山中恐失調護故耳然閏月末斬
婦得男兒不育產母死中得生至今未知得安全否小
子相稍讀書成倫序但義理之性不發亦且聽之無緣
叅對憑書增情謹附承

動靜三月二十五日

庭堅再拜

味道 明府 仁友

庭堅再拜伏奉

手誨審

尊候安健

太夫久尚福良慰馳情

惠貺厨醞敬佩

嘉德庭堅來日可到城即詣

實次謹勒手狀

庭堅再拜上

幾道 通判 朝請 兄 閣下

十七日狀

蒸牙一合雖是分寧茶味不甚佳但可用薑鹽煎以領
閑張尔後信別寄建茶去前日退夫會此極思
相從之樂渠得家書八月末接交代人尚未到都下
如此歲裏未得交割耳

庭堅頓首

閑張聞

賣車已具檢尚未發也

庭堅頓首再拜

補之 安撫 團練 閣下初夏淫雨寒燠無節不審

貴州氣候何如伏惟

美政在人夷夏蒙

福六物時敘禾麥茂好

齋閣清淨

起居輕安 張侍禁來蒙

賜書勤懇并問得張侍禁即日

動靜曲折甚慰懷仰無緣

叅候憑書增欵謹勒手狀

四月 日責授涪州別駕黃 庭堅狀上

補之 安撫 團練 閣下

庭堅承

守惠方竹真珠菜荷

纏繞不忘之意李尉覆舟敗茶不便發視乾之其智短
乃如此

所論蓋已得之矣今年雙井即當求便早寄漫持施黔
研膏茶數種若彼難得建茶亦可碾終勝草茶耳施州
太守張詢仲謀与之有三十年之舊其人學識吏能皆
不在人下今年告以作茶法遂能如此茶質
本不及黔 但湯火得所耳 庭堅再拜

庭堅再拜

扈縣想時得安問見省勝得

第二郎君姓名奉助

驩喜此猶未見

賜第之書度必取魏科也

李子學問必有日新之功想更激發

示諭唐道人稱述小子人物愧悚愧悚小子相今年十四骨氣差厖厚讀書不甚費人鞭策但義理之性未甚發耳過荷

齒記故具之

庭堅頓首

有劉公敏者甚辦事亦能潔已守貧恐緩急有使處今漫納脚色一狀渠非敢來干請不肖往索之耳

庭堅頓首

漫書陰長詩去恐

子舍有喜學書者耳

李十六至於從辟如此亦可念頃賴昌相見貧甚也又不脫罪籍則十五口衣食實無所出子先二子可學亦

欲及時今不失學耳

庭堅頓首

許作白襪荔子

惠寄不獨老饕引領小子輩皆垂涎也

向蒙

惠餘甘皆以濕損耳可用乾竹筒

曬燥者曬乾黃土用

沙餘甘略暴令無濕氣大槩十分黃土居六分可也暴餘甘曬黃土皆須冷乃入筒亦戒道中懸挂風涼處勿令中濕餘甘得黃土行千里之不皴也

庭堅再拜

庭堅頓首啓頃蒙

賜書并

寄惠食器巫山君尋即致米極濟所乏又辱寓逆所賜

書存問動懇策以所不至仰佩

恩親之意不能已已庭堅潛伏林間踈遠人事惟恐逢
蒿之不密是以缺然久不通書想

晦夫和易多可又相愛必能相寬耳雖聞已

拜衡州之命不知闕在幾時得

孔毅父書問否即日

里中宴居何以為樂頗能留意子弟學問否

子重已赴任未登高臨遠未嘗不懷

笑語千萬

珍重以頌

進推謹勒手狀三月十三日 庭堅再拜

轉夫 衡州 使君 大夫 親友

望之去後想

令弟必將汧國入城其人亦肯調伏成家否

諸子弟有從學之所否人生須較生事之半養一佳士

教于弟為十年之計乃有可望求得佳士既資其衣食

溫飽又當尊敬之久而不勸乃可以盡君子之心而享

其功每見士大夫家養門客略與僕使同耳如此何緣

待佳士藟麻必不能為粟也向見

令嗣眉目明秀但患未得師友耳厲之入夜半而生子

求穴甚急唯恐其似已也況長者乎無緣會面聊寄一

笑 庭堅頓首

李十七遂不起於蔡州可痛之令人思

公擇之盛德惘然終日不知蘇九能調護同安君至揚

州否李十五近年亦殊識好惡蘇九才器終不為人下
但憂年少未成立耳

庭堅頓首

庭堅再拜方欲奉上遽辱

賜教存問勤懇并

惠黎祁胥紙欽荷

珍重之意謹奉啓道

謝不能萬一

庭堅再拜

庭堅頓首蚤辱

主禮勤重感戰感戰奉

手誨喜承晚刻

起居輕安

頃惠麝臍通帶照謹承

米貲二木輒遣廻蓋於

公為實費而在此米為益庭堅舟中有米三十石與至

六錢一升處尚有餘不當薦貴米而束耳惟

深悉幸甚

庭堅頓首

庭堅頓首前

賢郎至宜辱

言勤懇佩荷

不忘之意春寒即日

羣中何如撥醅新成白鷺黃鸝隨分釘匣想自有以樂

之

家兄前過全宿者師卷中不知曲折失於奉尋命回

必同唐次奉公謁也朱道人對門想今已講和不復口

戰矣賢郎行日承

訪及適以家兄亦治行忽忽不果少從容又不米往別
甚不滿懷也廣師要往全州幹其院門事度彼亦難得
道也耳未卜會否千萬

珍重二月二十一日

庭堅頓首上

靜甫 太醫 達士

昨日蒙

手誨談喻千萬感慰無量

惠金液荷

愛與之至

所以教督之者無不銘刻心膂也適奉

手誨承

郡君招喚姪女子在彼感刻感刻

示諭欲并 張子望縣君請喚尤荷

惓惓之意承

泝止食有味歡喜滿懷

明略 和父田相見

庭堅再拜

庭堅頓首尚欲一

參候不謂

行李為尔迫遽也今午得

教時方為

家兄將姪婦歸治室甚冗不即上拜畫屏今送來日早

上道願

多愛幾時復能來耶憊甚草率 庭堅頓首

仲矩 足下

惠曼頭角子蔬菜佩荷

不忘之意亦見

公之愛我無已也女子今晚亦同李郎歸矣欲往略
參見

郡君也藤牀付來人并以二火兒調護之庭堅更三日
可離漢陽也

庭堅再拜

後來穎昌別致得金液丹來否

前日蒙

惠甘草遂成得數種湯藥感刻感刻偶踏遂到一處水
茹甚脆美且往二十枚若

公与夫人不畏生冷能享之可時致也曾痞已佳否

庭堅再拜

庭堅頓首自

平仲南還恨

在城中之日淺又不肖以客事未得休息未得從容求
益論也先蒙

惠書勤懇千萬甚慰懷仰之情
借示

仲車先生簡尺重仁疊義可想見其風流也適有

賓客集菴中來人督書修問極草草擅煖千萬

為道自重二月晦日

庭堅再拜上

平仲 少府 名儒

庭堅頓首擅煖不審

如

大人安此風土尊候輕健否

酒何煩如此

公三奉

言無餘承之殊悚仄也

事先生草草簡尺皆有教戒此所謂有德必有言也

庭堅頓首

公三奉

主記審

仲車先生棄士大夫不起於山陽窮居失所又不幸至此直使人哀痛也然

仲車好德樂義不屈其身以至望老好學不倦以放於公盡在

先生無憾矣

公父子相知深哀念其身後計士大夫亦須有動心者焉庭堅自八月大病幾至委頓比三四日方食而知飢知味未能復常也留來使三日候書倦甚不能成煎迫求去扶病就此天下事權之以義重輕有所屈有所申足下強飲強食焉

太夫人自壽而已十日

庭堅再拜

平仲 主簿 執事

庭堅頓首辱

書常以公銜將之間居每從公家借書更為煩遂不能作牋上答不能無悚惕也荷存問勤懇

教告重複知

公非苟然者感刻感刻

惠示新文益知效官窮僻憔悴於百寮之下而養直剛
大自申於萬夫之上古人所謂丹徒布衣者慷慨未可
量也欽歎欽歎未有會集之期何勝引領千萬

為道自重四月初吉

庭堅再拜上

主簿 二十君 執事

庭堅頓首

喻諉之篇論勢利二客由徑而入排斥義命二友其意
甚美然制作之體似未盡善也庭堅常論古人戲作之
文惟揚子雲解嘲韓退之進學解乃為盡善如斑孟堅
賓戲崔駰達旨已費亂而理不足不審以為何如

庭堅頓首

所喻快一時之語好事者將以為美談此至言也敬佩
玉音服之無斃

庭堅頓首

庭堅頓首聞

風日夕晚得識

面甚慰所望恨家中

尊老者醫藥未閒不得數

從容耳奉

手誨勤懇審

於次藜藿而陽休山立甚慰懷仰詩句壯麗伏讀增歎
跋尾謹如

來諭小暇即為之

庭堅頓首上

才翁 承事 賢者

庭堅再拜伏奉

手誨喜承晚來

起居萬福伏事出嫁阿婆亦心煩否附子極荷

垂意脚婆聞已了何緣不納孟子樣須歸舟中乃封納

諸物直一二煩

指揮錄示乃敢時以鄙事瀾

高明也

庭堅再拜

中玉 十三兄 金部 閣下

庭堅再拜今夕南風撼船計違旦不

靜也方欲眠奉

手教喜承

勞攘中

尊似輕安早敘謹如

約興上座本亦同入城當乞飯承天耳

庭堅再拜

中玉 十三兄 金部 閣下

庭堅再拜伏奉

手誨喜承

起居萬福天氣冷冷殊無聊賴不審

道齋何如

所送劉季像寫得即送 庭堅再拜

中玉 十三兄 金部 閣下

庭堅再拜昨日幸

瞻謁得聞

餘論良慰懷仰浴罷蒙

賜教并

委貺朋酒敬佩

不倦之意印香法鈔上公庫雖貧僅可合也

庭堅再拜

中玉 十三兄 金部 閣下

庭堅再拜伏奉

手誨喜承旦來

起居萬福染袖即令此吏送去

遣制使已預料之矣漢祖畫贊乘晴日寫得今納上頃

聞黔陽縣關李公立舉一姓彭人不應格不知此關在

否公安駝來自遣人往買之可乎 庭堅再拜

中玉 十三兄 金部 閣下

庭堅再拜荐辱

誨問感刻感刻染色請黃土錢三文

安常得罷當自慶但不知得何許尔高詩有數篇當錄

上監司又如此騰倒何也直致遣上

庭堅再拜

中玉 十三兄 金部 閣下

呂德船極可人意安得窻牖明快雖園室亦

合宜也

庭堅再拜伏奉

手教喜承旦來

起居萬福太平公文一二日間持上

何子温舊与好豈代

安常耶承

欲有素題相訪來日騰船未了未得入城也

據案作草少助筆力耳一嗟庭堅再拜

中玉 十三兄 金部 閣下

庭堅再拜蒙

手誨審晚來

起居輕安為慰

安常未聞新命而懸懸恐真得郡耶一嗟高君云舊過

陝郊自嘗

叅識昨日入城去或不遇

坐廳耶承

賢郎且至伏想

歡慶

庭堅再拜

知府 金部 中玉 十三兄 閣下

高君詩先送舊作一篇

庭堅頓首累日得同

宴席甚慰辱

手誨喜審經宿

體候輕安

損惠西糧藥材麥醬皆佳物感哉無量但愧未有以為報耳旦夕奉

謁忽忽奉狀不宣

庭堅頓首上

駐泊 侍禁 執事

承

諭小季數問動靜想瑯琊不見問也一噫瑯琊秀惠清歌常有出藍之聲比得數新曲恨未得親教耳但鄂渚亦有二三子可与娛每至樽前未嘗不懷

英對也王環中時得望

獲馬否圓通道入諸山之冠也時請見接

清談否
庭堅再拜

庭堅再拜象

書瘞懇感慰

惠密副所闕已領枕椰屨足懶架大是要物然未至也有枕椰或烏楠木界方七分六分闊者各得一條幸甚端自是奉煩不須

見惠但留直它日更相憑付之也小樂府至今未成蓋數月不作文字如井況不食徒費井綆耳謝筆詩乃不肖二十年前所作也公濟所幹已了其半受

賜不淺矣秋月晴徹頗得淺斟低唱之樂否恨不見小粧与常娥爭揮耳入還奉書草率八月十六日

庭堅頓首

德脩 都監 左藏 仁親

庭堅頓首辱

書勤懇審

坐局雖勞亦以文字樂之涉夏來

貴眷安勝良慰悚仰承

小閣惠道服顧衰朽不稱耳張繁蒙帶抹之賜甚感佩

恨未得

面謝耳

平凝佳句清壯欽欽欽此有一人家子弟學書甚力見

公書極歎奔軼絕塵也近亦作得含笑花小樂府適盛熱捉筆揮汗未能錄寄當寫一卷上李時父歸時奉寄也錫合令作去不知

可意否此一工嘗豫借直今作生活耳所寄錢却付來人去作此書已汗徹中衣矣三月二十七日

庭堅頓首

德脩 都監 左職 親家

伏承

別紙誨諭

官况不能佳人生夢中事耳畢竟無得失是非但要心常閑曠耳前三章聲韻亦佳恨未有人可傳不知李時父能歌否若能歌便可傳到融州矣數日極熱殆不可堪幸老朽不病耳適在南樓避暑來人迫書草草遣迴紙筆皆不如法也 公濟相見且為致意時父去當作書

庭堅頓首

茶三角漫送可便碾猶得新味

李仲牖遂至此令人氣寒不知彭仲微能周旋之否

欲送數軸紙去煩

作布紋留一半於齋几適冗未能處置又此兵已荷公

濟十麴山路泥滑故且已耳當裝束以待復使也
令嗣兄弟進學不輟

庭堅頓首

庭堅頓首辱

手誨勤懇喜承

起居輕安

初和父簡寫去三兩日

叅候草草

庭堅頓首

持國 足下

女子更煩

閣中致添房感愧感愧

一即謝惠簡忙不能作答

庭堅頓首辱

手教存問且

致遠行之助既不敢却

公亦自無餘受之增愧耳承

謝舟師不肯那船來午後當率自然同往更不入城也

庭堅頓首

持國 長者

庭堅辱

教并

磨腊白紫荷

勤卹之意無已

庭堅頓首

持國 足下

庭堅頓首奉八月二十日

所惠書承每得

衡州安問永州骨肉皆安宜良慰懷仰

寄惠中秋歌頭清麗可喜欲和去以久不作文遂共泥不食矣得

所送鍾乳硫黃建溪極副所闕感刻感刻鍾乳極得益恨少耳南方不可多服金石荷

教意甚忠盡然不肖稍闕此輒欲作病似血氣各不同耳輒曾作問鍾乳短句前書忘寄上寄聲曾公子金丹

幾時熟願特鍾乳粉實此磬懸腹遙知蠟眼湯已化鷲管玉刀圭勿妄授此物非錄錄貸金荷

傾倒應副小兒亦不來謀不肖度之可如此耳欲得百兩到宜備緩急恐如筇論或遷漠上亦不可不豫耳然

禦寇所謂營州之西猶營州也但兒女子不能忘耿耿耳所惠安公四十九鍊金液如尚有更惠一兩昨病中

最得此藥力也四一臥疾想得長者撫視乃安耳且莫差涼似可堪想彼已搖落矣無

緣言面臨書增懷千萬
玆重九月十七日
庭堅再拜

公卷 承事 親友
庭堅辱

手誨勤懇承
迎送使者良勤晚刻想
安勝鏡臺謝

留意却送去二軸書遂了今遣子魚

珍惠感刻感刻

庭堅頓首

子魚喫來過時矣聞桂林乃有鮮子魚他日當致

庭堅頓首啓竊伏

君子之譽舊矣羈繫窮城不能一望

風采未嘗不懷仰也適蒙

寵顧敬佩

不遺重辱

賜教存問感激感激遇有賓客過飯飯已即當詣館

謹勒手狀

庭堅再拜

子中 知縣 奉議 閣下

庭堅頓首長沙之別忽復歲窮昨道中來處處見

寶墨未嘗不懷想也比承

父攝郡政想

文雅敏達郡中當一新民亦受

賜矣

融江夷仲昨亦有書往來

臨賀令弟當時得安問

才叔道人嘗相見否未緣

瞻承臨書懷仰因西山安知客還奉書千萬

珍重十一月十七日

庭堅再拜

遙集 司理 郎朝達

庭堅頓首前辱

載熙書勤重累紙并

惠手作珎墨煤細質堅色黧黑幾兼前輩之妙不獨今
士大夫好事之比也欽重欽重又

惠京師名筆皆佳感刻感刻多事加之老懶未能作荅
又辱

簡記存問不怠何欣慰如之

錄示 東坡諸語所欲聞也

封示象州時書信讀之惕然又仰

才叔之慈仁也承

新任乃在邕州它日可數通書并為海物之主人未
有

會面之緣千萬

珎重正月初七日

庭堅頓首上

載熙 巡檢 殿直 防閣

二紙軸久留此懶寫因來人告行草草書畢不能佳也
奉字

伯仲漫作短序道之哀朽不成文也

公筆札極豪勁但未入古人繩墨何也古人雖顛草書
亦四停八當凡書字偏枯皆不成字所謂失一點如美
人眇一目失一戈如壯士折一臂不審

信之否

庭堅頓首

庭堅頓首奉

別有日時辱

惠教存問勤懇適以悲苦滿懷又心腹痛作災怪極不
能堪以是久不作書至於懷想

風義無日不懃即日天寒
治行良勤以不肖商之

東坡雖來歸未知所止且未用東去俟知定止乃行為
佳耳行李既遲遲不知荆渚猶得相見石南溪駐船奉
狀草草

十四日 庭堅頓首上

元直 仁友

諸郎想讀書有日新之功

成孺安勝頃相會

諸君皆煩為道千萬意庭堅今日遂下江安託戎州通
判黃朝奉專遣一急足往取

愈黎州書信幸即付之烏鱸白伏令建溪昌蒲皆朝夕

須用物耳必候

公來恐相失耳

庭堅頓首

或

公其中有所須但發取之却封示無害也

庭堅拜懇

庭堅叩頭專人辱

賜書勤懇感慰無量春氣寒燠未節不審

體力何如伏想

平易之政近民鰥寡得職

縣齋閑虛頗以

講學之功作興田里之秀民使畎畝之間知有孝友忠
信以効瑞草之實乎庭堅待盡墓次生理無幾頗亦疲

於

賓客勞問作記承

動靜不能萬一不次

庭堅叩頭上

新昌 明府 執事

三月三日狀

王聖塗書信遠勤

從者將致感愧

庭堅頓首

庭堅頓首自承

拜新命欲一

叅侯屬

老親頭眩不敢出兩辱

車騎又不得

凡但懷仰耳承十八日

當西手錄詩即下筆三二日納上小人自前年春病風

眩不能苦思因不作詩至今

長者特未察耶

庭堅再拜

才翁 通判 承事 執事

庭堅再拜多病多故久不能作書辱

教問勞動懇感慰無量承

嘗苦目青想今已復初霜寒

王事勤止

體力勝否庭堅比以病乞官觀尚未蒙

報然抱病如初但可安山林之分耳未緣

參展千萬

為民自重謹奉狀

庭堅再拜上

新昌 知縣 推官 執事

十二月初三日狀

庭堅叩頭罪逆餘生苟活未死僅能體粥以奉窀穸幸以中外之助二月初吉克終大事沈茲無悔惟是永失慈蔭無望顧復煩寃荼毒肺肝摧裂不孝柰何柰何伏蒙

慈哀存問慰卹恩意勤懇悲摧感塞大不可言山川悠遠無緣

面訴臨紙絕塞不次

庭堅叩頭

庭堅叩頭辱

手誨存問勤懇

王事不至勞動

侍奉吉慶良慰懷仰承

潔齋向道日勝一日非但不肖所畏當相求於古人中耳然事

親之日可愛當以色養為先不犯靈叟無不可為若滯寐沈空不卹世諦則為不迴心鈍羅漢殊無用處也弟妹婚嫁略已畢否兒女幾人有成立者未幸一二疏示蒙齋諸詩多有佳句皆自得之言不肖不復作詩已數年當奉為作蒙齋銘別信寄上未緣款語臨書增情不次

庭堅叩頭上

茂衡 通判 宣義 道友

春氣暄暖伏惟

尊府及

聖善萬福不敢作啓蓋恐煩

裁荅也來春當奏名亦可稍輯翰墨以待禮部試五略
抒軸策意亦佳昨累在

延英祇事見上列者皆以指切當世有譽諤之言將來
殿試官往往是蘇子瞻范淳夫數人定以直諫者為上
策耳因

問寢試達此意

庭堅叩頭

二尊伏想

萬福上道日必

康彊道塗不輟

安問

庭堅上

胡使君相見為道千萬意適欲再作書又為賓客所奪
聞決事如流郡中清靜殊歎仰也

庭堅叩頭

矍鑠翁無恙得

二公精顧亦少慰其晚暮嘗論佛印百事
過人惟不可作僧若此翁頗解事惟不當
覓舉耳

李仲覽相見為致問千萬哀悴荒寒不能省相見處然
觀其詩知其可人也欲作蒙齋銘至今未就然
公必不以遲速置懷耳

庭堅上

七兄致問訊千萬知命附

起居禮蒙

存問感激

庭堅叩頭

庭堅頓首久尔滯留舊邦夙夜不自熹忽得順風遂解舟實以快意不能奉

別但馳情耳辱

手誨喜承

侍奉吉慶

惠羊麪過荷

勤意乍遠千萬

珍重謹勒手狀

庭堅頓首

深道 韋君 賢俊 足下

庭堅頓首辱

手誨并

惠績溪八百極副所乏感刻感刻當以官茶及雙井奉報也

庭堅頓首

韋君 賢俊 足下

庭堅頓首伏奉二十三日

手誨審稍涼

起居輕安

家母懸君萬福小親家母安勝為慰

寄惠栗橄欖三千荷

不忘之意硃紙亦好候令溪東紙工加意作極厚極白簡紙去每硃了輒中分之亦應乏也山蕓雖未出土又公至冬乃甚富也近日治一耒陽石磴甚精亦可時磴雙井奉寄但未有廬山小沙瓶尔比得人饋建溪并得

佳碾時舉一栢極奉思也

公濟適今日成行欲因來人直馬去奉狀極率易夜冷
千萬

珍護以頌

陞擢

九月二十六日 庭堅再拜上

德脩 親家 都監 左藏 防閣

庭堅頓首初七日既作錫合成且使人召

時父飯并欲付以三樂府節奏乃云是日以行似有所
望而去耶辱

奉書乃知渠事辦即行耳盛暑不可堪喜承

起居輕安

小閣皆佳勝東樓張茶豈作堰間處耶樂府卷
一倦甚仍未下筆鞞鞋前偶闕比家中寄得六雙來可
不煩入耳唯幅巾多漉但恐彼亦自難得薄皂紗故未
奇樣去餘無所闕也但無蜜早得數斤亦佳昨見時父
道在公滋味亦難堪然仕宦不免有如此曹道冲所謂
凡百事大著肚此最要妙尚阻叅

集千萬

珍重

四月十三日 庭堅頓首

庭堅頓首伏奉

手誨審

涉冬安勝不慰令子想必已安和常須与竹漉喫乃能

去癰疽根不耳

寄惠栗極助齋厨所乏感刻感刻糟薑一瓶漫往恐是
彼所難得可同 張老對飯黃梁也冷金二軸極不堪
是公庫買者差勝黔中臭米紙耳小兒學書或須也漸
寒可團爐夜語殊恨

公未得歸亦適作書兄奉狀草率千萬
珍重

初八日

庭堅再拜上

興文 判官 執事

庭堅頓首昨日辱

手誨承

以衝冒少須湯藥喜

清快城外開僻都不知聞失遣

問訊也紙杏極荷

垂意數日賓客亦未暇窺經函也霜寒伏想
體力輕安謹勒手狀

庭堅頓首

德之 酒正 司法 執事

黃庭堅簡尺下

文集之有年譜尚矣

續過

先太史詩文編天下而年譜獨闕近世惟傳蜀
本詩集舊注援據爲詳第循洪氏所編退聽之
舊自元豐戊午以上無所稽焉觀者病之此固
家之子孫不容不任其責當不揆少日過庭粗
聞舊事竊嘗有志於是中間多病廢志十遺七
八日復老矣懼將泯沒蓋嘗編次遺文爲別集
二十卷然於編年無所考證因悉收豫章文集
外集別集尺牘遺文家藏舊本故家所收墨蹟

與夫四方碑刻它集議論之所及者旁羅博搜
系諸歲月獨恨留生晚距先六史之歿今已百
年一時哀次豈敢妄謂無所羊一外姑俟博聞君
子質而正之昔山房李彤季敵於豫章外集有
言雖先生晚年刪去後學安敢棄遺此則留今
日掇拾之意其或真蹟既亡別無考證則寧略
之尚幾不滋異時之疑至於貝闕單淺排續無
敘此則孤陋不學之罪又奚敢辭歲江屠維協
洽日南至諸孫皆謹序

山谷先生年譜卷之一

慶曆五年乙酉

先生是歲癸未月丙寅日壬辰時生於分寧縣脩水
故宅蓋六月十二日

皇祐三年壬午

先生能作詩世傳七歲作牧童詩云騎牛遠

遠過前山笛風斜隔岸聞多少長安名利客機關

用盡心已載桐江詩話

先生詩集舊譜任氏專爲文集詩注故它皆
不錄今之譜做編生凡先生書啓雜文及諸家
雜說可以互見歲月者不敢不廣記備載亦或
重複寧失之繁庶覽者有所據依焉

皇祐四年壬辰

先生是歲作詩送人赴舉有云送君歸去玉帝前若問舊時黃庭堅謫在人間今八年 已載西清詩話

嘉祐四年己亥

先生是歲以後游學淮南

按建中靖國元年五月癸未先生跋王子予外祖劉仲更墨蹟云庭堅年十五六時游學淮南蓋是時先生母舅李公澤在淮南詳見後注公擇名常子予名雱

嘉祐六年辛丑

先生是歲在淮南

先生有作二室墓誌云庭堅年十七從舅氏李

公擇學於淮南始識孫公得聞言行之要公勸獎使知向道之方者孫公爲多孫公憐其少立政以蘭溪歸之又有和荅莘老見贈詩云往歲在辛丑從師海瀕州莘老名覺

溪上吟

清江引

元注時年十七

右二詩見豫章外集其後如對父幼子晬日詩則又別集所載今蜀本止用文集亦恐家藏遺藁反士大夫之所藏者蜀中或未盡見今但欲參攷歲月則不敢有所決擇去取悉附于後按趙伯山中外舊事云先生少有詩名未入館時在葉縣大名德州德平詩已卓絕後以史事

待罪陳留偶自編退總堂詩初無意盡去少作
胡直孺少汲建炎初帥洪井首為先生類詩文
為豫章集命洛陽朱敦儒山房李彤編集而洪
炙玉父專其事遂以退聽為斷以前好詩皆不
收而不用呂汲公老社編年為法前後參錯殊
抵連也

嘗嘗聞先人言先祖尚書

諱字見于少蒙先
粹日詩注

生友愛蓋嘗編類詩文今家閭中先生晚年
卷書有云詩文久欲令寫寄亦為念九三七
皆字多誤故未能就後有可委之信或寄草
書者彼可自抄也此帖尚有墨蹟可攷獨恨
解編為徐州部川文似字歸極熱別本可據

今所傳豫章文集而洪氏所次而先生平生
得意之詩及嘗手寫者多在外集嘗竊識之
後見晉陵尤公表亦疑編次之未當嘗即具
以所聞對公擊節三嘆蓋前輩讀書精確自
具眼目如此嘗嘗攷洪氏李氏舊編洪氏則
以古風二首為首不及古賦楚詞而李氏所
編文集則第一卷首載古賦楚詞第二卷方
及古詩乃以贈別李次翁為首而古風二首
以真之卷末至外集第五卷題目之首獨注
行役并雜體詩六字竟莫詳其編次綱目所
在但分古詩律詩而於外集之末攷云彤曩
聞先生自巴陵取道通城入黃龍山盤礴雲

總為清禪師備閱南昌集自有去取仍改定
舊句形後得此本於交游間用以是正其言
非予詩者五十餘篇形亦嘗見於它人集中
輒已除去其稱不用者後學安敢棄遺今外
集十一卷止十四卷是也又於第十一卷後
跋云前集內休亭賦墨戲賦白山茶賦木之
彬彬悲秋演雅次韻答王楨中題張澄居士
隱居三首題少章寄寂齋謝從善司業送惠
山泉送劉士彥赴福建運判論語斷篇皆屬
先生晚年刪去觀其去取之間上據此而已
則蜀本詩集任氏所注搜校之功不為小補
晉今所編不得不以歲月為次故具載李氏
所跋而或者後病其諸集互載後學不見各
人詮次之意當於是各書元載外集別集今
附于下則雖素所未讀一見亦昭然矣至於
句中之飛言外之意觀者當自得之

題東寺柱康州詩

康州諱庶字亞夫先生之父終于康州守此詩
載豫章文集第十一卷元次和涼軒二首後今
任氏所次和涼軒二首在崇寧二年然康州作
詩歲月在前に不可攷其寺見有先生所書石
刻亦不載歲月不敢實諸卷末謹附于此

嘉祐八年癸卯

英廟登極

先生是歲以鄉貢進士入京師

治平元年甲辰

先生是歲春以赴禮部試嘗留京師

先生有作王力道墓誌銘云此歲以鄉舉士俱集京師甲辰丁未歲相從也蓋先生登第于次舉丁未歲先生初冠鄉士省試後與喬希聖諸公待榜相傳先生復在魁列同舍置酒為慶未幾有僕被髮大呼而入舉三指以示衆問之乃喬與同舍三人中選先生則不預也座上諸客悉皆散去至有流涕者獨先生飲酒自若又與希聖同出觀榜愷結之色略不少見喬嘗與孫莘老言而重之

治平三年丙午

先生是秋再赴鄉舉詩以野無遺賢命題主文衡者廬陵李詢讀先生詩中兩句云渭水空藏月傅巖深鎖煙擊節稱賞以謂此人不惟文理冠場異日當以詩名擅四海先生遂膺首選

先生本傳云治平中列首鄉薦蓋通前舉而言也詢字仲同登皇祐己卯歲科後以奉議郎致仕見周益公必大跋山谷先生與李彥誠帖彥誠名忱蓋仲同之孫亦登科而祐六年為洪州獄掾與先生以世契交游備載晉帖云

觀叔祖少卿弈棊

少卿諱淳字元之終于太常少卿此詩蓋是聚

族居鄉日先生所傳故凡諸父昆弟相與題詠

賡唱不可縈以歲月者悉附于早年鄉居之時

至於鄉曲朋舊亭館詩亦併附于此

次韻十九牀父臺源

叔父諱襄字聖謨 日號臺源先生

次韻叔父臺源歌

南屏山 元題次韻臺源篇九首

七臺峯

七臺溪

疊屏巖

靈壽臺

德橋洞

靈橋臺

雲壽石

羣玉峯

次韻叔父聖謨題馬迹谷

叔父釣亭

巖下放言五首

息暑巖

博山臺 已上二十一稿並元載外集

用幾後韻伯氏思堂

幾後名介豫章西山先生作幾後墓誌載幾
復年甚少則有意於六經方士大夫未和讀莊
老時幾後為余言云云 則是幾後與先生少年

交游蓋幾復自熙寧九年同學究出身為長樂尉廣州教授楚州推官知四會縣仕於嶺南者十年元祐三年沒於京師故以至樂詞讀莊二詩係於先生忌鄉之日而它詩歲月不可考者悉附于後

至樂詞寄黃幾復

錄夢篇

幾復讀莊子戲贈

讀書呈幾復二首

阻水呈幾復二首

漫書呈幾復三首

留題

再留幾復

擬古樂府長相思寄黃幾復

古樂府白紵四時歌

贈別幾復

韓信 元注為黃幾復作

按蜀本云韓生沈鷲非悍勇俛身跨下真自重
滕公不斬人未知蕭相自追王始用從來儒者
溺所聞奇兵果斬成安君功成千金購降虜東
面置坐師廣武軍前定策收萬全燕齊爭下如
風旋雖云晚計天踈略此事已足垂千年君不
見秦丞相衛公子立法治秦薄如帑法行投鼠
不忌器乃是天資少恩尔白頭故人一趙良忠

言過耳棄路傍吾固知功名成敗不足據直觀
古人用心處王直方立之云元豐初山谷過下
邗淮陰廟作以示孫莘老言其太過無含蓄山
谷然之遂改今詩

淮陰侯

顏闔

午寢

詩中有二十二年非之句

先生早年之詩自溪上吟清江引元注歲月
其後間有可攷者不過得之於詩句中其有
舊次在前亦多居鄉所昨本以類相從悉附
于後

戲贈諸友 元注時詔下是歲科率故附于此
侯元功問講學之意

元功名家政和六年為中書侍郎

新涼示同學 己上二十三篇並元載外集

治平四年丁未

神廟登極

先生是歲春以赴禮部試留京師登張唐鄉榜第二
甲進士第調汝州葉縣尉

先生有寄李師載詩云同陞吏部曹往在紀丁未
又有次韻胡彥明同年羈旅京師詩云丁未同陞
鄉里賢

初望淮山

詩中云風裘雪帽別家林紫燕黃鸝已夏深三釜
古人干祿意一年慈母望歸心蓋得官歸途所作
歸日當在夏末

新息渡淮

詩中有京塵無處可軒眉照面淮濱喜自知之句
新息屬蔡州渡淮乃自京回江南之路

光山道中

已上三篇元載外集

詩中有出門捧檄羞闕友歸壽吾親得解顏之句

夷仲叔父幼子晬日

夷仲諱蘆中于給事中幼子諱叔教字嗣深丙午
九月生馬消榜登第終于戶部尚書先生伯氏元
明也此詩云嗣深修撰弟初生曾與神秀氣已

萬里故山谷有此佳句九方臯之風鑒何其神
耶借令見今日忠憤義勇憂國愛君壁立千仞
常有蟠空奇厠之語形容大節建炎二年十月
望日鳳山下森爽臺大臨書元明諱大臨先生
伯氏而在羣從兄弟中第七嘗自號寅菴見寅
菴唱和此詩元載別集

悲秋為知命弟作

知命諱叔達有詩載集中此篇見載文集

寄傅君倚同年

君倚名肩竑先生從姑詩中有喜君方策名之
句故附于此

贈元發弟元發諱叔虔

山谷先生年譜

答德甫弟

學許氏說文贈諸弟

病嬾已上四篇並元載外集

山谷先生年譜卷第一

山谷先生年譜卷之二

熙寧元年戊申

先生是歲赴萊縣尉九月到汝州

次韻賞梅

趙令許載酒見過

和荅趙令同前韻

趙令荅詩約攜山妓見訪

謝趙令載酒

清明

戲題葆真閣

戲贈惠南

惠南蓋江西老禪號積翠菴清隱亦在分寧莫



詳作詩歲月今附于此

寄新茶與惠南

贈清隱持正禪師已上十篇並元載外集

杏之彬彬 此篇見載文集

按家藏文藁有先生初本云曹公所喜三人皆
黨錮之餘俊孔融祢衡陽狂嫚侮操且疑且信
改置衡荆州黃祖推刃融禍晚作美辭覆巢獨
揚脩才慧數解隱語又探其不言者發之最先
得罪雖有父公雅故不足以貫死嗟乎脩黃犢
子有致遠材一怒其臂死於隆車之轍曾不早
知隰子之代木耶曰常與人夫隰斯亦登臺下
撫郿邑西向而敵於隰氏之櫬成子不言隰子

歸使人伐木斧斤離數創則止之 獨室曰何變

之亟也田子將成大事諱人知其微不伐木未
深忌也知人之所不言其忌深矣故曰知微者
與禍鄰口如耳者幾乎存雖然隰子之所是與
百里奚策虞公同年語哉感二三子行事惟
坐進斯道者不戒而無悔作木之彬彬

木之彬彬非取異於人可宮室則斬則伐可籩
豆則將則擷草之茸茸非求顯於世中芻牧則
刈則鉏中鑿和則剝則枯非以其材故耶是非
之衢市者責贏傭民之生多破彼草木尚無情
吾嘗觀若人矣工於辨人拙於自辨閔戶庭者
為虜司機括者為情罪莫慘於德有心禍莫深

於心有見罪不在德心在姦賊禍不在心見髡
鉗之人也皦皦自鮮行於衆汗之前嶢嶢不讓
立乎衆卑之上積小不當是以忘其大當悲夫
水風則波木風則擘橫畏途而常巧果而喪其
太阿萬仞將傾而反顧謂樗里當如我何羿注
矢以司物十常中其七八羞烏喙以朝舖曰上
帝不予察禍集於安能及我怨悽於物與之名
脫其言則喪智舞其言則害明從事於道者奈
何見曉於冥冥

聽履霜操 并序

按家藏文藁有先生初本云七十有意於問學
不得於親能勿恚於傾聽斯琴子故為危苦

之詞以撼其關鍵冀其動心忍性遇變而不
悔

靈宮窈窕兮寒夜永篁竹造天兮月踈影霜能
秋聲兮木葉下起視夜兮闌干斗柄幽人據琴
而當予曰夫子則鍾期嘗試剗心而為之聽若
有人兮亦既修宴衽席之言兮不知其子之齋
聖嘉孝子之心終無已兮不忍忘初之戒命嗚
呼悲哉葛屨翦翦兮絺綌涼涼衣則風兮車上
霜天雲愁兮空山四野挽九河湔涕痕兮忽承
睫其更下寒飢迫人死日至兮惜不師我躬盡
子職而不我愛兮終非父母之本心天地高厚
世莫報兮今也奈何曰怨不我好則已兮豈其

子之心願哀號中處兮於父母又何求我行于
野兮不敢有履聲恐親心為予動兮是以有履
霜之憂

鄒操并序

按家藏文彙有先生初本云晉人以幣交孔
子而召之禮際甚善孔子將渡河聞趙簡子
殺鳴犢舜華臨河而不濟曰洋洋乎丘之不
濟此命也夫自頃學士大夫常快快此旨以
謂魯哀季桓不足與聞說命伊訓公山佛肸
不足與道武成牧誓衛以家聽南子齊以國
聽田常陽貨亂人原壤之不肯俯仰是問凡
類而不絕也簡子殺二大夫

甚乎彼蓋不知國之有賢大夫社稷庇食焉
無罪而戮民士可以覆篋無罪而士死大夫
可以命車無罪殺賢大夫勸國之榦也勸國
之榦而國人戴之若無罪是何祥也故君子
見微歸在鄒作鄒操云尔

歸歟歸歟是邦不可以游甚愛吾車之祝非津
者不以我舟筏有邦吾既求之彼有政吾既聽
之日月川流筋力舍予而去之山夷谷實忍子
與人曉之洋洋乎水哉丘則不得濟也吳天下
威蟻尚卒歲也除塞露而及堂幾何不而殆
也墜大木而斧根枝葉未有害也用麟於牛羊
之鼎啜羹者皆在位也求所用生喪其生吾愛

屨而忍蠱也望其祥而卜之曷歸問吾蔡也已
乎已乎鳥獸山林寢廟食也滔滔者我人且不
得息也我是孔艱日月慝也大同至公天地德
也小物自私智之賊也河水東傾我心孔悲兮
四牡奔奔禦不省式兮徐驅而理衝大路甚夷
乎高丘有林斧所相兮大厦岌岌不謨匪兮往
者不可言來者吾猶及兮

渡江

流水

虎號南山

采菊

右楚詞雖外集稱山谷晚年剛去今不敢軌有

去取其可以歲月附見之餘併附于此

讀晉史已上七篇並元書外集

讀謝安傳

四月末天氣陡然如秋遂御袂衣遊北沙亭觀江
漲二篇並元載別集

徐孺子祠堂

祠堂在城下今附

何造誠作浩然堂陳義甚高然頗喜度世飛昇之
說築屋飯方士願乘六氣遊天地間故作浩然
詞二章贈之

贈希孝

戲贈張林甫集句

次韻戲答彥和

漁父二首

按別本前一首即後篇古漁父今併存之

古漁父

問漁父

早行

詩中有秋陽弄光影之句當是赴任時作

初至葉縣

思親汝州作已上十三篇並元載外集

按玉山汪氏有先生此詩真蹟題云戊申九月到汝州時鎮相富鄭公而首句與集中不同云風刀霜威侵短衣

熙寧二年己酉

先生是歲在葉縣二月按闕死者于舞陽

書舞陽西寺舊題處并序

按序中有云浩浩七年其間兵廢成壞所更多矣以前推之舊題當在癸卯入京之時後七年則在北京矣故附于此

飲南禪梅下盛題

因後篇有登南禪寺懷裴仲謀詩以時序附此
次韻坦夫見惠長句

次韻裴仲謀同年

先生與仲謀詩甚多略以時序為次時他謀為舞陽去葉才百里賤子與君俱少年之句

山谷先生年譜卷之二
和裴仲謀雨中自石塘歸

次韻裴尉過馬鞍山

和仲謀夜中有感

漫書呈仲謀

登南禪寺懷裴仲謀

題蘇才翁草堂壁後并序

春近四絕句已上十四篇並元載外集

詩中有閨後陽和臘裏回之句按是歲閏十一

月故附此

山谷先生年譜卷之二

山谷先生
熙寧三年庚戌

卷三

先生是歲在葉縣七月初二日元配蘭溪縣君孫氏
歿于官所

先生作二室墓誌云殯于葉縣者二十二年元
祐六年先夫人捐館乃克歸二夫人之骨于雙
井蓋六年為辛未知數至此二十二年蘭溪即
辛老女

漫尉元注庚戌為葉縣尉時作

睡起二首元注時蒲城伏盜郡以校見督

次韻春遊別說道二首

寄別說道

陳說道約日送萊把

迎醇甫夫婦

按別本題云遣人迎陳六夫婦即集中一作遠
嫁蕭咸親髮白者而後篇又有送醇甫歸蔡及
送陳氏女弟寄別陳氏妹諸詩必醇甫夫婦無
疑但先後歸耳蓋先生之妹適陳望嘗寓於蔡
醇甫當是其字今各以時序附

題南寺王髯題名處

次韻任君官舍秋雨

河舟晚飲呈陳說道

題樊侯廟二首廟葉縣

哀逝

悼往

此詞首云曲風悲兮敗葉索索政與蘭溪之歿
同時故附于此

紅蕉洞獨宿

詩中有衣笮粧臺蛛結網可憐無以永今朝之
句按別本云重簾復暮夜蕭蕭真感生懷不自
聊枕落夢竟飛蛺蝶燈殘風雨碎芭蕉瓊枝玉
樹埋黃土衣笮粧臺閔絳綃故物盡能回白首
斯人無以永今朝

送醇甫歸蔡

將歸葉先寄明復季常

先生雖作尉而訟擻不時如蒲城佚盜以校見

昔之類此詩雖題將歸葉寄明復李常然有簡書淮我去衝雪凍兩脚之句必是因校出而歸無疑故附于此

次韻寄滑州勇氏已上十八篇並元載外集

按國史熙寧三年四月壬午右正言李常落秘閣校理降太常博士通判滑州此詩不著月日今併附是歲之末

熙寧四年辛亥^上

先生是歲在葉縣

按思親詩注九月到汝州則終喪之期當在此歲

春祀分得葉公廟雙亮觀 廟觀皆在葉縣

春雪呈張仲謀

按後篇送張仲謀詩中有窮愁寐寔雙亮縣之句以時序先附此仲謀名詢

次韻元禮春懷十首

按後篇送蒲元禮南歸詩有三年葉公城之句以時序先附此又云吾師李武昌金声而玉德盖元礼居蘄州以史考之公擇自滑復職知鄂州耳

再和元禮春懷十首并序

次韻荅蒲元禮病起

送蒲元禮南歸

寄季張

戲贈陳季張

賦陳季張北軒杏花

從陳季張求竹竿引水入厨

題季張竹林村

陳氏園詠竹

張仲謀家堂前酴醿委地

和荅登封王晦之登樓見寄

按後篇戲贈王晦之詩中有我亦未見縱山鳧之句以時序先附此

送鄧慎思歸長沙

寄簡二主簿時在縣界首部夫鑿石塘汀

戲贈簡二主簿不置酒

春思

詩中有不覺簡書催秣馬之句

衆人觀俳優

同孫不愚過昆陽

按輿地廣記昆陽正屬葉縣即光武破王尋之地

和荅孫不愚見贈

孫不愚引開元故事請為移春檻因而贈荅

送陳氏女弟至石塘河

陳氏女弟已見前注

睡起

書睢陽事後

流民歎

次韻邵之才將流民過懸帛嶺均田

詩中有素餐每愧斯民病之句

次韻荅邵之才

呈李卿

已上四十七篇並元載外集

山谷先生年譜卷之三

山谷先生年譜卷之四

熙寧四年辛亥中

贈陳公益并序

序中有官於葉城下之語

戲答陳公益春思二首

送焦浚明

詩中有我任葉公城之句

雜詩

飲韓三家醉後始知夜雨

行邁雜篇六首

去賢齋

還家呈伯氏 元注葉縣作

夏日夢伯九寄江南

送張子列茶

謝張仁謀端午送巧作

食瓜有感

行役喜雨寄任公漸大夫

曉從任大夫祖行過石橋寄粹甫

雨晴過石塘河留宿贈大中供奉

戲贈潘供奉

詩中有大梁相違初不識之句因前篇供奉

附

答王晦之見寄

詩中有暮上巖嶺飛双鳥之句

戲贈王晦

詩中有我亦未見巖山鳥之句

送陳季常歸洛

考常名慥詩中有誰公區區七葉車馬肯來尋之句

次韻詩進叔二十六韻

詩中有飛鳧王令尹期我向君所之句

薛樂道自南陽來入都留宿飲會作詩餞行

此詩當在葉縣蓋南陽入都之路而別有送薛樂道知鄖鄉詩亦有黃山葉縣連牆居之句

次韻答薛樂道

孫不愚索飲有酒已盡戲答

辱粹道兄弟寄書久不作報以長句謝不敏
陳季張有蜀芙蓉畏飲客至開輒剪去作詩戲之
再贈陳季張拒霜花二首

蒲城道中寄懷伯氏

次韻伯氏謝安石塘蓮花酒

次韻伯氏戲贈韓正翁菊花開時家有美酒

寄張仲謀

謝仲謀示新詩

送張仲謀

詩中有窮愁寂寞双鳧之句

再和答張仲謀陳純益兄弟

寄別陳氏妹

戲招飲客解醒

答閻求仁

詩中有身隨衣食業南陽之句

擬君子法天運

答龍門潘秀才見寄

客自潭府來稱明因寺僧作靜照堂求予作

題雙鳧觀

送陳蕭縣

答和孔常父見寄

常父名武仲 已上四十九篇並元載外集



國家圖書館, NATIONAL CENTRAL LIBRARY, TAIWAN, R.O.C.

山谷先生年譜卷之四

山谷先生年譜

三

山谷先生集譜卷第五

熙寧四年辛亥下

戲詠江南土風

十月十五日早飯清都觀逍遙堂

傷歌行四首

弈碁二首呈任公漸

謝曉純送衲鞋

思賢

按田并序

雪中連日行役戲書簡同僚

宿黃山

送蘇太祝歸石城



詩中有偶然把酒兼公城之句

雪後登南禪茅亭簡張仲謀

詩中有雪後憑高望洛都之句

寄張仲謀次韻

次韻奉和仲謨夜話唐史

張仲謨送河鯉未至戲督以詩

和谷張仲謨泛舟之詩

戲書效樂天

余成詩

觀崇德君墨竹歌并序

詩中有一官偶仕葉公城之句

聽崇德君鼓琴已上二十四篇並元載外集

酌姨母崇德君壽酒

此篇元載別集二詩皆內前篇附地

舟子并序

致政王殿丞逍遙亭

送社子卿歸西淮

衝雪宿新寨忽忽不樂

按垂虹詩話云山谷尉葉縣日作新寨詩有俗

學近知回首晚病身全覺折腰難之句傳至都

下山老人見之擊節稱歎謂黃其清才非奔走

化吏遂除北都教授即為潞公所知

右此說與國史及先生本傳皆不合漫附于此

兼此詩兩句乃載蜀集舊本全篇云一夢江南

據馬鞍夢中投宿夜闌千山街斗柄三星沒雪
共月明千里寒俗學近知回首晚病身全覺折
腰難江南長盡梢雲竹歸及春風斬釣竿今穆
章集前六句皆不同五

新寨餞南歸客

郭明父作西齋于頴尾請予賦詩二首

予既不得業遂過洛濱醉遊累日

呈王明復陳季張

即席

詩中有純益魚蕭蕭元礼喜作詩及大醉知力
學小醉受善言之句蓋皆同時游從者又有解
官力就闕之句故附了官滿之後

曉起臨汝

臨汝汝州郡名又蔡州上蔡縣後魏改爲臨汝
過平輿懷李子先時在并州

平輿縣屬蔡州詩中有心隨汝水春波動之句
按潛夫詩話載山各教人云世上豈無千里馬
人中難得九方臯此可以爲律詩之法即此詩
也

以同心之言其臭如蘭爲韻寄子先

離汝寄張子

勸交代張和父酒

過百里大夫冢

冢在南陽縣界恐是去鄧州經過作此詩元在

蒲城道中寄懷伯氏前今附此按呂氏童蒙訓云或稱魯直桃李春風一杯酒江湖夜雨十年燈以為極至魯直自以此猶砌合須石君甚愛之勿使牛礪角牛礪角尚可牛鬪殘我竹此乃可言至耳然如魯直百里大夫豕詩與快閣詩已自見成就處也

雜詩八首

第六首先生有真蹟云比見師川錄示諸賢和南塔題壁詩甚愧老拙篋中在前也歸閱計草中有一篇與壁題異不知壁間字是拙筆否今錄上邗老刮去手寫此篇薰爐茶鼎暫時同寒日鴉啼柿葉風萬事須還麴居士百年止在泥

安宮而第八首元載第六卷題作武陵今從蜀本附此先生居官所作雖曰可改而歲月先後或不能盡合則以凡日有疑者列於官滿之歲後做此

已上三十一篇並元載外集



潘應生三譜卷之六

生是歲試中第官

授國子監學正五年正月成王

官第進三又元生本傳

第又為優教授北京國子監

留再任

次韻景珎醜醜

景珍名令蟠

以金沙醜醜送公壽

寄懷公壽

道中寄公壽

道中寄景心兼簡度元鎮



景珍太傅見示鳴和蒲萄詩因而次韻

公書景珍嘗仕京師故附于是無入京之時蓋
元祐間先生館中則有過故人京下侯趙景珪
墓詩又先生有跋自所書與宗室景道云往余
與公書景珪時景道方爲兒童遠遊今頽然
在朝心公壽景珍不得見亟見景道尚有典
刑云云此書書於景林政館中時作

已六篇並元載外集

同宋景瞻分題汴上行 一 卷 二 藝 別 集

熙寧六年癸丑

先生是歲在北京

先生有代韓康公赴大名謝表其間云去歲在

漢之故里許田先人之盤序實爲作翰之邦迨
荷長氏之寄尚憂曠政終累保全豈圖誤承朝
僉再流睿渥往典帝宮之門鑰獲瞻魏國之觚
稜許還近班不以故事承三接之清燕稱萬年
之壽觴恩榮不替於三補報未聞於萬一按
國史熙寧四年三月韓絳罷相知鄆州五年四
月知許州六年二月壬寅知許州觀文殿學士
吏部侍郎韓絳爲大學士知大名府仍詔入覲
遇大朝會綴中書門下班出入如二府儀與謝
表所致皆合又有代康公謝韓魏公北京到任
啓云仲夏煩蘊百嘉長贏則是康公到任在是
年仲夏又以國史校之明年四月康公方以平

章事召赴剛則先生是歲在任無疑先生在北
京凡首尾七年詳見已未歲所載二詩右先生
之文可以忘月政者悉附見如左其餘自載本
集各以類分此不具載後微此

秋思

和谷幼弟阿熊呈上
六舅學士先生并引

阿熊謚非熊字仲熊按詩引不拜請益之序蓋
丁三年歲在星紀實作此文星紀之歲在丑而
光三自十五六歲從舅氏學于淮南以辛丑至
癸丑計之恰十三年故附于此
此詩元載外集

熙寧七年甲戌

先生是歲在北京

按國史是年四月丙戌觀文殿大學士吏部侍
郎知大名府韓絳依前同平章事監修國史河
東節度使守司徒兼侍中判河陽文考博判大
名府

六月閏雨

既作閏雨詩是夕遂澍雨夜中喜不能寐起作喜

雨詩

二篇並元載外集

按是歲禱雨故附此

熙寧八年乙卯

先生是歲在北京

呻吟齋睡起五首呈世弼

詩中有學省非簿領之句世弼名純亮即先生

妹夫所謂王郎者

招戴道士彈琴

送錢一杲卿

詩中有冷官因北門之句杲卿乃穆父內翰長子黃師足之妹夫時師走為河北漕錢時在外舍師是名宦

曉出祥符趨府

奉荅子高見贈十韻

和庭誨苦雨不出

詩中有端居廣文舍之句

和庭誨雨後

招子高二十二韻兼簡常甫世弼

歸飛霜曉封條之句蓋言往來之時與奉和世弼詩相表裏

次韻子高即事

次韻謝子高讀淵明傳

奉和王世弼寄上七兄先生用其韻

詩中有學宮尸廩入及言趨厥次咸與舉場下馬入深瑣嚴篙管之句則是北京所作必因考試而出是年適當科舉若次之戊午則先生乃考試于衛州又厥次非衛州經行之路故附于此

和世弼中秋月詠懷

詩中有廣文官舍非吏曹之句

和荅王世弼

詩中有燕堂淡薄無歌舞之句

韻和常甫世弼二君不利秋官鬱鬱初不平故子詩多及君子處得失事

詩中有頻來草玄宅之句又當科舉之歲故附于此

酌別世弼

詩中有鄴王臺下倒清樽之句

送魏君俞知宿遷

秋懷二首

和李文伯暑時五首

文伯字去華先生之壻李樂德素之子雖納壻在後而先生與龍眠李氏爲素交或舊作亦未可知姑做舊次附于此

次韻庭誨按秋課出城

庭誨惠鉅硯

叔誨宿邀湖上之遊以故不果往

送吳彥歸番陽

詩中有學省困藿鹽三見秋氣爽之句先生到北京已三秋矣

大風

題司門李文園亭

夜觀蜀志

觀道二篇

西禪聽戴道士彈琴

已上三十七篇並元載外集

山谷先生年譜卷之六

山谷先生年譜卷之七

熙寧九年丙辰

先生是歲在北京

先生自到任距今已三年時文潞公尚判大名府以國史參之當在是時舉再任

二月下卯喜雨吳體為此門留守文潞公作

李右司以詩送梅花至潞公予雖不接右司想見其人用老杜和元次山詩例次韻

已上二篇並元載外集

題文潞公黃河議後

此詩當是後作因潞公詩附元載別集

熙寧十七年丁巳



先生是歲在北京

次韻外舅謝師厚喜王正仲三文奉詔相南兵回

至襄陽捨驛馬就舟見過二首

相南兵恐是禱南兵

正仲名存按實錄熙寧九年十一月詔安南

行營將士病疾者衆遣同知太常禮院王存

禱南岳自京師十一月被命至衡山回程必

在次年又後篇有衡山返命之語則是時無

疑故附此又按垂虹詩話云山谷次韻謝師

厚喜王正仲見過詩漢上思見龐德翁別來

悲歎事無窮張孝先光武云曾見親札作歡

字則覺語健政如山谷改杜詩少年今明萬

卷餘不可拘平側也又按後山詩話云謝師

厚廢居於劄子左必存其... 年戊判湖在

道過之師厚名景初

次韻正仲三文自衡山返命舍驛過外舅師厚贈

答已上四篇並元載外集

元豐元年戊午

先生是歲在北京

是秋考試舉人于衡州

先生與東坡書云自衡州試舉人歸於鄭掾處

得賜教又云云九月到... 卷見病脚氣初甚驚

八會得善醫於視今十去九矣又苦寒漱不能

民愈生此不通善門下云云蓋此書乃次年之

書今先附此

古風二首上蘇子瞻

按烏臺詩話載元豐元年二月內北京國子監
教授黃某寄書一角并古風二首與軾又蜀本
詩集任氏舊注云東坡亦有報書及和章山谷
書云今日竊食於魏會閣下開幕府在彭門又
云作古風詩二章賦詁從者即此詩是也以東
坡集攷之蓋元豐元年魏即北京彭門即徐州
建炎中山山谷之甥洪炎玉父編舅氏文集斷自
退聽堂始退聽以前蓋不復取古風二篇冠詩
之首且云以見山谷受知於東坡有所句也退
聽堂在汴京圃池寺南山谷作館職時高華
於是其有贈俞清老詩攷同書于圃地中仍退聽

堂下然此堂名其後隨所在揭之

右二詩蜀本詩集任氏所法方始於此其考
證已為得之者悉從其舊今當所編自此二
篇之前皆外集別集任氏所未編者其有歲
月可繫於後者隨疏于左庶覽者無惑焉

閏月訪同年李夷伯子真於河上子真以詩謝次
韻

按是歲閏正月而詩中有日晴花色自深淺風
暖鳥聲相應酬之句姑以時序附此

戲荅子真河上見招來詩頗誇河上風物聊以當
嘲云

次韻子真會靈源廟下池亭

詩中有置酒臨魏城之句

和荅李子真讀陶使詩

丙寅十四首效韋蘇州并序

序云二月丙寅率李原彥深謝愔公靜游百花洲云云按國史元豐元年二月丙午朔則丙寅乃二十一日先生是時在北京此詩元次竹軒詠雪然謝師厚居南陽而後篇夏雨眠起之什有腹便時蒙朝之句又有送朱既中允宰宋城詩亦云鄴王臺邊春一空但有雪非楊柳風我從南陽解歸橐重簾複幕坐李官當是先生告假或因它故至南陽在冬春聞耳今附于此公靜師厚之子

催公靜碾茶

用前韻戲公靜

對酒歌荅謝公靜

送朱既中允宰宋城

詩中有朱侯官居鄴城下之句首句即鄴王臺邊春一空已見前注宋城屬南京

過方城尋七叔祖舊題

七叔祖諱注字夢升終南陽主簿歐陽文忠公為作墓銘載六一居士集方城屬唐州故附此奉和慎思寺丞太康傳舍相逢并寄扶溝程太丞尉氏孫著作作二十韻次韻晉之五文賞壓沙寺梨花

歷沙寺在北京

已上二十五篇並元載外集

海棠花

詩中有東窗渾為讀書忙之句元載別集本以

時序附此

種決明

同世弼韻作寄伯氏在濟南兼呈六舅祠部學士

濟南即齊州蓋公擇自滑州通判歲餘復職知

鄂州徙湖州又徙齊州以歲月攷之當在是歲

伯氏到濟南寄詩頗言太守居有湖山之勝同韻

和

次韻寄李六弟濟南郡城橋亭之詩

平原宴坐二首

按蜀中詩刻先生真蹟題作平原郡齋而詩句

又與此小異云平生浪學不知株江北江南去

荷鋤窻風文字翻葉葉猶似勸人勤讀書成巢

不處避歲鵲得巢不安呼婦鳩金錢滿地無人

費一斛明珠惹茲秋平原屬德州德與齊接境

故附于此

用明發不寐有懷二人為韻寄李秉彝德叟

陪謝師厚游百花洲盤礴范文正公祠下道羊曇

哭謝安石事因讀生存華屋處零落歸山丘為

十詩

百花洲雜題

竹下把酒

砌臺晚思

和師厚接花

按蜀本前四句云妙得花三昧誰明幻與真家
風穰下土笑面洛陽春

和師厚栽竹

次韻師厚萱草

次韻師厚雨中晝寢憶江南餅麪酒

飲李氏園三首

按二月丙寅詩序有云繫馬李氏園今附此

次韻謝外舅病不能拜復官夏雨眠起之什

次韻外舅謝師厚病閒十首

次韻奉送公定

公定名惲師厚之子

和公定河朔漫成八首

次韻謝公定王世弼贈答二絕句

次韻公定世弼登北都東樓四首

和謝公定征南謠

按國史沈起經略交廣在六年四月朝廷征交

趾在八年十二月下詔九年正月己卯交賊陷

邕州而郭逵伐交趾在九月二日其次富良降

乾德班師在十二月此詩必非當時所和故附

于此


已上六十

蘇並元載外集

山谷先生年譜

七

山谷先生年譜卷之七



國家圖書館, NATIONAL CENTRAL LIBRARY, TAIWAN, R.O.C.

山谷先生年譜卷之八
元豐元年戊午下

和師厚秋半時復官分司西都

按實錄熙寧十年十一月詔復尚書都官郎中
分司西京謝景初權藩郡通判今先生和師厚
復官二詩一云夏兩眠起一云秋半然未詳作
詩先後姑以時序同附

師厚家君示里中諸君

和荅師厚黃連橋壞大木亦爲秋雹所碎之作
詩中有溪橋喬木下徃歲記經過之句

寄南陽謝外舅

詩中有離筵如昨日之句當是別後所作

和外舅風興三首

元注寓大雲寺作今附于此

已上七篇並元載外集

醇道得蛤蜊復索舜泉舜泉已酌盡官酒不堪不

敢送

按蜀本詩集注云舜泉當是河北酒名外集有和王世弼求舜泉詩首句云寒蠶薄飯留佳客蠹簡殘編作近鄰張淵方回家本置此詩於北京教授時與詩意正合自此詩至未入館以前洪王父皆不編入今豫章前集有之然亦不過數篇爾方回大父名墳山谷妹婿也

右此詩雖援證實為北京之詩先生在北北京最久不能詳其何年所作但此類在各卷既

已成編或稱從舊次附前之類亦皆從之

止以今所考據者隨時增附於其間若舊

注不無差舛或可援證者即隨加更定後做

此

世弼惠詩求舜泉輒欲以長安酥共泛一椀次韻

戲答

此詩因舜泉竹附于此

送蛤蜊與李明叔諸君

詩中有廣文不得載酒去之句

戲贈世弼用前韻

世弼病方家不善論蛤蜊之功戲答

次韻師厚食蟹

次韻謝外舅食鹽腸

次韻師厚荅馬著作屢贈詩

次韻子瞻與舒堯文禱雪霧豬泉唱和

按東坡年譜是年有和舒堯文祈雪詩

薄薄酒三章

按東坡年譜熙寧九年作而先生與東坡相識乃在是歲又先生有此詩真蹟石刻政云此詩作已十餘年環中云平生愛之欲歸江南要我手寫燭下忍病眼書此元祐三年四月庚辰却數之當附于此

竹軒詠雪呈外舅謝師厚并調李彦深

戲贈彦深元注我原字彦深厚之弟是南陽

贈李彦深

觀王熙叔唐本草書歌

擬古雜言

古豪俠行贈魏鄰幾

拘士笑大方

賦未見君子憂心靡樂八韻寄李師載

詩中云司陞史部曹往在歲丁未別離或寒著歲星行一二自丁未至戊午恰十二年

江南

詩中有五年身屬官倉之句今附此

公益嘗茶

詩中有子雲窻下草玄經之句

和荅郭監簿詠雪

詩中有官冷有田知歲豐之句

次韻張秘校喜雪三首

詩中有廣文何憾客無纏之句

雙井漱壺之東得勝地一區長林巨麓危峯四環
泉甘土肥可以結茅菴居是在寅山之類命曰
寅菴喜成四詩遠寄魯直可同魏都士人共和
之大臨

次韻寅菴四首

次韻七兄青陽驛西阻水見寄

詩中有官簡之詩鄴城下之句

已上四十篇並元勳外集

元豐二年己未上

先生是歲在北京己六年

先生有次韻和荅孔毅甫詩云六年國子無寸
功猶得江南萬家縣蓋次年授太和耳毅甫名
平仲

二月十二日先生繼室介休縣君謝氏歿于官所
以二室墓誌攷之自元祐六年辛未却數殯于
大名者十一年介休即師厚之女

見子瞻粲字韻詩和荅三人四返不困而愈崛竒
輒次舊韻寄彭門

詩中有昨蒙雙鯉魚遠託鄭人緩之句鄭人即
前與東坡書自衛州試舉人歸於鄭掾處得所

賜教云云書本又有冬春愆雪之語而此詩亦云烏聲日日春柳色弄晴暖次篇有云東南望彭門官道平如案二詩與前書當是今春所作再和寄子瞻聞得湖州

按國史元豐二年二月蘇軾知湖州

次韻荅堯民

堯民名端仁

過西山

春游 已上五篇並元載外集

山谷先生年譜卷之八

山谷先生年譜卷之九

元豐二年己未中

次韻感春五首

聖東將寓于衛行乞食於齊有可憐之色再次韻感春五首贈之

次韻蓋郎中率郭郎中休官二首

元注郭文時御道中野服過祝黨飯頗為分臺御史所訶

次韻郭右曹

次韻伯氏寄贈蓋郎中喜學老杜之詩

蓋郎中惠詩有二強攻一老不戰而勝之嘲次韻解之

和呂秘丞

送揚瓊鴈門省親二首

次韻答張沙河

沙河縣屬邢州乃河北西路去北京為不遠後篇有張侯去沙河三食鄰下麥之句則是北京作無疑故附于此

送張沙河遊齊魯諸邦

和張沙河招飲

同堯民游靈源廟廖獻臣用馬陵二字賦詩

詩中有我坐廣文舍七年讀書燈蓋是舉首尾之數耳

八音歌贈晁堯民元註云長與堯民論示履之改

未竟故以言之

八音歌贈晁堯民

按別本自古同心難下有兩句云土硬非道器要君斷魚尾端熟攷之添此始及八音

三月壬申同堯民希孝觀淨名寺經藏得弘明集中沈炯曰庾肩吾諸人遊明慶寺詩次韻奉呈二公

飲城南即事

詩中有鄙夫漫有便便腹嬾書欲眠誰比數之句

見二十第俱和花字漫興五首

詩中有睡起草玄三畝宅之句二十第即知命

希仲扣飲李郁尉花園 已上三十二篇並元載

外集

梨花

此篇元載別集姑以時敘附此

次韻師厚五月十六日視田悼彥深

元注云去年五月十三日與之游西郊今元年

所載丙寅詩序既云二月丙寅率李原彥深謝

惜公謫游百花洲因附于此

次韻示補之廖正一贈答詩

詩下有獨憐壯遊樂河山之句而再答明略云

使年七十今中年志之二十有五故附此

正一字明略

再答明略

元載別集卷之九 民家門為齊河故篇末及之

再答明略并無答

再答明略并無答

再答明略二首

次韻廖明略陪吳明府白雲亭宴集


次韻吳可推題餘干縣白雲亭

已上十篇並元載外集

山谷先生年譜卷之九



國家圖書館, NATIONAL CENTRAL LIBRARY, TAIWAN, R.O.C.



山谷先生年譜卷之十

元豐三年己未下

次韻無咎闍子常携琴入村

因前篇是補之詩附

交定詩效鮑明遠體呈晁無咎

贈無咎

二十八宿歌贈別無咎

答李康文

詩中有深慙借問談經地之句

送彭南陽 己上七篇並元豐外集

和早秋雨中書懷呈張鄧州

此詩見年譜卷之十

和舍弟中秋月

詩中有廣文酒儒嬾於事之句

贈陳元興祠部元興名軒

直舍哥陳子惠

詩中有廣文賓退下簾重之句

林為之送筆戲贈

詩中有廣文用蓋鹽之句

再和答為之

再和答為之

贈趙言

詩中有北門塵土滿衣襟及廣文直舍官規除

之句

雜詩四首

九日對菊有懷粹老在河上四首

詩中有學省公廳只對街之句粹老名醇

次韻粹老客亭詩後

粹老家隔簾聽琵琶

呈馬粹老范德孺

贈謝啟王博諭

贈張仲謀

詩中有迎我不知沙路長之句

乞猫

先生有手書此詩題公從隨主簿乞猫

謝周文之送猫兒

講武堂南有感

詩中有花似去年堪折贈插花人去漫開干之句

曹村之中

詩中有瓜田餘蔓有荒穉梨子壓枝鋪短牆之句

已上二十四篇並元載外集

臨河道中

臨江屬開德路由河隄經行朱曹村後臨河故前篇有意來去家三百里之句指大名也

此篇元載別集

謝張泰伯惠苗雀鮮

詩中有去家十二年之句蓋自先生戊申歲赴葉縣至此恰十二年

贈荅晁次膺

夜聞鄰舟崔家兒歌

重荅

鴻溝

裴晉公書堂

子產廟

楊朴墓

次韻孔著作早行

次韻孔四著作北行滹沱

已上十篇並元載外集

山谷年譜
三
和范廉

此篇元載別集

和陳君儀讀楊太真外傳五首

讀曹公傳并序

雜詩

已上七篇並元載外集

絕句

此篇元載別集

衛南

衛南屬澶州與北京滑州皆為比鄰此詩當是

在北京作

酒

次韻荅柳通叟求田間舍之詩

書扇

已上四篇並元載外集

山谷先生年譜卷之十

山谷先生年譜卷之十一
元豐三年庚申

先生是歲入京改官授知吉州太和縣

詳見先生寄李公擇詩序

是秋自汴京歸江南

見曉放汴舟詩註

十月游山谷寺

按張翔夫哀詞序云張庖民翔夫往在皖溪口

開泉長支嶺下元豐庚申十月余舟次泉下

山谷寺在皖山三祖山屬舒州有石牛洞等林

泉之勝先生遊而樂之因此號山谷道人

十一月小寒日上潛峯

先生有題名石刻云建康李參彭蠡李秉彝秉
文磁湖吳擇賓華陽丘楫豫章黃庭堅歲庚申
日小寒過飯而西上潛峯竭司命所過道人寢
室將十區便房曲閣所見山皆不同輒有佳處
行憇寶公井瞻禮粲禪師塔坐臥傳巖亭下下
酒島歸宿曉老生生堂西閣夜漏下十刻所以
長曆攷之即元豐三年十一月二十一日也又
擢秀閣詩後題云廣陵蘇子平南康李德叟章
水黃魯直庚申小寒後一日同來觀瀟山天柱
雪

十二月過南康還鄉

見大孤山詩注

次韻荅叔原會寂照房呈稚川

詩中有我家猶北門之句當是先生入京改官
猶寄家北京耳

同王稚川晏叔原飯寂照房得房字

次韻叔原會寂照房得照字

次韻稚川得寂字

都下喜見八叔父

八叔父即夷仲給事是時爲集賢校理判尚書
刑部按國史元豐三年除權發遣河東提點刑
獄公事兼提舉義勇保甲政先生入京改官之
時且詩中有一別七冬夏之句當是熙寧間先
生在北京時給事嘗體量河北河東災傷道經

由相見至今七年耳

次韻叔父夷仲送夏君玉赴零陵主簿

已上六篇並載外集

次韻王稚川客舍二首

按蜀中石刻先生此詩真蹟題云王欲稚川元豐初調官京師寓家鼎州親年九十餘矣嘗閱貴人家歌舞醉歸書其旅邸壁間鴈外無書為客久蛩邊有夢到家多畫堂玉珮繁雲響不及桃源歎乃歌予訪稚川于邸中和之五湖作五更每占什不嗔

王稚川既得官鄱中有所吟未歸予戲作林夫人歎乃歌一章與之竹枝歌亦出三巴其流在湖

湘耳歎乃湖南歌也

按蜀本石刻題云余復戲代稚川之妻材夫人寄稚川時稚川在都下有所顧盼留連未歸也而其詩與集中所載前後不同云花上盈盈人不歸棗下暮暮實已垂尋師訪道魚千里蓋世功名黍一炊臥冰泣竹憇母飢天吳紫鳳補兒衣臘雪在時聽嘶馬長安城中花片飛又任氏注云什邛張氏有山谷手書此詩與今日本正同唯一二字稍異實已垂作實已稀又有跋云宋時有女鬼至人家歌范上盈盈曲悲壯不可聽

病起次韻和稚川進叔倡酬之什

雜詩
雜川約晚過進叔次前韻贈雜川并呈進叔

二詩中有老境侵尋每憶家及我歸河曲完寒食之句

自咸平至太康鞍馬間得十小詩寄懷晏叔原并問王雜川行李鵝兒黃似酒對酒愛新鵝此他日醉時與叔原所詠因以為韻

咸平太康皆京師屬邑在東南故先生歸江南之政

已上十二篇並元載外集

從舅氏李公擇將抵京輔以歸江南初自淮之西

猶示秋日思歸

是先生復然北京家歸江南作

五日阻雨次韻

已上二篇並元載別集

汴岸置酒贈黃十七

按王直方詩話云山谷謂洪龜父云甥最愛老舅詩中何語龜父舉蜂房各自開戶牖蟻穴或夢針從王黃流不解泥明月碧樹為我生涼秋以為深類工部山谷云得之矣後一聯即此詩

曉放汴舟

詩中有秋聲滿山河及又持三十口去作江南夢之句政歸江南所作

次盱眙用前韻

已上三篇並元載外集

詠史呈徐仲車

仲車名積謚節孝先生家于楚州當是先生經

涂所作

次韻徐仲車喜董元達訪之作南郭篇四韻

元達名述

次韻仲車為元達置酒四韻

次韻仲車因婁行父見寄之詩

此三詩蜀本置之崇寧元年然先生有是年八月間與平仲少府書云審仲車先生棄士大夫不起於山陽窮居失所又不幸至此直使人哀痛也然仲車好德樂義不屈其身以至耄老好德樂義不屈其身以至耄老好學不倦以至於

盡在先生無憾矣此書疑在荆南蓋有自八月大病幾至委頓之說政是荆南待命之特別此詩決非當時所作今移附于此

外舅孫莘老守蘇州留詩斗野亭庚申庭堅和

亭在揚州召作埭按淮海叢書少游集有和孫莘老召伯斗野亭古詩

十月十三日泊舟白沙江口

元注真州唐永正縣之白沙鎮也

發白沙口次長蘆

阻風入長蘆寺

詩甲有成寒風落日故鄉喜言旋之句

次韻伯氏長蘆寺

詩中有攜手霜木水之句

金陵

別蔣穎叔

穎叔名之奇嘗作江淮發運當是經涂所作

次韻答李端叔

贈別李端叔

行行重行行贈別李之儀

端叔名之儀寓居蕪湖三詩雖有先後因是時

經涂附見

阻風銅陵

銅官縣望五松山集句

阻水泊舟竹山下

詩中雖有柳暗花濃一半春之句然歲月已不可攷姑附于此

銅官僧舍得尚書郎趙宗閔墨竹

枝筆勢妙天

下為作小詩二首

池口風雨留三日

貴池

大雷口阻風

庚寅乙未猶泊大雷口

按國史元豐三年十二月乙丑朔庚寅蓋初二日與行程頗合

乙未移舟出口

丙申泊東流縣

已上二十一篇並元載外集

題山谷石牛洞

先生有真蹟石刻題云題山谷寺石橋下

書石牛溪旁大石上

題山谷大石 此二篇並元載外集

題瀟峯閣

在舒州提刑司公擇時為淮西提刑蓋治所

公擇舅

河蘇子平李德叟登擢秀閣

題泉上

四借韓文二首

詩中奇句安得見丘進之句

以名軍書數種贈丘十四

李君即借示其祖西臺學士草聖并書帖一編二

軸以詩還之

三至堂

玉照泉

已上八篇並元載外集

山谷先生年譜卷之十一

山谷先生年譜卷之十二

元豐三年庚申下

發舒州向皖口道中作寄李德叟

題馬當山魯望亭四首

宿舊彭澤懷陶令

先生過南康軍祭劉凝之文云元豐三年庚申十二月辛酉彭澤屬江州又在江州之下

潯陽江口阻風三日

泊大孤山作

元注庚申十二月

題落星寺四首

先生有真蹟以前一首題云題落星寺第三首

卷云題落星寺嵐漪軒第四首題云往與道純
醉臥嵐漪軒夜半取燭題壁間云又有蜀本石
刻前一首題云落星寺僧請題詩而首句略不
同云游空天衆有寶墜及畫吟作畫倚江檝牀
作波撼牀窠房作蜂房牖戶作戶牖青雲梯幾
級作虛空更幾級瘦藤作一藤而第四首石刻
題作醉書落星寺壁時與劉道純同飲二僧在
焉

玉京軒

先生有真蹟跋語云將旦起坐復得長句忽忽
就竹與不暇寫歲行一周道純已凋落為之隕
澤故書遺趣上人可刻石于吾二人醉處它日

有與予友及道純好事者尚徘徊碑側元祐六
年大寒黃庭堅書

壽聖觀道士黃至明開小隱軒太守徐公為題曰
快軒庭堅集句詠之

過致政屯田劉公隱廬

詩中有木行天再環之句蓋先生自戊申赴葉
縣尉至庚午方改官歸政與詩句合
已上九篇並元載外集

拜劉凝之畫像

此詩蜀本詩集置之崇寧元年蓋先生自荆入
岳薄陸至萍鄉回涂自筠陽豫章山行由東林
太平觀至江州初不經由南康今附于此

知郡大夫改築射亭與五老峯晤對極為勝賞輒
以長句詠歎 此篇元載別集

和劉太博攜家游廬山

駐輿尋訪後山陳德方家

此二篇並元載外集

題姨母李夫人墨竹二首

此詩載文集蜀本置之館中非是蓋畫壁在廬
山楞伽寺今附此

題李夫人偃竹

南康席上贈劉李二君

此二篇並載外集

元豐四年辛酉

先生是歲赴太和

是歲考試舉入于南安軍

豐城

豐城乃豫章屬邑自豫章至吉州太和先經由
此地

臨江寺僧以金線猿皮蒙菜几

臨江軍在豐城之上

上蕭家峽

何蕭二族

魏夫人壇

隱梅福處

蕭子雲宅

蕭興萬敏修二學子和予食笋詩次韻答之二首

胡朝請見和食笋詩輯復次韻

聞致政胡朝請多藏書以訂借書目

已上二十首 卷之三 詩集

讀上食蓮有感

讀上中今穀州舊慶州先生自吉往南安考試

經過先生有此詩真讀蒸本謹附錄于後

蓮實大如指分甘念母慈共房頭燕觶更深

只弟思實中有么荷拳如小兒手今我憶衆

難迎則索梨棗蓮心政自苦念苦何能世投

勸者未足稱操以懷慙蓮生淤泥中不與泥

俱關食蓮雖云多知味良獨少吾家製并塘

聞伯夷之風何能問詹生之

到官歸志浩然二絕

庭堅得邑太和六舅按節出同安解后於皖公溪

口風雨阻留十日對榻夜語因詠誰知風雨夜

復此對牀眠別後更覺斯言可念列置十字字

為八句寄呈十首

詩中有得花迹梅邊騎花向春妍之句又序

稱別後故附于此

題吉州承天院清涼軒

戲題承天寺法堂

次韻答楊子開見贈

詩中有黃綬今為白下今之句

蕭巽葛敏修二學子和予食笋詩次韻答之二首

胡朝請見和食笋詩輒復次韻

聞致政胡朝請多藏書以討借書目

已上二十篇並元載外集

贛上食蓮有感

贛上即今贛州舊虔州先生自吉往南安考試

經過按先生有此詩其讀葉本謹附錄于後

蓮實大如指分甘念母慈共房頭賦賦更深

兄弟忠實中有云荷拳如小兒手今我憶衆

難迎明索梨棗蓮心政自苦念苦何能計投

物去未足獨梯以懷慙蓮上淤泥中不與泥

食翻食道維云多知味良明小吾家雙井塘

十里秋風香安得免冠絃歸製芙蓉裳與集

中亦有數字不同

南安試院無酒飲周道輔自贛上攜一棹時時對

酌惟恐盡試畢僕夫言尚有餘樽木芙蓉盛開

戲呈道輔

詩中有山邑已催乘傳馬曉憲猶共讀書堂之句

戲贈南安倅柳朝散

效孔文舉贈柳聖功六言三首

謝陳正字送荔枝三首

詩中有十年梨棗雪中看及稍知身作近南

官之句蓋自葉縣北京仕宦十年而後來太

和頗與詩意合又云橄欖灣南遠歸客煩將
嘉果送蓬門當是自賴上得之就寄歸太和
耳今附于此

題虔州東禪圓照師新作御書閣

題槐安閣并序

序中云東禪僧進文結小閣於寢室東故附
于此

已上十篇並元載外集

山谷先生年譜卷之十二

山谷先生年譜卷之十三

元豐四年辛酉下

洪範以不俗人題廳壁二絕句次韻和之

詩中有南康郡下參軍耳南康郡贛州郡名洪範名下時官贛上蓋先生出試院歸涂所作發贛州寄余洪範

按先生有此詩真蹟胷中淳子云一石墜下庖
丁解十牛作紅衣傳酒傾諸客清夜中談誇九
州又有題名數行云王誠之柳誠甫周道甫魏
伯殊余洪範徐適道徐致產馬周道東禪惠老
及有詩一首云惠老有才氣住來三十年松風
沈永日詩句即深禪萬水千山裏長安大道邊

相逢欲留語此月別時圖設附于此

二篇並元載外集

荅余洪範

此篇元載別集

秋思寄子由

按蜀本詩集在云是時蘇黃門謫監筠州鹽稅筠吉皆在江西山谷嘗有與黃門書云得邑極南幸幸事有勞郡又云有高安行李必問動靜高安即筠州黃門名轍字子由

奉寄子由 大臨

奉荅元明 報

詩元附

次韻奉寄子由

再次韻奉荅子由

再次韻寄子由

次韻寄上七兄

秋思

和七兄山預湯

同韻和元明兄知命弟九日相憶二首

按先生有此詩真蹟藁本首篇云

華囊南渡傳詩句兄弟相思意幾真九日黃

花傾壽酒幾迴青眼望屏塵早為學問文章

設老作東西南北人安得田園可溫飽長拋

簪髮裹頭巾後篇與集中同但鄰田作兩鄰

耳

雙澗寺二首 寺在太和境內

代書

詩中有我為萬夫長之句

睡起

奉送周元翁鎖吉州司法聽赴禮部試

元翁名燾

飲潤父家

潤父舊名渥字潤父後更名育字懋達會稽人時為吉州司理先生以兄弟合宗已載先生所作黃育字序

次前韻寄潤父

出迎使客賢判於船自為靈瑞

荅何君奉感志家

會誓竹前為懋春傳尉作

還深南同年以詩卷

次韻和荅孔毅父

毅父嘗為吉伴

再和舊韻寄孔毅父

招隱寄李元中 元中名冲元

已上二十四篇並元戴外集

龍眠操三章寄李元中

此篇元戴文集

元豐五年壬戌

先生是歲在太和

按九月十六日上遷使劉朝請書云錄錄下也
蓋將暮年又承純政之後有適在民縲繫滿獄
勤苦教養僅為細民之安

二月二日曉夢會于廬陵西齋作詩寄陳適用

適用名汝器時知房陵先生到官在去歲此詩
蓋今春作

長句謝適用惠送天南雄所贈紙

寄陳適用

絕句

戲題

寄懷元翁

對酒次前韻寄懷元翁

侯尉之吉水覆按未歸三日泥雨戲成寄之

侯尉家聽琵琶

寄袁守廖獻卿
廖袁州次韻見答并寄黃靖國再生傳次韻寄之
次韻奉答廖袁州懷舊隱之詩
上權郡孫承議

先生有作知吉州姚公墓銘云姚公歿于元豐
辛酉八月己未當是此後承議郡事

送權郡孫承議歸宜春

奉和孫奉議謝送菜絕句

和孫公善李仲同金櫻餽唱酬二首

詩中有我方因健訟及不能鳴弦坐之句

荅余洪範二首

藥名詩奉送揚十三子問省親涓江

三月乙巳斌藍萬歲鄉口菟獮匿賦之晏飯此舍

遂留宿是日大風自採菊苗薦湯餅二首

按別本湯餅下有紅藥盛開四字且有二首

其三云春風一曲花十八拚得百醉玉東西

露葉涇枝見紅藥猶似舞餘和汗啼

題高君正適軒

己上二十三篇並元載外集

山谷先生年譜卷之十四
元豐五年壬戌十

贈別李次翁

按蜀本詩集注以張方回家本編次在秋思亭
于由之後

寄李次翁

此篇亦載外集

別友賦送李次翁

此篇元載文集

四月戊申賦鹽萬歲山中仰懷外舅謝師厚

法厚之弟刑部尚書景溫所作謝氏小隱田
許云元豐三年余自長沙家思以禮部侍郎
不選道出襄陽時伯兄以朝散大夫通判是州
尤弟相見言白首矣而此詩亦有抵今漢龐公



白髮佐州郡之司則是今歲所作無疑
癸丑宿早禾渡僧舍

宿觀山

上大蒙籠

元注 卯晨起

勞坑入前城

元注 卯飯後

乙卯宿清泉寺

丙辰仍宿清泉寺

丁巳宿寶石寺

戊午夜宿寶石寺視寶石戲題

己未過太湖僧寺得宗汝為書寄山積白酒長韻

詩寄岑

庚申宿觀音院

辛酉憇刀坑口

金刀坑迎將家待追漿坑十餘戶山農不至因題
其壁

題安石榴雙葉

次韻漢公招七兄

送酒與周法曹用贈潤父韻

寄題安福李令適軒

安福蓋太和鄰邑

寄題安福李令先春閣

寄題安福李令愛竹堂

題安福李令朝華亭

登快閣

閣在太和今有先生祠堂

和李才甫先輩快閣五首

八月十四夜刀坑口對月奉寄子難子聞適用

子難名堯臣

彫陂

詩中有僧言土長八十餘縣令未嘗身到此之

句

幾復寄檳榔且答詩勸予同種復次韻寄之

以歲月攷之此時幾復已為廣州四會令矣

幾復自海上寄書必夜三十兩且曰惟有德之

士宜亭將以耕蕩陰邪守衛真火幸不以凡

畜之戲答

幾道復覓檳榔

詩中有莫笑恐飢窮縣令之句

次韻幾復答予所贈三物三首

戲答龍泉余尉問禪二小詩

龍泉蓋太和鄰邑

漫興

詩中有曉來不捲德衙鼓之句

次韻答任仲微

詩中有不堪黃綬腰銅印之句

次韻答任仲微

和荅任仲微贈別

送酒與畢大夫

喜太守畢朝散致仕

先生作太守畢公墓誌銘云元豐五年冬十一月及于理所

倉後酒正廳昔唐林夫謫官所作十一月已卯余納秋租隔墻芙蓉盛開

按長曆十一月已卯乃是年十一月初二日先生有真蹟題云太和倉後酒正廳昔唐林夫謫官所作十一月已卯余采受秋租隔墻木芙蓉盛開

送晁道夫叔姪

詩中有我為折腰吏之句又云二吟楓葉別是到兩載矣故附是歲

和知命招晁道夫叔姪

再次韻戲贈道夫

次韻惜范生

吉老受秋租輒成長句

吉老蓋太和縣

再次韻和吉老

招吉老子範觀梅花

子範姓李名覲袁州人元豐二年特奏推恩為太和尉其兄名觀字夢符為清江縣嘗為太守作祭歐公母夫人文曰昔孟軻亞聖母之教也

山谷年譜十四
今有子如軻雖死何憾文忠擊節賞之故後篇
有乃兄本是文章伯之句

子範微巡諸鄉捕逐羣盜幾盡輒作長句勞苦行
李

詩中有乃兄本是文章伯此老真成矍鑠翁之
句

送徐隱父宰餘干二首

先生有此詩真蹟藁本云

地方百里身南面翻手冰霜覆手炎贅胥得
牛庭少訟長公齋馬吏爭廉邑中丞祿陰桃
李案上文書略米鹽治狀安須聞豈弟此行
臨為霽威嚴

天上麒麟來下瑞江南橘柚間生賢玉臺書
在猶騷雅孺子亭荒只草烟半世功名初墨
綬同兄文字敵青錢割雞不合庖丁手家傳
風流在着鞭

已上五十二篇並元載外集

山谷先生年譜卷之十四



國家圖書館, NATIONAL CENTRAL LIBRARY, TAIWAN, R.O.C.



山谷先生年譜卷之十五

元豐五年壬戌下

送何君庸上頓石

君庸蓋太和簿

送君庸

北園步折梅寄君庸

次韻君庸寓慈雲寺待韶惠錢不至

已上四篇並元載外集

奉和荅君庸見寄

梅花 此二篇元載別集

何主簿蕭齋郎贈詩思家甚苦戲和荅之
次韻和魏主簿



次韻奉存道主簿

已上三篇並元載外集

從時中乞蒲團二首

前篇載外集第七卷首句云撲屋陰風雪作團
後篇載外集第十四卷首句云織蒲投我最宜
寒前篇小異蜀本作謝瞻中送蒲團併附此詳

見後注

奉送時中攝東曹掾

時中蓋太和同官入城攝事故詩中有府中奪
我同官良之句又有云蒼崖接懸虎豹蹠及昨
日歸來有行色恐是尉曹與子範為交承者
戲答諸君追和予去年驛碧桃

奉答廣德惠紙長句

廣德和

雜言贈羅茂衡

已上三篇並元載外集

元豐六年癸亥上

先生是歲在太和

癸亥立春日煮茗於石池寺且庚戌中盛二十舅
中叔為縣時題名數此寺不日而成哀縣學啟
而不能復

立春

寄舒申之戶曹

申之名卷詩中有言州司戶官雖小之句

次韻答杜仲觀二絕

再次韻杜仲觀二絕

社日奉寄君庸主簿

觀王主簿家醑醪

醑醪

延壽寺見紅蕖小魏揚州號為醉西施

延壽寺僧小軒極蕭灑予為名曰林樂取莊生所

謂林樂而無刑者非為賦詩

詩中有晚風紅蕖翻之句當是同時所作姑以

時序為次

元翁坐中見次元翁到和孔四飲王夔玉家長韻

因次韻率元翁同作寄溢城

夔玉名球太和人侍郎王博之子

再次孔四韻寄懷元翁兄弟并致問世甫

次韻元翁從王夔玉借書

學元翁作女兒浦口詩

去歲和元翁重到雙澗寺觀余兄弟題詩之篇總

忘收錄病中記憶成此詩

古風贈周元翁

戲贈元翁

送元翁赴任

詩中有此句相見後十年之句

已上二十篇並元載外集

演雅

按蜀本詩集注云末句云江南可水碧於天中

有白鷗明似我當是在太和所作山房李邢季
敵云此篇山谷晚年刪去

戲和荅禽語

次韻舍弟喜雨

詩中有春醴未釀蠶未眠之句以時忘句次
一夕風雨花葉都盡唯有插金一叢暹七待意戲
題

元注是日丙午四月朔
國史元豐二年四月
實丙午朔故附于此

一篇並元載外集

奉荅固道

詩中有曉字來韻製錦石心句

奉和聖恩講翰語長句

詩中有薄領文字千兔死公庭薦松百蟲鳴之
句

一篇並元載別集

次韻荅宗汝為初夏見寄

同吉老飲清平戲作集句

次韻周法曹游青原山寺

次韻曾都督喜雨

却嘗說在詞中不應先生詩中有潔齋新得歲
同病託諸公之句又有戲題曾處善尉廳即此
八尉廳亦非都官所居當是時中與之對楨

戲題曾處善尉廳二首

寄上高李令懷道

上高屬筠州與太和皆江西屬邑

謝文顯元豐上文集

讀方言

出上九篇並元載外集

山谷先生年譜卷之十五

山谷先生年譜卷之十六
元豐六年癸亥中

次韻秋郊晚望

次韻周德夫經行不相見之詩

答周德夫見寄

歐陽從道許寄金橘以詩督之

次韻吉老十小詩

次韻吉老寄君庸

次韻奉答吉老并寄何君庸

袁州劉司法亦和予摩字詩因次韻寄之

袁與吉為鄰此篇雖未知何時所作與前篇同韻姑附于此

聞吉老縣丞按田在萬安山中

萬安蓋太和鄰邑

次韻喜陳吉老還家二絕

再次韻和荅吉老二首

太和奉呈吉老縣丞

詩中有令尹三年課之句

吉老許惠李北海石室碑以詩及之

吉老兩和示戲荅

次韻吉老知命同游青原二首

次韻知命入青原山口

陳吉老縣丞同知命弟游青原謁思禪師予以簿
領不得往二公雨久不歸戲作百家衣一首二

十韻招之

次韻知命永和道中

次韻吉老游青原將歸

喜知命弟自青原歸

寄張宜父

送彥孚主簿

彥孚姓黃詩中有主簿吾宗秀之句

寄餘干徐隱甫

詩中有顧予曰下邑之句

寄晁元忠十首

詩中有北書來無期鴈不到海嶺之句

次韻晁元忠西歸十首

山谷年譜
此篇雖非同時所作然莫詳歲月姑附于此

奉答李和甫代簡二絕句

贈王環中

戲和于青丞乞正醇老木

答永新宗令寄石耳

永新蓋大和鄰邑

贈朱方李道人

朱道人下世

題前定錄贈李伯燭二首

戲題水牯菴

先生有此詩真蹟題云戲題知命水牯菴而知
命亦有和篇云只看縛竹與編茅基上誰憑宰

不牢無量劫馳邪枉徑剎那間得舊時楮

着地曾稱屈帛孔遼天未是高欲問此菴端的
處南泉解便快煞

己上六十五篇並元載外集

山谷先生年譜卷之十六



山谷先生年譜卷之十七

元豐六年癸亥下

靜居寺上方南入一徑有釣臺氣象甚古而俗傳謬妄意嘗有隱君子漁釣其上感之作詩

高至言築亭於家園以奉親摠其觀覽之富命曰溪亭乞余賦詩余先君之弊廬望高子所築不過十牛鳴爾故余未嘗登臨而得其勝處

題息軒

題神移仁壽塔

題海首座壁

題仁上座畫松

摩詰畫

已上七篇並元載外集

題覺海寺

題醒心軒 此二篇並元載別集

十二月移德平鎮

先生有大孤山詩刻云是歲癸亥十二月余自太和移德平

江西泊舟後作

追憶予泊舟西江事次韻

宮亭湖

詩中有平生來往湖上舟一官四十已包羞之句先生是年三十九矣蓋歸舟自湖濱入脩江由武寧而至分寧

已上三篇並元載外集

贈鄭郊

按蜀本詩集注云山谷有荊州為興上人書此詩跋云癸亥歲予解官太和過武寧聞清上人嘗才延恩因謁鄭子通問消息題詩于通之壁草堂鄭郊處士隱處也云云予家所藏舊本如此老禪謂延恩長老法安安死於元豐八年山谷為之銘則此詩蓋是歲經涂所作

元豐癸亥經行石潭寺見舊和栢蟾詩甚可笑因刷村滅蕪別和一章

舊詩云千里追奔兩蝸角百年得意大槐宮一夢回身臥竹窻日院靜鴉啼柿葉風世路侵

人頭欲白山僧笑我顏猶紅壁間佳句多五
壠問訊憫體聊襍達乃嘉祐癸卯所作今前
兩句仍舊耳

夜發分寧寄杜澗叟

題杜槃澗叟冥鴻亭

已上三篇並元載外集

毀壁并序

按別集載毀壁序云夫人歿後十有四年太
夫人始知不得葬哭之不成聲曰使是子安
歸乎其兄弟無以自解詔念夫人建洪氏之
廟南康廬山之下使刻石於廬山築亭以厝
之勢繫其平生而安之蓋夫人卒以熙寧庚

戌至今十一年

過家

上冢

明叔知縣和示過家上冢二篇輒復次韻

明叔名知章治平二年進士元豐中知分寧詩
有去國二十年之句蓋自太和還家赴德平
所作

次韻郭明叔長歌

先生有此詩真跡云謹次韻上答知縣奉議惠
賜長歌邑子宣德郎黃庭堅再拜上其間與印
本有同異處如何如高陽鄉生醉落魄作都不
如安用蚶食而蝸跽作安用蚶食而蝸跽詩書

山谷集卷十七
三
白可老斲輪作自奇老斲輪鵬翼垂天公直起
作鵬翼垂天公且起黃花零落一樽酒作黃花
零亂一樽酒此帖見藏泉江劉廌家

詠清水巖呈郭明叔并序

次韻清水巖

次韻郭明叔登縣樓見思長句

宿山家效孟浩然

題徐氏姑壽安君壽梅亭

寄題陳壻野軒

壻字瑩中

題章和甫釣亭

已上十二篇並元載外集

元豐七年甲子

先生是歲赴德州德平鎮到官當在夏秋之間
是春過揚州泗州

先生有與余清老書跋云元豐甲子過見於廣
陵又有過泗州僧伽塔作發願文在二月

揚州戲題

先生有真蹟載石刻題云余往年過揚州時小
呂申公作守席上問申公紅藥開早晚因戒一
牙吏走向土廟探花還報云花蔭初大如指面
歸而作小詩按漫叟詩話云過揚州芍藥未開
一首甲子春作此詩元載外集

寄劉泗州二首

前篇載外集第十四卷後篇載別集第一卷因泗州經涂附

宿廣惠寺

詩中有僧舍初寒夜氣清及都下苦無書信到數行歸鴈月邊橫之句則是秋時到官無疑故附此

送呂知常赴太和丞

詩中有我去太和欲期矣之句二篇並元載外集

平陰張澄居士隱處三詩

按蜀本詩集注云張方回家本題云王即求此詩其詳具後篇此詩山谷晚年亦刪去

留王郎世弼

按蜀本詩集注云山谷在德平有與德平太守書客官不能以家來官舍蕭然如守而此詩有河外吹沙塵江南水無津之句又云我隨簡弔來顧影將一身蓋言身在河北親在江南世弼名絕亮

送王郎

寄家

詩中有遠別難為情之句

此篇元載外集

次韻劉景文登鄴王臺見思五首

景文名季孫嘗以如京使為東南第八將有詩

山谷詩集卷之十七
名按蜀本詩集注云詩中有平原教樹色沙麓
暮鐘聲之句平原即德州又云繫匏兩相憶
相去數驛
自十餘城蓋鄴王臺在相州相與德皆河北亦

次韻三宣義三徑懷友

以張方回家編次

送劉季展從軍爲門一首

題金陵長待舉曲肱亭

山谷先生年譜卷之十七

山谷先生年譜卷之十八
元豐七年甲子下

古風次韻荅初和甫二首

詩中有道人四十心如冰之句先生生於乙酉
是年四十和甫名虞世名士善醫有養生必用
方行於世

次韻荅和甫盧泉水三首并序

盧泉在東平府須城縣盧泉鄉

和甫得竹數本於周翰喜而作詩和之

已上六篇並元載外集

贈初和甫

承示中秋不見月及憫雨連作恐妨秋成奉次元

韻 此二篇並元載別集

寄題欽之草堂

欽之即傅堯俞草堂在河陽

寄耿令幾父過新堂邑作迺幾父舊治之地

堂邑傳州縣名

放言十首

送伯氏入都

渡河 已上十四篇並元載外集

元豐八年乙丑

哲廟登極

先生是歲春夏猶在德平

四月丁丑以秘書省校書郎召其到京師當在六七

按實錄是歲四月丁丑奉議郎黃庭堅為校書郎

次韻清虛喜子瞻得得常州

按東坡年譜元豐七年自黃移汝十二月七

乞於常州居住八年正月到南京有放歸陽羨

之命遂居常州今附于此子由嘗為王定回行

清虛堂記清虛即定回也

次韻公秉子由十六夜憶清虛

次韻清虛同訪李園

次韻清虛

已上四篇並元載別集

寄裴仲謨

按蜀本詩集注云山谷在德平與德州太守書云庭堅官苟勉以不疎幸親老在都下善眠食兄弟無它而此詩有我家輦轂下拚桂炊白玉在官與影俱衣綻髮曲弓天機行日月春事勤草木之句則先生在德平過春又可無疑仲謨

名繪

碾建溪第一奉邀徐天隱奉議并效建除體

再作答徐天隱

重贈徐天隱

以十扇送徐天隱

四月丁卯對雨寄趙正夫

正夫名挺之

寄懷趙正夫奉議

先生有題絳本法帖元豐八年夏五月戊申趙正夫出此書於平原官舍又題樂府木蘭詩後云元豐乙丑五月戊申會食于趙正夫平原監郡西齋二詩蓋當時作按國史元祐三年十月己丑蘇軾言御史趙挺之在元豐末通判德州而著作黃庭堅方堅本州憲下鎮挺之希合提率官揚景茶之意欲於本鎮行市易法而庭堅以為鎮小民貧不堪誅求若行市易必致星散公文往來士人傳笑云先生它日官州之禍亦基於此故因備載

題羅山人寬輝樓

詩中有思齊大任政勤苦之句

已上三篇並元載外集

寄黃幾復

元注云乙丑年德平鎮作按成都續帖先生草書此詩跋云時幾復在廣州四會予在德州德平鎮皆海濱也

神宗皇帝挽詞三首

按蜀本詩集注云按實錄是歲三月戊戌神宗崩退山詩及王文恭挽詩皆因崩薨歲月為次後多散此

王文恭公挽詞二首

五珪字直 相神宗哲宗按實錄元豐八年五月庚戌薨謚文恭

謝送礪賜壑源揀芽

詩中有橋山事嚴庀百局及右丞似是李元礼之句橋山謂神宗山陵右丞謂李清臣邦直以小龍團及半挺贈無咎并詩用前韻為戲

晁補之字無咎

和荅外舅孫莘老

按蜀本詩集注云舊本云莘老病起作詩寄同舍實錄本傳云元豐八年自秘書少監除右諫議大夫故詩中有少監巖壑姿及寄聲舊僚屬尚憐費諫紙之句而首句則云西風挽不來當

是初秋所作

和荅莘老見贈

詩中有諫垣始登收之句當是同時作

此篇元載外集

次韻定國聞子由臥病績溪

按蜀本詩集注云蘇黃門樂城集有復病詩云病作日短至病消秋風初黃門時為歙州績溪令王定國名鞏

次韻子由績溪病起被召寄王定國

按蜀本詩集注云蘇黃門穎濱遺老傳云移歙州績溪始至而奉神宗遺制居半年除秘書省郎明年至京師除右司諫此篇今載

冬間所作先生有此詩真蹟葉本云

種萱盈九畹蘇子憂國病炎蒸臥百戰山立
有餘勁斯人廊廟器不合從遠屏江湖搖歸
心毛髮侵老境艱難喜歸來如晴月生嶺仍
懷阻行舟風水蛟鱷橫補袞諫官能用儒吾
道盛上書抵平津憲葉尚記省至今民社計
非事類古競方來立本朝獻納繼晨暝人才
包新舊王渡濟寬猛必開曲突謀滿慰傾耳
聽斯文呂與張泉下亦蘇醒天聰四門闢國
是九鼎定身得遭太平分甘守閑冷天津十
年面想見頰而整何時及國門休暇過黃若
燒燈留夜語鴻鴈看對影但恐張羅地頗復

多造請維此礼部公寒泉甃磚并摘云久羸
瓶召還及脩綆太仕決齋宮陛下天統慶日
月進亨衢經緯寒耿耿西走已和戌南還無
表郢不圖西逐臣朝轡天街並玉子竄炎州
萬死保軀命還家頰故紅信亦抱淵靜稅屋
待車音掃門親帚柄行當把書傳載酒求是
正端如嘗橄攬苦過味方末

次韻李之純少監惠研

詩中有我亦洗滌與清流之句當是初入館
時之純名周

送舅氏野夫之宣城二首

李莘字野夫亦先生母舅按任氏注云按實

錄元豐八年十二月屯田郎中李莘知宣州
然此詩未必是時所作姑以除官之歲月為
次餘多倣此

宣九家賦雪

詩中有窮臘月半破之句宣九謂宗室宣州
院第九者

喜念四念八至京

詩中有朔雪蕭蕭映薄幃之句念四即非熊
念八諱仲堪字覺民先生從第

二篇並元載外集

訪趙君舉

詩中有朔風吹雪滿都城之句因前篇賦雪

山谷先生年譜卷之十八
附見元載別集

山谷先生年譜卷之十八

山谷先生年譜卷之十九

元祐元年丙寅

先生是歲在秘書省

按國史元祐元年三月司馬光言校書郎黃庭堅好學有文即日在本省別無職事欲望持差與范祖禹及男康同校定資治通鑑從之

十月丙戌除神宗實錄院檢討官集賢校理

按國史十月丙戌黃庭堅除實錄院檢討官集賢校理

送范德孺知慶州

按蜀本詩集注云德孺名純粹按實錄元豐八年八月直龍圖閣京東運使范純粹知慶州此

詩云春風旌旗擁萬夫當是今年春初方作此詩尔趙子澍家有山谷與晁堯民帖云范五詩至今未成比來幾月四十日不曾道一句范五即德孺

題王黃州墨跡後

題王仲弓兄弟巽亭 仲弓名寔

寄尉氏倉官王仲弓

有惠江南帳中香者戲贈二首

子瞻繼和復答二首

有聞帳中香以為焚蠋者戲用前韻二首

按蜀本詩集注云右六詩答東坡篇中有喜公新赴朝參之句是時東坡自登州至京師為禮

部郎中而迎燕澗皆春時事

右按國史是歲正月蘇軾初中書舍人先生有此詩墨蹟題云有聞帳中香疑為焚蠋者輒復戲用前韻願勿以示外人恐不解事者或以為其言有味也因附于此

謝公擇舅分賜茶三首

詩中有國老元年密賜來及拚洗一春湯餅睡亦知清夜有蛟龍之句是春末所作

以潞公所惠揀芽送公擇次舊韻

承吏部蘇尚書右選胡侍郎皆和鄙句次韻道謝奉同公擇作揀芽詠

今歲官茶極妙而難為賞音者戲作兩詩用前韻

山谷集卷十九
公擇用前韻戲嘲雙井

又戲為雙井解嘲

奉同六舅尚書詠茶碾煎烹三首

與李公擇道中見兩客布衣班荆而坐對戲弈秋

因作一絕

次韻公擇雨後

六舅以詩來覓銅犀用長句持送舅氏學古之餘

復味禪悅故篇末及之

奉和公擇舅氏送呂道人研長韻

詩中有春官酌典禮之句公擇時為禮部侍郎

再和公擇舅氏雜言

詩中有人言無忌似牢之挽入書林觀文字之

句

次韻荅王四

戲荅仇夢得承制三首

一載外集第四卷二載外集第七卷

和任夫人悟道

已上二十篇並元載外集

便糴王丞送碧香酒用子瞻韻戲贈鄭彥能

按蜀本詩集注云以類相從附前篇子瞻詩蓋

守密州時作今追用其韻彥能名僅

顯聖寺庭枸杞

次韻子瞻贈王定國

東坡詩所謂謫僊竄夜郎子美耕東屯即此韻

以東坡集攷之是歲春晚所作

次韻張詢齋中春晚

次韻張仲謀過酺池寺齋

詩中有夜談簾幕冷霜月動金蛇之句

觀祕閣西蘇子美題壁及張侯家墨蹟十九紙率

同舍錢才翁學士賦之

詩中有邇來四十年我亦校書郎之句蓋明年正月先生為著作佐郎矣

此篇元載別集

次韻荅晁無咎見贈

此篇與春晚詩同韻

雨過至城西蘇家

詩中有飄然一雨洒青春及都城誰是得閑人之句

暮到張氏園和壁間舊題

從人求花

已上三篇並元載外集以時序為次

次韻荅張文潛惠寄

文潛名耒按蜀本詩集注云按實錄是歲十二月試太學錄張耒為祕書省正字此詩蓋夏初方到太學供職所作故詩有忽復燕哺兒及學省得佳士之句

明月篇贈張文潛

此篇元載外集

同錢志仲飯籍田錢孺文官舍

志仲名毅孺文名景祥

次韻曾子開舍人遊藉田載荷花婦

按王直少詩話載此篇自美物亦有實至龍燭
照蟬娟云令君誠重客食前頗加邊西期足廬
仕東觀多雕仙何時載樽俎全入觀少年及此
歸沐早少林從事賢傳鶴定可醉下箔出蟬娟
子開名牽

送劉士彥赴福建轉運判官

按蜀本詩注云按實錄元豐六年六月壬子
朝請即劉士彥為福建路轉運判官此篇後亦
刪去

次韻韓川少穆西太一宮四首

次韻王荆公題太一宮壁二首

東坡集亦有此詩以東坡集攷之當在是年秋
有懷半山老人再次韻二首

和荅錢穆父猩猩毛筆

穆父名勳宋城集中有和章略作故以為次

戲詠猩猩毛筆

客有和予前篇為猩猩解嘲者復戲作詠

按蜀本詩集注云山谷有此詩跋云錢穆父奉
使高麗得猩猩毛筆甚珍之惠于要作詩蘇子
瞻愛其柔健可人意每過予書按下筆不能休
此時二公俱直紫微閣故予作二詩前篇奉穆
父後篇奉子瞻又任氏舊注云山谷此詩舊題

云前篇奉餞穆父後篇奉子瞻是時二公皆作
中書舍人按東坡是歲九月方遷翰林學士
奉和文潛贈無咎末篇多見及以既見君子云胡
不喜為韻

按蜀本詩集注云按實錄元豐二年四月乙巳
徐州布衣陳師道充徐州七學教授觀此詩陳
師道之篇以為逸民蓋猶未得官也而詩又有
紅榴罽多子之句宜以為元丰秋所作

贈陳師道

師道字無名一字履常

黃淳熙初客富川與王景文質論詩景文云
嘗聞榮茂世云得之前輩言山谷嘗亦後山

本過於頴昌因及杜詩暮歸詩中客子入
月皎皎誰家搗練風淒淒之句故此詩有云
霜月入刀寒皎皎及萬人叢中一人曉元戴
九集雖未詳歲月因前篇注故附

送六十五弟貢南歸

贈吳道士

此二篇亦載外集

山谷先生年譜卷之十九



山谷先生年譜卷之十一

元祐元年丙寅丁卯

次韻荅邢惇夫

按蜀本詩集注云按實錄元祐元年正月起居舍人邢恕推發遣隨州惇夫恕之子也侍親以行此詩有夢不到漢東之句漢東即隨州又云雨作枕簟秋蓋元年秋也惇夫名居實

和邢惇夫秋懷十首

詩中有陳師道篇如前說

謝公定和二范秋懷五首邀予同作

按蜀本詩集注云詩有黃令謂幾復也幾復丁卯歲方至吏部改官見二年詩此詩蓋元年所

作明矣詩亦有陳師道篇如前說

送謝公定作竟陵主簿

同謝公定攜書浴室汶師置飯作此

詩中有天上歸來對書卷之句

謝人惠茶

懋宗奉議有佳句詠冷庭叟野居庭堅於庭叟有十八年之舊故次韻贈之庭叟有佳侍兒因早朝而逸去其後乃挿椒藩甚嚴密

已二三篇並元載外集

贈送張叔和

叔和名頊

送顧子敦赴河東三首

了敦名臨按蜀本詩集注云按寶錄元祐元主七月祕書少監復臨為河東轉運使又詩有攢轡都城風露秋之句蓋秋晚所作

司馬溫公挽詞

是歲九月丙辰溫公薨而葬以明年二月樂成集亦有此詩當是今冬所作

送鄭彥能宣德知福昌縣

先生有以詩真蹟云吾友鄭彥能今可為縣令師也以余寒懶不能書之於朝故作詩贈以識吾愧元祐元主之賞百三十一題今以歲月為次移附于彥能名後

古意贈彥能

此詩元載介其雖非同時所作併附于此

次韻子瞻武昌西山詩

東坡集此詩序云元祐元年十一月二十七日

子瞻詩句妙一世乃云效庭堅體蓋思之感效孟郊樊宗師之比以文滑稽耳恐後生不無故次韻道之

東坡集送楊孟容詩以此次武昌西山詩

後

謝閔展如蘇子瞻甥之其才德甚美有意於學以桃李不言下自成蹊入乎此詩之

蠟梅

按蜀本詩集注云京師初不以蠟梅為貴其得名自先皇始今代此篇於元年之冬

蠟梅

按蜀本詩集注云舊本題下注云和呈都尉嘗

以為王詩有埋三之句謂王詵晉卿尚蜀國公

王時主也下世

短韻奉乞蠟梅

此篇蜀本載於崇寧二年謝人惠楚兒頭筆後今從元次附此

從張仲謀乞蠟梅

賈天公惠寶薰乞詩予以兵衛森書戟燕寢凝清香字作詩報之久失此藁偶於故紙中得之

按蜀本詩集注云山谷有此詩跋云余甚實
此香未嘗與人城西張仲謀為我作寒計憲
駐驤院馬通新二百因以香二十餅報之

戲答張祕監饋羊

此篇蜀本載之三年按實錄元祐二年二月
己丑祕書監張問為給事中今移附于此

元祐二年丁卯

先是是歲在祕書省兼史局

正月除著作佐郎

按國史正月辛未黃庭堅為著作佐郎

常父惠示丁卯雪十四韻謹同韻賦之

詩中有春皇賦上瑞之句則歲首所作當

即孔武仲

詠雪奉呈廣平公

按吳曾漫錄云歐陽李默嘗問東坡山谷詩
何處是好東坡不答但刻口稱重黃詩李默
云如夜聽疎疎還密密曉看整整復斜斜豈
定佳耶東坡云政是佳處廣平公即宋盈祖

和王明之雪

此篇元載別集與前篇同韻

次韻宋楸宗憲居甘泉坊雪後書懷

和答子瞻和子由常父憶館中故事詩

按蜀本詩集注云以東坡樂城集為次又此
詩云桃李春晝永

山谷年譜三
雙井茶送子瞻

和荅子瞻

子瞻以子夏丘明見戲聊復戲荅

省中烹茶懷子瞻用前韻

按蜀本詩集注云四篇當是今歲春送新茶詩
有翰林貶我東南句謂東坡先生按實錄元年
九月丁卯東坡遷翰林學士東坡集有次韻黃
魯直赤日詩即此韻而元年十月山谷遷實錄
院檢討官今藏又為著作故有願載軒轅訖鼎
湖之句

以雙井茶送孔常父

常父嘗詩有煎點已員頤綠珠之句復次韻戲荅

戲呈孔毅父

按蜀本詩集注云三篇皆用前韻第三篇有校
書著作頌詔除之句山谷今歲除著作佐郎
謝黃從善司業寄惠山泉

從善名隆後為御史中丞此篇亦用前韻山谷
晚年刪去此篇對元豐八年十二月乙酉承議
郎黃降守國子司業此詩以與省中烹茶同韻
姓從蜀本之次

予欲金玉汝贈黃從善

寄從善

此二篇元軾外集恐亦非當時所作併附于此

次韻子瞻春菜

山谷先生年譜卷之二十
按東坡集卷八來詩在和古風前此詩當是追和
今附于此元載外集

山谷先生年譜卷之二十

山谷先生年譜卷之二十一

元祐二年丁卯

見諸人唱和餘際詩輒次韻戲詠

按蜀本詩集注云樂城集中有次韻孔文仲舍人醑醪即此韻此後有和曾子開扈從詩見外集以樂城詩攷之蓋四月一二日也

次韻秦觀過陳無已書院觀鄙句之作

按蜀本詩集注云無已來京師寓居陳州門見於所作秋懷詩書院當在此地而此詩有墻陰老春薺之句觀字少章

陳留市隱并序

此詩蓋陳無已先作蜀本詩序云陳留江端禮

季共曰陳留市上有刀鑷工年四十餘無室家
子姓惟一女年七歲矣日以刀鑷所得錢與子
女醉飽醉則簪花吹長笛有女而歸無一朝之
憂而有終身之樂疑以為有道者也視此加詳
因具載之

晁張和荅秦觀五言予亦次韻

劉晦叔許洮河綠石研

晦叔名昱

以團茶洮州綠石研贈無咎文潛

按蜀本詩集注二按實錄元祐元年十二月試
大學錄二來試太學正晁補之並為祕書省正
字而此詩有洮山砥礪之句蓋今歲所作

謝王仲至惠洮州礪石黃玉印材

仲至名欽臣因洮研詩附見

次韻文潛同游王舍人園

詩中有濃綠張夏惟之句

取陶軒

詩中有城南晁正字之句

次韻寄晁以道

以道名說之

次以道韻寄范子夷子默

子夷名正平子默名正思

僧景宗相訪寄法王航禪師

按蜀本詩集注云張方回家本山谷自注云智

航道人住嵩山法王寺數遣小僧景宗到京師
因宗還寄之又先生有此真蹟石刻題云因僧
景宗還大法寺寄航長老

次韻子瞻送顧子敦河北都運二首

按蜀本詩集注云按實錄元祐二年四月癸巳
給事中顧臨為河北路都轉運使以東坡詩為
次

餞子敦席上奉同孔經父八韻

次韻張昌言給事喜雨

以東坡樂城集為次樂城詩云已收蠶麥無多
日蓋四月間昌言名門

送李德素歸舒城

評李伯時詩集卷之四次蘇子由韻簡伯時兼寄
李德素

東坡集有此詩化喜雨詩後而名公麟德
素名案

次韻子瞻和子由觀韓幹馬圖論伯時書 馬

次韻荅王慎中 慎中名寅

子瞻去歲春夏詩立延英子由秋冬間相繼入侍
作詩各述所懷予亦次韻四首

先生有此四詩真蹟題云子瞻去歲春夏
詩立延英子由秋冬間相繼入侍次韻四首
各述所懷予亦次韻

再次韻四首

先生有真蹟題云子由作四絕句書起居郎時
入侍瀛英講所見輒以所聞次韻

按第二篇首句風櫺倒影日光寒先生真蹟
石刻作風櫺倒竹影光寒政合春明退朝錄
所云隆儒殿在瀛英閣後叢竹中故事

次韻子瞻題郭熙畫秋山

以東坡詩為次東坡詩所謂玉堂畫掩春日
間即此韻在入侍瀛英殿詩後

題郭熙山水扇

題惠崇畫扇

題鄭防畫夾五首

戲題小雀捕飛蟲畫扇

題畫孔山

先生有此真蹟石刻題云題畫八師畫孔雀
睡鴨

先生有此詩真蹟石刻首句山雞照影作山雞
臨水

小鴨

題劉將軍廬二首

前篇載文集五卷後篇載文集九卷

題劉將軍廬

題晁以道雪霽圖

題王居士所藏王友畫桃花二首

題陽關圖二首

題歸去來圖二首

題畫鵝鴈二首

題老鶴萬里心

題韋偃馬

卷王道濟寺丞觀許道寧山水圖二首

前篇載外集弟二卷二十二韻後篇載外集弟

十二卷比前篇多一韻其間大同小異恐前篇

是改定本一時編次不竟並載今併存之

已上十二篇並元載外集

次韻奉酬劉景文河上見寄

詩中有黃春茗之句

奉謝劉景文送團茶

謝景文惠浩然所作廷珪墨

和劉景文

同劉景文遊郭氏西園因留宿

同景文詠蓮塘

已上五篇並元載外集

山谷先生生年譜卷之二十一



國家圖書館, NATIONAL CENTRAL LIBRARY, TAIWAN, R.O.C.



山谷先生年譜卷之二十二
元祐二年丁卯下

次韻子瞻題無咎所得文與可竹二首
弟字戲嘲
無咎人字詠竹

東坡集此詩在郭熙秋山後

次韻文潛休沐不出二首
奉同子瞻韻寄定國

東坡玉堂獨坐懷王定國詩即此韻注題無咎竹後

次韻王定國揚州見寄

往歲過廣陵值早春嘗作詩云春風十里珠簾捲
鬢髻三生杜牧之紅藥梢頭初顰栗揚州風物

鬢成絲今春有自淮南來者道揚州事戲以前
寄王定國二首

先生有此詩真蹟云後數年京師塵土中客
有自揚州來交轡久之道王定國事因用前
之字韻作二小詩寄定國按石刻第二詩曰
邊作目邊此詩後又書云王晉卿數送詩來
索和老嬾不喜作此曹狡獪又頻送花來從
詩戲荅花氣薰人欲破禪心情其實過中年
春來詩思何所似八節灘頭上水船今集中
偶不載因附于此

次韻錢穆父贈松扇
戲和文潛謝穆父松扇

文潛和張耒松扇詩在懷王定國後

謝鄭閔中惠高麗畫扇二首
書王氏夢錫扇

此篇元載別集

次韻王炳之惠玉板紙

炳之名伯虎

謝王炳之惠石香鼎

謝王炳之惠茶

此篇元載別集

次韻柳通叟寄王文通

送張天覺得登字

按蜀本詩集注云按實錄元祐二年七月開封

府推官張商英提點河東路刑獄商英字天覺
東坡此詩在松扇後

次韻徐文將至國門見寄二首

詩中有槐催舉子着花黃之句蓋是歲秋試
博士王揚休碾密雲龍同事十三人飲之戲作

和答梅子明王揚休點密雲龍

此篇元載外集

答黃冕仲索煎雙井并簡揚休

再答冕仲

戲答陳元興

元興名軒

再答元興

次韻冕仲寄山試卷

已上皆元載外集

和冕仲觀試進士

送劉道純

詩中有大梁城中夢往頗之句

二篇並元載外集

次韻游景叔聞洮河捷報寄諸將四首

景叔名師雄按蜀本詩集注云按實錄元祐二年八月禽西蕃首領鬼章青宜結檻送闕下

和游景叔月報三捷

與前詩同時作

次韻崔伯易席上所賦因以贈行二首

按蜀本詩集注云按實錄元祐二年十月將作少監崔公度知潁州又按本傳公度字伯易高郵軍人此詩十月後所作

同子瞻和趙伯充團練

戲答伯充勸莫學書及為席子澤解嘲

趙伯充名叔蓋席子澤名廷賞

謝景叔惠冬筍雍酥水梨三物

再答景叔

二詩並以時序為次

次韻幾復和荅所寄

先生有此詩真蹟跋云丁卯歲幾復至吏部改官追和也丁丑在德平所寄詩也

寄上叔父夷仲三首

按蜀本詩集注云張方回家本前一篇題云寄二叔父夷仲後一篇題云叔父夷仲入奏近寄此詩用前韻今以先生所作叔父行狀攷之元祐元年一月差按察成都等路茶事二年除直說閣權發遣都大茶馬以職事入奏十二月除右司則前一篇寄蜀中後二篇則叔父已出蜀矣

奉答謝公靜與榮子邑論秋元規孫少述詩長韻

按謝景溫小隱田記又云七年不幸伯兄歿于邛而此詩有謝公遽如邛字不已三篇則是今歲所作任氏決于元年非是人改附于此子邑

名輯

送薛樂道知鄖師

詩中有我思謝公
侯如雨屬公去
灑穰下上之句

送朱樂仲

詩中有故人昔在國北門
及十五餘年乃一逢之句
二篇並元載外集

和答劉仲叟殿院

詩中有諸公迺逢
虛賤子濫末至之句

題劉法直詩卷

二篇並元載外集

山谷先生年譜卷之二十二

山谷先生年譜卷之二十三
元祐三年戊辰

先生是歲在祕書省兼史局

正月東坡知貢舉先生為參詳

按題大學試院云元祐三年正月乙丑鎖太學
試禮部進士四千七百三十二人三月戊申奏
號進士五百人宗室二人子瞻莘老知舉熙叔
元興彥衡魯直子明參詳君貺希古履中器之
成李明略無咎堯民元忠選叔子發君時天啓
志完點檢試卷是日侍御史曰晏不來為子發
書

五月詔新除著作郎黃庭堅依舊著作佐郎以御

史趙挺之論故有是命

按挺之有憾於先生德平鎮日不肯奉承行市
易事已見元豐八年注

考試局與孫元忠博士竹間對寤夜聞元忠誦書
聲調悲壯戲作竹枝歌三章和之

元忠名朴

觀伯時畫馬

東坡集有和篇題云試院中作

題伯時畫蚌虎

題伯時畫觀魚僧

按舊本題云伯時作清江游魚有老僧映樹身
觀之筆法甚妙予為名曰玄沙畏影圖并題數

語云

題伯時畫頓壁馬

先生有此詩其頓壁題作鬃馬今觀詩句乃云忽
思馬欲頓風塵則是鬃馬無疑蜀中見有石刻
題伯時畫嚴子陵釣灘

題松下淵明二首

按蜀本詩集前一篇注云皆試院作後一篇載
外集第四卷當是初本今併存之後篇已注改
康蜀本石刻真蹟題云題李伯時所作松下淵
明而第三第四句亦不同云平生夢管葛把菊
見南山

老杜浣花谿圖并引

按金陵續帖先生有草書此詩多不同如碧雞坊西結茅屋百花潭水濯冠纓作浣花溪邊築茅屋百花潭底濯塵纓空蟠作獨蟠探道作譚道且眼前作但眼前樂易作樂逸園翁作田翁皆去作皆出酒船作江樓無主看作爛熳列解鞍脫作干戈解不用作不願平安報作平安信鋪墻作鋪壁常使作長使千古無作今古無漫載于此元載外集

伯時彭蠡春牧圖

題伯時馬

二篇元載別集

次韻子瞻子由題憩寂圖二首

按蜀本詩集注大子由題柳仲遠所藏李伯時畫明僧憩寂圖舊有跋云元祐三年正月二十七日子由題東坡與山谷皆有和章當是皆試院後作今附見于此而蜀本石刻真蹟題云子瞻詠李伯時所作憩寂圖其木石子瞻醉墨也

次韻子瞻元夕扈從端門二首

戲和舍弟船場探春

次韻舍弟題牛氏園二首

已上五篇並元載外集

王才元惠梅三種皆妙絕戲答三首

先生有此詩跋云州府王才元舍人家有百葉黃梅絕妙祀都鎮院不復得見聞曉之明日才

元遺逸數枝盡是歲大雨雪寒甚梅亦晚開
耳又一跋云元祐初鎖院札部唯春雪還家已
三月王才元舍人送黃紅多葉梅數種爲作三
詩付王家素素歌之今玉山汪氏有先生三詩
真蹟如城南名士遺墨來作佳士百葉細梅觸
撥人作苦惱人按王立之詩話觸撥字初作故
惱其後改爲今具載于此才元名棧立之才元
之子字直方

急雪寄王立之問梅花

又寄王立之

已上一篇元載外集

王立之承奉詩報梅花已落盡次韻戲答乞姚花

二首

寄杜家父二首

王才元舍人許牡丹求詩

謝王舍人剪送狀元紅

王立之以小詩送並帶牡丹戲答

從王都尉覓千葉梅云已落盡戲作嘲吹笛侍兒

此詩有催盡落梅香已半之句蓋是出試院所作

次韻李士雄子飛獨遊西園折牡丹憶弟子奇二首

按舊本共三首前二首云花開西寺十里雪管
頰須頰三百盃已發春醅開如蟻望君及得禁

煙回東陽瘦盡吟詩骨冷落花前飲鳳團魏紫
姚黃滿京洛大名城裏看山丹而此本第一首
却題作再和子飛寄子奇

此二篇元載外集

次韻答曹子方雜言

按蜀本詩集注云曹輔字子方東坡有送曹輔
赴閩漕詩在好頭赤詩後按實錄三年九月太
僕寺丞曹輔權發遣福建路轉運判官山谷此
詩蓋輔未出使以前所作今附于此

和曹子方雜言

謝曹子方惠二物二首

蘇詩集注卷之九

戲答陳季常寄黃州山中連理松枝二首

按蜀本詩集注云山谷有太平興國寺浴室院
題云故人陳季常林下士也寓棊簾於此下瞻
范子切數來從之元祐三年六月丁亥書然此
詩未必是時所作姑以物色附見

次韻子瞻送李廌

李廌字方叔是歲下第歸東坡此詩在次韻黃
魯直畫馬後

次韻宋楙宗三月十四日到西池都人盛觀翰林 公出遊

翰林公謂東坡東坡有和宋肇遊西池即此韻
在訪李方叔詩後

韓獻肅公晚詞三首

韓絳字子華事神宗再為宰相按實錄元祐三年三月薨謚獻肅東坡有韓康公挽詞在游西池後康公即獻肅

次韻子瞻寄眉山王宣義

東坡有慶源宣義王文求紅帶詩即此韻其序云請黃魯直學士泰少游賢良各為賦一首為老人光華先生有此詩真蹟藁本云

參軍但有四立壁初無臨江千本奴白頭不是折腰物桐帽棕鞵稱老夫滄江鷗鷺野心性陰整虎豹雄牙頰鸚鵡作裘初服在猩血染帶鄰翁無昨來社鷓勸歸去更得把酒聽

送董當今人寸不之使天上二老須人缺

燕鮑阪尚勤書婦無復禪且看經社龜可漉

溪可漁更問黃雞肥與癯林間醉著八伐木

猶夢官下聞追呼萬釘團腰莫愛渠富貴安

能潤黃墟

送高士敦赴成都鈐轄二首

按前篇注有云此後有送高士敦鈐轄詩並見外集今附于此

聽宋宗儒摘阮歌

自門下後省歸臥醺池寺觀盧鴻草堂圖

樂城集有此圖詩當同時作按樂城集次於韓康公挽詞後

子瞻寺壁作小山枯木

題子瞻寺壁小山枯木

寺壁即醴池寺

題子瞻枯木

次韻子瞻詠好頭赤圖

東坡集此詩在紅帶詩後

次韻子瞻書黃庭經付蹇道士

子瞻題秋引進雪林石屏要同作

次韻子瞻送穆父二絕

和子瞻內翰題公擇舅中丞山房

題子瞻書詩後六言

先生有一詩真蹟題云題家及先生自書詩卷

戲贈高述六言

此上七篇並示載外集

王聖美王子補中廣文生

聖美名子韶此篇蜀本載之二年合移附是歲

山谷年譜卷之二十三



國家圖書館, NATIONAL CENTRAL LIBRARY, TAIWAN, R.O.C.

卷

七

以名

七

山谷先生年譜卷之二十四

元祐三年戊辰

中

蘇李畫枯木道士賦

先生有跋自書枯木道士賦後云此米子由作御風詞以王事過列子祠下作猶未見本問子瞻文作何體子瞻云非詩非騷直是屬韻莊周一篇耳晁無咎作求志一章子瞻以爲幽通當北面也此二文他日當奉寄閑居當熟讀左傳國語楚詞莊周韓非欲下筆略體古人致意曲折處久久乃能自鑄偉詞雖屈宋亦不能超此少臻也

東坡居士墨戲賦

山谷先生年譜卷之二十四

白山茶賦

已二三篇並元載文集

劉明仲墨竹賦

此篇元載外集

題子瞻墨竹

題東坡竹石

此二篇並元載別集

詠伯時虎脊天馬圖

詠伯時象龍圖

題竹一收牛

按蜀公詩集注云三詩並附前篇而天馬圖有
歲在執徐同之句蓋戊辰歲也

題伯時天育驃騎圖二首

觀劉永年圖練畫角鷹

題王晉卿平遠

題燕邱洋川公藝浩堂畫

此二篇並元載別集

戲題太平防禦盧馬

此篇元載外集

題大年小景

此篇元載別集

避暑李氏園二首

李大夫招飲

已上三篇並元載外集

大暑水閣聽王晉卿家昭華吹笛

次韻子瞻和王子立風雨敗書屋有感

子立名適東坡此詩在送曹輔詩後

嘲小德

東坡有和章次前篇

戲荅王定國題門兩絕句

東坡嘲小德詩後有和王定國會飲河虛堂詩

時定國歸自揚州

呈外舅孫莘老二首

按蜀本詩集注云詩意喜莘老得歸按實錄元

祐三年九月御史中丞孫覺是舉醴泉觀本詩

公以疾堅請外提舉舒州靈仙觀此詩九月以

後所作今附于此

寄老菴賦

先生有此賦真蹟跋云劉貢父作菴記菴在歷

陽温湯之僧舍莘老來索此文雖莫詳年月因

前詩請外故附此

以天壇靈壽杖送莘老

次韻胡彥明同年羈旅京師寄李子飛三章一章

道其困窮二章勸之歸三章言我亦欲歸耳胡

李相甥也故有橫櫛之句

與胡彥明處道飲融師竹軒

謝送宣城筆

按成都續帖中有先生手寫此詩題云謝陳正

字送宣城諸葛筆跋云公擇在宣城令諸葛

生作難筆法題云草玄筆守孫辛老

王彥祖惠其祖黃州制草書其後

送徐景道尉武寧二首

杜似吟院兩首

奉送劉君昆仲

已上十一篇並元載外集

清人怨戲效徐庾慢體三首

山谷先生年譜卷之二十四

山谷先生年譜卷之二十五

元祐三年戊辰下

戲荅俞清老道人寒夜三首

按蜀本詩集注云趙彥清家有山谷跋此詩其末云東坡晏哦此詩以為妙也元祐四年歸自門下省書於醴池寺南退聽堂上此跋四年所書而詩則三年冬所作蓋四年之冬東坡在杭州也

祕書省冬夜宿直寄懷李德素

歲寒知松柏二首

按蜀本詩集注云東坡所和乃知字韻在嘲小德詩後後句在外集第六卷今併附此

東觀讀未見書

秋褐懷珠玉

款塞來亨

按蜀本詩集注云三篇未必同時所作然皆效進士體以教兒姪今附見東坡雜記云元祐三年十二月二十八日上御延和殿奏范鎮新樂時西夏方遣使款延州塞故進士作延和殿奏新樂賦款塞來亨詩云

效進士作觀成都石經詩

送曹子方福建路運判兼簡運使張仲謀

詩中有山驛官梅破小寒之句以時序附此詳見前篇注

戲贈曹子方家駒兒

詩中有夢隨閩嶺三年語之句蓋同時作

何氏悅亭詠柏

已上四篇並元載外集

憶邢惇夫

按蜀本詩集注云山谷跋惇夫集有國馬不及奉輿驚於皂櫪之語蓋元祐三年十一月庚戌也此詩宜附見于此

次韻秦章道道贈答詩

詩中有陰風雪塞戶之句當是此年冬所作蓋明年冬章道道早從東坡在杭州矣

次韻秦少章乞酒

詩者不無得之疏之句亦冬時所作

次韻答少章留馬無雜二首

先生有句如詩真可思云同陳無已和荅秦少章
聞馬聽雜一絕句

伯父祖善嘗尤好學於所居紫陽溪後小馬鞍山
為放隱齋遠寄詩句意欲庭堅和之幸師友同
賦率爾上呈

序中有師友同賦之語當是求東坡諸公和
章明年東坡已在杭故附于此

已上三篇並元載外集

留昔嘗聞諸先人此詩蓋和曾伯祖祖善
韻曾伯祖詩非序云老伯行年七十有六

良時兄弟名滿四海墓木已拱令老夫
老更狂耳近築亭於馬鞍山松聲泉溜足
以忘年曾直九姪為我乞詩朝中諸公要
驚山祇突兀出聽直木皆先伐輪囷却歲
寒時露病者粟倒着掛時冠人樂觀魚尾
山齋跨馬鞍朝中乞佳句留與子孫看是
時先生所求朝士和篇甚多今張文潛集
中有和篇末句云平生未識面試作阿咸
看即和此詩韻耳

元祐四年己巳

先生是歲在秘書省兼史局

按蜀本詩集注云山谷在京師多與東坡唱和

四年夏東坡出知杭州遂無詩伴而山谷常苦
曠骨多在吏局又多侍母夫人醫藥任氏注云
山谷有與王長源詩跋云相見於京師忽忽不
得盡平生朋友之意長源告行會小人年來頭
眩不能苦思因以廢詩輒以舊詩十許贈長源
又有書老杜詩跋云考夫今年四十五不復能
作詩它文亦頗下筆欲學詩老杜足矣又與俞
清老曹荀龍書皆云庭堅自去年三月已不作
詩山谷是歲四十有五又嘗有詩云日曆如山
不到詩今以山谷答黎晦初詩攷之書云自元
祐中以病瘥不能苦思遂不作詩又與深道宣
德書云自二年來苦頽眩不能苦思因絕不作
詩則其不作詩恐不特因無詩伴耳

七月除集賢校理

按實錄七月甲午以修實錄院檢討官朝奉郎
行祕書省著作佐郎黃庭堅為集賢校理

九月遇明堂大禮以任子恩澤奏補姪璞

先生有乞養補狀載別集

頤軒詩六首

按家藏此詩三蹟序云元祐四年正月癸酉又
有與君素手書云頤軒詩久草成以暮不工久
未寫去今漫遣不知可意否後題二十一日

寺齋睡起二首

後詩云桃李無言一冪風蓋春時作又有人言

九事入為律儻有江船吾欲東之句今錄章文
身前篇載第五卷後篇載第九卷今從任次

記夢

同元明過洪福寺戲題

按舊本并蜀本有序云三月仲同呂元明畢公
心至洪福寺見元明壁間舊題云與晉之醉後
使騎聲木槭花以為笑戲題云

出城送客過故人東平侯趙景珍墓

按蜀本石刻真蹟題云春游偶到故人東平侯
墓下八以時序附見此篇元載別集

效王仲至少監詠姚花用其韻四首

按蜀本本頁之三主按先生丁小書長慶集此

前後二首跋云元祐四年春未偶入寶高川園
園中賦然花之晚開者皆妙絕羣木陰中姚苗
數本初開不數日當零落草根因折取二本獨
賞於門下後省其一歸李公擇其一歸王仲至
仲至作四詠因同韻作仲至詩規模甚遠不與
當時同律故罕知音云六年五月乙丑同忠王
宗王乞飯乞浴於淨照道人所愛此紙宜筆墨
書此以消飯今移附于此

戲荅晁適道乞消梅二首

以梅餽晁深道戲贈二首

以時序為次

次韻子實題少章寄寂齋

子實名端因後有送少章詩附見于此

此篇後亦刪去

次韻孫子實寄少游

戲書秦少游壁

贈秦少儀 少儀名觀

送少章從翰林蘇公餘杭

按蜀本詩集注云按實錄東坡出知杭州在四年而
行以五月陳無已至南京見東坡從登後樓詩五月
池無水又送行詩云一雨三月涼四詩略從舊次

題淨因寺壁二首

六月十七日書寢以淨因為次

北窓

趙子充示竹夫人詩蓋涼寢竹器憇臂休膝似非
夫人之職子為名曰青奴并以小詩取之二首
先生有此詩真蹟後一首題云從地端承議乞竹奴俗所謂竹夫人者

題李十八知常軒

次韻奉答吉鄰機宜

題劉氏所藏展子虔感應觀音二首

上下四篇並元義外集

范蜀公挽詞二首

按蜀本詩集注云東坡作蜀公誌銘云元祐二年閏十二月薨葬以四年八月此詩蓋四年夏

秋間所作

宗室公壽揀詞二首

按呂氏童蒙訓云天網恢中夏實造禁列侯後
改云屬奉左官律不通宗室侯

黃穎州挽詞二首

穎州名好謙字哉道其子即師是為河北漕時
先生作李官與之通普好謙居陳州故有衣笥
死五道之句此詩當是前作今從任次

樂壽縣君呂氏挽詞二首

李濠州挽詞二首

此二篇元戴外集

山谷先生年譜卷之二十一

山谷先生年譜卷之二十六
元祐五年庚午

先生是歲在祕書省兼史局
寄忠玉提刑

按實錄元祐五年六月己未右宣德郎馬執提
點淮南西路刑獄又八月戊戌新淮南西路提
點刑獄馬執為兩浙路提點刑獄雖蜀本於四
年注稱先生已不作詩只得附于是歲先生有
真蹟藁本題云贈送忠玉提刑朝奉市骨斲干
里量珠買聘好駘駘逸駕西子泣深屏吾人
材高秀骨次別渭淫嚴能喜劄部持節按祥刑
崔蒲相乘息郡縣或空圖讀著頭欲白見士眼

終青今時芥斤地虛次持發硯早晚太微禁占
未有使星

此篇元載外集

元祐六年辛未

先生是歲在祕書省兼史局

三月詔為起居舍人以韓川有言行著作佐郎

按國史二月癸酉詔鄧溫伯趙彥若范祖禹曾
肇林希各遷一官六佃為龍圖閣直學士黃庭
堅為起居舍人並以神宗實錄書成賞勞也中
書舍人韓川有言詔黃庭堅行著作佐郎又按
國史初呂大防欲用庭堅太皇太后曰恐再繼
不

六月特封母壽光縣太君為安康郡太君以先生

陳乞以書成轉官恩回授

先生有辭免轉官及乞回授狀別集

六月十八日丁母安康郡太君憂

先生叔父給事有與郭明叔提舉書云家世不
祐六月間李氏嫂傾逝此懷苦楚何以堪任諸
姪已扶護解分寧幸蒙朝廷恩賜優厚感戴何
已蓋嘗蒙朝廷賜恤耳

元祐七年壬申

先生是歲正月八日護母安康郡太君喪抵家

五月叔父給事歿于京師

叔父即夷仲五月丙申歿于官先生有與洪甥

書云老舅方此荼毒百骸殄瘁又聞給事叔父
之訃一慟欲絕奈何

元祐八年癸酉

先生是歲居喪六月外除

二月戊申葬母氏安康太君祔于臺平祖域之永康
州使君之兆

七月除編修官

按國史七月壬寅呂大防言神宗皇帝正史限
一年了畢契勘昨修兩朝正史係差史官五員
今來止有三員切慮猝難就緒欲差前實錄院
檢討官黃庭堅正字秦觀充編修官從之
九月服除具奏辭免編修之除

先生有辭免史院編修狀載別集

癸酉八月同百丈禪師溫湯作小詩呈九僊翁
公長老

此篇元載別集

湯文室

詩中有月明漸映簷東出置杭東床夜蕭瑟之
句恐是同時作

此篇元載外集

叔父給事挽詞十首

按樞密直學士劉奉世撰給事墓誌銘以元祐
八年九月丁酉葬于雙井之原又先生有與字
文伯修書云九月之末方畢叔父給事葬事又

云欲乞一宮觀時已免喪矣

江西道院賦

序云元祐八年秋九月

次韻章禹直開元寺觀畫壁無簡李德素

禹直名嗣功嘗以上書言新法羈管洪州

次韻道輔雙嶺見寄三疊

次韻章禹直魏道輔贈答之詩

和答魏道輔寄懷十首

道輔名泰襄陽人曾子宣夫人之弟作吏軒筆

錄碧霞腴漢南隱書自號漢南處士道輔嘗留

豫章此詩有今來冬日正之句政先生還鄉之

時

憲司

詩中有添得思堂一卷書之句

次韻道輔旅懷見寄

先生有與章禹直手簡云兩口不會曷勝馳情

昨與德素天倪會語縣庭殊思與公同之又云

與道輔唱酬詩皆和得淨本已送道輔昨已宿

雙嶺想未見本少閒得空別錄呈也今日不出

能見過否故禹直道輔諸詩悉附于此

已上十五篇並元載外集

紹聖元年甲戌

先生是歲居鄉待辭免之命

除知宣州又除知鄂州

先生有汝東坡磨衲贊云紹聖元年五月甲子
新宣城假守黃庭堅書又先生有與李獻父知
府書云伏奉手誨勤篤并煩遣騎馳送宣城勅
感佩至意又有與運使中舍書云伏蒙賜書存
問曲折感慰無量夫宣城得武昌消息盈虛誠
如尊諭按國史閏四月甲申以禮部侍郎孔武
仲為寶文閣待制知宣州從所請也其新差權
發遣宣州黃庭堅別與差遣

三月丁亥宿王子居息菴

先生有草書跋尾云元祐九年三月丁亥宿王
子居息菴為表弟舜功作此草按國史改元在
四月癸丑降御札云其因盛夏之辰載新元統

之號

五月到城下

先生與李獻父書有云庭堅但須分寧卸鹽船
空即解維後月初必獲參展許借兩舟至海昏
盛暑使賤累少得清涼實受賜也書後題二十
一日而書中有竊審府庭無留事內外得職履
夏具宜之語發書當在四月間又有題唐本蘭
亭後云紹聖元年六月辛未上藍院南軒同程
正輔觀正輔名德孺蜀人

六月離城下八月到彭澤

先生有彭澤縣題名二紹聖元年六月八日來
謁石興宗李幾道在焉尋勝至此休於橋陰者

父之伯氏元明舍弟天民將姪樸桓自微徑來
江西黃庭堅曾直記又有彭澤讀書巖題字云
耐石興宗諸子讀書巖中號橘林三少故子爲
立巖名興宗名祿三少謂悉憑愆

七月奉祠因舟行向淮南

按國史紹聖元年六月丁亥新知鄂州黃庭堅
管句亳州明道官於開封府界居住報國史院
取會文字又先生有與運使中舍書云十三日
受勅管句亳州明道官并得堂劄已除范祖禹
提舉明道官奉聖旨各於開封府界居住報應國
史院取會文字亦能識時解意旨且泛舟連二
向淮南耳

史蔡卞林希言先帝日曆自熙寧二年正月以
後至二年終係元祐中祕書省官孔武仲黃庭
堅司馬康修纂自熙寧四年以後至七年終係
范祖禹修纂而黃庭堅司馬康范祖禹又皆係
修先帝實錄官其間所書相為表裏用意增損
多失事實緣修國史院已得旨重修所有昨來
范祖禹所進日曆伏乞一就有詳改正務盡事
實使後世考觀無所疑惑從之

九月復過池州

先生有池州齊山蕉筆巖題名云江西黃大臨
弟庭堅叔獻叔達子樸相視孫杰紹聖元年九
月辛丑泛舟同來

十月離分寧

先生有與天民知命初八日書云今日至武寧見諸宮畢即行又有十七日書云道中遇情暖行李甚得游七哥清快葷味亦不乏吾上路來尤穩步三十三切勿過憂亦闌裏稍慢或歲初便得歸也漫寄少稟去作冬節按蜀本詩集注云山谷初寓太平州之蕪湖專具與三瀘州書與其兄元明俱來潭留專具與梁大夫書云伯山遊州司理相送至府畿後止東寺之禪立院事且與趙伯充書且云一室明暖客添有餘舟行時與東坡相遇於江上山谷有題東坡真蹟云忽聖之元吾是東坡於彭蠡之上其

與黃門相遇於貴池其後山谷在荊州黃州與書云貴池相別於今八年今以先生前後書尺真蹟石刻及彭澤池陽題名等一一參攷以月日是歲先生自分寧赴宣城舟行由海昏過城下赴官道間得祠其與東坡相遇持按國史是歲四月東坡落職知英州按東坡年譜有乞舟行遊英州狀云帶家屬數人前去汴泗之間乘舟泛江倍道而行至南康軍出陸赴任又東坡有與先生作銅爵臺研銘親筆刻研上乃紹聖元年七月十三日東坡居士書則是相遇之時當在六七月間先生九月復過池州與蕪湖相

山谷年譜卷之八 七
即才一二程耳攷之家書則又十月離分寧與
元明同行書中之語有云或歲初便得歸意是
挈家略歸即為陳留之役時元明得官越州撲
得官杭州其後復挈家寓蕪湖以俟分骨肉相
養也蓋王瀘州書中止言兄弟同庖蓋四十口
得罪南來勢不可扶將皆寓大平州之蕪湖是
書乃已謫居黔中在紹聖二年則是骨肉復寓
蕪湖於它書亦可互見耳天民名叔獻先生之
弟

十一月至陳留供報文字

按國史黃慶基言神宗實錄隱沒先朝良法美
意輒以微言含寓諷刺數十事修編今府界供

卷文字不見施行乞早誅責

十二月尚在陳留俟命

先生有與公蘊知縣書云被旨至陳留略已六
十日又有書壽禪師垂戒碑贈未時發乃十二
月丙申陳留淨土院深明閣書按國史十二月
丙申三省同進呈壹諫官前後章疏言實錄院
所修先帝實錄類多附會姦言詆熙寧以來政
事乞重行竄點及國史院取會到編修官范祖
禹趙彥若黃庭堅所撰文狀各稱別無根據得
之傳聞事上曰文字已盡見史官敢如此誕慢
不恭章惇曰不惟多稱得於傳聞雖有臣僚之
家取到文字亦不可信但其言以傳聞修定欺

誕敢爾安燾曰自古史官未有如此者亦朝廷
不幸又曰常日進呈文字多先議定上早來章
惇言合取自聖斷即未經聚議輕重惇曰合取
自聖意裁度上曰庭堅供荅尤不遜莫量分等
第章惇等曰三人事體不甚相遠恐不須分上
曰須各與安置惇等曰據罪當如此又奏臣寮
入劄子言國史院簽貼實錄詆誣編落事元祐
大臣乃欲塵玷先朝政事援引司馬光蘇軾兄
弟門下之人皆平昔不得志者其於事亦往往
刪除漏落或緣飾詆誣意欲掩覆先帝之光烈
為臣不忠莫大焉欲乞根究詣實應提舉史院
呂大防修史官趙彥若范祖禹等重行追責以
示萬世大公至正之法詔祖禹責抄武安軍節
度副使永州安置彥若責授安遠軍節度副使
澧州安置庭堅責授涪州別駕黔州安置

次韻元日

詩中有四十九年遽伯玉之句意是今年首作
此篇元載外集

贈石敏若

敏若名恣興宗之子此詩蜀本載之崇寧元年
合在是歲詳見前注

題大雲倉達觀臺二首

按先生有手書石刻跋云永利禪寺東偏遵微
徑攀古松登高丘四達而平所瞻皆數百里間

其地主曰戴器之因名曰達觀臺而屬器之築
屋於其上器之忻然曰敢不諾因爲作二詩喻
旬屋成器之置酒命歌舞者二三時與鎮官蘇
臺范光祖同賞焉余既去越三年聞器之以疾
不起但增感歎爾山徑荒蕪好事者遠聞而來
或不得一登而去問其故曰更數尉以爲臺上
窺見其室家故鍵閉而藏其鑰余笑曰人家不
過有五七婦女亦當在室屋中作女工事豈常
鋤耘於後圃耶州西醴池寺僧伽淨者高三百
六十尺下見觀賢宅旁見禁中游人以時登未
聞官典其鑰也岳陽樓下瞰郡官教家游者無
楮日特未之忌耶余流落夔梓間九年而歸見

智遠長老莊嚴此院甚有意思而詩以經元符
間捨擊不存臺上石刻聞尉公密令斲生碎之
復求求本故書遺之并紀敘鍵閉游人之意冀
即識者能思之耳崇寧元年五月朔黃庭堅書
即此跋推之合在是歲

此篇元載外集

寂住閣

深明閣

按蜀本詩集注云二篇陳留淨上院作元注云
陳留宿一殯堂因書爲寂住閣

雜詩

詩中有誰知佛印祖師禪之句當是今夏與佛

印相遇時作

此篇元載別集

紹聖二年乙亥

先生是歲拜黔州謫命

按國史先生本傳嘗停祭下與羣姦論實錄詆
証俾前史官分居畿邑以待摘千餘條示之謂
為無驗蓋繼而以此考閱悉有據依所餘才三
十二事殊細考庭堅嘗鐵瓜治河有同兒戲至
是者問焉對曰庭堅時官比都親見之真兒戲
耳凡有問皆直辭以對聞者壯之云云先生被
命即行其與公蘊知縣書云庭堅以謬於史事
遠竄黔中罪大恩

行又按國史紹聖二年春正月黃履言朝廷以
趙彥若等修纂先帝實錄厚加誣毀皆已竄述
惟監修官呂大防獨得幸免今訊治大防親有
撰述筆迹甚明若不例謫何以示公翟思言呂
大防始以典領史特遷兩官合行追奪劉拯言
范祖禹趙彥若黃庭堅擅敢增損誣毀先帝為
臣不忠罪不可赦詔呂大防特追奪兩官趙彥
若范祖禹陸佃曾肇林希並追奪一官除林希
在職日淺外曾肇與小郡陸佃候服闋與小郡
庭堅持追一官當用過回投恩澤

先生赴貶所伯氏元明同行

按書洋鄉縣懸壁云初元明自陳留出尉氏許

昌渡漢沔略江陵上夔峽過一百八盤涉四十
八渡送余安置于摩圍山之下

三月辛亥次下牢關壬子之夕宿黃牛峽癸丑夕
宿鹿角灘下

具黔南道中行記

四月二十三日到黔州

具到黔州謝表

寓居開元寺

先生有與張和叔書云下處在南寺摩圍閣及
有四月二十六日與大主簿三十三書云安下
處是南寺一位有水閣山亭極蕭灑末云黔州
摩圍閣發又批云蜀人呼天為圍此閣臨江正

摩圍閣奉也火生者即先生始撰字正幼元明

以長子授先生為三十三即先生之女名驩

後嫁舒城李文伯

竹枝詞二首并跋

予既作竹枝詞夜宿歌羅驛夢李白相見於山間
曰予往謫夜郎於此聞杜鵑作竹枝詞三疊世傳
之不予細憶集中無有請三誦乃得之

前詩有跋語云紹聖二年四月甲申蓋十九日
與此詩皆道中作

元明題歌羅驛竹枝詞

此篇元載外集

竹枝詞二首

詩中皆有夔州竹枝語

此篇元載別集

和答元明黔南贈別

先生書泮鄉縣廳壁云元明送余安置于摩圍山之下淹留數月不忍別士大夫共慰勉之乃肯行掩淚握手為萬里無相見期之別詩中有急雪鶴鴒相並影驚風鴻鴈不成行之句蓋冬時所作然元明却是六月十二日離黔州具先生所與天民知命書此詩蓋追和耳

紹聖三年丙子

先生是歲在黔州

按蜀本詩集注云初山谷既能以家來二年

之秋其弟知命自蕪湖登舟山谷與秦少章書云叔達附蘇伯固船自蕪湖登舟攜一妾一子妾所謂李慶具知命家書今趙彥清家有錄本子名祖小字韓十蓋仲子也具家書及與秦少章宋子茂書及山谷之子相小名小德小字四十并其所生母俱來知命中道生一女又與其從兄嗣直會於夔州是歲五月六日抵黔南又任氏注云山谷書云知命居士得三月二十八日書知慶兒已免娠入夔州已回客次俱無恙嗣直又適得相會何慰如之嗣直名叔向給事之子山谷五月書云初五日宿大浩初六日可來楚疊石早飯又云今日甚思汝輩同剥粽子

也

題瘦驢嶺馬鋪知命

行次巫山宋楸宗遣騎送折花厨醞知命

次韻楸宗送別二首知命

戲荅劉文學知命

外姪李光祖往見尚垂髫今觀寄嗣直小詩已可

愛因次韻書其後知命

上南陵坡知命

題小猿叫驛知命

馬上口號呈建始李令知命

建始屬施州

次浮塘驛見張施州小詩次其韻知命

將次施州先寄張十九使君三首知命

和仲謀送別二首知命

次韻荅清江主簿趙彥成知命

宋楸宗寄夔州五十詩三首知命

右知命二十詩元附先生集中今從舊次

題蘇若蘭回文錦詩圖

元雜置知命詩中

紹聖四年丁丑

先生是歲在黔州

按蜀本詩集注云其春知命住見嗣直於涪州生一于是為小牛秋冬間還黔具山谷與知命嗣直書今以先生與七兄司理書攷之有云知

命挈攜在涪陵十月乃歸又云庭堅處摩圍之下安固寂靜無時不堪然願勿以遞中書泮湛動念也蓋正月初三日書又四月書陰真君詩贈王瀘州之季子跋云紹聖四年丙午黔中禪月樓中書而六月嘗為三聖涂作忠州復古記十一月為劉退夫臨烏蘭亭跋云紹聖四年十一月乙卯摩圍閣中書

楊明叔惠詩格律詞意皆薰沐去其舊習予為之喜而不寐石刻有然字文章者道之器也言者行之枝葉也故次韻作四詩報之耕禮義之田而深其來石刻作本字明叔言行有法石刻物當官又敏於事而卹民故子期之以石刻相期以石刻故遠者大者

按蜀本石刻真蹟止寫前兩篇題作故次韻作二頌以為報而篇三篇却別題云荐辱明叔佳句又作一頌奉報老人作頌不復似詩如蜂采花但取其味可也

庭堅老嬾衰墮石刻作老來嬾墮多年不作詩已忘其體律因明叔有意於斯文試舉一綱而張萬目蓋以俗為雅以故為新百戰百勝如孫吳石刻作孫武吳起之兵棘端可以破石刻作當鏃如甘蠅飛衛之射此詩人之奇也明叔當自得之公眉人鄉先生之妙語震耀石刻作驚一世我昔從公石刻作蓋得之多故今以此事相付

按蜀本石刻真蹟添前篇第四首却題云再和

山谷集卷二十六
二頌并序

明叔惠示二頌云見七佛偈似有警覺乃是見道之端發於此故以二頌爲報

按蜀本石刻真蹟有此二篇而集中遺逸故載于此蜀本詩集注云楊皓字明叔眉之丹稜人官於黔中時在山谷遷謫後與明叔書帖可攷此詩蓋黔中所作故有我已魑魅禦之句黔中詩絕少姑附是歲

謫居黔南五首

按蜀本詩集注云右摘樂天句元題云謫居黔南今附于此蓋明年又遷於戎州云今蜀本有十首元注摘樂天句近世曾慥端白作詩選載

潘邠老事云山谷十絕詩盡用樂天大篇裁爲絕句蓋樂天長於敷衍而山谷巧於剪裁端伯所載如此必有依據然敷衍裁翦之說非是蓋山谷謫居黔南時取樂天江州忠州等詩偶有會於心者摘其數語寫置齋閣或嘗爲人書世因傳以爲山谷自作然亦非有意於樂天較上拙也詩中改易數字可爲作詩之法而楊氏增注云後五篇當是責宣州時作冷齋夜話以老色日上面及輕紗一幅巾二篇爲責宣州時則三篇可見也今以後五篇附其一云老色日上面歡棕日去心今既不如昔後當不如今其二云嘖嘖雀引雛稍稍笋成竹時物感人情憶我

故鄉曲其三云苦雨初入梅瘴雲稍含毒泥秧
水畦稻灰種畝田粟具四云輕紗一幅中小簞
六尺米無客盡日靜不寐終夜涼其五云病人
多夢醫因人多夢放如河芥米夢合眼在鄉社

王聖涂二亭歌

以是年爲王聖涂作忠州復古記故附此

送昌上座歸成都

此篇在藏并集

山谷先生年譜卷之二十

山谷先生年譜卷之二十七

元符元年戊寅

先生是歲在黔州是春以避外兄張向之嫌遷戎州

按國史紹聖四年三月知宗正丞張向提舉夔州路常平十二月壬寅詔涪州別駕黔州安置黃庭堅移戎州安置以避使者親嫌故也又按國史先生本傳云貶涪州別駕黔州安置言者猶以處善地爲屈法會避親遂移戎州又先生作南園遁翁墓銘云庭堅以罪放黔中三年又避親嫌遷置于戎州戎州今爲敘

三月先生離黔州

按任氏注云山谷有與楊明叔大字跋尾云紹

聖五年三月哉生明涪翁時遷于焚道沿舟開元寺江西之間焚道即戎

三月中到涪陵

先生有答黎晦叔暹書云承寄惠長韻詩去年三月中到涪陵乃得之又四月乙未為涪陵蘭大節作朋樂堂記與楊明州跋皆尚稱五年蓋改元在六月耳又先生有與韋子駿提刑主客三月二十三日書云庭堅居黔中衣食之須粗給既又放徙一動百動所以少淹留此月半乃得至涪陵又嘗為家弟少留云云又四月書云區區而來以多病所至就醫藥又為涪陵家弟少留是以行李稍遲

五月戊午上荔枝灘

見先生書韓退之符讀書城南云紹聖五年五月戊午上荔枝灘極熱云云

六月至戎州寓居南寺作槁木菴死夾寮後僦居城南名任運堂

先生有與王觀復書云泝流在道三月又有瀘州木龍巖題名云紹聖五年五月晦而所作章明揚墓碣云元符之元夏六月明揚之子如堦以書走戎州云云則是六月到戎州無疑又九月八月答李長倩書云今寓居南寺乃當闌闌中屋室差勝開元舊居但無復摩圍江山之勝槁木菴見書遺道藤墨竹後與武老題云元符

三年三月戎州無等院涪翁借地所築槁木菴
中書任運堂見書劉禹錫浪淘沙九首跋云元
符二年四月甲戌戎州城南僦舍任運堂中書
其任運堂有銘云或見僦居之小堂名任運恐
好事者多以藉口余曰騰騰和尚歌云今日任
運騰騰明日騰騰任運蓋取諸此余已身如槁
木心如死灰但不除鬢髮一無能老比丘處不
可耶

重九日遊無等院

先生有題名云元符始元重九日同僧在純道
人唐履舉子蔡相張溥子相姪相步自無等院
登永安門消息此寺同僧惟鳳修義居泰宗善

觀甘泉菴井回乃見東坡老人題字於此其下
人之不能去責授涪州別駕戎州安置黃庭堅
直書

送曹黔南口號

亦有致語載別集

與黔倅張茂宗

按蜀本詩集注云山谷初到黔南曹譜伯達張
統茂宗為守貳待之頗厚山谷與張叔和書云
庭堅至黔南將一月矣曹守張倅相待如骨肉
又與楊明叔書云守倅皆京洛人好事尚文不
易得也今先生有與大主簿三十三書亦元太
守曹供備譜濟陽之姪通判張統張景儉孫公

休之妻弟皆賢雅相顧如骨肉前篇載外集後
篇載別集因賈使君詩以先後之次附見

贈黔南賈使君

按蜀本詩集注云賈使君蓋與曹伯達為代者
未知此詩何時所作姑附于離黔之歲又別本
注云信臣家世有北園在涇峒山下氣象雄壯
花木茂密信臣賈使君字也

放目亭賦并序

序云黔江居士為之賦故附于黔江之末

元符二年己卯

先生走歲在戎州

先生題詩和東坡以王夔源紅帶詩云後十二

年觀此詩於戎州城南志云所謂吾猶昔人非
昔人也元祐三年黃魯直元符二年涪翁題又
有書簡公畫像贊後云元符二年壬戌楚道城
南僦舍中書劉禹錫浪淘沙竹枝歌楊柳詞跋
元符二年四月甲戌戎州城南僦舍任運堂中
書按蜀本詩集注云九月知命如成都至明年
二月還戎具山谷與知命書及荅司宗禹書又
與範長老書云知命顛倒饜足二月七日乃到
戎州今又以先生與李廣心主簿書跋之有云
知命到家不能三月復以舟載李慶韓十上戎
都又又有與弟姪言云知命將李慶韓十涪婢
泣奴往成都此但留牛郎并其乳母於此又云

去已兩月未有歸音

次韻兩絲雲鶴二首

按蜀本詩集注云蜀中舊本此詩序云代史夫
人和石信道按信道名諒時作瀘州江安令史
夫人蓋山谷外兄張祺子履之妻張祉介卿之
嫂絲菜贊所謂維文博士史君夫玉者也此詩
蓋在戎州所作山谷有荅蘇大通書曰頃見外
兄張子履家嫂具道才德之美又曰昨史嫂過
樊道云云此詩當是夫人與其子俱來乞子履
墓銘時也兩絲雲鶴皆春時景物宜見於今年
春山谷作子履墓銘葬以元符己卯之四月又
曰史夫人博學能文

次韻老乞苦節

按蜀本詩集注云當是今歲夏初所作元年夏
初未至也此篇元在戎州詩中但次不倫
丹山谷亦苦節賦云樊道苦節在兩川

次韻老所畫橫竹

次韻謝斌老送墨竹十二韻

用前韻謝子所為予作風雨竹

再用前韻詠子舟所作竹

戲詠子舟畫兩竹兩鸛鶴

詠子舟小山叢竹

此篇元載別集

次韻黃斌老晚游池亭二首

按蜀本詩集注云與黃斌老唱和詩並曰苦
筍篇附見當是同時所作池亭詩有黃為霜
殊未秋之句必今歲所作明年秋晚山谷在
蜀賦矣

次韻答斌老病起獨游東園一首

又和二首

又答斌老病愈遣悶二首

次韻斌老冬至書懷示子舟篇末見及之作因以
贈子舟歸

戲題斌老所作兩竹稍

奉次斌老送瘦木碁局八韻

此三篇元獻詩集

對青竹賦

煎茶賦

苦筍賦

此三篇皆入蜀作

按蜀本石刻有苦筍賦跋云余生長江南里人
喜食苦筍試取而嘗之氣苦不可於鼻味苦不
可於舌故嘗屏之未始為客一設雅聞簡寂觀
有甜苦筍每過庐山常不值其時無以信其說
及來黔中黔人冬掘苦筍萌於土中才一寸許
味如蜜蔗而春則不食唯楚道食苦筍四十餘
日出土尺餘味猶甘苦相半覺筍革中枯淡
少味蓋神農之所漏有莘庖聖所未達者耶故

作此賦以曉蜀人方苦筍時磨薑和鹽然茅火
中而薦之月食百數至老不可食而後已未嘗
能作病也

戲荅史應之三首

按蜀本詩集注云應之名錡蜀人客瀘戎簡山
谷有應之真贊云江安食不足江陽酒有餘江
安屬瀘州漢江陽地也

筇竹

按蜀本詩集題作也足軒注云軒在簡州為師
範道人作山谷有與範帖云知命欲往成都看
藥市又云別作一篇竹軒頌似可觀已付密師
去可種竹於六祖即用之是歲範公自簡州受
成都六祖之請任注云範在簡州時山谷有種
竹頌往在江南住竹山道人兩歲三來訪云云
故今云別作一篇

題榮州祖元大師此君軒

按蜀本詩集注云山谷此詩跋元符二年閏月
初言書贈榮州琴師祖元按是歲閏九月又有
一篇亦此韻見於外集今外集無之有兩篇載
別集者今各隨年月而附

戲用題元上人此君軒詩韻奉荅周彥公起予之
作病眼昏花句不及律書不成字

此篇元載別集

荅李任道謝分豆粥

詩中有豆粥能祛晚瘴寒之句似是冬時所作
次韻任道雪中同游東臯之作

此篇元載別集

元符三年庚辰

徽廟登極

先生是歲在戎州

先生有書韓愈送孟郊序與張大同跋元符三年正月丁酉甥雅州張大同治任將歸來乞書又云時涪翁自黔南遷于隸道三年矣寓舍在城南屠兒村側蓬蘿柱宇駸馳同征云云三月有供析狀云責授涪洲別駕戎州安置黃庭堅準戎州公文準提刑司牒節文勘會正月十三

日登極大赦州縣散官編管人等並仰遂處分析開奏請詳此勘會責授安置始末事因開坐回示以憑照會依赦文分析開奏者牒檢會昨於紹聖元年十一月內準朝旨_{在開封府陳留縣聽候指揮至紹聖二年正月初八日授}一_{道左}朝奉郎充集賢校理管句亳州明道宮雲騎尉賜緋魚袋黃庭堅朕以恥未紹承聖緒又懼不能發揚先帝成功盛德曩詔儒學之臣論次大典於以章示至公傳信萬世明明在上其可厚誣爾庭堅擢於諸生使預著作罔念朝廷之屬任專懷朋黨之私恩依憑國書疵詆先烈變亂故實輕徇愛憎奏編累年公罔朕聽逮究

履實語多無蹤覽之瞿然靡自寧處得罪宗廟
朕何敢容古有常刑宜即誅殛尚茲屈法聊示
竄投服我寬恩無忘自訟可特責授涪州別駕
黔州安置勳賜如故到紹聖五年二月十八日
準尚書刑部符準勅中書省尚書省備到提舉
夔州路常平等事張向狀勘會黔州安置黃庭
堅係向亡母之妹子切慮合該迴避奉聖旨黃
庭堅移戎州安置所有責授安置始末事因開
坐詣實即無漏落謹具狀申戎州謹狀元符三
年三月日責授涪州別駕戎州安置黃庭堅狀
三月知命歸江南
先生與範長老書云知命留北兩月三月十二

日解舟去知命不及到江南卒于荊州

五月復宣與郎還鄂州在城隍移

先生辭免吏部員外郎狀又家藏先生與道
微使君手書真蹟云庭堅五月五日被告復宣
義郎添監鄂州鹽稅得不死於貶所又有俸祿
實已滿慰所望但已江漲未能下峽方欲擊舟
一至青神省張氏家姑乃漸治舟而東

五月戊寅賞鎖江荔枝

先生有題名云太守劉廣之率賓僚來賞鎖江
荔枝回來者廖琛致平張宗道原徐確天隱石
諒信道成節復中文闕少延禧慶崇闕一南玉
元符三年五月戊寅黃庭堅身直題荔枝頭荔

子一木四柯西南一柯獨肉厚而味甘又六月
丙子作張仲吉綠陰堂記云今蒙恩放還去此
有日矣

己卯追涼於安詔亭

按家藏先生書老杜詩真蹟跋云元符三年五
月己卯夔道尉汲南玉置酒荔枝陰中同盤者
廖致平石信道成復中史慶崇張晦叔楊中玉
黃魯直食器追涼於安詔亭投壺弈象置涼榻
而臥南玉出天台紙索滑宜書故書

七月泛舟往青神省見張氏姑

按蜀本詩集注云山谷既放還以江漲未能下
峽西俱題名云爾七月自戎州行省其姪於青

神山谷之姑張祉介卿之母介卿時為眉山青
神尉以七月二十一日解舟八月十一日抵青
神具與介卿書今又以次虎跳題名石刻參攷
之其題云涪翁既作武昌鹽史會江漲不能下
夾乃擊舟三青神省姑氏无符三年七月辛卯
次虎跳王頴叔泉起擊甌醜酒同之者廖養正
兄弟姪五人楊成孺祝有道道人慈元孫叔慈
泉起臨江作大樓閣舍西澗泉濺濺會于石渠
常作雨聲久居城市至此令人忘歸它日松
竹成陰鑿坎種蓮乃盡之又有草李朝八分小
篆歌跋云元符三年七月二十三日余將至青
衣云云

八月戊午與楊鞞祝林宗上巖寺

九月甲子與外弟張祉介卿赴蒲志同泰亨中巖之約乙丑介卿及其兄姪邀煮茗于玉泉

並見游中巖行記

十月准告復奉議郎簽書定國軍節度判官廳公事

十一月自青神復還戎州

按蜀本詩集注云山谷與嘉州至樂山三子原十一月二十日書云到家悲苦滿懷蓋知命歸江南死於荆州當是初聞訃言也

十二月發戎州

按蜀本詩集注云十二月發戎州過江安烏石

二 信道挽留遂作歲於此信道時為江安令已見

前注信道眉州人家於江津女嫁山谷之子是

歲十二月成親今以先生有書丹青引後攷之

其書云十二月癸卯余時解舟發楚道又有跋

所書梁甫吟後云元符三年十二月癸卯將發

戎州舟人湯豬賽武侯久之不還艤船鎖江亭

下書山谷道人時聞復朝請即知舒州而未被

受是日天大寒留滯追送之客并許人在江滸

又有題東坡大字云元符三年十二月甲辰夕

天下雪而大寒呼酒解指券乃能書此則解舟

當在甲辰之後

贈知命弟離戎州

姪相隨知命舟行

十四弟歸洪州賦莫如兄弟四首

此詩年月不可考然有歸掃松楸下洒我萬里涕之句必蜀中作元載外集今附于此十四弟即天民

次韻奉荅少激紀贈二首

按蜀本詩集注云少激名抗臨卭人時為戎州幕官子嘗見其家山谷諸詩真蹟因後篇附見

次韻文少激判官祈雨有感

按蜀本詩集注云此詩真本云伏承少激惠示夏日祈雨有感之詩末句云愛民天子似仁宗時徽宗皇帝初卽位

次韻李任道晚飲鎖江亭

此中有西來雪浪如魚烹之句當是初夏所作

再次韻兼簡復中南玉三首

次韻任道食荔枝有感三首

按蜀本詩集注云山谷有戎州鎖江磨崖留題云元符三年五月戊寅太守劉廣之率賓僚來賞鎖江荔枝山谷與姪携書云初到戎彭道激作守甚有親親之意道微既去劉滋崇儀作守云云此詩當同時所作詩有六年怙悵荔枝紅之句蓋自紹聖二年乙亥入蜀至元符三年庚辰凡六見荔枝今已載鎖江題名在前注

以虎臂杖送李任道二首

此篇元載別集

廖致平送綠荔枝為戎州第一王公權荔枝綠酒亦為戎州第一

謝楊孺道送銀茄四首

以時序為次

送石長卿太學秋補

詩中有漢文新覽天下圖謂

徽考初立山谷有試張通筆帖云戎州城南僦舍中眉山石長卿觀書

次韻少激甘露降太守居桃葉上

詩語皆及

徽考新政當是秋時所作

青神縣尉廳葺城頭舊屋作借景亭下瞰文家園

水竹終日寂然了無人迹又當大木綠陰之間戲作長句奉呈信孺明府介卿少府

按蜀本詩集注云八月在青神尉廳作尉即

張社介卿也社父閭雅州人妻山谷之姑卒官太常卿見山谷所作張子履墓誌

戲贈家安國

安國眉山八字復禮

次韻楊君全送酒長句

次韻君全送春花

謝楊景山承事送惠酒器

按蜀本詩集注云君全名琳景山名岳皆青神

人山谷有中巖題字云元符三年九月己巳壬
元吉携酒帥楊君全景山酌張子謙介鄉黃魯
直於慈苑入東堂此詩蓋是時所作故有秋入
園林花才眼之句絲花及酒當是重陽所送春
花其象春時之花耳

應之送春花

按蜀本詩集作史彥昇送春花附楊君全送花
後詩有千林搖落照秋空之句

題石恪畫嘗醋翁

題石恪畫機織圖

此篇元載別集

謝應之

按蜀本詩集注云即史應之也往歲見山谷於
戎嘗以詩戲之此篇當是應之自眉來青神再
見山谷敘述往事故有去年席上蛟龍語未委
先生記得無之句山谷在青神有與眉山程信
儒帖應之在館時接從容賓主相樂也是歲來
自眉山可知

走筆謝王朴居士拄杖

按蜀本詩集云王朴字子厚隱居嘉州至樂山
此詩當是自青神回舟經涂所作詩有六年流
落放歸時之語

戲答王居七送文石

楊明叔從予學問甚有成當路無知音求為瀘州

從事而不能得予蒙恩東歸用蛟龍得雲雨鷓鴣
在秋天作十詩見餞因用其韻以別

按蜀本詩集止云按實錄元符三年十一月癸亥朔黃庭堅知舒州詩有老作同安之句同安即舒州也

次韻石七三六言七首

詩云老境五十六翁又云欲行水繞山圍蓋元符三年將出蜀所作石七三當是石信道家以皮鞋底贈石推官二首

此篇元載別集已見石刻



山谷先生年譜卷之二十八
建中靖國元年辛巳

先生是歲正月解州江安

先生有書和晁無咎詩與斌老跋云元符三年十二月余嘗發戎州於百忙中爲斌老書此卷建中靖國元年正月遣小使持此來追余於江安縣云云文有瀘州中堤葛氏竹林留題云江南黃庭堅自焚道蒙恩放還元符三年十月道出江安江安宰石信道以親親見留作歲及作瀘州開福寺彌勒殿銘跋云建中靖國元年正月乙亥清輝閣前舟中書及有題所書魏鄭公砥柱銘後云建中靖國元年正月庚寅繫舟王

市山谷老人燭下書

正月晦與合江令尹白宗愈原道汎安樂溪

見游瀘州合江縣安樂山行記

二月辛酉與太守高仲本游西山南浦庚寅游三

游洞

見南浦行記并題三游洞石刻

三月至峽準告復奉議郎權知舒州

四月至荆南又準尚書省劄子已降告命除吏部

員外郎乘遞馬發來赴闕

先生有書東坡思舊賦題跋云建中靖國元年

四月乙未早發峽州舟中書及題東坡字云建

中靖國元年五月乙巳觀於沙市舟中先生既

至荆南以瘧癘瘍初愈再具辭免乞江淮一合

入差遣遂寓家荆南有跋匹紙云十月戊子荆

州沙市舟中

六月二十三日準尚書省劄子奉聖旨不許辭免

已除吏部之命

見辭免狀載文集先生於是再具辭免并述前

狀嘗乞太平州無為軍一處及以亡弟哀憫伏

暑傷冷併作羸疾乞除江湖合入差遣一向遂

留荆南待命以至度歲

元師自崇州來追送余於瀘之江安綿水驛因復

月舊所賦此君軒詩韻贈之并簡元師從弟周彥

公

按此詩跋云余舊得東坡所作醉翁操善本嘗對元道之元欣然曰往歲從成都通判陳君頌得其譜遂化琴彈之詞與声色相得也蜀人由是有醉翁操然詞中之微旨弦外之餘韻俗指塵耳豈易得之建中靖國元年正月辛未江安水次偶住享書此篇元載別集

萬州太守高仲本宿約遊峯公洞而夜雨連明戲作二首

萬州之下巖唐末有劉道者定州無極人聞道於雲居膺禪師為開巖第一祖法號道微自鑿石窟曰死題詩不可勝用日時門人奉其入二百年來遊者便藏龕中不墮莫能起也開巖詩云

篇表見之其一用楊子安韻其一用王定國韻又戲題下巖

萬州下巖

此篇即用楊子安韻蘇文集五卷今附于此

戲題巫山縣用杜子美韻

詩中有江陵換袂衣之句

和王觀復洪駒父謁陳無已長句

按蜀本詩集注云王蕃字觀復沂公之裔官闕中時多以書尺至戎州從山谷問學至是自京師改官復入蜀會山谷于荊州時山谷病癱初愈答觀復簡云臥病二十餘日幾死者數矣忽奉手誨歡喜如從天上落也陳無已元符三年

冬為秘書省正字故此詩有集賢學士見一角之語

段于瞻和陶詩

先生有真蹟石刻題云建中靖國元年四月在荆州承天寺觀此詩卷歎息彌日作小詩題其後又于瞻謫嶺南意澤千載人作淵明千載人乃相似作風味乃相似蜀本載之崇寧元年

次韻前詩

聞黃名友出遊荆南蓋先生族伯父晦甫侍御

次韻前詩

益修名友出遊荆南蓋先生族伯父晦甫侍御

以峽州酒道 續前韻

謝益修四弟 石屏

顏徒貧樂 二首

顏徒名友 益修之弟

次韻答黃與迪

次前韻謝與迪惠作竹五幅

戲答王觀復餘醪翁二首

戲答王子予送凌風翁二首

四篇以時序為次子予時僑寓荊州

謝王子予送橄欖

以椰子小冠送子予

呈揚康國

又戲呈康國

二詩皆言黃柑未熟

次韻馬荆州

詩中有萊菔菊菜同送秋之句

和中玉使君曉款開天寧節道場

微廟以十月十日誕降為天寧節開啓蓋九月

十日

入窮巷謁李村叟翹叟戲贈兼簡田子平三首

詩中有紫冠黃鈿網絲窠之句

戲簡朱公武劉邦直田子平五首

朱劉四皆荆南人詩有葵菀秋之句

戲呈田子平六言

此篇元載外集詩中有荆州衣冠千戶厚意獨

有田郎之句

戲贈米元章二首

按蜀本詩集注云米芾字元章為發運司屬官

在江淮開建中靖國之秋東坡此選常有手帖

與之此詩似亦當時所作蓋詩中有滄江書畫

船之句今附見

次韻錢德循廐苑灘艤舟有作

詩中有已聽荆州漁鼓鳴之句

此篇元載別集

病起荆江亭即事十首

詩中有

大聖天子初元年及西風吹淚古藤州之句又
是歲七月東坡卒于常州而此詩猶未及之當
是初秋所作

荆州即事藥名詩八首

此八篇元載外集

以古銅壺送王觀復

鄒松滋寄苦竹泉張麴蓮子湯三首

松滋諫荆南詩中有新收千百粒蓮的之句

次韻荅馬中玉三首

次韻中玉梅三首

次韻中玉水仙花二首

王克道送水仙花五十枝欣然會心為之作詠

吳君送水仙花并二大本

劉邦直送早梅水仙花三首

劉邦直送水仙花

謝檀敦信送柑子

贈李輔聖

和高仲本喜相見

詩中有雪滿荆州喜再逢之句

戲詠暖足餅二首

以詩敘為次

戲呈聞善二兄

謝荅聞善二兄九絕句

當乾道之末隨侍先人官荊州得見族伯祖晦
甫侍御位族伯父仲貴名榘仲貴嘗言先生既
與侍御伯諸子為昆弟視聞善惡元聞善酌酒
山谷詩篇中多形勸戒聞善每飲酒至醉往往
坐不肯起一夕赴如家柳氏夜集既散聞善復
坐不歸柳氏亦告酒盡但有一甌酒未堪筭聞
善聞之喜甚亟造其榻內直抵甌下聞善病酒
齊尋常旁坐者亦病之聞善即以兩手撥甌中
林氏子弟中真有意欲毆之者坐客勸曰酒已
深矣曷告使之盡歡可乎柳氏且怒且笑不免
取而酌之聞善大喜狂歌盡醉而去故先生詩
中有齊手撥甌亦無傷及柳家子弟太迫也

句蓋紀一時之實耳又先生有書贈聞善飲酒
詩後云往時族中多營於酒二十年間兩還故
里見子弟皆恂恂憂讓醉而溫恭中竊自喜黃
氏諸子之遺慶深長諸少年尚承其風澤時有
興發者耶因子立乞書書元詩可與族中觀知
酒之利病如此

戲呈聞善

題子瞻畫竹石

按蜀本詩集注云舊題云題全天粹所收子瞻
竹石天粹名壁山谷在荊州時有與天粹帖又
有字說云全壁長林人長林屬荊門軍此詩當
附見於荊州詩中

山谷集卷二十八
次韻向和卿行松滋縣與鄒天錫夜語南極亭二首

詩中有提壺及思歸樂之句

木龜亭留題

題羅公山古柏菴二首

詩中有會向天階乞衰晚之句二詩未詳地名恐是蜀中或湖外所作今附于此並元載別集

山谷先生年譜卷之二十八

山谷先生年譜卷之二十九

崇寧元年壬午

先生是歲在荆南

先生有正月與子由書云三兩日即拏舟下巴陵出陸至雙井六日耳遂由雙井往萍鄉省伯氏元明

正月二十三日發荊州二十六日至巴陵

先生與天民嗣文二弟書云老夫正月二十三日發荊州又有手書雨中登岳陽樓望君山二詩跋云崇寧之元正月二十三夜發荊州二十六日至巴陵數日陰雨不可出二月朔旦獨上岳陽樓太守楊器之監郡黃彥并來率同游君

山行二十里螺蚌中乃至見住持僧年八十跋
曳而出登其絕頂環望積水數百里實壯觀也
有野馬二十餘羣游平澤中猿猴輩出上下松
楠間景氣甚野

二月初六日至通城

亦具所與天民嗣文書老夫今日至通城之法
興道中幸纔即相見悲喜相半今遣玉清走報
黃龍脩上各不過住二日耳書木題二月初六
日

三月己卯寓萬載廣慧道場

先生有跋陳甘休所收舊字云崇寧元年三月
己卯自分寧來宿萬載之廣慧道場按長曆己

卯蓋二十四日

四月乙酉到萍鄉

按萍鄉壁記云抗荆江略洞庭涉脩水經七十
二渡出萬載宜春來省伯氏于萍鄉來以崇寧
元年四月乙酉去以是月之己亥乙酉蓋四月
朔又己丑飯于萍鄉護法院見書船子和尚歌
後

是月丁未登吳叔元秀江亭

亭在新喻有題名石刻云朝奉郎新當涂假守
黃庭堅崇寧元年四月丁未來訪叔元晚登秀
江亭澄波古木使人得意於塵垢之外蓋人閑
景幽兩奇絕耳

五月一日過筠州

先生有與七兄長官書云庭堅到臨江及筠以親舊皆留兩日筠亦以張九微凍着不欲拖拽上道幸夜來已安今早遂行書末題五月初一日又批云初一日五鼓玄字又有題胡氏所憩亭壁云山谷老人稅駕而飯嘉作亭之意為書此榜崇寧之元五月之吉實乙卯黃庭堅云

是月到江州十七日猶在展畫亭

按西林寺題壁云黃庭堅弟叔豹姪柄子相及朱章制義仲事禁司采檀永禪師塑像觀碑陰顯魯公題字愛碧麓流泉凌厲暑氣衰回不能

堅自江西來會王宰米章道士場居善周虛已於此堂觀四山忽雨草木皆成聲崇寧元年五月甲子時發東林又有雲巖海公院宰書其末題五月十七日江州展畫亭及息心名政云崇寧元年五月十七日江州展畫亭又有草書跋云崇寧元年五月十七日溢浦展畫亭題竟為道淳上座作草以糝餘困其暫留江州蓋待嗣文節推弟般家同赴任具先生與洪龜父書云四十及新婦在荆南已遣十六節推弟往取船來會江州美嗣文名叔豹弟十六蓋給事長子二十日過湖口

見先生追和東坡壺中九華詩注

是月繫舟於大雲倉之達觀臺下

先生有手書奉題伯時所作陽關圖跋云元祐初作此詩題伯時所作陽關圖崇寧元年五月見此草於趙升叔家殊妙於定本升叔伯時塔也時俱繫舟於大雲倉之達觀臺下

六月初九日領太平州事九日而罷

按國史崇寧元年五月庚午司馬光而下四十四人追奪降黜有差孔平仲舉仲游徐常黃庭堅晁補之韓岐王鞏劉當時常安民黃隱張保源並送吏部與合入差遣仍令吏部依條差注施行詔在乙亥先生有與徐師川書云老舅六月九日領太平事十七日奉朝肯送吏部即日

辭船至江口以嗣文同行遂為遠別亦大風不可行留連方欲決去會駒父奉其大母來又為之留七日閏月十一日分手亦衝東風至蕪湖矣又按于湖居士張公孝祥作高侍郎夫人王氏墓誌載侍郎諱衛及與元祐諸公游嘉言懿行太夫人悉能記之侍郎為太平州判官攝州事山谷來為守謫久貧甚既入境矣復坐黨事眾侍郎得堂帖不以告迎候如礼山谷既視印已乃知之侍郎為治歸裝甚飭備過於人所事觀此則冷齋夜話所稱徐師川言于於東坡山谷卷中三君子俱知敬畏然其疵瑕予能笑之謂東坡欲學長生瑩中對日者談命山谷赴官

姑熟聞罷而俯就其說之妄益可見矣

七月甲午復繫舟達觀臺下

先生有跋草書後云崇寧元年七月甲午繫舟
達觀臺下待舒城音問朝涼戲作此卷

八月復至江州

先生罷太平後裴回於江州將復過荆南謀居
然竟留于鄂州亦見徐師川書云將家到荆南
謀居云云詳見後注又先生有跋自書東坡乳
泉賦云紫極宮道士胡洞微明之少入道於后
山康王觀嘗從谷趨事余伯祖父實之實之人
家也少名茂先故狂時江淮之間詩云江南黃
帝心然此段少連明之猶能道其言論風旨故

其見余喜甚相從忽忘日暮也東坡公所作乳
泉賦數百年之文章也明之又好東坡故著清
之可深藏以待識者崇寧元年八月己未泊舟
琵琶亭西書又先生有跋登江州百花亭詩云
崇寧元年八月壬戌來集斯亭己未蓋初七日
九月至鄂州

先生有跋元祐間與三姪太君帖云崇寧元年
九月甲申繫舟繁口庭堅題甲申蓋十二日

次韻荅高子勉十首

高荷字子勉荊州人而此詩有春從細草回之
句當是春初所作

贈高子勉四首

再用前韻贈子勉四首

詩中有鳥語花中管弦之句春稍動矣

荆南發判向和卿用子六言見惠次韻奉酬四首

蟻蝶圖

謝人送栗鼠尾畫維摩二首

戲荅荊州王充道烹茶四首

已上當是未離荊州所作

雨中登岳陽樓望君山二首

此詩有跋已具前注

自巴陵略平江臨湘入通城無日不雨至黃龍奉

謁清禪師繼而晚晴邂逅禪客戴道純款語作長

句呈道純

律身不詩集此云巴陵平江臨湘皆屬岳陽

城屬鄂州黃龍山在分寧李弘季敵書身章集

後云先生自巴陵取道通城入黃龍山為清禪

師徧問南昌集自有去取即此時也

觀化詩十五首并序

此詩元載外集其間詩中有流落來從錦上州

之句且多言鄉里景物故附于此

題徐氏書院

徐氏即徐禧德占

題胡逸老致虛菴

題蓮花寺

衡雨向萬載道中得道遙觀遂託宿戲題

此詩往萍鄉時所作萬載屬袁州

題竹尊者軒

送密老住五峯

按蜀本詩集注云山谷有為密公作草書跋尾云元年三月壬午旅寓宜春之開元飯崇勝密公之堂即此僧也壬午蓋二十七日宜春屬袁州

新喻道中寄元明用觴字韻

此詩自萍鄉歸涂所作新喻屬臨江軍

次韻子瞻和太白潯陽紫極宮感秋詩韻

追懷子瞻太白

詩集注

龜殼軒

秋聲軒

三篇皆紫極宮所作

濂溪詩

按濂溪先生故居去江州城不數里溪在故居
附于此見載文集

戲刻禪月作遠公詠

按蜀本詩集注云遠公道場即今江州廬山東林寺是歲八月庚申山谷有東林題名此詩當是同時所作庚申蓋初八日

湖口人李正臣蓄異石九峯東坡先生名曰壺中九華并為作詩後八年自海外歸過湖口石已為

好事者所取乃和前篇以為笑實建中靖國元年
四月十六日明年當崇寧之元五月二十日庭堅
繫舟湖口李正臣持此詩來石既不可復見東坡
亦下世矣感歎不足因次前韻
書郭功甫家屏上東坡所作竹

按家藏先生此詩真蹟題云次韻東坡先生屏
間墨竹止此六句但草不春作草偃風一棊終
玉局作一壺瓊房第幾間作琳房并有功甫跋
語云東坡作於予家漆屏之上觀魯直之詩可
以見其髣髴矣功甫蓋太平州人

太平州作二首

按家藏先生真蹟前一首題云戲作觀翠綺句

奉呈功甫兄又片片梨花雨作細點梨花雨

三篇元載外集

罷姑熟寄元明用觴字韻

武昌松風閣

按蜀本詩集注云此詩經涂所作今尺牘中有
跋與李德叟書云崇寧元年九月甲申繫舟繁
日疑時張文潛再謫黃州猶未至也故詩有張
侯何時到眼前之句今按國史崇寧元年七月
庚戌主管亳州明道宮張耒責授房州別駕黃
州安置而文潛謝表云已於九月三日到黃州
公參訖

次韻文潛

和文潛舟中所題

按蜀本詩集注云二詩並次前篇時文潛已到黃山谷自鄂往見之前詩中有風雪牖戶勤寒向之句蓋冬深所作

題君子泉

泉在黃州

宿黃州觀音院鍾樓上

按蜀本詩集注云元在次韻文潛後許有潘何之語今遷於此為後詩張本

謝何十三送蟹

按蜀本詩集注云何十三當是何頴之斯舉或其弟兄頴之蓋黃州人集中又有三詩見於脩

水集者亦附見其一又借答送蟹韻并戲小何云草泥木自行郭索玉人為開桃李頴恐似曹瞞說雞肋不比東阿舉肉山其二代二螯解嘲云仙儒昔日卷龜殼蛤蜊自可洗愁顏不比二螯風味好那堪把酒對西山其三又借前韻見意云招潮瘦惡無求味海鏡纖毫只強顏想見霜臍當大嚼夢回雪壓摩圍山今豫章集皆不載今併附見何十三名觀

次韻文潛立春日三絕句

再次前韻

按蜀本詩集注云按長曆是歲十二月二十一日立春明年春時山谷已歸鄂故詩中有已發

黃州首更回之句

崇寧二年癸未

先生是歲留鄂州

先生有四月二十二日與張叔和通判書云庭
聖罷太平即寓鄂渚會范德儒謫來即謀居漢
陽繼而安厚卿來遂營居九江將登舟矣德孺
以散官安置衆議以為自不礙責降充宮觀人
不得同州指潭遂定居耳按國史正月己酉范
純粹常州別駕鄂州安置是時先生已管句洪

州玉隆宮

十一月有宜川

謫命

按國史未本傳庭堅在河北與趙挺之有隙

怨挺之執政轉運判官陳舉承風旨上其劄
所作承天塔記指為幸災復除名羈管宜州
營昔聞荆州族伯父仲賁嘗言為兒童時乃
識先生備聞諸父聞善益修諒正話及目擊
當時之事筆記甚詳仲賁有跋承天塔記云
先生初自蜀出峽留荆州待辭免乞郡之命
與府帥馬城忠玉相從歡甚閩人陳舉自臺
察出為轉運判官先生未嘗與之交也承天
寺僧智珠造七級浮圖乞記於先生一日記
成忠玉飯諸部使者於浮圖下環觀先生書
碑先生於碑尾但云作記者朝奉郎新知舒
州事豫章黃庭堅立石者承議郎知府事荏

山谷集卷之六
平馬城而已舉與轉運判官李植提舉常平
林虞相顧遠請於前曰某等願記名不朽可
乎先生不荅舉由此憾之舉知先生昔在河
北與趙挺之有怨挺之執政遂以墨本走介
獻于朝廷謂幸災謗國先生遂降名羈置宜
州忠玉亦以辰州徭賊寇邊監察御史席震
繼而劾之奪官羈置海州遂俱沒于貶所嗚
呼其亦不幸甚矣其後不踰年挺之去位而
舉因指青蟲爲龍物奏爲祥瑞遂坐欺罔誠
足以爲小人陷君子之戒今併附見

十二月十九日夜中發鄂渚曉泊漢陽親舊追送

按蜀本詩集注云是歲山谷在鄂州既而謫宜

州十二月十九日發鄂渚至岳陽作歲而泝然
乙丑越洞庭內寅渡青草之句謂是明年二月
二十一日二十二日今以先生跋苦寒吟攷之
其跋云開封張德潤號爲有急難之義子晚諫
之於長沙名不虛得也泊船驛步門寺德潤官
廨相近時七相遇奔走于所闕如有人挽其前
推其後也它日待此卷來乞書會舟子作歲除
未能行舟中無它緣偶得意書盡崇寧二年十
二月晦此真蹟見藏晉陵尤氏既歲暮到長沙
則過洞庭青草當在此月二十以後不應在岳
陽作歲若以因史考之十二月丙寅爲二十一
日雖注引先生與人帖云庭堅治行已有緒既

嫁女別無一事移舟漢陽留數日待親戚之在
旁近耳此帖不注月日今祕館中有先生道文
內有此書乃是姜文奉書其書尾云十一月二
十七日自二十七日推之恐鄂州必無兩旬之
留亦或十九日傳寫之誤或是初九日亦未可
知先生舟行往往不舍晝夜此既夜發鄂渚而
先離荊州亦足二十三夜已載手書君山詩跋
兼先生次年有與李樂道書云十一月末不肯
蒙恩活之宜州即發船過漢陽軍或是先欲晉
漢陽數日足到長沙况當時士勢不應聞命之
後留兩月度歲又先生有札思大師題名乃崇
寧三年正月甲辰甲辰為正月晦思大師道場

在衡山福教大師題有書法輪占碑後跋云崇
寧三年二月丙寅脩水黃庭堅書法輪在南嶽
見有石刻詳見後注則非一月丙寅過青草湖
矣

崇寧二年正月己丑夢東坡先生於寒溪西山之
間子誦寄元明觴字韻詩數篇東坡笑曰公詩更
進於曩時因和子一篇語意清奇子擊節賞歎東
坡亦自喜於九曲嶺道中連誦數過遂得之
己丑蓋九日

病來十日不舉酒二首

詩中有回施青春與後生之句當是春時所作

題小景扇

鄂州南樓書事四首

詩中有我赤來追五月涼之句山谷在鄂州作
夏惟此年耳

南樓畫閣觀方公悅二小詩戲次韻

庭堅以去歲九月至鄂州登南樓歎其制作之
成長句久欲寄遠因循至今書呈公悅

養鬪雞

和涼軒二首

以時序為次詩有西風之語

題默軒和溥老

題楊道人默軒

此篇元載外集

次韻文安國記夢

寄賀方回

鄂州節推陳榮緒惠示浚機崇陽道中六詩老嫻
不能追韻輒自取韻奉和
頤心寺

渭中聞松聲

秋山行懷子與節判

再登蓮落嶺懷君澤如驛

崇陽道中

送發成寧行旅任王益子

深亦銷塵示之字韻詩推獎過實非所敢常輒次

高麗三首



山公
五十年譜卷之二十九

山谷先生年譜卷之三十一

崇寧二年癸未

德孺五丈和之字詩韻難而愈工輒復和成可發一笑

按蜀本詩集

云按實錄崇寧元年十月管句南

京鴻慶宮范純粹鄂州居住二年又責常州別

駕鄂州安置

次韻德孺五丈新居病起

次韻德孺五丈感興二首

次韻德孺五丈惠貺秋字之句

范德孺需筆袁諸工佳者共成十枝分送

此篇元載別集



山谷集卷三十一
求范子默染鴉青紙二首

子默德孺之子

謝榮緒惠貺鮮鮓

謝榮緒割見貽二首

具執中有兩鵝爲余烹之戲贈

秋冬之間鄂渚絕市無鱸今日偶得數枚吐沫相濡乃可憫笑戲成小詩三首

以題中時序爲次

甯子興追和予岳陽樓詩復次韻二首

和甯子興白鹿寺

謝人惠猫兒頭筍

詩中有鸚鵡洲前人未知之句蓋謂未離鄂渚

時也

以所愛江清作五小詩寄廖明略學士兼簡初和薄

詩中有將發沔鄂間之句

四休居士詩三首

十二月十九日夜中發鄂渚曉泊漢陽親舊攜酒追送聊爲短句

次韻陳榮緒同倚鍾樓晚望別後明日見寄之作

詩中有青草枯松之句皆岳州事蓋榮緒送山谷至岳尚未過湖也

過洞庭青草湖

過土山寨

按南行錄湖中有土山巡檢去黃陵廟十五里
晚泊長沙示秦處度范元實用寄明略和父韻五
首

長沙即潭州在洞庭之南

次韻元實病目

右自洞庭青草湖至此詩蜀本載在明年今移
附于此

題李亮功家周昉畫美人琴阮圖

按高子勉記龍眠李亮功家藏周昉畫美人琴
阮圖兼有宮禁氣象旁有竹馬小兒欲折檻前
柳者亮功官長沙而山公謫宜州過見之歎愛
弥日大書一詩於黃素上云云亮功名寅

山谷元氣列傳

題李亮功戴嵩牛圖

題李東坡先生題李亮功歸來圖

二詩皆本詩集舊載于崇寧元年海陽諸詩之
後今移附于此

次韻寄益六在廣陵

再和寄益六

寄懷益六在延年

三詩元稹外集詩中有傳益馬向揚州問相憶
猶能把酒不及追思二十年前事之句未生甲
子處皆寓揚州故附于此

文安國挽詞二首

因前篇有記夢詩故附于此

史天林中散挽詞

宋夫人挽詞

此二篇元載別集

崇寧三年甲申

先生是歲自潭州歷衡州永州全州靜江府梧州以

趨貶所

正月晦過衡山

先生有禮福嚴寺思大師題名云正月甲辰按

長曆甲辰蓋晦日

三月己卯泊浯溪

見中興續詩引三月己卯風雨中來浯溪按

文晉己卯蓋初六日

十四日到永州

先生有與李樂道書云三月十四日到零陵不

肯本欲寄家桂林而家中堅欲相隨到及所至

零陵已大熱骨肉不可復將行因盡室留家以

零陵即永州

四月發全州是夏至宜州

先生有跋自書嬾瓊和尚歌後云四月辛未余

將發清湘矣楊唐老乞書大暑天兩體煩眼花

書不成字無後注字資深書卷跋則是先生至

宜在五月六月之間

十一月甲戌遷居于城南

先生政資深書卷云崇寧三年十一月余謫處
立州半載矣官司謂余不當居闕城中乃以是
月甲戌抱被入宿于城南予所僦舍喧寂齋雖
上兩傍風無有蓋障市声喧憤人以為不堪其
憂余以為家本農桑使不從進士則田中廬舍
如是人可不堪其憂耶既設臥榻焚香而坐與
西隣屠牛之机相直為資深書此卷實用三錢
買雞毛筆書

十二月二十七日伯氏元明自永興唐次公俱來
先生乙酉家乘云正月庚午朔元明自永州與
唐次公俱來居四日矣家乘蓋先生日記按范
信中有乙酉家乘序云崇寧甲申秋余客建康

隱山谷先生論居巖表恨不識之遂泝大江歷
湓浦舍舟於河漢取道荆湘以趨八桂至乙酉
三月十四日始達宜州寓宿崇寧寺翌日謁先
生於僦舍望之真謫仙人也於是忘其道塗之
勞亦不知瘴癘之可畏耳自此日奉杖屨至五
月七日回徙居於南樓園棊誦書對榻夜語舉
酒浩歌跣步不相舍凡賓客往來親舊書信晦
明寒暑出入起居先生皆親筆以記其事名之
曰乙酉家乘而其字畫持妙嘗謂余他日北歸
當以此奉遺至九月先生忽以疾不起子弟無
一人在側獨余為經理其後事及蓋棺於南樓
之上方悲慟不能已所謂家乘者倉卒為人持

云至今思之以為恨也紹興癸丑五歲有故人忽錄以見寄不謂此書尚爾無恙耶讀之恍然幾如隔世因鑲板以傳諸好事亦可以見先生雖遷謫處愛患而未嘗戚戚也視韓退之柳子厚有間矣東坡云御風騎氣與造物游信不虛語哉甲寅四月望日蜀郡范寥信中序

長沙留別

此篇元載外

勝業寺悅亭

按南行錄勝業寺在南嶽廟東屬潭州衡山縣有悅亭亭殿并和尚第二碑

贈益陽成之主簿并引

按南行錄福嚴在南嶽依巖架空為之蓋思公道場有三生塔亦屬衡山縣

贈益陽成之主簿并引

引中云予之竄嶺南道出衡陽見主簿君益陽黃成之問宗派乃同世出祖兄也

此篇元載別集

花光仲仁出蘇秦詩卷思兩國士不可復見開卷絕歎因花光為我作梅數枝及畫煙外遠山追少游韻記卷末

花光寺在衡州經涂所作

題花光畫

題花光畫山水

所住堂

題高節亭邊山礬花二首并引

贈花光老

題花光爲曾公卷作水邊梅

二篇元載外集

贈惠洪

詩中有眼橫湘水暮之句

贈惠洪

此篇載外集曾端伯謂非先生所作王父亦嘗刪去漫附于此

戲詠零陵李宗古居士家馴鷓鴣二首

零陵卽永州經涂所作

李宗古出示謝李道人茗帚杖從蔣彥回乞葬地

二頌作二詩奉呈

書磨崖碑後

按先生有真蹟石刻題云崇寧三年己卯風雨

中來泊浯溪進士陶豫李格僧伯新道遵同至

中興頌崖下明日居士蔣大年石君豫大醫成

權及其姪逸曾守能志觀德清義明崇廣俱來

又明日蕭爽及其弟褒來三日衰回崖次請予

賦詩老矣豈復能文強作數語惜秦少游下世

不得此妙墨刻之崖石耳又按王仲言揮塵後

錄云崇寧三年太史赴宜州貶所是時外舅曾

空青坐鈎黨先徙是郡太史留連踰月極其歡

冷相子酬倡如江樾書事之類帥游浯溪觀中
興碑太史賦詩書姓名于左外祖急止之曰公
詩文一出即日傳播某方為流人豈可出郊公
又遂徙蔡元長當軸豈可不過為之防耶太史
從之但詩中言亦有文士相追隨蓋為外祖而
設空青即公卷名紆

浯溪圖

太平寺慈氏閣

元注晚與曾公卷同登

題淡山巖二首

明遠菴

去年三月清明蔣彥回喜太守監郡過其王芝園

作詩十六韻二侯皆有報章今年三月余到玉芝
園記錄一時次其舊韻

三月辛丑同徐靖國到愚溪過羅氏脩竹園入朝
陽洞蔣彥回陶介石僧崇廣及余子相步及余於
朝陽巖裴回水濱久之有白雲出洞中散漫洞口
咫尺欲不見介石請作五字記之
代書寄翠巖新禪師

詩中雖有早梅籜之句不可作時節會也

戲荅歐陽誠發奉議謝余送茶歌
到桂州

荅許覺之惠桂花椰子茶盃二首

覺之名彥先

以椰子茶瓶寄上德孺二首

寄黃龍清老三首

詩中有中秋月之句秋時所作

贈法輪齋公

法輪即南嶽岫棲峯龍雲寺先生有重書法輪古碑跋云大明本名惠遠思大禪師之孫與虞世南李百藥岑文本爲方外之友三人皆爲作碑銘幸岑中書之文僅存又爲不解事僧傳於石刻剝之後幾不可讀矣而法輪寺住持禪師景齊來求予刊定且乞書而刊之師金陵蔣山中人嘗入予方外之師晦堂心公之室謂我爲同門蓋嘗參字說於王荆公其人通達辯識

歟有所爲人不能領也故欣然爲之書法輪寺自晉至唐正觀中雖既廢復興皆號龍雲寺中間改號金輪而無文記可尋意武后時所改耳其號法輪則太平興國五年勅書也崇寧三年二月丙寅脩水黃庭堅書今以歲月附見此詩元載別集

崇寧四年乙酉

先生是歲在宜州

一月六日與諸人飲餞元明於十八里津

凡乙酉家乘又二十六日得元明二月十四日

丁卯書寄詩一篇有上案一篇

三月十五日成都范寧來相訪

寥宇信中見乙酉家乘

五月初七日癸卯自岷南樓范信中同之

見乙酉家乘又忘生有題東坡小宇兩軸示崇寧四年五月丙午觀於宜州南樓接談齊先生榜公萬里嘗作宜州山谷先生祠堂記云予去年十月致書桂林伯侍講張公今乃得報且謾予云宜州太守蔡侯瑩直諫士也初抵官下他守未遑首祈山谷先生祠堂蓋山谷之來宜州崇寧甲申也館于戒之成樓曰小雨門者與予卒焉後人衣之即其地廟祀之于湖張安國大書篆章先生四字以揚之然若而欲隘屋宇壞墮組不成列拜竊所為今侯侯二顧請而補爨

出其闔距城不遠得地洵好湖光前陳曠野洞開諸峯嶠竒駁奔來庭立屋六楹以安神居刻木肖象是似是予祈湖為閣于登于臨湖山清空雲煙高寒神則降集人士奮豫既成來求閣名若記試既以清風名閣矣子學詩山谷者微子莫宜記之予執書歎曰予聞山谷之始至宜州也有毗某氏館之太守抵之罪有浮屠某氏館之又抵之罪有逆旅某氏館之又抵之罪館於成樓蓋圖之也卒于所館蓋飢寒之也先生之貶得罪於時宰也亦得罪於太守乎廉之肉人之食君子之殘小人之資也孰使先生之所挾尾以授小人之資也哉夫豈不得罪於太守

也先生得罪於太守則太守不得罪於時宰矣
豈惟不得罪也又將取榮焉由今視之其取榮
於當時者幾何而先生飢寒窮死之地今乃為
騷人文士佇瞻鑽仰之場來者思而去者懷而
所謂太守者猶有臭焉則君子之於小人患不
得罪爾得罪矣患哉今韓侯之賢乃能社先生
而稷之惜也先生之前乎韓侯也先生之沒侯
猶敬之如此使其生也遇侯而煥休之則主賓
之賢牽聯俱傳也惜也韓侯之後乎先生也然
士或同室而睽或異世而逢苟逢矣前後足校
我先生之祠要自韓侯始則韓之傳決也而又
得侍講張公名其閣其傳益決也

侍講以遷居南樓之後

六月辛巳游龍隱洞

先生有龍水城南帖云邵彥明置酒招余及華
陽范信中龍城歐陽佃夫約清旦會于龍隱洞
余三人借馬自南樓來至則彥明及其弟彥昇
在焉云云彥明者臨淮邵華彥昇兄也信中名
寥佃夫名襄余者江西之脩水黃庭堅魯直時
崇寧四年六月辛巳

予去歲在長沙數與處度元實相從把酒自過嶺
來不復有此樂感歎之餘戲成一絕

處度名湛元實名温此篇元載別集今附是歲
宜陽別元明用觴字韻

元明留別

此篇元載外集

信中遠來相訪且致今歲新茗又枉任道寄佳篇
復次韻呈信中兼簡任道

此篇元載別集

和范信中寓居崇寧遇雨二首

按蜀本詩集注云此詩亦四年夏所作歟

乞鍾乳於曾公卷

按蜀本詩集注云豫章後集有與公卷書云鍾
乳何時再成又云嶺南秋暑殊未解此詩蓋秋
時所作或遂絕筆於此篇歟

九月三十日先生卒

獲國史九月五日奉

御筆手詔元祐姦黨詆訕

先帝罪在不赦曩屈臺憲貸與之生片之遠方
固無還理終身貶所豈不爲宜今先烈紹興年
穀豐稔鑄鼎以安廟社作樂以協神民嘉祥荐
臻和氣昭格肆頒赦宥覃及萬方興言邦誣久
責遐裔一夫失所朕尚惻然用示至仁稍從內
徙服我寬德其革爾心應姦黨羈管編配安置
居住在廣南者與移荆湖南北在荆湖者移江
淮其餘並移近裏惟不得至四輔畿內後批崇
寧元年九月十六日送進奏院漏牒行下明年
正月庚戌劉摯而下敘復有差先生在軫第二

等之首並叙復令吏部與監廟差遣而先生皆不及拜命故先生本傳云三年徙永州未聞命而卒紹興初

高宗皇帝中興特贈先生直龍圖閣官子孫各一人二年先祖尚書以給事中召至行在留家藏先祖親筆日記載二月初六日戊辰後殿引對天語甚溫詢先生子孫曲折許它日召至行在及十七日巳卯午刻中使鄭謨傳宣至先祖遂就省中見之

上令問先生諸孫曲折先祖即因謨附口回奏當時特贈實與張耒晁補之秦觀四人同命詞云勅故朝奉郎黃庭堅等自熙寧大臣用事變

法始以異同排斥士大夫維我神祖念之不忘元豐之末稍稍收召接于元祐英俊盈朝而爾四人以文采風流爲一時冠學者欣慕之及繼述之論起黨籍之禁行而爾四人每爲罪首則學者以具言爲諱自是以來搢紳道喪綱紀日隳馴致宣和之亂言之可爲痛心四朕纂承既從昭洗今爾四人復加褒贈斯足以見朕志矣嗚呼西清之遊書殿之選惟爾曹爲櫛使生而得用能盡其才亦何止於是歟舉以追命聊伸齋志之恨亦以少慰天下士大夫之心英爽不亡歆此休顯蓋詞臣推廣高廟聖意及之後之子孫伏讀

褒訓銜戴

國恩欲報無路何但痛哭流涕而已因輒附諸
篇末

山谷先生年譜卷之三十

豫章先生傳

豫章先生諱庭堅字魯直姓黃氏其先婺之金華八六
世祖瞻以策干江南用爲著作佐郎知洪州分寧縣瞻
生玘玘生元吉元吉始卜築脩水上葬兩世於山中遂
占數焉元吉生中理贈光祿卿中理生湜贈朝散大夫
湜生庶嘗攝康州贈中大夫公之皇考也公幼警悟讀
書五行俱下數過輒憶康州奇之既孤從舅尚書李公
公擇學公擇嘗過家塾見其書帙紛錯因亂抽架上書
問之無不通大驚以爲一日千里也治平中兩首鄉薦
遂登四年第調汝州葉縣尉熙寧中詔舉四京學官有
司考其文章優等遂除大名府國子監教授留守大師
文公才之留再任用薦者改著作佐郎先是眉山蘇公

于瞻見公詩於孫公莘老家絕嘆以為世久無此作矣
因以詩往來會蘇公以詩抵罪公亦罰金直姜知吉州
太和縣改授宣德郎太和號難治公以平易近民亦
不忍欺會頒鹽策諸邑爭授多數獨公平平耳大吏不
悅而民安之到官年餘移監德州德平鎮公奉佛最謹
過泗州僧伽塔遂作發願文痛戒酒色與肉食但朝粥
午飯如浮法時元豐七年三月也序遷奉議郎

哲宗即位轉承議郎賜五品服乃以秘書省校書郎召
入館未幾除脩

神宗實錄院檢討官集賢校理逾年除秘書省著作佐
郎朝廷數議除美官為言事者所梗不果又遷朝奉郎
遇郊當任子舍其子而官其凡之子實錄書成當進一

官丐回授母夫人李朝廷從之遂君安康郡公事母孝
有曾閔之行安康臥疾彌年公晝夜視顏色手湯劑衣
不解帶時其疾痛痲痺而敬抑搔之至親滌廁踰浣中
裙云遭母喪哀毀過人得疾幾殆既還葬因廬墓側終
喪先是蘇公嘗薦公自代其略曰瑰璋之文妙絕當世
孝友之行追配古人世以為實錄云服除除秘書丞集
賢校理同修國史辭疾乞守太平除宣又改鄂未幾管
句亳州明道宮紹聖初議者言

神宗實錄多誣失實召至陳留問狀三問皆以實對責
授涪州別駕黔州安置命下左右或泣公色自若投床
大慙即日上道君子是以知公不以得喪休戚芥蒂其
中也至黔寫開元寺摩圍閣以登覽文墨自誤若無遷

謫意俄以外兄作本路常平官避嫌移戎州公一不以
介意與後生講學孜孜不怠兩川人士爭從之游經公
指授下筆皆有可觀今上登極復宣德郎監鄂州在城
鹽稅改奉議郎簽書寧國軍節度到宮政朝奉郎知舒
州文召以為吏部員外郎辭疾不拜上章乞郡得知太
平州到官九日而罷管句洪州玉隆觀寓居江夏公風
韻洒落宵中飯踈初無怨恩談笑諧謔或以忤物蓋嘗
忤趙丞相疋而公不屑也公往嘗作荊州承天院塔記
轉運判官陳舉承風旨採摘其間數語以為幸災謗國
遂除名編隸宜州雖被橫逆未嘗一語尤之浩然自得
也崇寧四年九月二十日卒于宜州寓居年六十有一
大觀三年十一月歸塋雙井祖塋之西先配孫氏華老

之女封蘭溪縣君後配謝氏師厚之女封介休縣君一
男曰相一文曰睦嫁將仕郎舒城李文伯公學問文章
天然成性落筆妙天下元祐中眉山蘇公號文章伯當
是時公與高郵秦少游宛丘張文潛濟源晁無咎皆游
其門以文相高號四學士一文一詩出人爭傳誦之紙
價為高而公之文尤絕出高妙追古冠金燭後輝前晚
節位益黜名益高世以配眉山蘇公謂之蘇黃公嘗游
鷺皖樂山谷寺石牛洞之林泉因自號山谷老人天下
皆稱曰山谷而不名字之以配東坡云公楷法妍媚自
城一家游荊州得名本蘭亭愛翫之不去手因悞古人
用筆意作小楷日進曰他日當有知我者草書尤奇偉
公歿後人爭購其字一紙千金云

史贊曰自李杜沒而詩律衰唐末以及五季雖有以比
與自名者然格下氣弱么麼醜醜無以議爲也宋興揚
文公始以文章蒞盟然至爲詩專以李義山爲宗以漁
獵掇拾爲博以儷花鬪果爲工號稱崑崙體然華靡
而氣骨不存嘉祐以來歐公稱太白爲絕唱王文公推
少陵爲高作而詩格大變高風之所扇作者間出班班
可述矣元祐間蘇黃並世以碩學宏鼓行士林引筆行
墨追古人而與之俱世謂李杜歌詩高妙而文章不稱
李翱皇甫湜古文典雅而詩獨不傳惟二公不然可謂
兼之矣然世之論文者必宗東坡言詩者必右山谷其
然豈其然乎山谷自黔州以後句法尤高筆勢放縱實
天下之奇作自宋興以來一人而已文獻通考

新增太常寺議謚

朝奉郎新除太常博士陳縉撰夫子曰有德者必有言
蓋言者文也德者實也德稱乎文則文之著乃實之形
也無其實而有其文抑末矣太玄法言子雲之文度越
諸子而卒無以蓋其美新之失河東之文雄深雅健而
比之匪人終身不悔又奚足道哉黃公以文名世人知
其磊磊軒天地者此也不知其真履實踐卓乎不可企
及非吾夫子所謂有德者必有言乎初蘇文忠公見公
詩於孫公覺座上後過李公常於濟南見公詩文以爲
超塵獨立萬物之表由是聲名大振世以蘇黃並稱然
公之學奚止於文哉紫陽朱夫子讀東都事畧惜其好
處不載具稱公爲孝友周文忠公記分寧祠非徒曰瓌

瑋之文妙絕當世而又曰孝友之行追配古人則公之平生凡性分所當盡者真無毫髮遺憾矣濂溪周夫子闡明道學上接孔孟不傳之秘世固鮮有知者雖以德獻趙公亦幾失之眉睫之間而潘公興嗣銘其墓又止以善談明理稱之惟公知其人品甚高光風霽月用一語獨能形容有道者氣象惟賢知賢則其為元祐史官也荆公勿令上知之語陸左丞隱而不書公爭辯甚苦辭氣壯厲至目為佞史紹聖間群小用事追仇元祐史官詔拘畿縣以報所問衆竦惕失據公隨問隨答弗惕弗隱而謫黔徙戎頓豁萬狀畧無幾微見顏面其為承天塔記也部使者阿順風旨萬千交扇遂有宜州之行人不堪其憂而公處之裕如也見者謂公無愧於東都黨錮諸賢願寫范孟博一傳公又默誦大書畫卷乃止則胸中浩然不衰者抑亦可想見矣公之所學如此守道守官如此公之處生死禍福如此信乎其為有德之士其可與操觚翰詠聲音警采色者例之乎雖自繼述之論起公在黨籍率為罪首然自紹興以來褒貶有詔一時之屈百世之伸也夫復何憾獨易名之典缺非所以表前哲而風來世謹按謚法曰道德博聞曰文能固所守曰節公之文名愈久愈著如皦日之行天終古不滅非道德博聞不及此公之氣節愈挫愈勁如精金之在冶百煉不磨非能固所守不及此請以文節謚公宜無歎

考功卽履議

奉議郎尚書考功郎兼崇政殿說書趙景偉謨山谷先生太史黃公名配蘇長公當與穹壤相弊既沒幾二百年節惠未立茲非聖世一闕典與屬有請于朝下太常議謚文節移考功履議議曰夫蕭條澹泊者性分之真而嗜慾深者天機必淺是道蓋出於山谷先生有得焉先生詞章入神出天巧妙無餘可以謂之文矣先生出處夷險一致至死無悔可以謂之節矣抑嘗邇先生心事而得其所以本然者爐香隱几萬慮煙消木落江澄本根獨在其遺物自得雖覆却萬方陳乎前不足入其室故翱翔殿館澹然江湖斥死窮山而頽然物化孝友之行瑰瑋之文非性天之發妙理之寄也所謂御風騎氣獨立萬物之表蘇長公之言於是乎信尋類取稱文

儼以節以易先生名太常之議是謹議

山谷祠記

前賢之表薄俗之敦也茲祠是已鼓舞幹旋之機微吾人孰與於斯獲而親之吝而嗇施寧之俗舊矣忠節凜凜仁義藹然寧前後又不僅山谷先生一人風雨晦冥鷄鳴喑喑吾民東昇之天奚俗之能泯患無揚飛雲之大風破頑陰之震霆爾按文節謚議先生文墨之環偉妙絕姑毋論已如蔽上護史之斥軒寢自若炎荒幸災之竄幾微不形夫何胸中浩然之不衰又如爐香隱几萬慮俱消木落江澄本根獨在又何頽然之不化於物茲其御風騎氣脫屣埃壒之表回視薄俗真猶鷗雅之嚇鷓鸞燕雀之笑鷓鴣也天下惟風以動之樹此風聲

民何迷之不感俗何澆之不淳茲祠鞠於寧置甫靖之時主之者

欽差巡撫都憲林公俊贊之者分守分巡王公綸王公純承之者郡守祝侯瀚二守江侯昌鄭推陳侯察而成之者州守葉君天爵也林公氣節雄天下二王公亦然祝江陳三侯洎葉君皆江右守佐志操之有稱者則茲祠之立率先生千古一類人物鼓舞幹旋大風震霆其關係豈小哉弘治癸亥六月始工是冬十二月訖工材撤諸淫祠出諸勸助有租入以求其繼有裔孫以守其祀州義士王庭惠陳潛查仲春實始終董其事云

弘治十八年乙丑秋九月中旬

賜進士出身嘉議大夫吏部左侍郎兼翰林院學士掌

詹事府知

制誥前

經筵日講官

會典副總裁後學南昌張元禎撰



山谷黃先生別傳

寧後學周季鳳著

山谷黃先生宋洪州分寧縣高城鄉雙井人也六世祖
瞻世家金華以策干江南李氏用為著作佐郎知分寧
縣念山川幽邃可以避世無如分寧遂家焉瞻生此
生元吉元吉生中理嘗築書館於櫻桃芝臺洞兩館近
學士常溢百人故黃氏諸子多以文學知名稱江南望
族中理生湜湜生庶並舉進士庶有詩名句律奇崛世
謂山魃水怪著薛荔之體嘗攝康州實生先生先生諱
庭堅字魯直幼穎悟過人讀書五行俱下數過輒成誦
康州奇之七歲能詩舅李公擇見其架上書紛亂抽取
試之無不通者驚曰一日千里治平三年鄉試出野無

遺賢題先生詩有渭水空藏月傳巖深鎖煙之句考官
李詢擊節稱賞知其當以詩名四海遂登四年進士主
簿餘干政暇講論禮樂賦詠詩歌民俗丕變調葉縣尉
作新寨詩半山老人稱爲清才非奔走俗吏熙寧初舉
四京學官第文優教授北京國子監留守文潞公才之
留再任東坡嘗見其詩文以爲超軼絕羣獨立萬物之
表與造化者遊名迹震知太和縣以平易爲治時課頌
藍焚諸縣爭占多數泰和獨否蒐徇匿賦詢求民瘼雖
山溪窮僻處縣令所未嘗至必身親之或達旦不寐邑
多強族不忍齊之以法民亦不忍欺雅喜山水之勝日
爲文字之樂移監德州德平鎮趙挺之倅德州挺之希
合提舉官意欲行市易法先生以鎮小民貧不堪誅求

若行市易必致星散遷奉議郎哲宗立召爲校書郎神
宗實錄檢討官禮部侍郎陸佃預修實錄先生欲書安
石勿令上知之帖佃力沮止之而以爲謗也先生爭辯
甚苦至曰審如公言得非佞史乎佃蓋安石門人且爲
官長以是竟不得書先生以此肇禍然賴其言事之本
末因以盡傳於世朱子以爲有天意者邪踰年遷著作
佐卽加集賢校理實錄成擢起居舍人丁母憂先生性
篤孝母病彌年晝夜視顏色衣不解帶及亡廬墓下哀
毀得疾幾殆服除爲秘書丞提點明道宮兼國史編修
官又與趙挺之有微隙銜之切骨紹聖初出知宣州改
鄂州章惇蔡卞與其黨論實錄多誣俾前史官分居畿
邑以待問摘千餘條示之謂爲無驗證既而院吏考閱

悉有據依所餘才三十二事先生書用鐵龍爪治河有
同見戲至是首問焉對曰庭堅時官北都嘗親見之真
見戲耳凡有問皆直辭以對聞者壯之知非儒生文士
而已也貶涪州別駕黔州安置命下左右或泣先生顏
色自若投床大斲即日上道至黔寓開元寺摩尼閣以
登覽文墨自娛言者猶以處善地爲翫法以外親張向
撫遂移戎州泊然不以遷謫介意蜀士慕從之游講學
不倦凡經指授下筆皆可觀徽宗即位起監鄂州稅簽
書寧國軍判官知舒州以吏部員外郎召皆辭不行丐
郡得知泰平州至之九日罷主管玉龍觀自涪歸道出
江陵作承天院塔記其畧云儒者嘗論一佛寺之費蓋
中民萬家之產實生民穀帛之蠹雖余亦謂之然然自

省事以來觀天下財力屈竭之端國家無大軍旅勤民
丁賦之政則蝗旱水溢或疾疫連數十州此蓋生人之
共業盈虛有數非人力所能勝者文成府帥馬城飯諸
部使者於塔下環觀先生書碑尾但書作記者黃某立
石者馬某而已時閩人陳舉自臺出漕先生未嘗與交
也舉與李植林虞相顧前請曰某等願托名不朽先生
不荅舉由此憾之知先生與挺之有怨挺之執政遂以
墨本上之誣以幸災謗國其文初無幸謗之意遂除名
羈管宜州携家南貶泊于零陵獨赴貶所有昨某氏館
之太守望執政風抵之罪有浮屠某氏館之又抵之罪
有逆旅某氏館之又抵之罪遂館于戍樓曰小南門者
蓋固而欲饑寒之也居三年上雨旁風人不堪其憂先

生終日讀書賦詩舉酒浩歌自言家本農桑使不從進士則田中廬舍如是又不可不堪其憂者乎聞者敬嘆崇寧四年九月三十日忽以疾不起子弟無一人在側先是徙永州未聞命而卒初謫宜州與零陵蔣滂相友善士大夫畏禍不敢往還獨滂日陪杖履疾革滂往見之大喜握手曰身後事委君矣及卒滂爲棺送歸塋雙井祖塋之西紹興間贈龍圖閣學士加太師謚曰文節先生蚤歲受知東坡與張耒晁補之秦觀並游其門天下稱蘇門四學士而先生詩文尤俊偉邈然有二漢之風非三子者比世以配蘇故稱蘇黃嘗愛瀟皖山谷寺林泉之勝因自號山谷道人居涪號涪翁在宜號八桂老人然世止稱山谷又以配東坡二公碩學雄才鼓行士

林世謂李杜詩歌高妙而文章不稱李翱皇甫湜古文典雅而詩獨不傳二公可謂兼之然先生自黔以後句法尤高筆勢放縱實天下之奇作史稱宋興以來一人而已陳師道謂其詩得法杜甫學甫而不爲者洪炎亦序其詩發源以治心脩性爲宗本放而至於遠聲色薄軒冕極其致憂國愛民忠義之氣藹然見於筆墨之外凡句法置字律令新新不窮愈出愈奇所謂包曹劉之波瀾兼陶謝之字量可使子美分座太白却行非若察察然如新安石壕潼關花門秦中吟樂遊園紫關材之什幾於罵者可比其著述雖先莊子而後語孟晚年則以合於周孔者爲內集不合周孔者爲外集說經雖尊荆公而遺程子至論人物則謂周茂叔人品最高程伯

淳平生所欣慕爐香隱几萬慮俱銷有孟氏養心之學
木落江澄本根獨在有顏子克復之功其造詣精深有
如此者坡爲侍從舉以自代不徒曰瑰瑋之文妙絕當
世而又曰孝友之行追配古人朱子讀東都事畧亦稱
黃公好處不盡載而惜史氏之闕畧其性分所當盡而
無毫髮遺憾者如此蘇程學術不同其徒互相攻詆先
生獨超然其間無一語黨同荆公欲挽俞清老削髮半
山先生亦屢諫不容且識列子爲有禪語而謂普通中
事本不從葱嶺來其天資高明不緇不磷者如此史禍
之作衆例竦惕先生隨問隨答弗惕弗隱而謫黔徙戎
頓豁萬狀畧無幾微見顏面宜州之行入不堪其憂而
公處之裕如見者謂無愧於東都黨錮諸賢願寫范孟

一傳先生又默誦大書盡卷乃止其胸中浩然不衰者
如此視韓愈柳宗元有間焉謚曰文節誰不其然或者
以好交僧人豈知其流落無聊消遣世慮之爲哉及稱
翰墨盛美一紙千金者亦末矣

贊曰慥慥黃公古之君子德行純全匪由襲取文軌
秦漢詩兼杜李汪洋澄深直闖闕里爐香隱几靈臺
空明養心之學軻也弟兄澄江落木以天勝人克復
之效庶乎歸仁程洛蘇蜀黨分互攻超然物表不爲
雷同春陵大儒潘趙猶情光風霽月一語形容清老
之規訐訐侃侃半山執迷流而不返神宗實錄詞嚴
義正晉之董狐唐之吳兢勿令上知欺君曰荆耻爲
佞史叱彼門生爰及紹聖國是不恤禍構群小顧謂

不實坳甸根理衆竦失據隨問隨答從容與語龍爪
治河兒戲匪聞直詞正氣勇奪三軍文致其罪以成
因諸三徙窮荒處之裕如御風騎氣浩然不死堂堂
大節凜凜千古

重刊涪翁文集跋

事有曠百世而相感者今古皆然涪翁文集世不多傳
予嘗并其年譜及其父伐檀集因亡友潘南屏時用抄之
內閣以付前守葉君天爵梓行間以憂去板本皆散逸
可恨也復抄之挾以遊四方者垂二十年非其人未輕
授今

廵按江西秀史西蜀徐公行吾守喬君補之因授焉又
嘗考涪翁號山谷世以配東坡徐公文移不曰山谷而
曰涪翁者山谷唐世蠻獠黃氏洞名翁黃姓也不宜襲
用稱涪翁亦足以配東坡此宋儒黃慈谿之言徐公精
考而發之有自哉况公風節震一時實與涪翁千載一
類人物喬君新政卓卓於此奉行尤謹誰謂曠百世而
相感者不其然邪寧川病叟周季鳳跋

書山谷黃先生全集後

先生爲吾分靈先哲爲宋室奇才爲
西以詩祖其孝友殊爲其氣節特異
其造詣精深其文章瑰玮其在當時也
雖片紙隻字之出人奇傳誦惜乎由宋逮

今世既遠其詩文集刻之流布于海
內者零落散逸漫及見已近雖有絕
間者刊刻者祇初翰之餘先生遺文
雖盛邦傳故人徒以不及見全書為恨是
誦之全乃其姻亞邠東軒周公與其伯兄都

憲南山公世宦宦游于朝于浙于蜀博求
諸儒紳士之家傳寫之群書故讀
中章積以布累歷十數載僅全此書珍
歲以歸謀利請前守婺源葉君天爵
垂成適乙丑葉君真安去中更數守屬

時多事向來訖工自己且至今在苒世餘載
而版之臺此能將半歲為朽木矣惟時大
巡西蜀徐公按吾江右雅重名教荐檄
州郡舉於先哲之文獻是徵而吾守湖南
天為君遷適至欣然沒事采心規畫遂
命庠士王朝宗查應元輩渡水泮本
重加校刻越數月始克告成向人之喜獲
親全書完年道生也晚為先生鄉
人平生嚮慕惟先生之中忠即孝義
顧學之未能向指以後道有泰於前

修是懼至於先生詩文徒能誦讀之而已未暇蒐輯通者書成私竊慶幸乃以奉君之命敬識如語于後以記歲月臣見是書求之核之刻之自皆諸公力也實有不吝浪者先生詩文昔人

評之者多矣而臣所謂全書者大也徐公述之老詳無容論已獨念先生風節行誼經車轉一付炳耀千古觀其炎荒之窟躬寢自若幾微不形僞史之升言論侃如爭辨無已雖顛頓萬

狀畧不以休戚得喪芥蒂于懷其
胸中浩然之氣至死不衰晚節位之
點名益高故吾晦庵子朱子稱其不
以夷險貳其節操謂先生之向上在此
此尤吾後人即當景仰師法之者後詩

與文馬已哉吾固重表之以自勗而更
以日勗吾鄉之晚生後出者時

嘉靖丁亥仲春望後

分寧後與子查仲道拜書

魚雅堂藏書



國家圖書館, NATIONAL CENTRAL LIBRARY, TAIWAN, R.O.C.

<p>100.000.000</p>	<p>100.000.000</p>
<p>100.000.000</p>	<p>100.000.000</p>

戊檀集序

江夏黃庶字亞夫其少而學也觀詩書以來至
於忠臣義士奇功大節常恨身不出於其時不
得與古人上下其事每輒自奮以為苟朝得位
夕必行之當使後之人望乎已君今之慕乎古
也既年二十五以詩賦得一第歷佐一府三州
皆為從事踰十年郡之政巨細無不與大抵止
於簿書獄訟而已其心之所存可以效於君可
以補於國可以資於民者曾未有一事可以自



見然而月廩於官粟麥常兩斛而錢常七千問
其所為乃一常人皆可不勉而能茲素餐昭昭
矣暇日發常所作藁草得數百篇覽初省末散
亡居多其存者或失首與尾或竄乙斷裂不可
讀因取其完者以類相從而編焉題之曰伐檀
集且識其愧然其性嗜文字若有病癖未能無
妄作後來者皆附於篇之末云時
皇祐五年十二月青社自序

青社黃先生伐檀集上

前寧州知州婺源葉天爵 刊行

知州九谿喬 遷 訂補

詩

偶書

此心爲地把書耕若問生涯指六經欲語世人真富貴
胸中珠玉又無形

讀赦書

詔書一尺洗寰瀛舒卷雷霆萬物驚天祇無私均雨露
地緣強半是榛荆人間疾苦言堪療塞外豺狼腹未盈

不是朝廷用桑孔丁寧渾只念蒼生

遣懷

六載紅蓮客差池又一年無人和白雪有意補青天肝
膽論興廢詩書謁聖賢尊中古日月窮達付陶甄

山居獨酌

山寒未放春消息獨把單醪慰寂寥書對聖賢為客主
竹兼風雨似咸韶醉鄉城郭燈前到愁賊戈矛盞底銷
野菜溪魚隨分有不堪回首叫箆瓢

春日閒居

韁鎖身閑似未名方愚情性被春輕酒教筆硯因花廢
路為亭臺與草爭野客筍邀煨短莖隣僧茶約煮新萌
無時杖履穿林去真是尋芳戶一丁

贈山寺僧

慵飽浮園世共憎蓬蒿師獨養牛耕田驅白石年常過
林印青新歲旋生竹似子孫憐笋茁樹添松柏補風聲
眉頭恠得春來喜雨起蔬茁粒粒成

寄子蒙授常寧令

疎率君堪愛無心官又高身思眠白屋人勉著青袍去
致官京師於給 了不得意 號隱疑名福前為寧鄉尉貪
歸似姓陶常寧已雖小應合得牛刀

靈竹俗傳孟宗泣班

綠陰清韻竹蕭然歷歷當年泣淚痕千古舜妃湘水底
必應憔悴有慙魂

山水臥屏

林泉生長厭應難更寫方屏幾曲間仕宦東西苦無定
此心長似宿家山

和劉卿材十詠

耕者

四海兵今息耕夫未得知黃梁不敢喫益尚半蒿藜

牧豎

逐處隨青草生來不識愁旱田乾欲死拍手也須謳

紅樹

幾樹濃於茜斜陽景最幽忽因風雨盡全減十分秋

野廟

中國浮圖盛祈禳漸不過吾民非獨困山鬼恨尤多

堠子

一堠居市廛百堠居林莽土木若有情山中亦惆悵

水鴨

憶在山中日溪邊把釣釣相逢恐驚起招手却回舟

溪聲

至音不可收今人滯形器欲知古樂心山中此聲是

草市

衝市柴魚集應山鷄犬號問知人苦樂米價不多高

龍潭

寂寞真龍去雲壇血不乾世情多冷煖對此鼻辛酸

溪橋

憶得別離日鄉橋柳脚斜讀君詩一轉全似到吾家

觀雪

疑是天公戲都傾海作鹽松筠知不變丘壑見無厭清
為詩家極寒因酒戶添冬溫成俗疫得此勝針砭

酒

千載醇醲意長隨麴蘖新鮮將今日月轉入古乾坤韻協
悶至勝良藥愁來敵故人幾盃聊酩酊五斗趣還均

登鄭氏閣

林泉無價自由身韉鎖登臨趣未真望處好山俱得力
夜應明月不孤人任從心外煩於蟻長對樽中別有春
當日若知風物勝定移鷄犬過江濱前山皆秀可愛予家亭閣不能見故云

立春

此日春方到春心亞舜堯勾芒如稷契大族似咸韶衡
柄三陽把陶鎔萬物翹家家助和氣剪綵作花飄

題人移牡丹

林上春來恰恰忙安排顏色與春裝栽培欲報應先發
根祇雖移不改芳紅藥便隨心減價黃蜂偷喜蜜添香
憑君剝釀看花酒待插花枝滿首嘗

探春

雪裏猶能醉落梅好營杯具侍春來東風便試新刀尺
萬葉千花一手裁

筇竹杖

琴鶴為友朋出入常拂拭生來節便高故有扶危力

題東寺柱

竹風松月牢於鎖閑閉人心物外情燕雀聞經俱已慣
歸來不怕讀書聲

教繩權學書偶成

文字有緣曾弄墨楚俗子生周一年其日陳食飲硯墨金帛之具從兒戲并聚家人觀以爲樂繩時先弄墨見來官小免咨嗟喜將筆硯傳生計不失詩書作世家字識姓名能指點寫因梨棗不傾斜着鞭莫落時人後三十塵埃監汝爺

次韻荅王甫判官已後長安

塵埃蹭蹬落麤官賴有詩書可自安人到聖賢由感激國施鍾鼎爲艱難須期燕骨千金價莫動黃陂萬頃瀾窮達功名無早晚好山宜且醉吟看

致政吳侍郎晚歌詞

千里資井旨今資政守京兆淒涼一日遺爲臣如廣受生子似皐夔筆硯諸孫哭謳歌幾郡思公晏爲二千石秦人失太守翻

有怨夫辭

荆棘三疎路幾人同撒衣仁塗師白髮國老欲形帟遺

詩書滿行旌雨雪飛陝民應淚落不見板輿歸

署中栽竹

移作亭園主栽培霜雪姿不辭桃李笑只待鳳凰知少已留風住疎宜待月篩相看時一醉誰道小官卑

和題雲臺觀用韻

太華疑挨畢昴回欲觀形勝上雲臺雪中地把銀屏立雨後天將畫軸開景好更宜和月看客忙常是愛山來我知遊者登臨意常恨西軒落日催

都廳誦書偶成

主人調鼎手千里刃迎虛暗使民如堵能容吏似樗
荅眠杻械燕雀聽詩書刀筆慙無補身為白蠹魚

題公美庭前蘆

長安只說誰花好君把青蘆砌下栽鳴鴈也知人好事
幾時啣得入闌來

和公美李燕書事

知君行縣樂經見飽朝昏未忝富年戶牛羊落日村
雲者華沒衝雨渡涇渾頗得詩家助聊應慰旅魂

送石都官赴闕

為郎四十者堂有二親稀止仰官為養行應淚在衣
白雲偏佇立黃犬好頻歸去有山公啓天心正似飢

長安賀晏相公生辰

衙鼓簪紳動靈椿為壽醪吾君合堯舜此日降伊臯
盤詰文章老丹青事業宰乃朝尊柱石千里輟鈞陶
民即謳歌借霖應夢寐勞秦人下車樂遠述賦崧高

次韻和言懷

五常為種耕情性天意寧分有與無史解戮人惟戮
古地能埋死只埋愚青雲易把詩書買白髮難停日
月驅顧我無才背時俗浮名早晚見歸途

和子玉病起遊書齋

蕭齋久不往筋力試筇初窻戶端凝鎖塵埃鼠跡書
病魔雖已去詩癖竟難除苔地欣重掃徘徊意有餘

依韻和舞陽楊令九日羊川鄉同小飲之作

青帘白屋得新醅坐待村童買果迴旋撚野花為泛菊

更尋山路作登臺世途已把灰心死罇酒聊同笑口開
多謝晚禽知客意歌吟來往勸餘盃

謝趙太傅遺聚米圖經

圖經其子宣事舍人珣所作

文武生賢子羌圖帝所多始欣知馬援終嘆失廉頗
宣事死之蒼鼠巢遺藁黃埃鎖舊戈遠人猶偃蹇掩帙淚

滂沱

哭水丘隨州 無逸

臥理隋民欲問安訃郵俄至發朝餐秦川舊會歡如在
漢水新書墨朱乾舟旆已歸人窅冥索車徒有淚沈瀾
時情冷暖尤無味一臂相知在肺肝

席上送韋中舍歸襄陽

如君七十少梨栗有堅牙琴杖新行李雲泉舊世家

求栽樹法拂拭釣魚車獨羨今歸去青衫脫有涯

次韻和真長新春偶書

東風寂寞掩柴關時苦刪文筆凍乾只把詩情磨世態
更憑酒力禦春寒塵埃不必頻彈缺巖石終期共掛冠
歎息焚和名利者乾坤未似斗筭寬

伊川喜雨

時丞相文公省墳伊閭

尺雨乘春慰望深家家倉廩一年心伊川父老還知否
此是隨車傳說霖

送真長書記知舞陽

塵土淹沉客詩書夢寐身又辭千里幕去布一同春路
想多歸戶 舞陽地薄民多逃庭應絕滂民 舞陽地薄民多逃大青衫
莫嗟漢知已在陶鈞

飲張承制園亭

百年生計一張琴，散軫枯絃抵萬金。世上幾人曾入耳，
樽前此日是知音。清風明月虛無境，白雪陽春寂寞心。
莫訝南薰沉聽久，致君基業用功深。

和陪丞相聽蜀僧琴

小園豈是春來晚，四月花飛入酒盃。都為主人尤好事，
風光留住不教回。

八日探菊

行遶牆邊菊，躊躇賞物心。秋風應有意，明日是知音。酒
惜浮花醉，詩留把葉吟。兒童欣佳節，撚藥試黃金。

市得笛竹篔因成詩

八尺枯冰篔一筒，小軒拂拭趣誰同。樽前聲負千盃月，

窻下光羸一枕風。易向曲肱增舊意，詩因仰看有新功。

蠹書圍遶高眠處，夢與塵埃路不通。

廬山道中遇黃介夫因寄四十字

冷日蒼山下，相逢笑又顰。文章已膾炙，名位尚埃塵。昔
見纓嘗請，今言雉欲馴。介夫新授安邑令腥膻滿南郡，忍醉解

池春。

次韻和雪霽遊西湖

雪會遊人意，元朝變物華。醉鄉銀作界，詩客玉為家。魚
影紋冰殺，禽蹤篆霧霏。沙餘英恐銷，盡目斷夕陽霞。

次韻向元伯春晚有作

好花未得千場醉，風雨飄零又一春。自是勞生無暇日，
芳菲何處解孤人。

次韻居正暮春感事

物報春光去已深，殘紅滿地綠成陰。
晚花便好吟詩惜，餘景應須載酒尋。
歡意莫教時節挫，窮愁自倚歲寒禁。
亭園況是登臨勝，何必流年動素心。

次韻元伯西軒桃李

李白桃紅氣味奢，早須分付醉吟家。
春風春雨難期信，便是無言做落花。

望春偶書

信馬尋春上古原，天工一幅繡平川。
花開我將詩句便，當遊人費萬錢。

次韻居正四月牡丹

時飲過客於丞相後園

四月殘紅日日稀，平陽園檻正芳菲。
春知東館酣賓客

應是陽和未放歸

和元伯走馬看牡丹

城中走馬趁殘春，詩別餘花句句新。
何似園家不吟醉，姚黃魏紫屬遊人。

次韻元伯初夏南洋河即事

芳菲已去絕音塵，臨水踟躕景又新。
應是溪源來最遠，落花流水洞中春。

次韻子儀初夏偶作

醉紅方寐冥吟綠，又裝成急雨荷宜聽。
清風箏可迎燕忙，諳物態花盡見時情。
獨有無言意不知，枯与榮。

看春勝偶成

每看春勝獨嗟咨，踏踏塵埃已十碁。
韓老有知應笑我

歸時無計只癡兒

陪丞相遊石子澗

賓吏親携澗底行，潺湲風迤似相迎。只應山鬼知公意，

乞雨新添瀑布聲。

時久晴
漸得雨

澗下禽魚識上台，聽泉履跡遍蒼苔。巖邊不欲踟躕久，
只恐商王夢遠來。

次韻和真長四季牧童

許昌

怯雨宜晴不識愁，去隨青草牧春牛。無人古路歌兼笑，
歸去山花插滿頭。

曉牧侵星大暑天，晝尋芳樹綠陰眠。惜牛不使衝殘日，

歸帶黃昏飲小川。

角穿黃穗手橫箠，不省人間有鬢華。落日西風歸去路，

枯桑黃葉兩三家。

枯笛手持無律呂，清風曲調逐時新。數竿冬日渾無價，
暖靠牛眠不教人。

次韻元伯曉出白門

山形雲染葦屏曲，溪色練鋪銀漢東。樓臺一軸古今本，
行者往來圖畫中。

栽竹

小檻栽培得此君，綠陰踈韻似相親。從來風月為三友，
吟社新添客一人。

嵩山

許昌

峩峩鎮中夏，峻極萬尋躋。突兀磨天頂，窈窕入地臍。中
林興夏電，半壑臥秋霓。泉恐連清漢，峯疑擁碧圭。雲高

四夷見雨到八方齊渤澥看如帶青冥上是梯醉堪捫
日月吟可摘婁奎翠蓋何時動金為玉檢泥

隱真齋庭多恠石小詩求救株

曾經禹貢清泉骨禹貢青州代今是莓苔幾世孫知君

突兀滿庭下乞我雨中雲救振

和元伯中伏夜雨南洋河水泛

雨洗三齊中伏月車龍連夜起雲門青之南山有穴溪

聲斗似銀河落驚斷詩書一夢魂

登鄆州古鄆州有谿堂與州偕廢其名夫

之韓公詩石存焉

仁智摸來物狀親登臨宜入古圖身慣看韓老詩中景
樹色泉聲似故人

中秋夜月

人間共賞中秋月酒社詩家意味長天上必應霜露早
桂叢凋盡飽青光

古詩上

輦下會里人子象飲

秋風吹客衣歸思入夢寐相逢在千里一飲勝百醉
脯隨分列不減到家味平生金石心顛倒獨莫弃何時
不搔首共話醫國計恨未得把梓欲把斤斧試塵埃鞋
履穿各走車馬地唯茲杻桷懷酒椀可以慰

探春

春色若有價黃金量山丘幾擬把酒吟浪欲開口酬今
朝庭柳枝拗折絲已柔東風弄五色漸落草木稠我營

賞春資甕盎蟻已浮山川天開畫祇擬酪酊遊

對花

詩昔甫白在造化困刀尺我生幾年後浪自鑄頑石對
花難把筆好句恨莫得耒陽與采石孤墳沒荆棘幾欲
肉白骨再挿風雅翼海為一杯酒地為一領席醉坐吟
萬物語出埋霹靂乾坤髓可搯鬼神淚可滴人生貴適
意身是天地客糟牀不可乾吟紙須強擘花落若解醫
有金費千鎰

和白雲菴七首

白雲菴

白雲無種滿地生有時出山為雨露老僧惆悵望雲歸
盡日庵前自來去

清風軒

老僧拂榻人不知獨與清風事來去朝昏宴坐向軒中
此身便是清風主

宴坐臺

老僧坐見萬物空往往終日居此臺破衣兀坐若枯木
山鳥不怕行莓苔

醒石

老僧拂拭待遊者雲骨一片莓苔青塵埃萬事心若醉
到此不覺令人醒

磬石

古樂破散鄭衛起走入萬物不可名山中惆悵莫能到
疑是舜時韶一聲

明月臺

老僧山中嫌月窄
夜夜獨上高高臺
四邊不肯着閑樹
故要滿坐清光來

白石澗

林間旋疊石為路
日日自汲澗底泉
老僧意趣似童子
洗手濯足聽潺湲

登扶風王宗元山亭

雲收南山頭太白青
崔嵬我有泉石夢
坐對懷抱開小池
數斛水涉鳥來毳
毳遺翎與行跡
縱橫在蒼苔
憶得釣磯上到家
如一迴
荒畦參差綠
採掇助酒盃
痛飲不能去
遠竹猶徘徊
主人林巖癖
笑傲蒼烟堆
心憂百里病
良田正黃埃
欲知主人喜
雨抱山脚來

知事布則雨常以為誤故知南山瀑
布非朝雨暮時久旱始得雨以為言故云

賦得退之畫象

功名已寫後世耳
身入人間圖畫看
歎息浮圖滿天下
猶疑怒髮尚衝冠

遊石甕寺

飛泉自有迎客意
聲到山前入人耳
泉聲引行不知疲
石路磽确折屐齒
長安曉滿車馬塵
林岫夜夜來夢寐
雲烟郊原鋪古圖
心眼開快明如洗
渭流屈曲成大篆
書破野色為綠紙
丘墟沉吟古興廢
秋風正入紅樹起
折碑斷垣臥荆棘
意思紛亂不可理
窮幽更下蒼崖根
把酒坐聽潺湲
醉山花似欲勸
苦飲時散清香入人鼻
奔走恨不身長遊
喜寫姓名藏薜荔

喜雪

長安雪一尺朝非失南山坐喜疾疫消敢避衣褐單
閑中西征後所向饘粥慳去年新錢敝千里成彫殘
漫漫豐穰候風俗開客顏秦人飽稼穡共望倉廩寬
莫府俸薄少藜藿日滿盤明年麥定好慰喜聊加餐

次韻和松逕

行人旱亢日共蔭蒼煙姿豈識雪霜心但輕螻蟻皮中
為棟梁用莫歎斧斤遲樗柳盡犧象後凋終不衰

登大雲頂

區區霸迹欲知小試絕大雲孤頂看老僧指我日上處
鏡面瀉出黃金盤青州去海尚踰二百里寺僧云山頂日出時往往見海

古詩下

送黃景微西遊

先生古肝脾又恨不得識唯聞公鄉家要作門下客千
載卞和淚爭磨薦書墨姓名落四海履雜車馬跡塵埃
十年衣幾度改顏色紛紛九衢中拭眼見珪璧敝褐埋
衆人胸肺無丈尺從來飢渴心既見轉不釋斗酒聽語
論今古吐白黑秋入汴柳枝買馬欲西適虜方豺狼驕
似漢子弟國子知弱諸侯必得主父策

謝劉簿李尉見訪

詩書臥蓬葦柴門晝方開邑官劉與李馬蹄破蒼苔林
居厭畫毘喜振敝席埃見此六翮姿茅荆共併徇我欲
駐車轍蔬果傾舊醅山花恨未饒無以助酒盃今古飽
夜話痛飲勝百迴春風旌旆滿匏瓜去難陪

送郭評節判磨勘已後長安

塵埃衣襟改顏色獨洗青衫三十年足跡不入奔走途
來往銓戶鞋履穿一時同上青雲人往往禪補造化權
朝梳滿手見白髮歎息不置齒牙間只言歸田有幾畝
種林欲釀山中泉腰邊即見佩銅墨我喜百里瘡痍痊

登見山樓

太守終南為客主出入厭倦馬與車與山朝夕欲還往
作樓近在室一隅主人去久山寂寞正值青帶催焦枯
我拘簿書甚杻械擺脫步上提酒壺郊原猶來見春色
似據水墨長安圖也知好景天更惜高峰常是雲模糊
安得風伯持大筆掃洒百里如屏鋪顯昧萬狀古詩國
次拾可禿千毫書我來願作風雅戶醉倒坐待明月扶

去家若有巖下夢免復夜夜尋歸途

和題竹軒

小軒移得清風枝知君公退來忘機山禽自識主人慣
客到有時驚不飛

下碁

古人欲寫得喪形萬事盡在方罫內黑白勝負無已時
目送孤鴻出雲外

暑軒夜坐

夜氣入庭樹小軒坐前簷清風動巨筵浮雲捲重簾月
遲待交舊蚊噪憎諛讒輕涼若可買金願量谷巖

聞蛙

佞舌兒女柔異教蜩蟬喧豈能聽蛙黽靜枕詩書眠

如作

憶竹亭

蓬萊楚山底聲去傍舍竹四圍狂鞭入門戶亂笋爭墻籬
 與竹事還往相對一束書壯長走世路駑駘強鞭笞塵
 埃客灑漉遠夢夜夜歸小亭久不理漏棟生白芝偶放
 簿書筆校屨改舊詩呼童誅蒿萊掃洒莓苔基誰庭無
 花卉憎有兒女姿獨移蒼烟本慰我千里思坐生山林
 趣亭園有光輝免使清風來留在桃李枝月明透竹步
 撫挽頤頤鬢相向若知己動搖影參差人間欠藥石稚
 乳驕羌夷青衫汙汙垢寸尺莫可裨忍作倉廩盜寧老
 詩書飢養筍為釣竿早晚耕蒿藜

和石塔寺四首

四開亭

亭前流水醒客耳亭上白雲開客顏老僧有意厚來往
 四面更令看好山

聽泉

近詔天一
收古樂

五音入耳大聲散情性破碎不可完而今虞舜欲儀鳳
 願獻泉譜為詔源

芳亭

峩峩佛屋瘦四海志士歎息傷容顏高僧浮拙有深意
 獨自結茅山水間

水閣

山僧聽泉心不足鑿池汲引為蟾泓自言猶欲洗俗耳
 夜靜為聞畫電聲

和暑雨偶書

暑如煎烹欲狂走猛雨似洗沉痾寧知詩書一枕夢
便作桃李三春遊蛙蚓叫噪若交舊蚊蠅癡鈍如仇讎
今君病起正高臥莊蝶處處宜相求

漁家 長安前詩

挿屋數竿網穿籬幾尺船水鄉菱芡足不著免租錢 時江

南許

宿趙屯

蘆花一股水弭輝日已暮山間聞鷄犬無人見煙樹行
逐羊豕跡始識入市路菱芡與魚蟹居人足來去漁家
無鄉縣滿船載稚乳鞭笞公私急醉眠聽秋雨 天詩也

一片山谷嘗手書刻石于南康星子灣有跋見別集

宿采石 李謫仙舊墓

秋風宿蒹葭花落若霜雪江山古興廢荆棘壘出沒水
收鳧雁聲夜靜寒籟發漁舟自來去笑語載明月詩形
動筆墨恨乏風雅骨謫仙為黃土冢平名突兀句編天
下口千載字不滅人間比興復泉底魂魄悅坐誦姑孰
語酌酒當棗栗醉夢若可見好句當湏乞 謫仙有姑

擬歐舍人古篆

隸書滿紙籀文廢字法破碎失本根中間陽冰入篆室
下筆日與丞相親點畫各得萬物體科蚪筋骨千載新
泉銘學語童子知大曆幾字名忽振足知古人自負恃
碑峴巨石垂千春篆字堆積天下字晚得紙本如希珍
鋪舒墻壁動人眼直木曲鐵者可捫人為黃土久寂寞

七

略不訛缺纔鱗皴我疑山鬼恐漫滅往往鐫鑿施斧斤
公來醉吟江山國得之愛歎何慙慙刻詞猶恨紀不足
句句與古風雅隣一旦紙貴文字市粥詩賈篆聲云云
蘇梅寫鳳相上下鄙語燕雀何能群蘇子美梅聖俞有此詩

大孤山

彭蠡百里南國襟萬頃蒼烟挿孤岑不知天星何時落
春秋不書不可尋石崖木老鬼所附茲乃與水司滂沉
鳴鶴大藤樹下廟祭血不乾年世深軸轡千里不敢越
割牲醴酒來獻斟我行不忍隨人後許國肝膽神所歆
落帆夜宿白鳥岸睥睨百遶寒藤陰銀山大浪獨夫險
比干一片崖鬼心宦遊遠去父母國心病若有山水淫
江南画工今誰在拂拭東絹傾千金右與宿趙屯同載五刻

汴河

汴都戕我在平地宋恃其德為金湯先帝始初有深意
不使子孫生怠荒萬艘北來食京師汴水遂作東南吭
甲兵百萬以為命千里天下之腑腸人心愛惜此流水
不啻布帛與稻粱漢唐關中數百年木牛可以腐太倉
舟楫利今百於古柰何益見府庫倉天心正欲醫造化
人間豈無針石良窟穴但去錢穀蠹此水何必求桑羊

樊侯廟

陰森樊侯廟古木澧水傍茲民畏如生奔走豕與羊家
家奉侯諱若在父母堂舞陽老幼以洪名為諱我來憇行役再拜
奠公觴紉思英豪姿名與此水長風偃衆樹枝擬若怒
鬣張陰官有兵師想在賁育行今茲戎虜驕內為府庫

瘡安得七尺軀長戟再激昂橫行匈奴中庶以康肺腸

遊石池潭

吾家溪潭動百尺坐見遊魚可倒拖月明無風水不動
鈎絲鑑中出朱鯉乘閑具酒席草岸呼網一舉常百尾
繪霜炙玉眠鴟夷樹掛落日醉不起幾年手板負青山
趁魚舷聲不入耳涼秋九月役吏事瘦馬奔走黃葉裏
有酒不得好景飲訪古或問芻牧子指我石池十里近
蒼苔畏崖碧無底禁王北遊歎寂寞創奇造幽有遺址
舞陽民傳是襄王游此臨河以石爲也我來徘徊知是否廢興盡可付流
水髮鬢故溪在吾目濯手漱齒有餘思開鑄喜與風景
遇蘆花入盃勸人醉漁翁有意助酒色青竹盡日垂空
餌我疑溪靈新異景不遣紅鱗滿人意人生天地未歸

客計較貴賤羞犬彘當須醉倒載月歸不信鄉夢留不
止

食鱸

秋風萼魚肥兔置曉涎落溪友入晝夢但苦青衫縛落
日渡河水食指相悟覺宿夕治鱸具共作泛舟約網罟
遮青峇老鱒薦絲臛玉軟飽下筋坐視肴果惡酒薄如
疲兵對此得御霍迴首食五鼎適意均一樂人間軍須
後甌金有藜藿甘鮮豈敢事聊此慰寂寞

家僮來持雙井芽數數飲之輒成詩以示同舍
我疑醇釀千古味寂寞散在山茶枝雙井名入天下耳
建溪春色無光輝吾鄉茶友若敵國糞土尺璧珍刀圭
嗟予奔走車馬跡塵埃荆棘生喉頤衰雲爲腹不可見

青泉綠樹應相嗤長鬚前日千里至百茅包裹林巖姿
開緘春風若滿手喜氣收拾人恐知江南陽和夜欲試
小齋獨與清風期石鼎泉甘火齊得混沌不死元氣肥
詩書坐對為客主一啜已見沆瀣醅通宵安穩睡物外
家夢欲遣不肯歸不信試來與君飲洗出正性還肝脾

靈井

何年清泉眼幾斛涵蒼苔甕盎日夜至長滿莫可涯天
旱不漱衆流起黃埃淘縷乾未定能使沴氣開大旱淘
水必得雨廟祠失根柢故老奠酒盃井傍有時祠或蠶
必為常民呪棗栗千斤意徘徊臘月民持蠶紙浴井中必投棗
斤兒童慣冷暖預知春秋來臨之鑿鬚眉方鑑無煤爇
窟穴若喉吭我疑吐雲雷何當鞭虻螭與國驅旱灾

過建成侯廟陽翟

鳴鶴古木末飢鳥啄腐柯下有黃侯宮清風在藤蘿公
昔為刺史俗若闔門和德銘頽人心千載不可磨至今
奉如生慢侮莫敢過破祠望道路丹簷獨我我春秋賽
脉有里巫日婆娑牛童不知此來往夕陽歌

過許由冢在箕山上
下頰水

稷契寧渴死不飲箕穎泉先生獨洗耳不聽天子言清
風飽進退千載何悠然孤墳沒荆棘高名爭青山嗟我
延遭身一命行十年味薄無辛鹹璞頑廢雕鏤朝行箕
山麓莫挹穎水源竹帛何處所搔首熊魚間白雲要問
友尚苦兒女牽丈夫合勇決顧計羞面顏

洛陽道中

秋風滿巾衣洛水行飲馬山川氣象老身若在古画嵩
雲知客心峯色如掃洒荒草徧丘墟沉吟動舒馮

過少姨廟少室山下

陰森老栢少姨廟爐烟蓬敷疑行雲祭盤狼籍山鳥飽
巫祝生涯來往人

竹軒

小軒與竹事還往庭下寂寂無客塵開書讀對聖賢語
一畝清風為主人

賦聞角 得德字

角本金鼓傳獨主昏曉色日收雲氣黃月斜霜露白征
夫朝夕聞淚落甲鎧黑時平腐橐韃白首眼不識嚴城
重啓閉不廢角人職老農鼓腹聽安識天子德

賦小桐

小桐纔幾尺氣壓百歲樗雨露意未飽風月韻已孤鳳
凰肯寂寞燕雀空踟躕天地有和氣想為桐之腴我願
刺作琴獻上九重居坐使薰風還雖死骨不枯

賦轆轤

火雲旱風苗欲死曲木直綆寒泉深耕夫淚濕原上土
老圃顧盼輕黃金

賦古佛

樹老枝半死碑斷壁底眠古屋顏色改有佛獨巋然蒼
首上兩足壞臂蔓草纏野老每再拜往往報豐年孔祠
照四方制度丹牖妍朝夕過其下孰肯為恭虔土木茲
僅分吾民信益堅佛法入人心誰與斲其根蒼蒼不可

問用意或者漏木蠹罪豈大付與啄木權胡不啄佛徒
使蠹民之天

碑得今字

臥敗壁陰莓苔入破字欲讀不

辨展轉風雨侵塵冗夏蛙宿草

煨可礪老婦寒可砥伊非浮圖

予聞岐陽鼓篆法抵萬金存者

涕泗霑

周宣王鬼于岐陽刻石為十鼓今具存者九而已字猶略可讀

次韻和中伏坐夜

萬兵昏雨過暑斗挿雲傾老佞溪蛙靜真交海月生遊
氛褰幕帝遠籟起並共清洗塵埃慮幽通造化情酸醜
時味薄寂寞古途亨去象筌真意無形寫天聲詩疑窺

杜子文欲造盤庚身在清風國神遊白玉城希夷乘浩
氣沉瀟飲元精坐久忘昏寐迴頭有啓明

灸贅疣

贅疣在予手累久至三四初視君外物於意不能置居
閑或炙灼已沒出復繼贅出與贅沒曾莫生死異天地
贅一氣萬物贅天地贅復贅於人小大而已矣人之於
為贅作為有大盤至理本無事破真以為偽善惡亂大
性賞罰亂大治宮徵亂大聲青黃亂大賁寸尺亂大刑
醜賊亂大味大樸如瘡痕空虛無完理天地不爾仇爾
獨贅之計恥指不若人孟子其有謂志小略其大殆非
達者意弃火復投艾兩忘吾贅贅

賦八月竹

我養一軒竹秋來成綠陰萬物有生意獨懷霜雪心西
風嵇叔醉明月白公吟迴首看桃李何嘗費百金

遊雲門山

南山州之屏平四時改顏色日夕太守宴供帳減繒帛
更求秉燭欵圖寫在四壁烟雲時藏埋景好疑愛惜我
官府中塵喜與山相識泉石未還往愧負苦逋責秋風
復杖屨持酒窮勝僻莓苔轉蒼崖郡國在几席廢興賦
飛鳥牛羊自朝夕風物摹大句才薄徒噤嘿唯作醪醑
歸山月吐半壁沉吟又慰喜三友添飲客予於署居之
南作亭朝夕

携家遊矮松

矮松名載四海耳百恠老筆不可博左妻右兒醉樹下

得白苜蓿其巔

庭樹聯句枝字為韻某王甫

婆娑庭中樹老大千年枝某百弓蔽赫日四座生涼颼
甫影恠疑龍蛇聲和認墳麓某未被斧斤賞敢辭塵埃
欺甫輪困壯士歎冷淡童子嗤某盤根得地固挺材本
天資甫粉榆謾百尺杞柳徒一圍某節堅費刻畫莫訝
繩墨逢甫枝狂躍蛟虬瘦恠蹲熊羆某有時相摩擊往往
霹靂飛某節月碎玉散障日翠惺垂甫腹空懶龍臥實
少飢禽悲敗葉童僕憎清陰兒女嬉堂萱小人態皆藥
老婢姿春琴似竽笙夏蠲若羹糜提孩不出戶知時如
耆龜某得成孤高狀敢忘去毫末時甫身遭藤蘿蔽心
與松柏期某晨烟拂袂起落日侵梢齊甫老蠹病其中

啄木為良醫公輸不在世志士空嗟咨某止知梗柵高
苦獸樗櫟卑甫大屋必欲構老匠寧終遺某棟梁如採
收散材安足知甫

班石枕聯句向宗道 某

斷得西山骨磨礮露斑駁凝結一何恠宗道形模萬難
學直疑彩雲根某又訝紫珉璞中瘦敵蛟腹宗道外文
灼龜殼冷剖清泉肝某穗樁老鼈脚堅方君子性宗道
清純聖人樸有氣當補天某無瑕應並設定漬盤古苔
宗道想漏神農藥堪作夢寐寶某尤是炎蒸託眠月病
頭愈宗道橫風醒肺濯珊瑚後可唾某陶甄脆堪撲夜
魘鬼驚宗道畫冷詩魔愕首懼無俗夢某心清去煩
惡斬葷方敢友宗道蜀笻良可某何必檄愈風某何必

文驅瘡質任兒女嗤宗道頑宜僮僕謔枕流固迂某
籍糟徒落魄潤笙審將雨宗道輝發疑有珏髑髏莊生
狂某虎魄宋武薄欲鏡中郎銘文章體猶弱欲祕淮南
書神仙志非樂宗道我疑混沌鑛誰與龔寢鑿可作甘
寢輿華胥詣冥冥某子道足施為我拙困嬰縛已謀其
巾屨行當老嵩藿子其乞我歸終焉臥雲壑宗道嗜好
我已癖湏求子雖憇擅舊王固惜瓢陋顏不博異時一
經子便當千金橐客退獨摩拂臥送山月落

送蘇田司理

秦人勇鬪暴獄訟號難理錙銖較罪法闕責莫可避蘇
生決曹掾以明縛姦吏我見獄戶囚出入有平氣章章
三年課已在山公啓六月暑濕衣出汗若炊爨俸微迫

朝夕衝熱事行李一身不能調送子腸腑沸

送李室長慶州寧覲

我愛孟堅文學飽持筆去作將軍客鋪張大漢征北功
手携直上燕然刻千載事掛單于眼至今猶若擒白黑
幾年羌夷瘡一方窟穴味掃壯士瘡我生南方長詩書
愛國區區肺如炙欲於塞外勒姓名往往夜夢賀蘭石
一來長安事刀筆駑駘不展芻粟力戔戔李公邦之梓
聲載百郡理霹靂今年權佩慶州印上馬威至吞秋色
羌夷奔走若奴婢斃面童子嗔可憫白頭慶民能記數
上前時太守有陰德知君之祖前州試求園中手栽樹邊人
應作甘棠惜老幼事公如父兄安帖不敢相干極子來
別我省塞上霜風漸着邊樹赤塵埃恨絆不得往安得

鑽肩生羽翼子今才華筆端富山川去入風雅國黃雲
白草牛羊肥區落雞犬晴歷歷將詩寫作聚米圖歸來
為我一指畫

和柳子玉官舍十首

心適堂

一屏一榻無俗塵左置枯琴右開易重門不閉誰往還
明月清風是相識

思山齋

吳兒心着吳山深終南滿目不自慰有時蟬蛻書几邊
夢到五湖千里外君吳人

小池

清泉數斛閑幽事坐見鏡中魚往來浮萍蝕盡秋月面

霜為一磨如匣開

新泉

墻根新冽寒泉眼風廊一股來冷冷燈花夜半知我喜
恰是舊山穿石聲

竹塢

筭隨人意踈處生清風如歸自來去雖然不與俗子期
陰過隣家亦銷暑

土榻

牀前一尺二尺泉牀後三枝五枝樹眠閑圖似在家山
夢魂不使東南去

恠石

山阿有人着薜荔廷下縛虎眠莓苔半磨心語知許事

曾見漢唐池館來

來館

一云山鬼水恠着薜荔天祿碑邪眠莓苔對心語口曾見漢唐池

茴香

隣家爭挿紅紫歸詩人獨行嗅芳草叢邊幽蟲更不凡
蝴蝶紛紛逐花老

蜜蜂

秋成想見香租入菊露楓膠蜜幾脾日日山僮掃紅葉
蜂衙知是主人歸

芭蕉

有底春風能好事解將刀尺翦青天知君新得草書法
旋卷碧雲供小牋

君善草書

送楊侍讀自長安之蜀

西征七年四方病關中所向尤瘡痍欲令福星及憔悴
千里特輟廊廟姿公如手持天子德家至戶到人人施
秦俗鬪暴號難理列郡京兆猶鼎糜公來寬假訟訴少
杻械顛倒生菌芝神疑公惠入人淺六月巖谷囚雨師
零壇滴酒土未乾霽霈已洗旌旗歸今年夏公三老農
突呼刺史雨救粟茂好公所携關中自用兵踰十年其
秋田高下盡盡民往往指幾年軍湏俗枯槁老幼不足
菽粟曰此足待講帶來萬與藜薄田今亦夏秋稔實窖飽滿鷄猪肥公之去思
甚明白衆口已寫德政辭鑄鏡不要路傍石人心自是
長安碑今年夷馬飲瀘水苴土新佩黃金龜公所拜相
如才高去諭蜀弩失故事重光輝公故人雍人欲把寇恂
借益部已歎廉公遲傳巖今屬九折外帝夢即往西南

涯

答王甫判官示遊興慶池之作

東池十里近遭匝風物飽南山若戶屏登臨四時好我
初來長安脚擬朝夕到纏綿簿書間拘窘若囚盜一歲
無幾至荏苒成吏考夜夜千頃月只供釣魚老平生休
泉心探竒欲傾倒咫尺迺尚爾滿意寧可保君官苦近
市危坐若林檎偷閑啾啾中躍馬志敲暴登覽足意思
滿腹若壞寶歸來成新詩使我愧懷抱

依韻和酬雷太簡見貽之什

生長詩與書不信世道難出處愧古人章句得一官舌
強去不肯柔開口誰欣歡十年走塵土蹭蹬苦地寒紆
殊非良貴寧較厚與單古心自突兀胸中鬱萬端昔常

玩於水今乃知其瀾身世心已死人事鼻可酸病臥得
君詩喜拭昏膜看意遠辭淡泊稠重欲相寬以言藥我
病吳鱸佐秦飡大句牽勉酬韻高語難安

謝崔象之示詩藁

古樂治情性故使風俗完鄭衛入人耳雅正聲日彈教
化走薄惡靡靡如轉丸全音不可見來往寂寞間我疑
至和意獨落詩人肝或以鳴道德或以傷憂患存者三
百篇興寄青與丹至今如清風留在喬木端敦厚久衰
落坐見王澤乾後世其得者或謁道之門失者抱大羹
競下職與酸最晚李杜出遂將風雅壇內以康心脾睥
睨萬物根予早酷愛慕強把屈軼鑽當食對藜藿誦之
若能蟠崔子我同好韻宇嗟璞渾其詩長於適意趣猶
裨豚巨軸踰百篇抵我輕瓊璫得之忘睡眠夜拭瞳膜
昏若遊金貂市時見太古冠淡泊路又第共約鋤榛管
當結明月期與君酌醇源

次韻和真長幕中偶書

人情歲時登鄉縣自無訟公庭破莓苔日苦黥徒送莫
府隱詩書黃堂臥梁棟幾字署紙尾朝夕寧倥偬塵土
安止足性情適吟諷収心觀無始靜臥憫群動勞生情
出處欲把清風鞚青山自無價夜夜有歸夢但知陶潛
早寧識賈生慟夜雨誦君詩一盃齊費用

次韻和酬真長對雪之作

西湖主人久未至雪雲我為開吟天偷閑把酒羅膾鯉
魚凍難趁煩鳴舷旋求野果向山市僮僕覓路占平川

恍然白玉為飲國寒威醉思相翩翩顧盼萬景來筆端
濡染欲寫毫已堅初疑萬國會盟散斷珪破壁盈枯田
禽巢一一鶴上下冰殿掃洒迎群仙又疑水官愛雪柳
故把衆庶為飛絲我思江淮有流民往往匍匐僵道邊
朱門意氣與寒競上馬酒面紅欲燃天將景與富貴買
不知一費幾萬錢詩家把筆爭造化對此自恨才慳偏
徘徊嗅嚼醉還醒上來往但見鞋履穿歸來庭樹玉花
落稚子狂走皆華顛擁爐搔首有餘意喜與麩麥為豐
年夜闌更欲和月看坐久諷誦瓊瑤篇調高白雪古難
和思短強被詩魔牽卒章我欲涕淚下連茹固已知君
賢

喜雨上文相公

火神侵官弄胸臆青帝欲滿勺芒慵明春未騎陽暴苗
不得秀風俗相顧無顏容我公裨補造化手乞許暫息
平姦驄公常乘西湖景好天子借訟簡朝夕臨青銅忽
窺庭民有旱色輟寢廢飯忘巾節公開暇常服道巾訪
求雩法得古本若可舒卷陰陽功除壇規土鍾未動精
意已與神耳通雷官風師不敢息先時奔走鞭群龍稚
苗霽霈飽哺乳一夕換得千里豐老幼懽呼相公雨喜
氣醞釀為和風一封朝緘萬室意慰減焦思寬九重選
牲祀龍益傾倒大宅不滿猶忡忡撲愚幕吏解公意期
雨露足環海中不以一郡喜為喜喜憂天下公之公

次韻和象之夏夜作

大暑暴虐如惡酒意思類困不可醒日官我疑借炎熱

吳輸出火星熒熒霈然一雨醫晚景庭樹洗出蝸蟾聲
微雲掃洒供夜坐造化似解通人情清風明月作三友
趣君可買輕連坑恍然身在冲泊域目空萬狀遺骸形
此特象之入詩國句句鍛鍊鑪錘精窮微心到混沌側
高處意氣捫日星詰朝隼詩示我讀飢腸噉口逢珍烹
義幽語險索究解如手捕虎不敢停歸來牽勉拾餘思
魚目愧傍蟾蜍明

和象之雨後望少室山白雲

塵埃奔趨插手板十年已賣山中閑相逢少室若交舊
白雲與我開容顏風驅烟氣去散幕天覆碧玉無瑕疵
我疑岳神宴天上掃洒伊洛為圖看又疑山鬼有寒稅
續絮萬疊輸陰官色如可餐無厭飽頗梨為餽炊琅玕

去去還觀不能已一里迴首石據鞍長安許生以畫名
閑暇拂拭新素紈能求山高水深趣常恐造化在筆端
每觀雲泉得意處擬寫男女家其間今對異景慙首鼠
愚若犬彘編槽欄君詩託我有深意明月一盃心往還
席上賦別南宮希元

十年眯車塵思歸入夢寐晨興見家山兩目如去翳故
人又過我相對有餘意當鐫話舊遊強笑復吁歎君名
在鄉書捧檄不肯愧高堂去白髮有淚落鞭轡里人獻
吉夢四壁衆所義希元應書里人屢獻我喜先子言在
耳若而先子當云希元孝而好李必不窮人生老聚散酒薄滿莫避
相見意最長強去飲不能醉

次韻和劉鄉材見寄之什

風波一相失倒指歲月耗交情見千里文字每教告胸
中飽耘鋤勉我獲以道踟躕竹帛間相期古人到十年
走塵土心不勇於躁迺知鐫磨益不必硯席好切報君
屈百里官卓趨而魯蹈不使鞭扑教人情自傾倒訟稀
禾黍登醺若飲醇醪使者席未煖姓名達珪瑁部使者必
未嘗後麒麟踴躍起志遠無近報糞土齷齪者鉤銖
較稱號青冥脚可插泥塗迹將掃寧知西山民靖安帶
麓歸草恐君膏我行省版輿假途期間勞理聲如壁隣
歎息不可造予道出海會去遙知詩書宰優游漆園傲
極目西飛雲徒使矐子眊敢期狂佳作綢繆肺襟與大
句驅老意木古風雨暴驚味無厭已敗者豆籩犒我輒
牽勉和徒手大阿冒酌酒持君詩吟哦舌根燥

和西湖雪中泛舟之作時安公鎮許

冬旱種不入賴人無顏色上輟霖雨姿福此千里窄公
來視民憂身若抱病癖霖雨變飛雪萬室如藥石幕府
環鄒枚共喜妖沴釋欲有瓊樹春選地得勝醉刺舟敲
湖冰坐泛白玉國持酒與寒競醉倒無顧惜餘霰入盃
竿似解勸飲客而我坐席末斗筲寬一石景值風雅匠
萬狀困刀尺鳴鳳相上下獨愧如螻蟻

送同年張明遠之興州掾

赤髭苦顏貌我恠意氣揚人曰黜文登茲事可降霜歸
采臥詩書藜藿甘肉梁迺知吾同升喜此劑肺腸甘脆
迫朝夕拂衣莫安遑興山在何處蜀道難且長妻孥客
蓬華板輿獨彷徨其李青州朱門腐鼎俎天理何茫

茫

皇祐五年三月乙巳齊大風海水暴上壽光千
乘兩縣民數百家被其災而死者幾半丞相平
陽公以同年李君子儀往賑之以詩見寄因而

和酬

鹽民汲利家海隅奔走末業田園蕪天意似遣陽侯驅
卷水沃殺煎海爐怒濤百尺不及逋老幼十五其為魚
耕夫蠶婦來躊躇百金不易箔齊人言蠶者我公
偃息哀其愚埋掩尸骸賙惇孤吾黨子儀馳赤駒口實
公惠人人嗟日走百里嫌昧晡不飲不食顏色癯去時
萬樹如束枯回首綠暗紅紫踈寄詩百言舉其麤我愧
安飽心如首

元伯示清水泊之什因和酬

十年不踏故溪上有時夢去千里遊每思魚行鑑中見
青衫手板如仇讎秋風鱸肥美無價莫恠張翰不可留
前日誦君清水吟胸中突起百尺愁兒牽女嬰走塵土
百年一半如棄投清風明月無界畔白首願作山中侯
君詩寫出漁者意老景一片在目眸清泉釣舟未入手
聊可觀誦忘吾憂

次韻和酬隱直憶花見寄之作

春工不揀勢厚薄染成庭內花梢紅反拘薄書似機械
不得醉倒眠綠叢君時馬首正南走假有樽酒何由同
馨香蜂蝶似相讓顏色開落輸東風公餘徘徊獨遶樹
空有歎恨不可窮君雖不見紅紫落亦有惆悵環胸中

作詩寄我憶花意句老與古爭彊雄其間模寫景如畫
爛熳一片春顏容乃知詩家有刀尺裁翦自奪陰陽功
誦詩酌酒無厭已韻險強續慙非工

送劉孟卿遊天台鴈蕩二山

治源先生高七十山水病僻不可瘳竈無炊烟不顧計
窮幽極恠如仇讎有時清風明月對好景霹靂拔却大
樹不迴頭四方泉石朝入耳杖屨百里夕已投大笑箕
山不敢出走避軒冕豈自由天台鴈蕩潑上心暑焦毛
髮不肯留縈紆長淮下平席倒指計日觀怒濤君詩功
刻造化骨吳越氣象當先愁古今吟力未到處好句願
備幽人收此行詩是圖畫二山筆歸日借我目一遊

次韻和元伯南樓避暑遇雨

城頭歸鳥喘揚翼夕陽攔干手可炙長虹如篆報雨來
雲脚挿下千里赤南山端正太古屏飛廉掃雲為撥墨
安得老筆描寫住白頭許生死堪憶長安許生踰八十
以水墨名於時今

次韻和子儀聞蟬

落日挂樹間長我庭下陰園林動秋意高蟬忽微吟清
風轉餘聲杳若下遠岑微物感時節鏗錡吐商金古樂
久破碎茲蟲抱金音荒忽尚偃蹇激起壯士心願為秋
蟬操被之朱絲琴

和子儀巡捕蝗

天子輟霖雨茲來澤東民威聲先公至暴攘客四鄰下
車坐無事懲勸裨秋春物價以日減困倉飽新陳俗愚

其何知蝗來過公仁所至不為災群飛亂烟雲公慮種
上吾土且為沴氣根計丁立捕法官行勞其勤老幼
千里眉朝蹙夕已伸我知公之德由此碑齊人

求郭侍禁水墨樹石

塵埃典却林泉閑家夢夜夜歸雲端知君弄筆欺造化
乞我幾株松石看

送元伯西歸

飲者為量無大小要於醉焉而已矣乃知一飲一石徒
醉鄉欲到無幾爾我幸俸薄飲不多酩酊造次有餘味
有時酒伯投客轄斗筲往往眾所鄙近得元伯東海濱
飲少好吟性相似山青月白得意時相對觴詠不能已
直到千古醉者心名利莫可污其埃乘興弄筆窺造化

混沌竅鑿可倒指須臾椽杵成巨軸更唱迭和若宮徵
今公官滿捨我去獨有姓名碑百里踟躕預恐春風來
青草坐見飲地起詩須數寄續百篇無使塵埃昏紙尾
同有東秦唱和喻百篇

讀君謨黼宸箴

常讀買誼書愛其極理亂言入筆未乾絳灌舌如鑿文
帝不肯為萬世為扼腕漢道竟齷齪席莫一日暖今讀
君謨箴句句到伊旦窺國見肺肝欲取以手澣何啻可
痛天一一中去世患設施有隆理如肉以弗貫可作天
下藥其應疾和緩非獨起國痿虜頭坐可絆聖賢方相
逢辨別絳與灌萬不使斯言以為後世恨

黃庶 亞夫

上知諫王刑部書

刑部執事竊以古誅諫之君桀紂也秦也後世諫者欲
有言輒曰我必自納於不測之誅刀鋸鼎鑊無所懼如
此是待其君為如何主也不可古雖有此刀鋸鼎鑊之
具臣出一口逆其君之鱗往往遭烹戮至義君子奮不
顧身以救國家之禍蹈之雖萬死不動後世無有是烹
戮人之物大言事之臣或得責大不過落一官其次出
散地而已尚十八九憚此不肯言其人為賢與否何如
哉宋起且百年自國初至今為諫者名聲卓卓可倒指

者蓋有數其避就上下忌諱言一兩事塞人責而卒無聞者固不少也又常聞時之論諫官患在天下紀綱大體利害口未及一事而專以撫人短長褻私為故以此譏其苛細不知務誠然也恭以

執事抱材通古以功名自許歷為郡縣有惠威莫不皆可紀如尉氏某十年間五六往還至今牛童馬走道之如昨日故一年拜御史二年為諫官起執事道州某居山中聞之竊幸欲以書賀僻遐不能自達為恨今者來入銓門而執事知諫院某蒙顧待最厚且舊淺薄思無以補助謹書常所懷三者之說藉手以為獻幸執事矯之旦夕立於國初至今可倒指之列某謹拜手以俟

上宋侍讀書

侍讀閣下某嘗讀退之與邢鳳翔書曰誠懼閣下以衆人視之則殺身不足以滅耻徒悔恨於無窮竊惟退之言如此過且君子何往而不自得彼所見果賢也必無有不合果常人也其不見禮亦何足為耻與悔恨在退之二時人賢未有比其言尚如此况其他人已乃脫然悟曰夫士以道自負不願妄為人知者其所欲往而見必時之卓犖偉人也苟為以衆人嫉之誠為耻至大而悔無窮者也退之言信不謬某之身生三十年讀書者二十年慶曆初舉進士中乙第其文辭未有以出入其所懷未能大取知於時又常戒於退之之說凡三來京師足每欲之公卿之庭自疑而十常七八輒止誠恐無

以取重於人而徒得擯薄也竊以閣下之門天下士莫不皆願抱持其業以來取見知如某自顧何所可若前世所以安危存亡與今之得失未嘗不留于心閣下且假以咫尺地徐索其所有未必萬無一可取也某能言耳已得閣下之名略識文字口已誦閣下之辭因願兄而恨無由出門下有日矣今日來入銓門適遭閣下處侍從論議之地謹以書道其所以見之意又合常所為詩與雜言四十首以見其心之所存不敢以辭鄙無可乘而輒廢不以藉手也唐突甚大愧懼

上楊舍人書

舍人閣下某嘗觀於漁大其網絕一淵而驅之舉以罾其得者或百若干數善魚常少而惡魚常多漁之人其

意始莫不欲盡得善魚卒然惡魚并而又加多焉蓋其勢然也今之取進士大類此亦其勢不得不尔也某慶曆初進士也時閣下司文之重輕而某以淺薄隨四百人落閣下網中所謂善與惡未能自決然閣下取於某以言也某知書以來反覆窺古人所以皇皇不暇寢與食非以筆墨為務要以所得同之衆人尔至窮蹟卒不得施始寄其心於言以見於後之人而已也某誦此而慕之已久得一官六年視職才五月入俸才三萬而困憂百端交來其姓名隸於國而身實居於閑無用之處故未能忘乎筆墨也前日謁門下辱以此問謹撫藁草書四十首以獻言鄙無取姑見其心若何也賜觀省大幸

上揚兵部書

某見古今人用不用賢與否常相半顧趨捨如何耳以直道偶退廢於一時在人未始不愈光也故下和刑足其玉無價驥駕鹽車伯樂歎息誠所遭各有時也夫執事以公疾惡名四方在人耳目其著如鍾鼓白黑之處八音五色較然也雖舌而青蠅萬莫可污乃以矯枉過於正齟齬一時斥不得當路而遠為一郡然為郡古二千石之重其任非輕也在執事則為散地棄田委吏皆官之賤守以聖人處之宜莫可為乃不失曰牛羊茁壯長而已矣矧連地千里且有民顧豈不足為哉其不以進退輕重固執事素物也某五年時江東信之屬吏也執事一見遇之不在衆人後既居先人憂歸山中某之

友尉弋陽劉宇常致執事尚記姓名借齒牙之意世道有態自非俛仰或价人之執往往白首塵土不得上官正目一顧矧齒念不忘耶嗚呼古相知之道沒於奔走若不可復見某拙愚不能逢迎乃不階一言之助而得執事愛遇之如此雖土木尚宜感動豈不自勵也邑人莫景去為常寧令亦某之友某雖不得出執事幕下而景為屬巴吏與某之身在無異也某既賀景得屬執事為令又竊喜執事得景付以民無疑也於其行因以書道所欲言賜觀省甚幸

代羅司理干為書

某月某日謹齋沐獻書以干省判學士明公某聞明經之選古最重今最輕也待士之禮古最厚今最薄也選

輕由取之不得其術也禮薄由士自待不厚也夫以最輕之術而走於禮最薄之途進必齟齬而得賤辱是無疑也某為經生雖愚常竊以此自戒未嘗一敢輕以足跡歷富貴者之門前為鄖鄉尉實公之里也夫以明公為宰相子奮才業驅名聲蓋旦夕擇大位而居而士之拜於庭者出必喜且相告曰公之富貴之色未常見雖新進小生到門未常留得見未常不盡禮某聞此猶思之累日始敢進自辱出門下遂被愛遇使某釋然不知明經生之輕而身為尉之賤也竊念某始以家貧甚力耕不足以為養趨速化之術遂誦書舉明經既而得一官祿少母老又不足以為愛救之具推乳膝下弗煖弗飽退之曰蹈於寒餓之水火是某今日也昔有凶者負人之母號于道雖餓夫凍婦過於其側亦莫不哀而顧囊中無惜矧富子耶矧仁人邪且明公待於士之禮不肯與世俗高下則人之才不才也豈計於選哉某之區區不勝犬馬不宣

上王天章河北都運啓

某啓伏密內較論議出應煩劇未即大用益鬱與望恭以天章都運柱石之姿自結日月莫召主父歎息見晚丞登侍從莫不謂宜大河以北旱飢之後水荐為患雜猪為魚草不得生民無以食老幼散亡未輕得復兵師在邊仰口待足賦歛緩急死生所繫區處之難非材曷依上安北愛公實此行一方之病視公為醫某拙愚無能愛遇最厚西來之人坐聽歡誦旦夕眷召心實踴躍

憂國之重良食為右不宣謹啓

上楊侍讀啓

某啓伏審上輒侍徒以惠鄙遠凡居庇屬莫不歡幸恭惟知府侍讀早以文起為國俎豆雅誥之風復之旦暮筆端雨路以潤天下國家世築道德比嘗苦兵人飽大平愁困易起上寬螻蟻于羽僅息歌吟之聲未復故常惟陝以西國之右屏方佇碩德與人休息盱食眷選惟此之賴亦塵土之役得出幕下竊慶千里不勝大馬不宣謹啓

上秦州李密學賀啓

某啓人統更端萬物以新在易之泰君子道長恭以安撫密學文武之資屏此藩疆專用儒雅以飾五兵掃洒一隅視無西憂古曰蠻夷中國之陰陽德日進大豕逃遁四方臥鼓再基太平左右大鈞非朝則夕頌望之切飲食于是不宣謹啓

謝舉官書

古之舉士得其人則受賞失則絀罰大抵受賞常多而絀罰者幾希耳而士之被舉者其報禮亦重故曰士為知己者死後世舉士之賞未嘗有一不得人則絀罰與之等其士之生於此時而被舉者宜如何報乃反不然今日被舉矣明日持手板抵門伸一拜以為謝退而或為罪無所不至甚者至竄流前後皆是而舉之者坐廢放動幾年不得遷其為舉之難也如此自非土石宜當動心某無所可乃辱執事舉謹持是說以抵門不敢區

區効一拜之禮他日功名之途萬有一某之迹當以此為謝不宣

謝運使舉官書

某聞驥立於伯樂之門偶未售人必曰駑駘也矧常馬邪梗梓列於匠石者之庭繩墨未及人必曰不材也矧常木邪凡士之處世亦莫不然今執事使一方蓋士之伯樂匠石也而長安執事之門庭九陔以西之地郡三十二而縣百三十有三其為吏不知幾百而歲得舉者三十人而已某拙愚無所可曰常馬曰常木其可也從幕府于茲將二年是立而列執事之門庭者五百日其短長固察之熟矣乃辱不遣而舉以充三十人之目某意執事不忍使人視而指之曰駑駘不材也仁熟甚焉

上城都楊端明啓

某生長妾庸陶染文字腕脫為吏濫巾幕府庖丁鼓刀親覩餘刃鞭箠之下駑緩不棄諒其樸拙終始一遇千里之尾青蠅所幸九折之馭公車以西慶雲其遠荆棘失望自去教語涉更三時寸紙隻字不抵左右非心實然奔走之勤自省曠愚踈屏所甘恭以知府端明清譽直望玉壺朱絲賈生度越天子所歎內外踐更文武明

白蜀大最遠國之臂脅視無西憂公實此行下車撫御
人人自如崇學教導士之所向東來之人頌聲翕然論
議之益盱食所渴烜赫大用匪朝伊夕禱戀之素不勝
傾倒謹奉啓問台候不宣

謝舉官書

某少之時讀古書見古人所為以為人之處世弗才則
已苟才也唯所欲朝巢由而暮臯夔變無難也每讀史至
東方朔傳其言曰用則為虎不用則為鼠竊惟朔之言
以為誕妄無取及稍長走時之途見世人顯榮者未必
盡賢其困苦無聞知於時或至老死者亦未必盡無所
可始悟朔之意乃嘆息曰用之雖不才也可勉焉不用
雖其賢世莫得見與不才而死者均也朔之言然今世

俗以相知相市必俟其求而後知者有矣介而後知者
有矣或不求雖其才不知者亦有矣故不介不求皆自
知者知之深莫深於自知如某不才者得一官顛沛而
困苦于茲已十年書吏考者一再而已得其所者爭笑
之執事一見待而知之如平生則何嘗介而又俟其求
之哉古相知道不出於此今又書其名薦之天子以
為可用夫士窮易失之某困如彼而獲莫深之知而不
才之用其德於執事當如何古人曰國士遇我則國士
報之如某也何敢讓不宣某再拜

賀汝州吳資政到任啓

右某伏審尚輟待從請麾問郡上意眷可世風敦厚已
涓剛吉班曾條教內外上下莫敢欣仰恭以資政侍郎

禮樂之器舜鑄周豆文章體骨筆追三代何官二府臯
伊之資大平之期莫不仰首旋歎外補大器小施翹葉
造化人以為晚繼由病告獨求散地區區汝穎衣被仁
愛京師脣齒實蒙其福某嘗吏莫府蒙顧之厚咫尺門
祭絆不得前馳心慣戀不勝踴躍謹奉啓事陳賀伏惟
鈞慈俯賜鑒念謹啓

謝舉官啓

右某近得本州進奏吏報伏蒙運使金部發章舉某充
親民官者明於用人不俟其備一言假借過踰衮黼駑
鈍之質以報為憂伏念某妄庸之資短無所可徒以佔
畢不忘素訓遂緣隻字偶玷科第家憂身虞困迫交來
歲將一周吏考無幾質薄售大鬼神所瞰再由莫府幸

吏車下毘勉薄書未絕寸尺旦夕惴惴苟尸稟入澄清
之轡摧取罷辱每冀鞭策庶勉款段期公輸之家繩
墨所材梗楹栢棟拱把不廢如外孱弱過加翦佈陰幽
之植不春而榮茲蓋伏遇某官開發材蘊上應倚任既
富於國又欲盡人先勸後懲猥及愚鄙以安能者以激
慢懦深意厚德其在於此敢不仰止古訓視因為進險
易一心知無不為期有樹立以荅待遇過此以往不知
所裁謹奉啓事陳謝伏惟尊慈俯賜鑒念謹啓

上富大資政書

大資閣下某五年時與客語當世名公大人之所為客
曰子識富公乎某曰識而足未嘗及門也客曰足未嘗
及門而遽曰識何妄也某曰不然某所謂識非拜於面

而出其左右前後也乃聞其言行事而識也昔周公後
堯舜千年始生其心與堯舜相識孔子生又去周公六
百年其心亦與堯舜周公相識其後孟荀楊韓文中子
其生也皆相去百年或數百年其心莫不相識者也今
某為公一時人其言與行事在天下耳目甚著而反不
能識在愚人何以異客以為然某平生讀堯舜周公孔
子孟荀楊韓文中子之書恨不得出於其持為其臣與
子弟矧聖神居上羣變在列而親從下士之後者耶方
幸十四五時始接人事學習文字耳已熟閣下之所為
口已誦閣下之言其後十年舉詩賦得乙第走仕途之
塵者又十年其區區之懷欲以足跡出門下者茲二十
年矣然未獲願欲以為恨雖寤寐飲食未嘗忘去年秋
財幸不宣某再拜

謝青州文相書

相公閣下某聞之善御者鞭箠之下無駑馬良工斤斧
之側無棄材故必梗梓然後用非公輸也必千里之足
然後御非王良也故世之取人亦莫不然某妄庸無所
可凡世俗之所操持以奔走於進取之途者非獨不肯
為是亦不能直膠於古人之說為可信而不疑故走三
州之幕而所事者數公其知之者有矣其不知之者亦
有矣知之未嘗喜不知之未嘗不樂何也知之恐不能
報以為憂故未嘗喜不知之自顧其中所有者猶在故

未嘗不樂竊自惟念得一官十年其連蹇齟齬居其半
書所謂吏考者纔三歲而已其身之困也如此仕宦之
所欲恃以為助者則故舊親戚無一人其地之寒也如
此夫王公大人之門天下士莫不能欲撤衣裾而覩末
光其迫於貧賤而不得進者蓋十常八九某也持如此
困之身而走於此寒之地乃一日猝然得出於大君子
之門以為吏茲非其可遇之遇也誠不自知其幸恭以
相公治天下之公輸而御多士之王良也弛張五常以
為斤斧鞭箠之具今者天子欲寬東顧之憂實為此行
又辱不遺薦其名天子挽而置之幕下以為用某何為
者而堪此誠閣下不獨不鞭梓與千里而後取蓋收木
之棄材而繫廢故之駑馬無以異者豫讓困放為衆人

至殺身以報智伯之遇如某其身困且地寒如彼又嘗
齟齬矣曾未土木於其門下也宜如何報不宣某再拜

賀文相公啓

某啓得進奏吏報伏承相公奉八月十三日制書建許
昌節移鎮長安者竊以入柄鈞陶出專斧鉞注意內外
莫顯於茲舉動輕重朝廷所繫恭惟太尉相公柱石之
姿遭辰得君文武施設成就明白興遺補弊黼黻後來
留意消息避卻隆寵一麾偃仰股肱之邦國有大論朝
野倚屬四方或憂側席起坐得公之重天子洗然命輟
霖雨以思秦人衮衣其歸旦夕所歌再筦魁極日月以
冀某極陋無似早玷宇下驟遠誨約飢渴不展大揄西
指霜露所勤以國自護禱戀之切謹奉啓事陳頌狀惟

鈞茲俯賜鑒念不宣謹啓

白雲山房

雜文二

述藥

夏四月暴得寒熱病視以醫其市藥也價貴賤不相適
疾間撥其略書之按本草藥之品有三上與中也下也
上藥主養命句性和厚無毒服之多與人不傷人中藥
或有毒或無毒能治病下藥大有毒其性專攻擊不得
已始用之今附子也礪黃也礪砂也阿魏也所謂中下
藥也乃大貴而木也茯苓也旋客也牛膝與芍也紫胡
也所謂上藥者也反其賤焉夫人一身百骸也內之有
甘酸辛鹹苦之為好惡也外之有寒暑風露之所感也
其味與氣一有偏則疾焉今錄藥貴賤視之時之人其
可知矣平日固未嘗視藥也一旦疾作或有不之醫其

所先惟禳也惟禱也不即諸佛則即諸老也即諸巫也而請焉即諸佛即諸老即諸巫也不可為而疾日加深始醫之末醫之至也視之且攻日加深之疾其勢不得不用有毒專攻擊之藥也故中與下也常十九焉如此不至于死而幸生者無幾人此附子輩乘時甚貴而末等賤誠其勢然也噫使舉時之入皆知餌上藥也取康寧為養命之術則術附子其如何貴賤哉夫天下猶之一身也君心也古之以其臣養天下可知矣五帝之臣上藥也三王之臣中藥也五霸之臣下藥也每讀班固史見漢之所以養天下未嘗不為之恨槩舉之其人明王道如董仲舒言治亂如賈誼推廢興如劉向得聖人之道如揚雄用刑如張湯杜周計利如桑弘羊將兵

衛青霍去病及迹之行事與三位之小大若仲舒誼向雄才輩也皆齟齬抑鬱卒不得大有設施於時而湯周弘羊青去病附子輩也率希世幸用事位不下公卿大將軍其於藥貴賤與時高下非差也亦其勢不得不然也且使文帝始大用賈誼武帝又大用董仲舒元成又大用劉向哀平又大用楊雄自可相夫上下扶持驅漢以趨三王之堯舜為劉氏壽矣柰何多任附子輩新室其天也有來矣常聞餌草木金石之藥之有毒者始若大益其酷烈之性積而又則發發則人常死如莽非漢發藥耶哀哉吁後之養天下也視漢之養天下其可監時慶曆五年

讀子胥傳

古今讀吳夫差子胥事以為恨皆罪夫差痛員計不行而卒讒死也子意為不然且子胥其先幾世臣楚至平王亦身與其父兄北面事之雖平王虐不道實君也日為讎至死破國戮其尸極矣初適吳言伐楚不可知公子光有內志乃進專諸焉已而光果使專諸刺王僚殺之自立為吳闔閭始引員為行人與圖事遂入郢云然則光志慕專諸兵也負手之闔閭死事其子夫差其逆策越誠善可用負如此其可信乎噫晉殺里克齊小白用夷吾君人者曉此所以興如負其頸不污闔閭之刃已幸矣有死之道焉耳無可信而有死之道屬鏹員自拔也悲夫且死也為有知可謝子胥使無憾

徐君處士妻周氏墓誌銘

并序

東滂徐君處士妻周氏卒之明年將以某月某日葬于某原使其客狀周氏抵予乞銘曰周氏其父恭先世以農自力豫章學家分寧最盛鄉黨命儒者出入人皆知為可貴恭慕之而其子兩人業已耕念不可教獨周氏幼而慧乃使授古女誡七篇習之既長歸徐氏事上撫下皆有禮可愛里人緩急必奔之無所惜處士少學不得志而歸周氏恥之益欲教其子凡賓客至其家周氏必手為具盡意厚遇之寒暑未嘗憚它日里中某人趨禮部試踵其門處士以故不欲見將謝之周氏曰士及門而辭以事非君所以欲教子之意也叱其子見之既行又資其囊以若干今徐氏為邑之大姓其子皆好學恥不若人蓋周氏有助云以慶曆七年十一月卒嫁二

二十有八年凡生十子男女各五人享年四十有九處士名畫予弟其婿也遂為之銘銘曰男欲其有室女欲其有歸此父母之心也周氏十子其幼六人呱呱滿堂孰室孰歸今其死不足者以此悲也

丘令疏詞錄

乾祐丘令年六十為州縣吏今解官其家窮空欲歸其孥京師不可行持十口寓于佛之室將無以為朝夕之具某官長安間三日或五六日讀進奏吏雜報天下事吏坐賄大則竄流其次廢棄終身最下免其官如此者月未嘗無凡天下之吏富者未必皆廉其賄而偶未敗者又不知幾人今丘令官如此其家又貧如此將不得為庶者耶夫在下潔其身以進一日離其官則有憔悴不得所之色其吏之貧者雖在位苟歲月之祿以活妻子莫不皆知他日飢寒迫切之憂不得免則誰肯勉而為廉也調撫急乏常人所欲為在吾曹忍豈不行丘令如此惟衆君子之仁謹疏

送興平孫隱知之新都序

關中風俗尚氣勇鬪訟縣邑小不得平必直于州未嘗肯輒屈興平京兆大縣孫君隱之居二年而某當其時在幕府者八月邑之訴于府或日有而興平之民往往越月至踰時無一人凡一府屬官皆知隱之而不疑每案牘經平決者輒不復省今年夏寶雞民兩家爭里胥甲戶最高而乙其次甲曰乙未嘗役乙曰甲戶高縣拘文以甲充不服言于州又不服轉運使乃遣興平決之

隱之曰法兩相決以戶高謂皆應平役者甲雖其戶高然嘗已役矣理不當引與乙比引與乙比此是甲歲歲無息有非法意卒以乙充議者以為然某嘗得其書而讀之竊思西兵以來民緩急應用度破殘其業者相望矧復不均欲書其說以遺為邑者而未能今隱之行得稱以為別且賀新都之民其役當無有不均也為之序

善惡有餘解

易曰積善之家必有余慶積不善之家必有余殃至於堯而丹朱瞽叟而舜人惑焉解曰堯之善及天下丹朱恃焉而日進於惡其慶不足銷故不肖瞽叟之不善天下聞舜懼及其身而進於德其殃不足銷故名列五帝孰謂堯之慶瞽叟之殃無餘也世之言曰瞽鯀有積善

又曰善惡無餘異哉

復維識院記

予九月自鄆之藍田宿道旁寺問其名曰維識其僧洪集曰五代時石識存焉按其刻曰龍泉寺國初更名義并其後寺廢開寶九年通維識論僧志興即其地廬之始號維識院慶曆初西方用兵詔寺不及三十室者皆毀至是院又廢後五年用言者陝以西寺毀而今願復者宜勿禁故洪集實力之其費出於民姚氏者七人洪集有僧行且老誦經日常一飯環其地數鄉之人趨信之蓋如歸姚氏七人非巨家能得其不顧吝而洪集無寒暑奔走能勿懈故其室不俟久而成凡為屋曰殿曰堂曰厨曰門曰閣者八區若干間皆壯宏可觀噫儒詆

佛未嘗為尺寸地雖童子不肯輒屈曰國家嘗詔四方郡無小大皆立學本古庠序之法以為教甫一年學不幸而廢天下士反無一言復之者今維識再毀矣皆不設平而復其不顧各有若七人者其勿懈有若洪集者其請而勿禁有若某者是儒果出佛下甚遠也儒之人視維識豈獨不愧其明年五月院成洪集以始未來乞予言遂書之且以見其心之恥云時皇祐二年豫章黃某記

呂先生許昌十詠後序

廣文先生呂公天聖中為許昌掾取境內古之跡著者為十詠其時文章用聲律最盛哇淫破碎不可讀其於詩尤甚士出於其間為辭章能主意思而不流者固少

而最難先生之詩其不流者與後二十有二年其子喬鄉又為判官許昌按家集求所屬謂十詠者得於龍興佛壁之小石慮其久或亡也又買石刻之凡文章非其意高雖貴時輒不傳而必諷誦在人口者纔十一二位下則其傳而又誦者愈少先生之為人如其詩故仕以不達某為童子時已誦先生之詩如鳥窺明鏡心人踏靈鼈背至今在唇齒間如昨日則先生之文其可知廼書其意刻於詩之末先生嘗講書國子監十年故士多稱廣文先生其諱造字公初云

如芽說

客有語予人有以桃為杏者名曰接其法斷桃之本而易以杏春陽既作其枝葉與花皆杏也桃之萌亦出於

其本翁然若與杏爭盛者其主人命去之曰妬芽也客
憮然以為恠子釋之曰桃之實不美則易既易之則惟
杏之愛桃芽於其間其勢不得不去也不獨人之於木
為然天之於人也亦然天下猶之巨桃也天猶之接工
也其實不美則天亦接之昔夏之實不美天以湯接之
桀其妬芽也不可去乎商之實不美天以周接之紂其
妬芽也不可去乎秦之實不美天以漢接之子嬰其妬
芽也不可去乎隋之實不美天以唐接之鄴公其妬芽
也不去可乎客曰當則當塗典午其實皆美與曰其實
美吾不知也客三嘆而退

歸思堂銘 并序

人之生也惡乎本曰性而已矣智愚者性之質也善惡

者性之用也故性之品有三上焉者智於善而愚於惡中
焉者善者智之惡者愚之下焉者愚於善而智於惡夫
忠孝仁義善之大者也其不忠也不孝也不仁也不義
也為惡亦莫大焉或曰小人亦智歟曰其所以為智是
亦愚而已矣河內向宗道元伯以秘書丞為益都令即
踰年其民事亦簡出則與其所往來而相知者為詩酒
之約歸則休其心於詩書文字間未嘗懈嘗讀退之詩
愛其句有歸愚識夷途者因取以名其朝夕所居之室
其惡者愚之之謂歟予恐觀者惑其所以歸之之意因
銘其柱以見焉銘曰

善也邪君子之歸也惡也邪小人之歸也歸乎忠孝仁
義愚乎惡者也愚乎惡者歸愚者也夫善之為途也廣

矣途之不治則或棘焉吾請五經為之鑿

過箕山說

予嘗出箕山之下望許由冢其日又過潁水與客休于木交陰客有問曰許由何人也予曰古之賢人也客曰堯嘗以天下讓之者三而由去之入箕山洗其耳於潁水至死不出其視天下之人雖蹈水火不啻若越人之父視燕子之瘠不以屑意夫賢者宜不若是予曰堯之時天嗅舜之德矣十六子者舜嗅其才矣此許由所以踏箕山又洗耳示堯以不復出也且使丹朱不肖無舜以堪天之命其下無十六子者可以任舜之事則吾知由也雖焦毛髮濡手足以奔天下之急不肯辭矧其位邪客以為然既歸書其所以語客者以為過箕山說

過韶石說

韶石參錯布列崛起且秀遠近皆可愛為川陸上下者觀遊之勝舊說帝舜南巡奏韶樂於此因名焉古今往來者莫不踟躕顧盼既喜韶石之可愛又恨韶樂不可復見至於嘆息者多矣且韶之所以為韶也抑有以也舜為天下其治之大要舉八元八凱去四凶敷五教明五刑而已卒至於比屋可以封而垂拱無為故韶者乃舜一時天下至和大治之音尔彼獸率舞鳳來儀使無之不害為韶也假舜也其始不能舉八元八凱與去四凶又不能敷五教明五刑以為治且安能使比屋可以封而垂拱無為也則其樂也為得謂之韶哉夫舉八元八凱進賢也去四凶退不肖也敷五教納民於善也明五

刑去其惡也後世有天下之君能進賢退不肖使郡守縣令臺閣之間廟堂之上無不得其人能敷五教使父子子子兄弟第第夫夫婦婦無不得其和能明五刑使其民悉遷善遠罪蠻夷戎狄無不畏戒如是而天下不至和大治蓋未之有也從而播之八音飾以五聲文以六律是亦一時之韶矣何必舜也予之官番禺道出石下追古今往來者之意為之說云

雜文下

乾祐五年令第三考詞已後長安

京兆縣十三而乾祐尤阻山其民喜鬪多盜賊前件官至不能抗以刑常觀其所上旬禁書而獄或月二十九日空三年矣聽於民無有間言績固可嘉矣

涇陽丁主簿第一考詞

主簿掌凡賦稅戶口之事緩則失時急則民困而或散亡惟能得中於職為稱前件官主涇陽簿一年而縣獻其狀賦稅曰不失時戶口曰無散亡能如是來效可待也

醴泉張主簿第二考詞

天旱飢民之彊者起盜賊而弱者流亡以為常去歲陝以西小不收米斗至三百醴泉其戶萬二千不亡一口而為盜者無一人雖長民者之力而主簿豈不與焉

祭王觀察文

年月日具官某謹以清酌庶羞之奠祭于故觀察王公之靈惟靈遭遇先帝起身行伍今使觀察不為不貴壽

百二十七拾幾人公年實然可以無憾兵師之行或膏
草野今全而歸何有歎嗟銘旌飄與西風俱聊陳薄薦
死生之別伏惟尚饗

祭神文

維年月日具官謹以時羞祭于天齊仁聖帝之神維神
魯國之鎮四方所仰廟于此邦如山實在此夏六月不
雨百日千里菽粟若不可食民聲嗷嗷天蓋聽憫一雨
而足秦人忘旱及此挈斂禾穗滿野霽霈之賜神實佐
佑某來守茲土遂蒙稔成芹意以物為神之報尚饗
維年月日具官某謹祭風伯雨師之神夫左右風雨之
柄助天以生物而成之者惟神職也平時風雨順適神
之功民不能見獨國歲兩災並除以為祈與報也今年

陜以西不雨且旱已而得請於神秋稼滿野凡十三縣
之人莫不皆願操持其物以啓神貺刺史謹擇日具牢
醴以為民羞尚饗

維年月日具官某謹祭于金山之神惟神生而佐理天
下去大亂使黃帝得為五帝先死而為明神是亦必欲
福四海擁千里也今年夏大收視常歲為倍而秋又已
有望非神力而何敢以物報尚饗風后同

維年月日具官某祭于雍侯之神惟神生與豪傑俱起
而不得其時雖功名無所見於世死而能福一方又能
使其民廟而祭至今俎血不乾可以無憾今雍千里民
無灾癘牛羊蕃息稼穡滿野孰為神報新酒大牲尚饗
○維年月日具官某祭于濟衆侯之神國家以神常用

風雨救大旱有功於前世故歲時祭于侯之廟未嘗闕
如今之民親受神賜今年夏不雨踰三月常禱於神既
旱而豐則國之欲報於神之心也當如何意不可見牲
酒是具尚饗

維年月日具官某祭于廣惠王之神凡陝以西之民知
神常以風雨塞大旱之望每歲少亢則老幼若婦女奔
走於神之宇未嘗不朝禱而夕望雨至一禾一菽莫不
得神夏實欲旱秋為稔收祭民之食神其降茲尚饗

堂澄源
夫人同

維年月日具官某祭于露臺之神惟神合民之祭得所
憑依國有祀典非功不在神備常享豈無物助罇酒豆
牲實為秋賽尚饗

代祭致政吳侍郎文

維年月日具官某祭于致政侍郎吳公之靈惟公國
之祀梓初走散地虎符出入為良刺史蓋晚始達耆碩
之臣公實有子請老以歸一踈道路又無轍跡公乃投
足世風敦厚後來所仰名教之力千鍾之養五福一身
林亭池園杖履往還箕頤之地若在門戶稚孫左右抱
弄襁褓笑言在耳弔者忽采輔弼之子公如不亡身後
光輝可以無憾見意以物非薄之薦嗚呼尚饗

祭致政吳侍郎文

嗚呼岳瀆之氣實為壽齡公蓋鍾之黃髮在庭不盡其
器刺史而已天畀宋賢生公之子左右日月公始敢歸
朝夕艾綏以當綵衣始來自陝某迎馬首公在茂輿孫

子在後觀者塞途莫不歎息公子下車政出人喜千里老幼如被公賜道塗之勤未拜几杖而止一月哭于公堂素車在路朔風滿旄聊陳薄酌決落酒觴伏惟尚饗

書記考詞 公美

古記室之任在軍旅間文辭謀畫無不與後世往往施之簿書獄訟其職守益失前件官以名進士由幕府西帥不用凡文辭謀畫之事皆不得施獨書記所謂簿書獄訟以為吏課而已才蓋鬱焉

周主簿考詞

縣邑古方百里之國也主簿且得其人雖其令不賢其簿書獄訟亦無有不治郡府緩急欲擇人而使者必取之其尤能者或席不得煖前件官其人也

西嶽祈雨文

維年月日具官某謹遣某以清酌庶羞之奠祭于金天順聖帝之神惟神福此方之民國之屏也故天子歲兩時署祝詞遣吏以祭未嘗懈陝以西自正月不雨至于今將六十日苗之在野欲秀而實者若不望秋穀與豆種不得入民蓋皇皇也某來守茲土未一月視此朝夕恐懼所以未至凡境內食民之祭雖里祠皆將奔走以為民請矧神一方之望而天子所禮也敢不以告尚饗

蘇司理第三考詞

秦人尚氣喜鬪多大獄雖治而京兆訟訴最繁故理官視他郡其責最重前件官處最繁為吏鞠難治之獄而有最重之責于茲三年其論之自殊死至於杖笞無慮

數百人莫不皆得其情而無有寃隱不伸斯能也已矣
持是以為吏異而不可

謝雨文

維年月日具官某謹遣某人祭于澄源之神曰陝以西
之民一歲之望麥與粟也天時未必均齊或夏穰則秋
歉或粟有餘而麥不足今年春與六月不雨幾百日苗
不得成實皆請於神未嘗不三日而雨足既旱而豐凡
十三縣之人如神家至戶到而與之麥與粟也其德於
人之心宜如何刺史有民之責也使千里之內無有嘆
嗟是刺史一身而追十三縣人之責在神之賜愈大也
其德於神之心也又如何敢以物告尚饗

張法曹第三考詞

法家大抵多刻少恩以為常前件官舉進士為掾日持
十二通與他法立刺史前論人之罪務以平反為主于
茲三年其所處者幾百人無有不當其情才也從可以
知

祭神文

年月朔日具官某祭于天齊仁聖帝曰五嶽天下之望
而泰山尤尊山之出雲雨以福於民其功最著惟帝以
尤尊之望而持最著之功以食於廟今年春與六月常
不雨前後幾百日九千里之內奔走請禱無有不得其
心麥在倉廩秋稼滿野神之賜其可見帝雖不德人心
謂何刺史具肴酒薦其意以為民報尚饗

九月日祭于風伯雨師之神惟神風雨之佐人實攸恃

廟于此土觀瞻如在其祭孔時旱不敢畜今雍之野宜于歲年百穀茂好如無災害衣食之賜德其有歸祭民之具神其降茲

九月日祭于金山風后之神生為豪傑而死為明神福此方之人而食其祭某今年春來守茲土四方或大水或饑或疾疫至於死亡流離凡陝以西之民無有一於是非神之力而何敢以物報尚饗

九月日祭于澄源夫人之神曰惟神有風雨救大旱之功在祀典以食民祭雖年不善未嘗敢薄其具今環陝以西之地百穀之種無一不宜靡耕跡耘斂獲收穫凡此之人莫不皆欲操豚肩酒卮走神之宇圖所以報刺史以時享道民之意其鑒之

九月日祭于城隍之神曰高城深池不虞之備邊疆弗驛更以致守不壓不湮以為民勞擁護之力非神曷依祭具常典惟此之報

九月日祭于阿父之神惟神廟像之嚴民所依歸農占蠶祀香至交來茲年之善下田其豐人無疾病牛羊滿野繫神之貺家思其報厥祭不腆神食其意尚饗

西嶽祈晴祭文

維年月日期具官某謹以香果之奠致告于金天順聖帝曰閔中自用兵踰十年其地未嘗夏秋俱大收天時之不得而征斂百出中家下戶幾無以為生今年風雨節適麥畝至數斛而秋稼又滿野是神憫斯人而惠之最大也八九月粟菽皆已實而雨晝夜不止民不得收

老幼嘆嗟若將絕望皆曰食已成之倉廩示而耕不獲雨之弃也柰何聰明其德之以卒神既尚饗

祭古帝廟文

年月朔日具官某謹以清酌庶羞之奠致告于某帝之廟惟帝有大功與德在前世以食於廟至今俎血不乾茲以瞻之恭嚴如生後世有天下之君雖相去數千有年而歲時修祀禮未嘗敢忽今皇帝以九月辛亥大饗于明堂禮畢詔天下九古聖帝明王之祠皆遣吏以祭某茲土之守也謹擇日具物以脩天子之命明靈其鑒之尚饗

祭漢唐配享功臣文

年月日祭于某公惟公命世之佐實天所昇遭時得君

功名莫先史臣之言若青與黃既廟而食惟帝之配生死孰榮茲無愧已季秋辛亥國有大祀峩峩明堂希闕之典徧于群神告禮之成來薦豆籩天子有詔尚饗

文相到任謁廟文

年月日祭于至聖文宣王某受天子之命來守許以今月戊寅視民事凡千里之內有一物不得於其心某任其責思其識之初懼有未至冀之相之謹以物告尚饗

祭某廟文

祭于某廟之神曰刺史食君之祿而神食民之祭職之治否刺史實任或天時之不得至于水旱與疾癘非政之為則民歸之神某來守茲土與神同有是責於許之人今抵官三日方思其職不敢懈謹以物告尚饗

黃司理第二考詞

國家凡天下之獄設提點官以察其輕重不如法者而糾舉之州縣吏坐出入人罪大則免放小則責罰未嘗無其人前件官治許獄歲再周矣論其罪棄市者五十四流若徙百三十有四杖百八十六皆得其情無有寃隱下伸非才也其孰能其言可書中

春牛祝文

祭于勾芒之神惟神職此不行生物之佐乃今甲辰是為立春陳根可拔田事其始乃出土牛示民以時國有常祀吏敢弗懈農無災害惟此之祈不腆之具神食其意尚饗

代祭黃丞相廟文

維皇祐四年壬辰二月朔四日具位文某謹以清酌庶羞之奠祭于漢丞相黃公之靈惟靈生稟於君德頽之民歿食其祭福之無疑某來寄守茲土仰止高躅喬木之末清風如在伊春之仲農事皆作無有災害茲民之望祀有常典敢以物告尚饗

代祭宋令公墓文

年月日具位文某謹遣某官以清酌少牢之奠祭于故贈太師令公宋公某友公之子而公之室藏實在茲土今得請以省先子之墓道途之勤不得躬修奠禮宰土之下謹具物遣吏以其意告尚饗

代祭章郇公墓文

維年月日謹遣某官以少牢之奠祭于故司空郇國文

憲公惟公茂德懿實映國之史焜耀前人後來所仰忝
守舊許公墳實在喬木宿草令名如新迺今得請省墓
于洛左右版輿出此便道涉履之勤意不能專牲酒勿
腆敢以吏告尚饗

代祭張文孝公墓文

維年月日具位謹以清酌庶羞之奠祭于故贈尚書文
孝張公惟公冲泊之德抱藏英莖器之渾粹白琥赤璋
遭時得君亟為聞人出入三紀庭之耆碩必持物釣衆
云勿疑不極其有齋恨以没巨梓偃蹇公輸欵嗟追惟
曩初遊公之門堅節輪囷公實斲之國士之報勉勿敢
忽戶牖謂何興言慙恨乃今得告省墓先子道公之墳
宿草實在音容如生恍在耳目敢以牲禮拜壘之下公

乎有聞食其區區尚饗

代祭建成侯廟文

年月日具位文某謹遣某官以柔毛剛鬣清酌之奠祭
于漢丞相黃公惟公去思舊德賴民弗忘祭血不乾恭
嚴如生某忝守茲土庶幾清風今省松楸道出廟下遺
光餘饗若見若聞禮公之庭行役勿果厥誠區區敢以
物告尚饗

代祭杜水部文

祭于政政水部杜君之靈惟靈仕官克勤以始卒聞位
止于歸雖未為達專城之惠古人所先壽百二十七十
無幾君年實然何有憾恨仕之感者走於桑榆不有敗
廢卜以柩歸君蓋請老死生之光遠日有期銘旌在道

聊陳薄酌以見其意尚饗

舞陽尉第三考詞

舞陽大約地廣它盜往往囊橐於其間居一歲為竊與強者凡十一前件官捕得之或杖或徒或黥或弃其亡者一而已矣夫如是非才焉固不能其考可書中

祭辛氏太夫人文

祭于某郡太夫人之靈惟靈四德具備宜于室家母姑之懿發聞于人善慶之報乃俾有年衣纓雜運有子與孫啓年之日維呼嗷歎子蓋七十杖經孺慕觀者左右莫不咨嗟詵詵之門人曰不亡莫禮不腆庶幾其意尚饗

代祭范大資文

皇祐四年歲次壬辰六月甲戌朔文某謹以清酌庶羞之奠致祭于大學士侍郎高平公之靈惟靈文武之資以時挺生出遭千齡亟為名臣諫諍之風古人勿忘逆龍之鱗孰不曰難朝夕踐履復若欲與食雖或齟齬名益發聞婦人童子知君所為世實有言臯夔之姿或斥于郡不沮益堅寶元之間西夏弗賓君臨我師色義卒奮言伐虜心奔走乞盟矢石出入天子所勤召且大用參國之柄君所設為不襲故常款致天下堯虞乃留弗極其有莫不歎息刺史十年偏迫不施上闕左右議望必歸或者抱負庶幾一伸物理孰究志竟以歿嗚呼希文止此而已忠也不朽來或可期柩旌之東手莫莫前死生之別與言梗結矢意以詞傷我柰何尚饗

春祭祝文 已後青社

告于某神曰凡物莫不得其生然後可要於成若其生也燥濕寒燠不得其宜後雖有五日之風十日之雨欲其堅實茂好茲莫可得故民一歲之望在於春某守茲土敢忘是心今百種皆作其生成之助捨於神其孰依尚鄉心

張都曹考詞

為吏患不能勤勤矣患不能廉廉矣患不能久故職舉為勤知足為廉終身為久前件官為青之掾三年凡刑獄租賦無不舉既勤矣而又能廉其肯不久者耶審如是所謂能吏者豈復有他術哉其考可書中上

法曹劉昭遠考詞

法者禮之防也其用之以當人情為得刻者為之則拘而少恩前件官以通經舉進士始掾於此若老於為法者每抱具獄必傳以經義然後處故無一不當其情其刻而少恩則無也其考可書中

臨朐縣尉李正辭考詞

青之屬邑六而臨朐最小其地介山寇偷往往囊橐於其間故常居士幾十人以備盜今其令又用武人前件官為尉於茲盜發輒得之未嘗亡一人非其才耶其考可書中

臨淄尉考詞

尉能捕盜使盜知不可免而不敢為盜亦去盜之一端也山東大約號多盜今臨淄獻一歲之狀視他縣者纔

幾人而已前件官為尉蓋有助云其考可書中

益都縣尉朱康濟考詞

官無大小因其能而使之則職無不舉也三齊多盜而益都青之劇縣前件官始以能捕盜得官今為尉於茲前後寇偷者發輒得之而未嘗亡一人豈非所謂因其能而職無不舉者耶然則其能也豈止為尉而已其考可書中

代祭提刑陸學士文

祭于故提刑陸君學士之靈早獵科第以才藻聞不堰于進積日以遷器其遠到莫始度量既伸既知為臺之選乃官書林乃刺于泉事為益著名能日香再試于外乃司邦刑攬轡所至訊獄有條符移之來墨蓋未乾曾不疾云而以計告善也殲殞其誰莫嗟子樂勿持室斂勿親樞客于道觀者忍耶麾符所繫手莫莫前矢意以言侑此肴觴尚饗

伐檀集下

魯伯祖康州使君與

魯祖給事俱

高祖朝散大夫之子

康州生

大史

太史嘗刻大孤山宿趙屯二詩跋云

先大夫平生刻意於詩語法類皆如此然世無知音小子不肖晚而學詩懼微言之或絕故刻諸星子灣以俟來哲今家藏伐檀集間多少作又厄於兵火之變是以傳本尚未見予世

紹興中我從兄吏部諱然將漕畿內嘗欲盡刻我先世諸書皆未果肇偶茲承乏於五十餘年之後謹以是集鋟而傳之非敢曰成我從兄之志而

太史微言或絕之懼尚幾不泯焉嘉定二年

秋九月望諸孫朝散郎直顯謨閣西浙路轉運判官肇謹書

曾伯祖康州使君伐檀集蓋平生著述之一僅存于煨燼中宇畫傳錄不無小誤屢加參攷復得館閣藏本更相訂正但古律詩間存參錯不敢以己意更定而雜文上下又多不以類相從意是作序之後續作或不專用歲月先後為次悉從其舊亦疑以傳疑之意云諸孫肇謹識

